











M. TULLII  
CICERONIS  
ORATIONUM

SELECTARUM,

QUARUM IN SCHOLIS EST FREQUENTIOR USUS, ET AD  
PRÆCEPTA TRADENDA FACILIOR STYLUS,

LIBER UNICUS.

Quibus singulis præfiximus Argumenta.

*Omniū Indicem proxima pagina dabit.*



PATAVII,

MDCCCLXIV.

SUPERIORUM PERMISSU.



## O R A T I O N E S

Ex Primo Tomo.

*Pro P. Quintio.**Pro Sex. Roscio Amerino.**Divinatio in C. Verrem.**Proœmium Prima Actionis in C. Verrem.*

Ex Secundo.

*Pro Lege Manilia.**Agraria ad Populum.**In L. Catilinam Prima.**In L. Catilinam Secunda.**Pro Archia Poeta.**Post reditum ad Quirites.**Post reditum in Senatu.**Pro domo sua ad Pontifices.**Pro Cn. Plancio.*

Ex Tertio.

*In L. Pisonem.**Pro T. Annio Milone.**Pro M. Marcello.**Pro Q. Ligario.**Pro Rege Dejotaro.**Philippica Secunda.**Philippica Tertia.*

# M. TULLII CICERONIS PRO P. QUINTIO ORATIO.

## ARGUMENTUM.

*Questio: An Sex. Nevius bona P. Quintii ex editto praetoris possederit. Actor, Nevius: Patronus Nevii, Hortensius. Reus, Quintius: Patronus Quintii, Cicero. Iudex, C. Aquilius; eique in consilio, L. Lucullus, P. Quinctilius, M. Marcellus. Acta est haec causa in Comizio, Anno U. C. 672. Ciceronis 26. lis, ut videtur, secundum Quintium data.*



UÆ res in civitate duæ plurimum possunt, eæ contra nos ambæ faciunt in hoc tempore, summa gratia, & eloquentia: quarum alteram, C. Aquilli, vereor; alteram metuo; eloquentia Q. Hortensii ne me in dicendo impediat, nonnihil commoveor: gratia Sex. Nevii ne P. Quintio noceat, id vero non mediocriter pertimesco; neque hoc tantopere querendum videretur, hæc summa in illis esse, si in nobis essent saltem mediocria; verum ita se res habet, ut ego, qui neque usu satis, & ingenio parum possum, cum patrono disertissimo comparer; P. Quintius, cui tenues opes, nullæ facultates, exiguæ amicorum copiae sunt, cum adversario gratiosissimo contendat. Illud quoque nobis accedit incommodum, quod M. Junius, qui hanc causam, Aquilli, aliquoties apud te egit, homo & in aliis causis exercitatus, & in hac multum, & sæpe versatus, hoc tempore abest, nova legatione impeditus, & ad me ventum est, qui, ut summa haberem cætera, temporis quidem certe vix satis habui, ut rem tantam, tot controversiis implicatam, possem cognoscere. Ita quod mihi consuevit in cæteris causis esse adjumento, id quoque in hac causa deficit; nam, quo minus ingenio possum, subsidio mihi diligentiam comparavi: quæ quanta sit, nisi tempus, & spatium datum fuit, intelligi non potest. Quæ quo plura sunt, C. Aquilli, eo te, & hos, qui in consilio adsunt, meliori mente nostra verba audire oportebit: ut multis incommodis veritas debilitata, tandem æquitate talium virorum recreetur. Quod si tu, iudex, nullo præsidio fuisse videbere contra vim, & gratiam solitudini, atque inopiæ; si apud hoc consilium ex opibus, non ex veritate causa pendetur: profecto nihil est jam sanctum, atque sincerum in civitatem; nihil, quod humilitatem cuiusquam gravitas, & virtus iudicis consoletur; certe aut apud te, & eos, qui tibi adsunt, veritas valebit, aut ex hoc

hoc loco repulsa vi, & gratia, locum, ubi consistat, reperire non poterit. Non eo dico, C. Aquilli, quo mihi veniat in dubium tua fides, & constantia; aut quo non in iis, quos tibi advocasti, viris electissimis civitatis, spem summam habere P. Quintius debeat. Quid ergo est? primum magnitudo periculi summo timore hominem afficit, quod uno iudicio de fortunis omnibus decernit: idque dum cogitat, non minus sæpe ei venit in mentem potestatis, quam æquitatis tuæ; propterea quod omnes, quorum in alterius manu vita posita est, sæpius illud cogitant, quid possit is, cujus in ditione, ac potestate sunt, quam, quid debeat facere. Deinde habet adversarium P. Quintius verbo Sex. Nævium, re vera huiusce ætatis homines disertissimos, fortissimos, ornatissimos nostræ civitatis, qui communi studio summis opibus Sex. Nævium defendunt: si id est defendere, cupiditati alterius obtemperare, quo is facilius, quem velit, iniquo iudicio opprimere possit; nam quid hoc iniquius, aut indignius, C. Aquilli, dici, aut commemorari potest, quam me, qui caput alterius, famam, fortunamque defendam, priore loco causam dicere? cum præsertim Q. Hortensius, qui hoc iudicio partem accusatoris obtinet, contra me sit dicturus? cui summam copiam, facultatemque dicendi natura largita est. Ita sit, ut ego, qui tela depellere, & vulneribus mederi debeam, tamen id facere cogar, cum etiam telum adversarius nullum jecerit: illis autem id tempus impugnandi detur, cum & vitandi illorum impetus potestas adempta nobis erit, & si qua in re, id quod parati sunt facere, falsum crimen, quasi venenatum aliquod telum, jecerint, medicinæ faciendæ locus non erit. Id accidit prætoris iniquitate, & injuria: primum, quod contra omnium consuetudinem iudicium prius de probro, quam de re, maluit fieri: deinde, quod ita constituit id ipsum iudicium, ut reus, antequam verbum accusatoris audisset, causam dicere cogeretur: quod eorum gratia, & potentia factum est, qui, quasi sua res, aut honos agatur, ita diligenter Sex. Nævii studio, & cupiditati morem gerunt, & in ejusmodi rebus opes suas experiantur, in quibus quo plus propter virtutem, nobilitatemque possunt, eo minus, quantum possint, debent ostendere. Cum tot, tantisque difficultatibus affectus, atque afflictus, in tuam, C. Aquilli, fidem, veritatem, misericordiam P. Quintius confugerit; cum adhuc ei propter vim adversariorum non jus par, non agendi potestas eadem, non magistratus æquus reperiri potuerit; cum ei summam per injuriam omnia inimica, atque infesta fuerint: te, C. Aquilli, vosque, qui in consilio adestis, orat, atque obsecrat, ut multis injuriis jactatam, atque agitatam æquitatem in hoc tandem loco consistere, & confirmari patiamini. Id quo facilius facere possitis, dabo operam, ut, a principio res quemadmodum gesta, & contracta sit, cognoscatis. C. Quintius fuit P. Quintii hujus frater, sane cæterarum rerum paterfamilias & prudens, & attentus, una in re paullo minus consideratus, qui societatem cum

Sex. Nævio fecerit; viro bono, verumtamen non ita instituto, ut jura societatis, & officia certi patrisfamilias nosse posset: non quo ei deesset ingenium (nam neque parum facetus scurra Sex. Nævius, neque inhumanus præco est unquam existimatus.) Quid ergo est? cum ei natura nihil melius, quam vocem, dedisset, pater nihil, præter libertatem, reliquisset; vocem in quæstum contulit: libertate usus est, quo impunius dicax esset. Quare, quod socium tibi cum vel es adungere, nihil erat; nisi ut in tua pecunia condisceret, qui pecuniæ fructus esset; tamen, inductus consuetudine, ac familiaritate Quintius, fecit, ut dixi, societatem earum rerum, quæ in Gallia comparabantur. Erat ei pecuaria res ampla, & rustica sane bene culta, & fructuosa; tollitur ab atriis Liciniis, atque a præconum confessu in Galliam Nævius, & trans alpes usque transfertur. Fit magna mutatio loci, non ingenii; nam, qui ab adolescentulo quæstum sibi instituisset sine impedio, posteaquam nescio quid impendit, & in commune contulit, mediocri quæstu contentus esse non poterat; nec mirum, si is, qui vocem venalem habuerat, ea, quæ voce quæstiverat, magno sibi quæstui fore putabat; itaque hercule haud mediocriter de communi, quidquid poterat, ad se in privatam domum sevocabat; qua in re ita diligens erat, quasi ii, qui magna fide societatem gererent, arbitrium pro socio condemnari solerent. Verum his de rebus non necesse habeo dicere ea, quæ me P. Quintius cupit commemorare; tametsi causa postulat: tamen, quia postulat, non flagitat, præteribo. Cum annos iam complures societas esset, & cum sæpe suspectus Quintio Nævius fuisset, neque ita commode posset rationem reddere earum rerum, quas libidine, non ratione gesserat; moritur in Gallia Quintius, cum adesset Nævius, & moritur repentino; hæredem testamento reliquit hunc P. Quintium; ut, ad quem summus moeror morte sua veniebat, ad eundem summus homines quoque perveniret. Quo mortuo, nec ita multo post, in Galliam proficiscitur Quintius, ibi cum isto Nævio familiariter vivit; annum fere una sunt, eum & de societate inter se multa communicarent, & de tota illa ratione, atque re Gallicana: neque interea verbum ullum interposuit Nævius, aut societatem sibi quippiam debere, aut privatim Quintium debuisse. Cum aeris alieni aliquantulum esset relictum, quibus nominibus pecuniam Romæ aurari oporteret; auctionem in Gallia P. hic Quintius Narbone se facturum esse proscribit earum rerum, quæ ipsius erant privatæ; ibi tum vir optimus Sex. Nævius hominem multis verbis deterret, ne auctoretur: eum non ita commode posse eo tempore, quæ proscripisset, vendere: Romæ sibi nummorum facultatem esse, quam, si sciret, communem existimaret pro fraterna illa necessitudine, & pro ipsius affinitate; nam P. Quintii consobrinam habet in matrimonio Nævius, & ex ea liberos. Quia, quod virum bonum facere oportebat, id loquebatur Nævius; credidit Quintius, eum, qui orationem bonorum imitaretur,

facta quoque imitaturum; auctionem velle facere desistit; Romam proficiscitur: decedit ex Gallia Romam simul Nævius. Cum pecuniam C. Quintius P. Scapulæ debuisset; per te, C. Aquilli, decedit P. Quintius, quod liberis ejus dissolveret. Hoc eo per te agebatur, quod propter ærariam rationem non satis erat in tabulis inspexisse, quantum deberetur, nisi a quæstoribus quæsisset quantum solveretur. Decidis, statisque tu propter necessitudinem, quæ tibi cum Scapulis est, quid ins ad denarium solveretur; hæc omnia Quintius agebat auctore, & consuasore Nævio; nec mirum, si ejus utebatur consilio, cujus auxilium sibi paratum putabat; non modo enim pollicitus erat in Gallia, sed Romæ quotidie, simulatque sibi hic annuisset, numeraturum se dicebat. Quintius porro istum posse facere videbat; debere, intelligebat: mentiri, quia causa, cur mentiretur, non erat, non putabat. Quasi domi nummos haberet, ita constituit Scapulis se daturum: Nævium certiores facit: rogat, ut e-ret, quod dixisset. Tum iste, vir optimus (vereor, ne se derideri putet, quod iterum jam dico, optimus) qui hunc in summas angustias adductum putaret; ut eum suis conditionibus in ipso articulo temporis adstringeret, aliam sese negat daturum, si prius de rebus, rationibusque societatis omnibus decideret, & scisset sibi cum Quintio controversiæ nihil futurum. Posterior, inquit, ista videbimus, Quintius: nunc hoc velim cures, si tibi videtur, quod dixisti. Negat se alia ratione facturum: quod promississet, non plus sua referre, quam si cum auctione venderet, domini iussu quippiam promississet. Destitutione illa percuttus Quintius, a Scapulis paucos dies aufert; in Galliam mittit, ut ea, quæ proscripterat, veniret; deteriore tempore absens auctionatur: Scapulis difficiliore conditione dissolvit; tunc appellat ultro Nævium; ut, quoniam suspicaretur aliqua de re fore controversiam, videret, ut quamprimum, & quam minima cum molestia tota res transigeretur. Dat iste amicum M. Trebellium: nos communem necessarium, qui istius domi erat educatus, & quo utebatur iste plurimum, propinquum nostrum, Sex. Alphenum. Res convenire nullo modo poterat: propterea quod hic mediocre macturam facere cupiebat, iste mediocri præda contentus non erat. Itaque ex eo tempore res esse in vadimonium cœpit; cum vadimonia sæpe dilata essent, & cum aliquantum temporis in ea re esset consumptum, neque quidquam profectum esset; venit ad vadimonium Nævius. Obsecro, C. Aquilli, vosque, qui adestis in consilio, ut diligenter attendatis, ut singulare genus fraudis, & novam rationem insidiarum cognoscere possitis. Ait se auctionatum esse in Gallia: quod sibi videretur, se vendidisse; curasse, nequid sibi societas deberet: se jam neque vadari amplius, neque vadimonium promittere: si quid agere secum vellet Quintius, non recusare. Hic cum rem Gallicanam cuperet revivere, hominem in præsentia non vadatur; ita sine vadimonio disceditur; deinde Romæ dies XXX. fere Quintius

commoratur; cum cæteris, quæ habebat, vadimonia differt, ut expeditus in Galliam proficisci posset; proficiscitur. Roma egreditur ante diem 11. Kal. Febr. Scipione, & Norbano cons. Quæso, ut eum diem memoriæ mandetis. L. Albius, Sex. filius, Quirina, vir bonus, & cum primis, honestus, una profectus est. Cum venissent ad Vada, Volaterrana quæ nominantur, vident per familiarem Nævii, qui ex Gallia pueros venales isti adducebat, L. Publicium, qui, ut Romam venit, narrat Nævio, quo in loco viderit Quintium; quod nisi ex Publicio narratum Nævio esset, non tam cito res in contentionem venisset; tum Nævius ipse pueros circum amicos dimittit: ipse suos necessarios ab atrii Liciniis, & a faucibus macelli corrogat, ut ad tabulam Sextiam sibi adsint hora secunda postridie; veniunt frequentes; testificatur iste, P. Quintium non fuisse, & se fuisse. Tabulæ maximæ signis hominum nobilium consignantur; disceditur; postulat a Burrieno prætor Nævius, ut ex edicto bona possidere liceat; iussit bona proscribi ejus, quicum familiaritas fuerat, societas erat, affinitas, liberis istius vivis, divelli nullo modo poterat. Quæ ex re intelligi facile potuit, nullum esse officium tam sanctum, atque solemne, quod non avaritia comminuere, atque violare soleat: etenim si veritate amicitia, fide societas, pietate propinquitas collitur; necesse est, iste, qui amicum, socium, affinem fama, ac fortunis spoliare conatus est, vanum se, & perfidiosum, & impium esse fateatur. L. bellus Sex. Alphenus, procurator P. Quintii, familiaris, & propinquus Sex. Nævii, dejicit: servulum unum, quem iste prehenderat, abducit: denunciat, sese procuratorem esse: istum æquum esse famæ, fortunisque P. Quintii consulere, & adventum ejus expectare; quod si facere nolit, atque imberbit ejusmodi rationibus illum ad suas conditiones perducere, sese nihil precari, & si quid agere velit, judicio defendere. Hæc dum Romæ geruntur, Quintius interea, contra jus & consuetudinem, edicto prætoris de saltu, agroque communi a servis communibus vi detruditur. Existima, C. Aquilli, modo, & ratione omnia Romæ Nævium fecisse, si hoc, quod per literas istius in Gallia gestum est, recte, atque ordine factum videtur. Expulsus, atque ejectus e prædio Quintius, accepta insigni injuria, confugit ad C. Flaccum imperatorem, qui tum erat in provincia: quem, ut ipsius dignitas poscit, honoris gratia nomino; is eam rem quam vehementer vindicandam putarit, ex decretis ejus poteritis cognoscere. Alphenus interea Romæ cum isto gladiatore vetulo quotidie pugnabat; utebatur populo sane suo, propterea quod iste caput petere non desinebat: iste postulat, ut procurator judicatum solvi fatisdaret; negat Alphenus æquum esse procuratorem fatisdare, quod reus fatisdare non deberet, si ipse adesset. Appellatur tribunus: a quibus cum esset certum auxilium petitum, ita tamen disceditur, ut idibus Sept. P. Quintium fisci



Sex. Alphenus promitteret. Venit Romam Quintius, vadium sumpsit; iste homo acerrimus, bonorum possessor, expulsor, ereptor, annum, & sex menses nihil petiit: quiescit: conditionibus hunc, quoad potest, producit: a Cn. Dolabella denique prætoris postulat, ut sibi Quintius iudicatum solvi satisdet, ex formula, quod ab eo petat, *cujus, ex edicto prætoris Romani bona dies XXX. possessa sint*; non recusabat Quintius, quin ita satisfacere juberet, si bona possessa essent ex edicto. Decernit: quam æquum, nihil dico: unum hoc dico, novum: & hoc ipsum tacuisse mallet; quoniam utrumque quivis intelligere potuisset. Jubet P. Quintium aut satisfacere, aut sponsonem cum Sex. Nævio facere si *bona sua ex edicto P. Burrieni prætoris dies XXX. possessa essent*. Recusabant, qui aderant tum Quintio: demonstrabant, de se iudicem fieri oportere; ut aut uterque inter se, aut neuter satisfaceret: non necesse esse famam alterius in iudicium venire. Clamabat porro ipse Quintius, sese idcirco nolle satisfacere, ne videretur iudicasse, bona sua ex edicto possessa esse: sponsonem porro si istiusmodi faceret, se, id quod nunc evenit, de capite suo priore loco causam esse dicturum. Dolabella (quemadmodum solent homines nobiles: seu recte, seu perperam facere comperunt, ita in utroque excellunt, ut nemo nostro loco natus assequi possit) injuriam facere fortissime perseverat; aut satisfacere, aut sponsonem jubet facere, & interea recusantes nostros advocatos acerrime submoveri. Conturbatus sane discedit Quintius: neque mirum, cui hæc optio tam misera, tamque iniqua daretur, ut aut ipse se capitis damnet, si satisfaceret, aut causam capitis, si sponsonem fecisset, priore loco diceret. Cum in altera re causæ nihil esset, quin secus iudicaret ipse de se, quod iudicium gravissimum est; in altera spes esset ad talem tamen virum iudicem veniendi, unde eo plus opis auferret, quo minus attulisset gratiæ, sponsonem facere maluit: fecit; te iudicem, C. Aquilli, sumpsit, ex sponso egit; in hoc summa iudicii, causaque tota consistit. Iudicium esse, C. Aquilli, non de re pecuniaria, sed de fama, fortunisque P. Quintii vides; cum majores ita constituerint, ut qui pro capite diceret, is posteriore loco diceret: nos, inaudita criminatione accusatorum, priore loco causam dicere intelligis; eos porro, qui defendere consueverunt, vides accusare, & ea ingenia converti ad perniciem, quæ antea versabantur in salute, atque auxilio ferendo. Illud etiam resisterat, quod hesterno die fecerunt, ut te in ius adducerent, ut nobis tempus, quamdiu diceremus, præstitueres; quam rem facile a prætore impetrassent, nisi tu, quod esset tuum ius, & officium, partesque, docuisses: neque nobis adhuc, præter te, quisquam fuit, ubi nostrum ius contra illos obtineremus: neque illis unquam satis fuit illud obtinere, quod probari omnibus posset: ita sine injuria potentiam levem, atque inopem esse arbitrantur. Verum, quoniam tibi instat Hortensius, ut

eas in consilium; a me postulat, ne dicendo tempus absumam; queritur, priore patrono causam defendente, nunquam perorari potuisse: non patiar istam manere suspicionem, nos rem judicari nolle; nec illud mihi arrogabo, me posse causam commodius demonstrare, quam antea demonstrata sit: neque tamen tam multa verba faciam: propterea quod & ab illo, qui ante dixit, informata jam causa est; & me, qui neque excogitare, neque pronunciare multa possum, brevitatis postulat, quam mihi metipsum amicissima est. Faciam, quod te sepe ammadveriti facere; Hortensi: totam causam meam dictionem certas in partes dividam, tu id semper facis, quia semper potes: ego in hac causa faciam, propterea quod in hac videor posse facere. Quod tibi natura dat, ut semper possis, id mihi causa dat, ut hodie possim; certos mihi fines, terminosque constituam; extra quod egredi non possum, si maxime velim: ut & mihi sit propositum, de quod dicam; & Hortensius habeat exposita, ad quae respondeat; & tu C. Aquilli, jam ante animo prospicere possis, quibus de rebus auditurus sis. Negamus, te bona P. Quintii, Sex. Navi, possedisse ex edicto praetoris; in eo sponsio facta est; ostendam primum, causam non fuisse, cur a praetore postulares, ut bona P. Quintii possideres: deinde, ex edicto te possidere non potuisse: postremo, non possedisse. Quaeso, C. Aquilli, vosque, qui estis in consilio, ut, quid pollicitus sim, diligenter memoriae mandetis; etenim rem facilius totam accipietis, si haec memineritis; & me facile vestra estimatione revocabitis, si extra hos cancellos egredi conabor, quos mihi ipse circumdedit. Nego fuisse causam, cur postulare: nego ex edicto possidere potuisse: nego possedisse: haec tria cum docuero, perorabo. Non fuit causa, cur postulare. Qui hoc intelligi potest? quia Sex. Navio neque ex societatis ratione, neque privatim quidquam debuit Quintius; quis huic rei testis est? idem, qui acerrimus adversarius. In hac re te, te, inquam, testem, Navi, citabo. Annum, & eo diutius post mortem C. Quintii fuit in Gallia tecum simul Quintius, doce, te petiisse ab eo istam nescio quam innumerabilem pecuniam; doce, aliquando mentionem fecisse; dixisse deberi: debuisse concedam. Moritur C. Quintius, qui tibi, ut ais, certis nominibus grandem pecuniam debuit; heres ejus Quintius in Galliam ad te ipsum venit in agrum communem, eo denique, ubi non modo res erat, sed ratio quoque omnis, & omnes litterae. Quis tam dissolutus in se familiari fuisset, quis tam negligens, quis tam tui, Sexte, dissimilis, qui cum res ab eo, quicum contraxisset, recessisset, & ad heredem pervenisset, non heredem, cum primum vidisset, certiores faceret? appellaret? rationem afferret? si quid in controversiam veniret, aut intra parietes, aut summo jure experiretur? ita ne? quod viri optimi faciunt, si qui suos propinquos, ac necessarios caros, & honestos esse, atque haberi volunt; id

Sex. Nævius non faceret? qui usque eo fervet, ferturque avaritia, ut de suis commodis nolit aliquam partem amittere; ne quam partem huic propinquo suo ullius ornamentum relinquat; & is pecuniam, si qua deberetur, non peteret, qui, quia, quod debitum nunquam est, id datum non est, non pecuniam modo, verum etiam hominis propinqui sanguinem, vitamque eripere conatur? Huic tu molestus esse videlicet noluisti, quem nunc respirare libere non sinis: quem nunc interficere nefarie cupis, cum tum pudenter appellare volebas. Ita credo, hominem propinquum, tui observantem, virum bonum, pudentem, majorem natu, volebas, aut non audebas appellare; sæpe, ut fit, cum ipse te confirmasses, cum statuisset de pecunia mentionem facere, cum paratus, meditatusque venisses, homo timidus, virginali verecundia, subito ipse te retinebas; excidebat repente oratio; cum cuperes appellare, non audebas, ne invitus audiret: id erat profecto; credamus hoc, Sex. Nævium, cujus caput oppugnet, ejus auribus pepercisse. Si debuisset, Sexte, petisses statim; si non statim, paulo quidem post; si non paulo, at aliquando; sex quidem illis mensibus profecto; anno vertente sine controversia; anno, & sex mensibus vero, cum tibi quotidie potestas hominis fuisset admonendi, verbum nullum facis: biennio jam confecto sere appellas. Quis tam perditus, ac profusus nepos, non adesa jam, sed abundanti pecunia, sic dissolutus fuisset, ut fuit Sex. Nævius? Cum hominem nomino, satis mihi videor dicere. Debit tibi C. Quintius: nunquam petisti; mortuus est ille: res ad heredem venit; cum eum quotidie videres, post biennium denique appellas: dubitabitur, utrum sit probabilius, Sex. Nævium statim, si quid deberetur, petiturum fuisse, an ne appellaturum, quidem biennio? Appellandi tempus non erat? at tecum anno plus vixit. In Gallia agi non potuit? at & in provincia jus dicebatur; & Romæ judicia fiebant. Restat, ut aut summa negligentia tibi obstiterit, aut unica liberalitas; si negligentiam dices, mirabimur: si bonitatem, ridebimus: neque præterea quid possis dicere, invenio. Satis est argumenti nihil esse debitum Nævio, quod tamdiu nihil petivit; quid, si hoc ipsum, quod nunc facit, ostendo testimonio esse, nihil deberi? Quid enim nunc agit Sex. Nævius? qua de re controversia est? quod est hoc judicium, in quo jam biennium versamur? quid negotii geritur, in quo ille tot, & tales viros defatigat? Pecuniam petit; nunc denique? verumtamen petit: ad amur. De rationibus, & controversiis societatis vult dijudicari; fero, verum aliquando tamen concedamus. Non, inquit id ago, C. Aquili, neque in eo nunc laboro; pecunia mea tot annos utitur P. Quintius; utatur sane; non peto. Quid igitur pugnas? an quod sæpe multis in locis dixisti, ne in civitate sit? ne locum suum, quem adhuc honestissime defendit, obtineat? ne numeretur inter vivos? deseruat de vita, & ornamentis suis omnibus? apud

judicem causam priore loco dicat ; & eam cum perorarit , tum denique vocem accusatoris audiat ? Quid ? hoc quo pertinet ? ut ocyus ad tuum pervenias ? at , si id velles , jam pridem actum esse poterat . Ut honestiorem judicio consistere ? at sine summo scelere P. Quintium , propinquum tuum , jugulare non potes . Ut facilius judicium sit ? at neque C. Aquillius de capite alterius libenter judicat ; & Q. Hortensius contra caput non didicit dicere . Quid a nobis autem , C. Aquilli , refertur ? pecuniam petit : negamus deberi ; judicium fiat statim : non recusamus ; numquid præterea ? si veretur , ut res , judicio facto , parata sit ; judicatum solvi satis accipiat : quibus a me verbis satis accipiet , iisdem ipse , quod peto , satisset . Actum jam potest esse , C. Aquilli : jam tu potes discedere liberatus molestia , prope dicam , non minore , quam Quintius . Quid agimus , Hortensi ? quid de hac conditione dicimus ? possumus aliquando , depositis armis , sine periculo fortunarum , de re pecuniaria disceptare ? possumus iterum nostram persequi , ut hominis propinqui caput incolumem esse patiamur ? possumus petitoris personam capere , accusatoris deponere ? Imo , inquit , abs te satis accipiam ; ego autem tibi non satisdabo . Quis tandem nobis ista juratam æqua describit ? quis hoc statuit , quod æquum sit in Quintium , id iniquum esse in Nævium ? Quintii bona , inquit , ex edicto prætoris possessa sunt . Ergo , id ut confitear , postulas : ut quod nunquam factum esse judicio defendimus , id perinde quasi factum sit , nostro judicio confirmemus . Inveniri ratio , C. Aquilli , non potest , ut ad suum quisque quamprimum sine cujuscquam dedecore , infamia , perniciæque perveniat ? Profecto , si quid deberetur , peteret , non omnia judicia fieri mallet , quam unum illud , unde hæc omnia nascuntur . Qui inter tot annos ne appellavit quidem Quintium , cum potestas esset agendi quotidie ; qui , quo tempore primum male agere coepit , in vadimoniis differendis tempus omne consumpserit ; qui postea vadimonium missum fecerit , hunc per insidias vi de agro communi dejecerit ; qui , cum de re agendi , nullo recusante , potestas fuisset , sponsonem de probro facere maluerit ; qui , cum revocetur ad id judicium , unde hæc nata sunt omnia , conditionem æquisimam repudiet , fateatur , se non pecuniam sed vitam , & sanguinem petere ; is non hoc palam dicit ? mihi si quid deberetur , peterem , atque adeo jam pridem abstulissem . Nihil hoc tanto negotio , nihil tam invidioso judicio nihil tam copiosa advocacy uterem , si petendum esset : extorquendum esse invito , atque ingratis , quod non debet ; eripiendum , atque exprimendum est : de fortunis omnibus P. Quintius deturbandus est : potentes , disertis , nobiles omnes advocandi sunt : adhibenda vis est veritati ; minæ jactentur ; pericula intendantur ; formidines opponantur , ut his rebus aliquando victus , & perterritus ipse cedat ; quæ mehercule omnia , cum , qui contra pugnent , video , & cum illum confectum considero , adesse , atque impendere

dere videntur, neque vitari ullo modo posse; cum autem ad te, C. Aquilli, oculos, animumque retuli; quo majore conatu, studioque aguntur, eo leviora, infirmioraque existimo. Nihil igitur debui, ut tu ipse prædicas. Quid, si debuisset? continuo ne causa fuisset, cur a prætore postulares, ut bona possideres? non opinor id quidem neque jus esse, neque cuiquam expedire. Quid igitur demonstrat? vadimonium sibi ais esse desertum; antequam doceo id factum non esse, libet mihi, C. Aquilli, ex officii ratione, atque ex omnium consuetudine rem ipsam, & factum simul Sex. Nævii considerare. Ad vadimonium non venerant, ut ais, is, quicum tibi, affinitas, societas, omnes denique causæ, & necessitudines veteres intercedebant; illico ne ad prætorem ire convenit? continuo ne verum fuit postulare, ut ex edicto bona possidere liceret? ad hæc extrema, & inimicissima jura tam cupide decurrerebas, ut tibi nihil in posterum, quod gravius, atque crudelius facere posses, reservares? Nam quid homini potest turpius, quid viro miserius, aut acerbius insuvenire? quod tantum evenire dedecus? quæ tanta calamitas inveniri potest? Pecuniam si cuiquam fortuna attingit, aut si alicujus eripuit injuria, tamen, dum existimatio est integra, facile consolatur honestas egestatem; at non nemo aut ignominia affectus, aut judicio turpi convictus, bonis quidem suis utitur, alterius opes, id quod miserrimum est, non expectat; hoc tamen in miseris adjumento, & solatio sublevatur. Cujus vero bona venierunt; cujus non modo illæ amplissimæ fortunæ, sed etiam victus, vestitusque necessarius sub præcone cum dedecore subjectus est: is non modo ex numero virorum exturbatur, sed, si fieri potest, infra etiam mortuos amandatur; etenim mors honesta sæpe vitam quoque turpem exornat: vita turpis ne morti quidem honestæ locum relinquit. Ergo hercule cujus bona ex edicto possidentur, hujus omnis fama, & existimatio cum bonis simul possidetur: de quo libelli in celeberrimis locis proponuntur, huic ne perire quidem certe tacite, obscuræque conceditur: cui magistri fiunt, & domini constituuntur, qui quæ lege, & quæ conditione pereat, pronunciant; de quo homine præconis vox prædicat, & pretium conficit, hoc acerbissimum vivo, videntique funus ducitur; si funus id habendum sit, quo non amici conveniunt ad exequias cohonestandas, sed bonorum emptores, ut carnifices, ad reliquias vitæ laocerandas, & distrahendas. Itaque majores nostri raro id accidere voluerunt; prætores, ut considerate fieret, comparaverunt; viri boni, cum palam fraudantur, cum experiendi potestas non est, timide tamen & pedetentim istuc descendunt, vi, ac necessitate coacti, inviti, multis vadimoniis desertis, sæpe illusi, ac destituti. Considerant enim, quid, & quantum sit, alterius bona proscribere; jugulare civem ne jure quidem quisquam bonus vult; mavult enim commemorare, se, cum posset perdere, pepercisisse, quam, cum parcere poterit

tuerit, perdidisse. Hæc in homines alienissimos, denique inimicissimos viri boni faciunt, & hominum existimationis, & communis humanitatis causa; ut cum ipsi nihil alteri scientes incommodarint, nihil ipsis jure incommodi cade e possit. Ad vadimonium non venit: quis? propinquus; si res ista gravissima sua sponte videretur, tamen ejus atrocitas necessitudinis nomine levaretur. Ad vadimonium non venit: quis? socius; etiam gravius aliquid ei deberes concedere, quicum te aut voluntas congregasset, aut fortuna conjunxisset. Ad vadimonium non venit? quis? is, qui tibi præsto semper fuit; ergo in eum, qui semel hoc commisit, ut tibi præsto non esset omnia tela coniecisti, quæ passata sunt in eos, qui per multa male agendi causa fraudandique fecerunt? Si dupondius tuus ageretur, Sex. Nævi, si in parvula re captionis aliquid videretur, non statim ad C. Aquillium, aut ad eorum aliquem, qui consuluntur, concurrisses? cum jus amicitiae, societatis, affinitatis ageretur; cum officii rationem, atque existimationis duci conveniret; eo tempore tu non modo C. Aquillium, aut L. Lucullum, sed ne ipse quidem te consulisti, sed ne ipse quidem ad te retulisti; ne hæc quidem tecum losutus es: horæ duæ fuerunt. Quintius ad vadimonium non venit: quid ago? si mehercule hæc tecum duo verba fecisses, quid ago? respirasset cupiditas, atque avaritia paullulum; aliquid loci rationi, & consilio dedisses; tu te collegisses: non in eam turpitudinem venisses, ut hoc tibi esset apud tales viros confitendum, qua tibi vadimonium non sit obitum, eadem te hora consilium cepisse hominis propinqui fortunas funditus evertere. Ego pro te nunc hoc consulo post tempus in aliqua re, quod tu in tua re cum tempus erat, consulere oblitus es; quæro abs te, C. Aquilli, L. Luculle, P. Quintili, M. Marcelle, vadimonium mihi non obiit quidam socius, & affinis meus, qui cum mihi necessitudo vetus, controversia de re pecuniaria recens intercedit; posulo ne a prætore, ut ejus bona mihi possidere liceat? an, cum Romæ domus ejus, uxor, liberi sint, domum potius denunciem? quid est, quod hæc tandem de re vobis possit videri? profecto, si recte vestram bonitatem, atque prudentiam cognovi, non multum me fallit, si consulamini, quid sitis responsuri: primum, expectare; deinde, & latitare, ac diutius ludificare videantur, amicos convenire; quærere, quis procurator sit: domum denunciare; dici vix potest, quam multa sint, quæ respondeatis ante fieri oportere, quam ad hanc rationem extremam necessariam devenire. Quid ad hæc Nævius? ridet scilicet nostram amentiam, qui in vita sua rationem summi officii desideremus, & instituta bonorum virorum requiramus: quid mihi, inquit, cum ista summa sanctimonia, ac diligentia? Viderint ista officia viri boni: de me autem ita confiderent: non, quid habeam, sed quibus rebus invenerim, quærant: & quemadmodum natus, & quo pacto educatus sim, memini; vetus est, de scurra multo facilius divitem, quam

quam patremfamilias fieri posse. Hæc ille si verbis non audet, re quidem vera palam loquitur; etenim si vult viro-  
rum bonorum instituto vivere, multa oportet discat, at-  
que deducat: quorum illi ætati utrumque difficile est. Non  
dubitavi, inquit, cum vadimonium desertum esset, bona  
proscribere; improbe: verum, quoniam tu id tibi arrogas,  
& concedi postulas, concedamus; quid, si nunquam dese-  
ruit? si ista causa abs te tota per summam fraudem, &  
malitiam ficta est? si vadimonium omnino tibi cum P.  
Quintio nullum fuit? quo te nomine appellemus? impro-  
bum? at, etiamsi desertum vadimonium esset, tamen in  
ista postulatione, & proscriptione bonorum improbissimus  
reperiebatur; num malitiosum? negas; fraudulentum? ja n  
id quidem arrogas tibi, & præclarum putas; audacem?  
cupidum? perfidiosum? vulgaria, & obsoleta sunt; res au-  
tem nova, & inaudita; quid ergo est? vereor mehercule,  
ne aut gravioribus utar verbis, quam natura fert, aut le-  
vioribus, quam causa postulat. Ais esse vadimonium des-  
ertum. Quæsit a te statim, ut Romam rediit, Quin-  
tius, quo die vadimonium istuc factum esse diceret; re-  
spondisti statim, Nonis Febr. Discedens in memoriam  
rediit Quintius, quo die Roma in Galliam profectus sit,  
ad ephemeridem revertitur; invenitur dies professionis,  
pridie Kal. Febr. Nonis Febr. si Romæ fuit causæ nihil  
dicimus, quin tibi vadimonium promiserit. Quid? hoc  
inveniri qui potest? profectus una L. Albius, homo in-  
primis honestus: dicet testimonium; profecti sunt familia-  
res & Albi, & Quintii: dicant hi quoque testimonium.  
Litteræ P. Quintii, testes tot, quibus omnibus causa ju-  
stissima est, cur scire potuerint, nulla cur mentiantur,  
cum ad stipulatorem tuo comparabuntur. Et in hac ejusmo-  
di causa P. Quintius laborabit? & diutius in tanto metu  
miser, periculoque versabitur? & vehementius eum gratia  
adversarii perterrebit, quam fides judicis consolabitur? vi-  
xit enim semper incutæ, atque horridæ: natura tristi, ac-  
resondata fuit; non ad solatium, non in campo, non in  
conviviis versatus est; id egit, ut amicos observantia,  
rem parsimonia retineret; antiquam officii rationem dile-  
xit, cujus spleador omnis his moribus obsolevit. At si in  
causa pari discedere inferior videbatur, tamen esset non  
mediocriter conquerendum: nunc in causa superiore, ne  
ut par quidem sit, postulat; inferiorem se esse patitur,  
duntaxat usque eo, ne cum bonis, fama, fortunisque om-  
nibus Sex. Næv. cupiditati, crudelitatiue dedatur. Do-  
cui, quod primum pollicitus sum, C. Aquilli, causam om-  
nino, cur postularet, non fuisse, quod, neque pecunia  
debeatur; & si maxime deberetur, commissum nihil  
esset, quare ad istam rationem perveniretur; attende nunc,  
ex edicto prætoris bona P. Quintii possideri nullo modo  
potuisse; recita edictum. QUI FRAUDATIONIS CAUS-  
SA LATITARIT. Non est is Quintius; nisi si latitant,  
qui ad negotium suum, relicto procuratore, proficiscun-  
tur.

tur . CUI HÆRES NON EXTABIT ; ne is quidem .  
QUI EXILII CAUSSA SOLUM VERTERIT .



quo tempore existimas oportuisse , Nævi , absentem Quintium defendi ? aut quo modo ? tum , cum postulabas , ut bona possideres ? nemo affuit : neque enim quisquam divinare poterat te postulaturum : neque quemquam attinebat id recusare , quod prætor non fieri , sed fieri ex edicto suo jubeat : qui locus igitur absentis defendendi procuratori primus datus est ? cum proscribebas ? ergo affuit ; non passus est ; libellos dejecit Sex. Alphenus ; qui primus erat officii gradus , servatus est a procuratore summa cum diligentia . Videamus , quæ deinde sint consecuta . Hominem P. Quintii deprehendis in publico , conaris abducere : non patitur Alphenus , vi tibi adimit , curat , ut domum reducat ad Quintium ; hic quoque summe constat procuratoris diligentis officium . Debere tibi dicis Quintium : procurator negat ; vadari vis ; promittit ; in jus vocas ; sequitur ; judicium postulas ; non recusat . Quid aliud sit absentem defendi , ego non intelligo . At quis erat procurator ? credo aliquem ejectum hominem , egentem , litigiosum , improbum , qui posset scurræ divitis quotidianum concivium sustinere ; nihil minus . Eques R. locuples , sui negotii bene gerens , denique is , quem , quoties Nævius in Galliam profectus est , procuratorem Romæ reliquit ; & audes , Sex. Nævi , negare absentem defensum esse Quintium , cum eum defenderit idem , qui te solebat ? & cum is judicium acceperit pro Quintio , cur tu & rem , & famam tuam commendare proficiscens , & concedere solebas , conaris hoc dicere , neminem extitisse , qui Quintium judicio defenderet ? Postulabam , inquit , ut satisfaceret ; injuria postulabas ; ita jubebare ; recusabat Alphenus ; ita : verum prætor decernebat ; tribuni igitur appellabantur . Hic te , inquit , teneo : non est istud judicium pati , neque judicio defendere , cum auxilium a tribunis petas . Hoc ego , cum attendo , qua prudentia sit Hortensius , dicturum esse eum non arbitror : cum autem antea dixisse audio , & causam ipsam considero , quid aliud dicere possit , non reperio . Fatetur enim libellos Alphenum dejecisse ; vadimonium promississe ; judicium quin acciperet in ea ipsa verba , quæ Nævius edebat , non recusasse , ita tamen , more & instituto , per eum magistratum , qui auxilii causa constitutus est . Aut hæc facta non sint , necesse est ; aut C. Aquilius , talis vir , juratus , hoc ius in civitate constituat ; cujus procurator non omnia judicia acceperit , quæ quisque in verba postularit ; cujus procurator a prætore tribunos appellare ausus sit , eum non descendi ; ejus bona recte possideri posse : ei misero , absentem , ignaro omnia fortunarum suarum , omnia vitæ ornamenta per summum dedecus , & ignominiam diripi



diripi convenire; quod si probari nemini potest; illud certe probari omnibus necesse est, defensum esse iudicio absentem Quintium. Quod cum ita est, ex edicto bona possessa non sunt. At enim tribuni pl. ne audierunt quidem. Fateor, si ita est, procuratorem decreto prætoris oportuisse parere; quid, si M. Brutus intercessurum se dixit palam, nisi quid inter ipsum Alphenum, & Nævium conveniret? videtur ne intercessisse appellatio tribunorum non more, sed auxilii causa? quid deinde sit? Alphenus, ut omnes intelligere possent, iudicio defendi Quintium, ne qua subesse posset aliena aut ipsius officio, aut huius existimatione suspicio, viros bonos complures advocati: testatur isto audiente, se pro communi necessitudine id primum petere, ne quid atrocius in P. Quintium absentem sine causa facere conetur: sin autem inimicissime, atque infestissime contendere perseveret, se paratum esse omni recta, atque honesta ratione defendere, quod petat, non deberi: se iudicium id, quod edat, accipere. Ejus rei, conditionisque tabellæ obsignaverunt viri boni complures: res in dubium venire non potest; sit; rebus omnibus integris, neque proscriptis, neque possessis bonis, ut Alphenus promittat Nævio fisci Quintium. Venit ad vadimonium Quintius; Jacet res in controversiis, isto calumniante, biennium, usque dum inveniretur, qua ratione res ab usitata consuetudine recederet, & in hoc singulare iudicium causa omnis concluderetur. Quod officium, C. Aquilli, commemorari procuratoris potest, quod ab Alphenio præteritum esse videatur? quid assertur, quare P. Quintius absens negetur esse defensus? an verò id, quod Hortensium, quia nuper iniecit, & quia Nævius semper id clamat, dicturum arbitror, non fuisse Nævio parem certationem um Alphenio, illo tempore, illis dominantibus? quod si velim confiteri; illud, opinor, concedent, non procuratorem P. Quintii neminem fuisse, sed gratiosum fuisse; mihi autem ad vincendum satis est, fuisse procuratorem, quicum experiri posset. Qualis is fuerit, si modo absentem defendebat per ius, & magistratum, nihil ad rem arbitror pertinere. Erat, inquit, illarum partium; quid ni? qui apud te esset educatus: quem tu a puero sic instituisses, ut nobili ne gladiatori quidem cederet; sicut tu semper summe concupisti, idem volebat Alphenus: ea re tibi cum eo par contentio erat. Bruti, inquit, erat familiaris: itaque is intercedebat: tu contra Burrieni, qui injuriam decernebat: omnium denique illorum, qui tum & poterant per vim, & scelus plurimum, & quod poterant, id audebant. An omnes tu istos vincere volebas, qui nunc, tu ut vincas, tantopere laborant? aude id dicere, non palam, sed his ipsis, quos advocasti; tamen nolo eam rem commemorando renovare, cujus omnino rei memoriam omnem tolli funditus, ac deleri arbitror oportere: unum illud dico, si propter partium studium potens erat Al-

phenus, potentissimus Nævius; si frater gratia postulabat aliquid iniquius Alphenus, multo iniquiora Nævius impetrabat; neque enim inter studium vestrum quidquam, ut opinor, interfuit. Ingenio, vetustate, artificio tu facile vicisti; ut alia omittam, hoc satis est. Alphenus cum iis, & propter eos periit, quos diligebat; tu, postquam, qui tibi erant amici, non poterant vincere, ut amici tibi essent, qui vincebant, effecisti; quod si tum par tibi jus cum Alphenis fuisse non putas, quia tamen aliquem contra te advocare poterat; quia magistratus aliquis reperiebatur, apud quem Alpheni causa consisteret: quid hoc tempore Quintio statuendum est? cui neque magistratus adhuc æquus inventus est; neque judicium redditum est usitatum; non conditio, non sponsio, non denique ulla unquam intercessit postulatio, mitto æqua, verum ante hoc tempus ne fando quidem audita. De re pecuniaria cupio conendere: non licet; at ea controversia est: nihil ad me attinet: causam capitis dicas, oportet; accusa: ubi ita necesse est: non, inquit, nisi tu ante, novo modo, priore loco dixeris; dicendum necessario est; præstituendæ horæ ad arbitrium nostrum: iudex ipse arceatur. Quid tum? tu aliquem patronum invenies, hominem antiqui officii, qui splendorem nostrum, & gratiam negligat, pro me pugnabit L. Philippus, eloquentia, gravitate, honore florentissimus civitatis: dicet Hortensius; excellens ingenio, nobilitate, existimatione: aderunt autem homines nobilissimi, ac potentissimi, quorum frequentiam, & consessum non modo P. Quintius, qui de capite decernit, sed quivis, qui extra periculum sit, perhorrescat: hæc est iniqua certatio, non illa, qua tu contra Alphenum velitabaris: huic, ne ubi consisteret quidem contra te, locum reliquisti. Quare aut doceas oportet, Alphenum negasse se procuratorem esse, non deiecisse libellos, iudicium accipere noluisse; aut cum hæc ita facta sint, ex edicto bona P. Quintii non posse habere concedas; etenim, si ex edicto posse habuisti, quero, cur bona non venierint? cur cæteri sponsores, & creditores non convenerint? nemo ne fuit, cui deberet Quintius? fuerunt, & complures fuerunt: propterea quod Cajus frater aliquantum aeris alieni reliquerat; quid ergo est? homines erant ab hoc omnes alienissimi, & iis debebatur: neque tamen quicumquam inventus est tam insigniter improbus, qui violare P. Quintii existimationem absentis auderet; unus fuit affinis, socius, necessarius, Sex. Nævius, qui cum ipse ultro deberet, quasi eximio præmio sceleris exposito, cupidissime contenderet, ut per se afflictum, atque eversum propinquum suum non modo honeste partis bonis, verum etiam communi luce privaret. Ubi erant cæteri creditores? denique hoc tempore ubi sunt? quis est, qui fraudationis causa latuisse dicat? quis, qui absentem defensum neget esse Quintium? nemo invenitur. At contra omnes, quibuscum ratio huic aut est, aut fuit, ad-

sunt,

sunt, defendant: fides hujus, multis locis cognita, ne perfidia Sex. Nævii derogetur, laborant. In hujusmodi sponsonem testes dare oportebat, ex eo numero, qui hæc dicerent: vadimonium mihi deseruit; me fraudavit; a me nominis ejus, quod inficiatus esset, diem petivit; ego experiri non potui; latitavit, procuratorem nullum reliquit; horum nihil dicitur; parantur testes, qui hæc dicant. Verum, opinor, viderimus, cum dixerint; unum tamen hoc cogitent, ita se graves esse, ut, si veritatem volent retinere, gravitatem possint obtinere, si eam negligent, ita leves sint, ut omnes intelligant, non ad obtinendum mendacium, sed ad verum probandum auctoritatem adjuvare. Ego hæc duo quæro: primum, qua ratione Nævius susceptum negotium non transegerit, hoc est, cur bona, quæ ex edicto possidebat, non vendiderit; deinde cur ex tot creditoribus aliis ad istam ratonem nemo accesserit: ut necessario, confiteare, neque eorum tam temerarium quemquam fuisse, neque te ipsum id, quod turpissime suscepisses, perserverare, & transigere potuisse. Quid, si tu ipse, Sex Nævi, statuisti bona P. Quintii ex edicto posse non esse? opinor, tuum testimonium, quod in aliena re leve esset, id in tua, quoniam contra te est, gravissimum debet esse; emisti bona Sex. Alpheni, L. Sulla dictatore vendente: socium tibi in his bonis edidisti Quintium. Plura non dico; cum eo tu voluntariam societatem coibas, qui te in hereditaria societate fraudaret? & cum judicio tuo comprobabas, quem spoliatum fama, fortunisque omnibus arbitrare? Diffidebam mehercule, C. Aquilli, satis animo certo, & confirmato me posse in hac causa consistere: sic cogitabam, cum contra dicturus esset Hortensius, & cum esset attente auditurus Philippus, fore, uti permultis in rebus timore prolaberer. Dicebam huic Q. Roscio, ejus foror est cum P. Quintio, cum a me peteret, & summe contenderet, ut propinquum suum defenderem, mihi perdifficile esse, contra tales oratores non modo tantam causam perorare, sed omnino verbum facere conari. Cum cupidius instaret, homini pro amicitia familiaris dixi, mihi videri ore durissimo esse, qui præsentem eo gestum agere conaretur; qui vero cum ipso contenderent, eos, etiam si quid antea recti aut venusti habere visum sunt, id amittere: ne quid mihi ejusmodi accideret, cum contra talem artificem dicturus essem, me vereri. Tum mihi Roscius & alia multa, confirmandi mei causa, dixit: & mehercule, si nihil diceret, tacito ipso officio, & studio, quod adhibebat erga propinquum suum, quemvis commoveret. Etenim, cum artifex ejusmodi sit, ut solus dignus videatur esse, qui in scena spectetur; tum vir ejusmodi est, ut solus dignus videatur, qui eo non accedat. Veruntamen, quid si, inquit, habes ejusmodi causam, ut hoc tibi planum sit faciendum, neminem esse, qui possit biduo, ad summum triduo DCC. millia passuum ambulare? tamen ne vereris, ut possis hæc contra Hortensium

nam contendere? minime, inquam; sed quid id ad rem? nimium, inquit: in eo causa consistit; quo modo? docet me ejusmodi rem, & factum simul Sex. Nævii, quod si solum proferretur, satis esse deberet. Quod abs te, G. Aquilli, & a vobis, qui adestis in consilio, quaeso, ut diligenter attendatis; profecto intelligetis, illinc ab initio cupiditatem pugnas, & audaciam; hinc veritatem, & pudorem; quoad potuerit, restitisse. Bona postulas, ut ex edicto possidere liceat; quo die? te ipsum, Nævi, volo audire: volo inauditum facinus ipsius, qui id commisit, voce conviaci; dic, Nævi, diem; ante V. Kal. intercalares; Bene agis; quam longe est hinc in saltum vestrum Gallicanum? Nævi, te rogo. DCC. millia passuum; optime; de saltu deiecitur Quintius; quo die? possumus hoc quoque ex te audire? quid taces? dic, inquam, diem; pudet dicere: intelligo; verum & fero, & nequidquam pudet; deiecitur de saltu, C. Aquilli, pridie Kal. intercalares; biduo post, aut statim de jure aliquis cucurrerit, non toto triduo DCC. millia passuum conficiuntur. O rem incredibilem! o cupiditatem inconsideratam! o nuncium volucrum? administri, & satellites Sex. Nævii Romæ trans alpes in Sebusianos biduo veniunt. O hominem fortunatum, qui ejusmodi nuncios, seu potius Pegasos habeat! Hic ego, si Crassi omnes cum Antoniis existant; si tu L. Philippe, qui inter illos florebas, hanc causam voles cum Hortensio dicere; tamen superior sim necesse est. Non enim, quemadmodum putatis, omnia sunt in eloquentia: est quædam tamen ita perspicua veritas, ut eam infirmare nulla res possit. An, antequam postulasti, ut bona possideres, misisti, qui curarent, ut dominus de suo fundo a sua familia videretur? utrumlibet elige; alterum incredibile est, alterum nefarium, & ante hoc tempus utrumque inauditum. DCC. millia passuum vis esse decursa biduo? dic; neas? ante igitur misisti; malo; si enim illud diceres, improbe mentiri viderere: cum hoc confiteris, id te admisisse concedis, quod ne mendacio quidem tegere possis. Hoc consilium Aquillio, & talibus viris, tam cupidum, tam audax, tam temerarium, probabitur? Quid hæc amentia? quid hæc festinatio? quid hæc immaturitas tanta significat? non vim? non scelus? non latrocinium? non denique omnia potius, quam jus, quam officium, quam pudorem? mittis injussu prætoris; quo consilio? jussurum sciebas? quid? cum jussisset, tum mittere non poteras? postulaturus eras; quando? post dies xxx. nempe, si te nihil impediret; si voluntas eadem maneret; si valeres; denique si viveres. Prætor jussisset; opinor, si vellet; si valeret; si jus diceret; si nemo recusaret, qui ex ipsius decreto & satisdaret, & judicium accipere vellet. Nam per deos immortales, si Alphenus, procurator P. Quintii tibi tum satisdaret; & judicium accipere vellet, denique omnia, quæ postulares, facere voluisset, quid ageres? revocares eum, quem in Galliam miseris? At hic quidem jam de fundo expulsus,

fus, jam a suis diis penatibus præceptus eiectus, jam, quod indignissimum est, suorum fervorum manibus, nuncio, atque imperio tuo, violatus esset; corrigeres hæc scilicet tu postea. De cujusquam vita dicere audes, qui hoc concedas necesse est, ita te cæcum cupiditate, & avaritia fuisse, ut, cum postea quid futurum esset, ignorares. (Accidere autem multa possent) spem malefici præsentis in incerto reliqui temporis eventu collocares? Atque hæc perinde loquor, quasi ipso illo tempore, cum te prætor jussisset ex edicto possidere, si in possessionem misisses, debueris, aut potueris P. Quintium de possessione deturbare. Omnia sunt, C. Aquilli, ejusmodi, quavis ut perspicere possit, in hac causa improbitatem, & gratiam dum possidere jussit? opinor ex edicto. Sponsio quæ in verba facta est? si ex edicto prætoris bona P. Quintii possessa non sint. Redeamus ad edictum. Id quemadmodum jubet possidere? numquid est causa, C. Aquilli, quin, si longe aliter possedit, quam prætor edixit, iste ex edicto non possederit, ego sponsione vicerim? nihil opinor; cognoscamus edictum: QUI EX EDICTO MEO IN POSSESSIONEM VENERIT. De te loquitur, Nævi, quemadmodum tu putas; ais enim, te ex edicto venisse: tibi, quid facias, definit, te instituit; tibi præcepta dat. EOS ITA VIDETUR IN POSSESSIONE ESSE OPORTERE; quo modo? QUOD IBIDEM RECTE CUSTODIRE POTERUNT, ID IBIDEM CUSTODIANT: QUOD NON POTERUNT, ID AUFERRE, ET ABDUCERE LICEBIT; quid tu? DOMINUM, inquit, INVITUM DETRUERE NON PLACET; eum ipsum, qui fraudandi causa latitet; eum ipsum, quem judicio nemo defendat; eum ipsum, qui cum omnibus creditoribus suis male agat, invitum de prædio detrudat vetat. Prosciscanti tibi in possessionem prætor ipse, Sex. Nævi, palam dicit, Ita possideto, ut tecum simul possideat Quintius: ita possideto, ut Quintio vis non afferatur. Quid? tu id quemadmodum observas? mitto illud dicere, eum, qui non latitarit, cui Romæ domus, uxor, liberi, procurator esset, eum, qui tibi vadimonium non deseruisset; hæc omnia mitto: illud dico, dominum expulsus esse de prædio; domino a familia sua manus allatas esse ante suos lares familiares; hoc dico,



Nævium ne appellavisse quidem Quintium, cum simul esset, experiri posset quotidie: deinde, quod omnia jura difficillima cum summa sua invidia, maximoque periculo P. Quintii fieri mallet, quam illud pecuniarium iudicium, quod uno die transigi posset; ex quo uno hæc omnia nata, & profecta esse concedit. Quo in loco conditionem tulit; si vellet pecuniam petere. P. Quintium judi-

judicatum solvi satisdaturum, dum ipse, si quid peteret, pari conditione uteretur. Ostendi, quam multa ante fieri convenerit, quam hominis propinqui bona possideri postularentur, præsertim cum Romæ domus ejus, uxor, liberi essent, & procurator æque utriusque necessarius. Docui, cum desertum esse dicat vadimonium, omnino vadimonium nullum fuisse: quo die hunc sibi promississe dicat, eo die ne Romæ quidem eum fuisse; id testibus me pollicitus sum plarium facturum, qui & scire deberent, & causam, cur mentirentur, non haberent. Ex edicto autem non potuisse bona possideri, demonstravi: quod neque fraudandi causa latitasset, neque exilii causa solum vertisse diceretur. Reliquum est, ut eum nemo iudicio defendere: quod contra copiosissime defensum esse contendere, non ab homine alieno, neque ab aliquo calumniatore, atque improbo, sed ab equite R. propinquo, & necessario suo, quem ipse Sex. Nævius procuratorem relinquere antea consueisset: neque eum, si tribunos appellaret, ideo minus iudicium pati paratum fuisse, neque potentiam procuratoris Nævio ius ereptum: contra, istum potentia sua tum tantummodo superiorem fuisse, nunc nobis vix respirandi potestatem dare. Quæsi, quæ causa fuisset, cur bona non venissent, cum ex edicto possiderentur. Deinde illud quoque requisivi, qua ratione ex tot creditoribus nemo neque tum idem fecerit, neque nunc contradicat, omnesque pro P. Quintio pugnent; præsertim cum in tali iudicio testimonio creditorum existimetur ad rem maxime pertinere. Postea sum usus adversarii testimonio, qui sibi eum nuper edidit socium, quem, quo modo nunc intendit, & in vivorum quidem numero tum demonstrat fuisse. Tum illam incredibilem celeritatem, seu potius audaciam protuli: confirmavi necesse esse aut biduo DCC. millia passuum esse decursa, aut Sex. Nævium diebus compluribus ante in possessionem misisse, quam postulet, ut ei liceret bona possidere. Postea recitavi edictum, quod aperte dominum de prædio detrudi vetaret: in quo constitit, Nævium ex edicto non possedisse, cum confiteretur, ex prædio vi detrusum esse Quintium. Omnino autem bona possessa non esse constitui, quod bonorum possessio spectetur non in aliqua parte, sed in universis, quæ teneri, ac possideri possint. Dixi, Romæ domum fuisse; quo iste ne aspirarit quidem; servos complures, ex quibus iste possederit neminem, ne attigerit quidem: unum fuisse, quem attingere conatus sit; prohibitum fuisse: quiescisse. In ipsa Gallia cognostis in prædia privata Quintii Sex. Nævium non venisse: denique ex hoc ipso saltu, quem, per vim expulso socio, possedit, servos privatos Quintii non omnes ejectos esse. Ex quo, & ex cæteris dictis, factis, cogitatisque Sex. Nævii quivis potest intelligere, istum nihil aliud egisse, neque nunc agere nisi uti per vim, per injuriam, per iniquitatem iudicii totum agrum, qui communis est, suum sacre possit. Nunc,

causa

causa perorata, res ipsa, & periculi magnitudo, C. A. Aquilli, cogere videtur, ut te, atque eos, qui tibi in consilio sunt, obsecret, obtesteturque P. Quintius per senectutem, ac solitudinem suam, nihil aliud, nisi ut vestrae naturae, bonitatisque obsequamini: ut, cum veritas, cum hoc faciat, plus huius inopia possit ad misericordiam, quam illius opes ad crudelitatem. Quo die ad te iudicem venimus, eodem die illorum minas, quas ante horrebamus, negligere cepimus; si causa cum causa contenderet, nos nostram perfacile cuivis probaturos statuebamus; quod vitae ratio cum ratione vitae decertaret, ideoque nobis etiam magis te iudicare opus esse arbitrati sumus; ea res enim nunc in discrimen versatur, utrum ne possit se contra luxuriam, ac licentiam rusticana illa, atque inculta parsimonia defendere; an deformata, atque ornamenti omnibus spoliata, nuda cupiditati, petulantiaeque addicatur. Non comparat se tecum gratia P. Quintius, Sex. Nævi; non opibus, non falcitate contendit; omnes tuas artes, quibus tu magnus es, tibi concedit; fatetur se non belle dicere, non ad voluntatem loqui posse, non ab afflicta amicitia transfugere, atque ad florentem aliam devolare, non profusis sumptibus vivere, non orare magnifice, splendideque convivium, non habere domum clausam pudori, & sanctimoniae, patentem, atque adeo expositam cupiditati, & voluptatibus: contra sibi officium, fidem, diligentiam, vitam omnino semper horridam, atque aridam cordi fuisse; ista superiora esse, ac plurimum posse his moribus sentit. Quid ergo est? non usque eo tamen, ut in capite, fortunisque hominum honestissimorum dominantur ii, qui relictâ bonorum virorum disciplina, & quæstum, & sumptum Gallonii sequi maluerunt, atque etiam, quod in illo non fuit, cum audacia, perfidiaque vixerunt; si licet vivere eum, quem Sex. Nævius non vult; si est homini honesto locus in civitate, invito Nævio; si fas est respirare P. Quintium contra nutum, ditionemque Nævii; si quæ pudorē ornamenta sibi peperit, ea potest contra petulantiam, te defendente, obtinere; spes est, & hunc miserum, & infelicem aliquando tamen posse consistere. Sin & poterit Nævius id, quod libet, & ei libebit quod non licet: quid agendum est? qui deus appellandus est? cuius hominis fides imploranda est? qui denique quæstus, qui mœror dignus inveniri calamitate tanta potest? miserum est, exturbari fortunis omnibus; miserrimum est, injuria: acerbum est, ab aliquo circumventi; acerbius, a propinquo: calamitosum est, bonis everti; calamitosius, cum dedecore: funestum est, a forti, atque honesto viro jugulari; funestius, ab eo, cujus vox præconio quæstu prostitit; indignum est, a pari vinci, aut superiore; indignius, ab inferiore, atque humiliore; luctuosum est, tradi alteri cum bonis; luctuosius, inimico: horribile est, causam capitis dicere; horribilius, priore loco dicere. Omnia circumspexit Quintius, omnia periclitatus est, C. Aquilli: non præterem modo, a quo jus impetraret

traret, invenire non potuit, atque adeo ne unde arbitratu quidem suo postularet; sed ne amicos quidem Sex. Nævii quorum sæpe, & diu ad pedes jacuit stratus, obsecrans per deos immortales, ut aut secum jure contenderent, aut injuriam sine ignominia sibi imponerent. Denique ipfius inimici vultum superbissimum subijt: ipfius Sex. Nævii lacrymans manum apprehendit, in propinquorum bonis proferendis exercitatum obsecavit per fratris sui mortui cinerem, per nomen propinquitatis, per ipfius conjugem, & liberos, quibus propior P. Quintio nemo est, ut aliquando misericordiam caperet; aliquam, si non propinquitatis, at ætatis suæ, si non hominis, at humanitatis rationem haberet ut secum aliquid, integra sua fama, qualibet, dummodo tolerabili, conditione transigaret. Ab ipso repudiatus, ab amicis ejus non sublevatus, ab omni magistratu agitato, atque perterritus, quem præter te appellet, habet neminem: tibi se, tibi suas omnes opes, fortunæque commendat: tibi committit existimationem, ac spem reliquæ vitæ. Multis vexatus contumeliis, plurimis jactatus injuriis, non turpis ad te, sed miser confugit; e fundo ornatissimo dejectus, ignominis omnibus appetitus, cum illum in suis paternis bonis dominari videret, ipse filix nubili dotem conficere non posset, nihil alicenum tamen vita superiore commisit. Itaque te hoc, obsecrat C. Aquilli, ut, quam existimationem, quam honestatem in judicium tuum prope acta jam ætate decursaque attulit, eam liceat ei secum ex hoc loco efferre; ne is, de cujus officio nemo unquam dubitavit, sexagesimo denique anno dedecore, macula, turpissimæque ignominia notetur; ne ornamentis ejus omnibus Sex. Nævius pro spoliis abutatur; ne per te ferat, quominus, quæ existimatio P. Quintium usque ad senectutem perduxit, eadem usque ad rogam profequatur.



# M. TULLII CICERONIS PRO SEX. ROSCIO AMERINO

## O R A T I O.

### A R G U M E N T U M.

*Quaestio: An Sex. Roscius patrem suum interfecerit; eo quò nomine bona Sex. Roscii jure occupata fuerint ab ejus adversariis. Accusator, C. Erutius: Reus, Sex. Roscius: Patronus Sex. Roscii, Cicero: Quaestor, M. Fannius: Praetor, cui in consilio Judices ex ordine senatorio. Alia haec causa in foro, anno U. C. 673. Ciceronis 24. Absolutus Sex. Roscius.*

**C**REDO ego vos, iudices, mirari, quid sit, quod, cum tot summi oratores, hominesque nobilissimi sedeant, ego potissimum surrexerim, is, qui neque aetate, neque ingenio, neque auctoritate firmum his, qui sedeant, comparandus; omnes enim, quos videtis adesse in hac causa, injuriam novo scelere conflantem putant oportere defendi; defendere ipsi propter iniquitatem temporum non audent. Ita sit, ut adsint, propterea quod officium sequuntur; taceant autem idcirco, quia periculum metuunt; quid ergo? audacissimus ego ex omnibus? minime; at tanto officiosior, quam ceteri? ac istius quidem laudis ita sum cupidus, ut aliis eam praeripam velim; quae me igitur res praeter ceteros impulit, ut causam Sex. Roscii reciperem? quia si quis istorum dixisset, quos videtis adesse, in quibus summa auctoritas est, atque amplitudo; si verbum de rep. fecisset, id quod in hac causa fieri necesse est; multo plura dixisse, quam dixisset, putaretur; ego etiamsi omnia, quae dicenda sunt, libere dixerò, nequaquam tamen similiter oratio mea exire, atque in vulgus emanare poterit: deinde, quod ceterorum neque dictum obscurum potest esse propter nobilitatem, & amplitudinem, neque temere dicto concedi propter aetatem, & prudentiam: ego si quid liberius dixerò, vel occultum esse, propterea quod nondum ad remp. accessi, vel ignosci adolescentiae meae poterit; tamen non modo ignoscendi ratio, verum etiam cognoscendi consuetudo jam de civitate sublata est; accedit illa quoque causa, quod a ceteris forsitan ita petatum sit, ut dicerent, ut utrumvis salvo officio se facere posse arbitrentur: a me autem ii contenderunt, qui apud me & amicitiae, & beneficiis, & dignitate plurimum possunt; quorum ego neque benevolentiam erga me ignorare, nec auctoritatem aspernari, nec voluntatem negligere debeam: His de c.

his ego huic causæ patronus extiti, non electus unus, qui  
 maximo ingenio, sed relictus ex omnibus, qui minimo  
 periculo possem dicere; neque uti satis firmo præsidio de-  
 fensus Sex. Roscius, verum uti ne omnino desertus esset.  
 Forsitan queratis, qui iste terror sit, & quæ tanta formi-  
 do, quæ tot, ac tales viros impediat, quominus pro sa-  
 pite, & fortunis alterius, quemadmodum consueverunt,  
 causam velint dicere; quod adhuc vos ignorare non mi-  
 rum est, propterea quod consulto ab accusatoribus ejus  
 rei, quæ conflagavit hoc judicium, mentio facta non est;  
 quæ res ea est? bona patris hujusce Sex. Roscii, quæ sunt  
 sexagies: quæ de viro fortissimo, & clarissimo L. Sulla,  
 quem honoris causa nomino, duobus millibus nummum  
 sese dicit emisse adolescens vel potentissimus hoc tempore  
 nostræ civitatis, L. Cornelius Chryfogonus; is a vobis,  
 iudices, hoc postulat, ut quoniam in alienam pecuniam  
 tam plenam atque præclaram nullo jure invaserit, quo-  
 niamque ei pecuniæ vita Sex. Roscii obstat atque officere  
 videatur, deleatis ex animo suo suspicionem omnem,  
 metumque tollatis; sese, hoc incolumi, non arbitratur  
 hujus innocentis patrimonium tam amplum, & copiosum  
 posse obtinere; damnato, & ejecto, sperat se posse, quod  
 adeptus est per scelus, id per luxuriam effundere, atque  
 consumere; hunc sibi ex animo scrupulum, qui se dies,  
 noctesque stimulat, ac pungit, ut evellatis, postulat; &  
 ad hanc suam prædam tam nefariam adjutores vos prosi-  
 teamini. Si vobis æqua, & honesta postulatio videtur,  
 iudices; ego contra brevem postulationem affero, &, quò  
 modo mihi persuadeo, aliquanto æquiores. Primum a  
 Chryfogono peto, ut pecunia, fortunisque nostris conten-  
 tus sit, sanguinem, & vitam ne petat: deinde a vobis,  
 iudices, ut audacium scelerei resistatis, innocentium cala-  
 mitatem levetis, & in causa Sex. Roscii periculum, quod  
 in omnes intenditur, propulsetis; quod si aut causa cri-  
 minis, aut facti suspicio, aut quælibet denique vel mini-  
 ma res reperietur, quamobrem videantur illi non, nihil  
 tamen in deferendo nomine secuti; postremo, si præter  
 eam prædam, quam dixi, quidquam aliud causæ invene-  
 rit; non recusamus, quin illorum libidini Sex. Roscii  
 vita dedatur; sin aliud agitur nihil, nisi ut iis ne quid  
 desit, quibus satis nihil est, si hoc solum hoc tempore  
 pugnatur, ut ad illam optimam, præclaramque prædam  
 damnatio Sex. Roscii, velut cumulus, accedat: nonne cum  
 multa indigna, tum vel hoc indignissimum est, vos ido-  
 neos habitos, per quorum sententias, jusque jurandum  
 id assequantur, quod antea ipsi scelere, & ferro assequi  
 consueverunt? qui ex civitate in senatum propter dignita-  
 tem, ex senatu in hoc consilium delecti estis propter se-  
 veritatem, ab his hoc postulare homines sicarios, atque  
 gladiatores, non modo ut supplicia vitent, quæ a vobis  
 pro maleficiis suis metuere, atque horrere debent, verum  
 etiam ut spoliis Sex. Roscii hoc judicio ornati, auctique  
 ascendant? His de rebus tantis, tamque atrocibus neque  
 satis

satis me commode dicere, neque satis graviter conqueri,  
 neque satis libere vociferari posse intelligo; nam commo-  
 ditati ingenium, gravitati metas, libertati tempora sunt  
 impedimento; huc accedit summus timor, quem mihi  
 natura, pudorque meus attribuit, & vestra dignitas, &  
 vis adversariorum, & Sex. Roscii pericula. Quapropter  
 vos oro, atque obsecro, iudices, ut attente, bonaque  
 cum venia verba mea audiat; fide, sapientiaque vestra  
 fretus plus oneris sustuli, quam ferre me posse intelligo;  
 hoc onus si vos aliqua ex parte allevabitis, feram, ut  
 potero, studio, & industria, iudices: si a vobis, id quod  
 non spero, deserar; tamen animo non deficiam, & id,  
 quod suscepi, quoad potero, perferam; quod si perferre  
 non potero, opprimi me onere officii malo, quam id,  
 quod mihi cum fide semel impositum est, aut propter  
 perfidiam abjicere, aut propter infirmitatem animi depo-  
 nere. Te quoque magnopere, M. Fanni, quaeso, ut qua-  
 sem te jam antea populo R. praeiussis, cum huic eidem  
 quaestioni iudex praeesse, talem te & nobis, & populo R.  
 hoc tempore impertias; quanta multitudo hominum con-  
 venerit ad hoc iudicium, vides: quae sit omnium morta-  
 lium expectatio, quae cupiditas, ut acria, ac severa iudi-  
 cia fiant, intelligis; longo intervallo iudicium inter sca-  
 rios hoc primum committitur, cum interea caedes indi-  
 gnissimae, maximaeque factae sint; omnes hanc quaestionem,  
 te praetore, de manifestis maleficiis, quotidianoque san-  
 guine haud remissius sperant futuram; qua vociferatione  
 in caeteris iudiciis accusatores uti consueverunt, ea nos  
 hoc tempore utimur, qui causam dicimus; petimus abs  
 te, M. Fanni, a vobisque, iudices, ut quam acerrime  
 maleficia vindicetis, ut quam fortissime hominibus auda-  
 cissimis resistatis, ut hoc cogitetis, nisi in hac causa, qui  
 vester animus sit, ostendatis, eo prorumpere hominum  
 cupiditatem, & scelus, & audaciam, ut non modo clam,  
 verum etiam hic in foro ante tribunal tuum, M. Fanni,  
 ante pedes vestros, iudices, inter ipsa subsellia caedes fu-  
 turae sint; etenim quid aliud hoc iudicio tentatur, nisi ut  
 id fieri liceat? accusant ii, qui in fortunas hujus invase-  
 runt: causam dicit is, cui praeter calamitatem nihil rel-  
 querunt: accusant ii, quibus occidi patrem Sex. Roscii  
 bono fuit; causam dicit is, cui non modo luctum mors  
 patris attulit, verum etiam egestatem; accusant ii, qui  
 tunc ipsum jugulare summe cupierunt: causam dicit is,  
 qui etiam ad hoc ipsum iudicium cum praesidio venit, ne  
 hic ibidem ante oculos vestros trucidetur; denique accu-  
 sant ii, quos populus poscit: causam dicit is, qui unus  
 relictus ex illorum nefaria caede restat. Atque ut facilius  
 intelligere possitis, iudices, ea, quae facta sunt, indignio-  
 ra esse, quam haec sunt, quae dicimus: ab initio res quem-  
 admodum gesta sit, vobis exponemus: quo facilius & hu-  
 jus hominis innocentissimi miseriae, & illorum audaciam  
 cognoscere possitis, & reip. calamitatem. Sex. Roscius pa-  
 ter huiusce, municeps Amerinus, fuit cum genere, & no-

bilitate, & pecunia non modo sui municipii, verum etiam ejus vicinitatis facile primum, tum gratia, atque hospitii florens hominum nobilissimorum; nam cum Metellis, Serviliis, Scipionibus erat ei non modo hospitium, verum etiam domesticus usus, & consuetudo: quas, ut æquum est, familias honestatis, amplitudinisque gratia nomino; itaque ex suis omnibus commodis hoc solum filio reliquit; nam patrimonium domestici prædones vi ereptum possident; fama, & vita innocentis ab hospitibus, amicisque paternis defenditur; hic cum omni tempore nobilitatis fautor fuisset, tum hoc tumultu proximo, cum omnium nobilium dignitas, & salus in discrimen veniret, præter cæteros in ea vicinitate eam partem, causamque opera, studio, auctoritate defendit; etenim rectum putabat, pro eorum honestate se pugnare, propter quos ipse honestissimus inter suos numerabatur; postea quam victoria constituta est, ab armisque recessimus; cum proscriberentur homines, atque ex omni regione caperentur ii, qui adversarii fuisse putabant, erat ille Romæ frequens, atque in foro, & in ore omnium quotidie versabatur, magis ut exultare victoria nobilitatis videretur, quam timere ne quid ex ea calamitatis sibi accideret; erant ei veteres inimicitiae cum duobus Rosciis Amerinis; quorum alterum sedere in accusatorum subselliis video, alterum tria hujusce prædia possidere audio: quas inimicitias si tam cavere potuisset, quam metuere solebat, viveret; neque enim, judices, injuria metuebat; nam duo isti sunt T. Roscii (quorum alteri Capitoni cognomen est, iste, qui adest, Magnus vocatur) homines ejusmodi; alter plurimarum palmarum vetus, ac nobilis gladiator habetur; hic autem nuper se ad eum tanistam contulit, qui cum ante hanc pugnam tyro esset scientia, facile ipsum magistrum scelere, audaciaque superavit; nam cum hic Sex. Roscius esset Amerinæ, T. autem iste Roscius Romæ; cum hic filius assiduus in prædiis esset, cumque se voluntate patris rei familiari, vitæque rusticæ dedisse; iste autem frequens Romæ esset; occiditur ad balneas Palatinas rediens a cœna Sex. Roscius; spero ex hoc ipso non esse obscurum, ad quem suspicio maleficii pertineat; verum id, quod adhuc est suspiciosum, nisi perspicuum res ipsa fecerit, hunc affinem culpæ judicatote. Occiso Sex. Roscio, primus Ameriam nuntiat Menlius Glaucia quidam, homo tenuis, libertinus, cliens, & familiaris istius T. Roscii: & nuntiat domum, non filii, sed T. Capitonis inimici; & cum post horam primam noctis occisus esset, primo diluculo nuntius hic Ameriam venit; decem horis nocturnis sex, & quinquaginta millia passuum cisis pervolavit; non modo ut exoptatum inimico nuntium primus afferret, sed etiam cruorem inimici quam recentissimum, telumque paulo ante corpore extractum ostenderet; quadriduo, quo hæc gesta sunt, res ad Chrysogonum in castra L. Sullæ Volaterras deferitur; magnitudo pecunie demonstratur; bonitas prædiorum, (nam fundos decem, & tres reliquit, qui Tyberim fere omnes tangunt)

hujus

hujus inopia, & solitudo commemoratur; demonstrant, cum pater hujusce Sex. Roscius, homo tam splendidus, & graciosus, nullo negotio sit occisus, persacile hunc, hominem incautum, & rusticum, & Romæ ignotum, de medio tolli posse; ad eam rem operam suam pollicentur; ne diutius vos teneam, judices, societas coitur; cum jam proscriptionis mentio nulla fietet; & cum etiam qui antea metuerant, redirent, ac jam defunctos sese periculis arbitrarentur; hominis studiosissimi nobilitatis manceps sit Chryfogonus; tria prædia vel nobilissima Capitori propria traduntur, quæ hodie possidet: in reliquis omnes fortunæ iste T. Roscius nomine Chryfogoni, quemadmodum ipse dicit, impetum facit; hæc bona sexagies HS. emuntur duobus millibus nummum; hæc omnia, judices, im- prudente L. Sulla facta esse certo scio; neque enim mirum, cum eodem tempore & ea, quæ præterita sunt, & ea, quæ videntur instare, præparet, cum & pacis consili- tuendæ rationem, & belli gerendi potestatem solus ha- beat, cum omnes in unum spectent, unus omnia guber- net, cum tot, tantisque negotiis distentus sit, ut respira- re libere non possit, si aliquid non animadvertat; cum præsertim tam multi occupationem ejus observent, tem- pusque aucupentur, ut, simul atque ille dispexerit, ali- quid hujuscemodi moliantur; huc accedit, quod, quam- vis ille felix sit, sicut est, tamen tanta felicitate nemo potest esse in magna familia, qui neminem neque servum, neque libertum improbum habeat. Interea iste T. Roscius, vir optimus, procurator Chryfogoni, Amerinam venit; in prædia hujus invadit; hunc miserum, luctu perditum, qui nondum etiam patris funeri iusta solvisset, nudum eiecit domo, atque focis patris, disque penatibus privi- vitem, judices, exturbat; ipse amplissimæ pecuniæ fit do- minus; qui in sua re fuisset egentissimus, erat, ut sit, insolens in aliena: multa palam domum suam auferbat, plura clam de medio removebat; non pauca suis adjuto- ribus large, effusæque donabat, reliqua constituta aucto- ritate vendebat; quod Amerinis usque eo visum est indignum ut urbe tota fletus, gemitusque fieret; etenim multa si- mul ante oculos versabantur: mors hominis florentissimi Sex. Roscii crudelissima; filii autem ejus egestas indignis- sima, cui de tanto patrimonio prædo iste nefarius ne iter quidem ad sepulcrum patrum reliquisset; bonorum em- ptio, flagitiosa possessio, furta, rapinæ, donationes; ne- mo erat, qui non ardere omnia mallet, quam videre in Sex. Roscii, viri optimi, atque honestissimi, bonis jactan- tem se, ac dominantem T. Roscium; itaque decurionum decretum statim fit, ut decem primi profiscantur ad L. Sullam, doceantque eum, qui vir Sex. Roscius fuerit; conquérantur de istorum scelere, & injuriis; orent, ut & illius mortui famam, & filii innocentis fortunæ conserva- tas velint; atque ipsum decretum, quæso, cognoscite. DE- CRETUM DECURIONUM; legati in castra veniunt. Intelligitur, judices, id, quod jam ante dixi, impruden-

te L. Sulla scelera hæc, & flagitia fieri; nam statim Chry-  
 fognus & ipse ad eos accedit, & homines nobiles allegat  
 eis qui peterent, ne ad Sullam adirent; & omnia Chry-  
 fognum, quæ vellent, esse facturum pollicerentur; usque  
 adeo autem ille pertimuerat, ut mori mallet, quam de  
 his rebus Sullam doceri; homines antiqui, qui ex sua na-  
 tura cæteros fingerent, cum ille confirmaret, sese nomen  
 Sex. Rosci de tabulis exempturum, prædia vacua filio  
 traditurum, cumque id ita futurum T. Roscius Capito,  
 qui in x. legatis erat, adpromitteret, crediderunt, Ame-  
 rram re inorata reverterunt; ac primo rem differre quo-  
 tidie, ac procrastinare isti cœperunt; deinde aliquanto  
 lentius, nihil agere, atque deludere; postremo, id quod  
 facile intellectum est, insidias vitæ huiusce Sex. Roscii  
 parare, neque sese arbitrari posse diutius alienam pecu-  
 niam, domino incolumi, obtinere; quod is simul atque  
 sensit, de amicorum, cognatorumque sententiâ Romanæ  
 confugit, & sese ad Cæciliam Nepotis filiam, quam ho-  
 noris causâ nomino, contulit, qua pater usus erat pluri-  
 mum; in qua muliere, iudices, etiam nunc, id quod o-  
 mnes semper existimaverunt, quasi exempli causa vestigia  
 antiqui officii remanent; ea Sex. Roscium inopem, eje-  
 ctum domo, atque expulsam ex suis bonis, fugientem la-  
 tronum tela, & minas, recepit domum, hospitique op-  
 presso jam desperatoque ab omnibus opitulata est; ejus  
 virtute, fide, diligentia factum est, ut hic potius vivus  
 in reos, quam occisus in proscriptos referretur; nam,  
 postquam isti intellexerunt, summa diligentia vitam Sex.  
 Roscii custodiri, neque sibi ullam cædis faciundæ potesta-  
 tem dari; consilium ceperunt plenum sceleris, & audaciæ,  
 ut nomen huius de parricidio deferrent; ut ad eam rem  
 aliquem accusatorem veterem compararent, qui de ea re  
 posset dicere aliquid, in qua re nulla subesset suspicio;  
 denique, ut, quoniam crimine non poterant, tempore  
 ipso pugnarent; ita loqui homines, quod iudicia tandiu  
 facta non essent, condemnari eum oportere, qui primus  
 in iudicium adductus esset; huic autem patronos præpter  
 Chrysogoni gratiam defuturos; de bonorum venditione,  
 & de ista societate verbum esse facturum neminem; ipso  
 nomine parricidii, & atrocitate criminis, fore ut hic nul-  
 lo negotio tolleretur, cum ab nullo defensus esset; hoc  
 consilio, atque adeo hac amentia impulsæ, quem ipsi,  
 eum cupere, non potuerunt occidere, eum jugulandum  
 vobis tradiderunt. Quid primum querar? aut unde potis-  
 simum exordiar, iudices? aut quod, aut a quibus auxi-  
 lium petam? Deorum ne immortalium, populi ne Roma-  
 ni, vestram ne, qui summam potestatem habetis, hoc  
 tempore fidem implorem? pater occisus nefarie, domus  
 obfessa, ab inimicis bona adempta, possessa, direpta; fi-  
 lii vita infesta, sæpe ferro, atque insidiis appetita; quid  
 ab his tot maleficiis sceleris abesse videtur? tamen hæc  
 aliis nefariis cumulant, atque adaugent: crimen incredi-  
 bile consingunt: testes in hunc, & accusatores huiusce  
 pecu-

pecunia comparant: hanc conditionem misero ferunt, ut optet, utrum malit cervicem Roscio dare, an infusus in euleum, per summum dedecus vitam amittere. Patronos huic defuturos putaverunt; defunt: qui libere dicat, qui eum fide defendat, id quod in hac causa est satis, quoniam quidem suscepi, non deest profecto; iudices, & fortissimam in suscipienda causa temere impulsus adolescentia fecerim: quoniam quidem semel suscepi; licet Hercules undique omnes terrores, minae, periculaque impendat omnia, succurram, atque subibo; certum est, deliberatumque, quae ad causam pertinere arbitror, omnia non modo dicere, verum etiam libenter, audacter, libereque dicere; nulla res tanta existat, iudices, ut possit vim mihi maiorem adhibere metus, quam fides; etenim quis tam dissoluto animo est, qui, haec cum videat, tacere, ac negligere possit? patrem meum, cum proscriptus non esset, jugulastis: occisum in proscriptorum numerum retulistis: me domo mea per vim expulistis: patrimonium meum possidetis: quid vultis amplius? etiam ne ad subsellia cum ferro, atque telis venistis, ut hic aut juguletis, aut condemnetis Sex. Roscium? Hominem longe audacissimum nuper habuimus in civitate C. Fimbriam, & quod inter omnes constat, nisi inter eos, qui ipsi quoque insaniunt, insanissimum; is cum curasset in funere C. Marii, ut Q. Scævola vulneraretur, vir sanctissimus, atque ornatissimus nostrae civitatis, de cuius laude neque hic locus est, ut multa dicantur, neque plura tamen dici possunt, quam populus R. memoria retinet: diem Scævolæ dixit, postea quam comperit eum posse vivere; cum ab eo quereretur, quid tandem accusaturus esset eum, quem pro dignitate ne laudare quidem quisquam satis commode posset, ajunt, hominem, ut erat furiosus, respondisse, quod non totum telum corpore recepisset; quo populus R. nihil vidit indignius, nisi ejusdem viri mortem: quæ tantum potuit, ut omnes cives suos perderet, & affligeret: quos quia servare per compositionem volebat, ipse ab iis interemptus est. Est ne hoc illi dicto, atque facto Fimbriæ non simillimum? accusatis Sex. Roscium: quid ita? quia de manibus vestris effugit, quia se occidi passus non est; illud, quia in Scævola factum est, magis indignum videtur: hoc quia fita Chrysogono, num est ferendum? nam, per deos immortales, quid est in hac causa, quod defensionis indigeat? qui locus ingenium patroni requirit, aut oratoris eloquentiam magnopere desiderat? totam causam, iudices, explicemus, atque ante oculos expositam consideremus; ita facillime, quæ res totum iudicium contineat, & quibus de rebus nos dicere oporteat, & quid vos sequi conveniat, intelligetis. Tres sunt res, quantum ego existimare possum, quæ obstant hoc tempore Sex. Roscio, crimen adversariorum, & audacia, & potentia; criminis confictionem accusator Erutius suscepit: audaciæ partes Roscii sibi poposcerant: Chrysogonus autem, is, qui plurimum potest, potentia pugnat. De hisce omni-

bus rebus me dicere oportere intelligo; quid igitur est? non eodem modo de omnibus, ideo quod prima illa re ad meum officium pertinet; duas autem reliquas vobis populus R. imposuit; ego crimen, oportet, diluam: vos & audaciæ resistere, & hominum ejusmodi perniciosam, atque intolerandam potentiam primo quoque tempore extinguere, atque opprimere debetis. Occidisse patrem Sex. Roscius arguitur; scelestum, dixi immortales, ac nefarium facinus, atque ejusmodi, quo uno maleficio scelera omnia complexa esse videantur; etenim si, id quod præclare a sapientibus dicitur, vultu sæpe læditur pietas; quod supplicium satis acre reperitur in eum, qui mortem obtulerit parenti? pro quo mori ipsum, si res postularet, jura divina, atque humana cogeant; in hoc tanto, tam atroci, tam singulari maleficio, quod ita raro extitit, ut, si quando auditum sit, portenti, ac prodigii simile numeretur, quibus tandem te, C. Eruti, argumentis accusatorem censens uti oportere? non ne & audaciam ejus, qui in crimen vocetur, singularem ostendere, & mores feroces, immanemque naturam, & vitam vitiis, flagitiisque omnibus deditam, & denique omnia ad perniciem profligata, atque perditam? quorum tu nihil in Sex. Roscium, ne obijciendi quidem causa, contulisti. Patrem occidit Sex. Roscius: qui homo? adolescentulus corruptus, & ab hominibus nequam inductus? annos natus magis quadraginta. Vetus videlicet sicarius, homo audax, & sæpe in cæde versatus? at hoc ab accusatore ne dici quidem audisti. Luxuries igitur hominem mirum, & æris alieni magnitudo, & indomitæ animi cupiditates ad hoc scelus impulerunt; de luxuria purgavit Erutius, cum dixit, hunc ne in convivio quidem ullo fere interfuisse; nihil autem unquam debuit; cupiditates porro quæ possunt esse in eo, qui, ut ipse accusator objecit, ruri semper habitavit, & in agro colendo vixit? quæ vita maxime disjuncta a cupiditate, & cum officio conjuncta; quæ res igitur tantum istum furorem Sex. Roscio objecit? Patri, inquit, non placebat; patri non placebat? quam ob causam? necesse est enim eam quoque justam, & magnam, & perspicuam fuisse; nam, ut illud incredibile est, mortem oblatam esse patri a filio sine plurimis, & maximis causis: sic hoc verisimile non est, odio fuisse parenti filium sine causis multis, & magnis, & necessariis; cursus igitur eodem revertamur, & queramus, quæ tanta vitia fuerint in unico filio, quare is patri displiceret; at perspicuum est, nullum fuisse; pater igitur amens, qui odisset eum sine causa, quem procrearat. At is quidem fuit omnium constantissimus; ergo illud jam perspicuum profecto est, si neque amens pater, neque perditus filius fuerit, neque odii causam patri, neque sceleris filio fuisse. Nescio, inquit, quæ causa odii fuerit: fuisse odium intelligo; quia antea, cum duos filios haberet, illum alterum, qui mortuus est, secum omni tempore volebat esse, hunc in prædia rustica relegarat. Quod Erutio accidebat in malâ, augatoriaque accusatione, idem mihi



mihî ufuevit in caufa optima ; ille , quomodo crimen commentitium confirmaret , non veniebat ; ego , res tam leves qua ratione infirmem , ac diluam , reperire non poffum ; quid ais , Eruti ? tot prædia , tam pulchra , tam fructuofa Sex. Roscius filio fuo relegationis , ac fupplicii gratia colenda , actuenda tradiderat ? quid hoc ? patresfamilias , qui liberos habent , præfertim homines illius ordinis , ex municipiis , ruficanis , nonne optatifimum fibi putant effe , filios fuos rei familiari maxime fervire , & in prædiis colendis operæ plurimum , ftudiique confumere ? An amandarat hunc fie , ut effet in agro , ac tantummodo aleretur ad villam , ut commodis omnibus cateret ? Quid , fi constant , hunc non modo colendis prædiis præfuiſſe , fed certis fundis , patre vivo , frui folitum effe ? tamen ne hæc attentata vita , & ruficana , relegatio , atque amandatio appellabitur ? vides , Eruti , quantum difter argumentatio tua ab re ipſa , atque a veritate ; quod confuetudine patres faciunt , id quaſi novum reprehendis : quod benevolentia fit , id odio factum criminariſ : quod honoris caufa pater filio fuo conceſſit , id eum fupplicii caufa feciſſe dicis : neque hæc tu non intelligis , fed uſque eo , quid arguas , non habes , ut non modo tibi contra nos ducendum putes , verum etiam contra rerum naturam contraque confuetudinem hominum , contraque opinionem omnium . At enim , cum duos filios haberet , alterum a ſe non dimittebat , alterum ruri effe patiebatur . Quaſo , Eruti , ut hoc in bonam partem accipias : non enim exprobrandi caufa , fed commonendi gratia dicam . Si tibi fortuna non dedit , ut patre certo naſcerere , ex quo intelligere poſſes , qui animus patrius in liberos effet : at natura certe dedit , ut humanitatis non parum haberes ; eo acceſſit ftudium doctrinæ , ut ne a literis quidem alienus eſſes ; ecquid tandem tibi videtur ( ut ad fabulas veniamus ) ſenex ille Cæcilianus minoris facere Eurychum filium ruficum , quam illum alterum Chæreſtratum ? ( nam , ut opinor , hoc nomine eſt ) alterum in urbe ſecum honoris caufa habere , alterum rus fupplicii caufa relegaſſe ? quid ad iſtas ineptias abis , inquires ? quaſi vero mihi difficile fit quamvis multos nominatim proferre ( ne longius abeam ( vel tribules , vel vicinos meos , qui ſuos liberos , quos plurimi faciunt , agricolas aſſiduos effe cupiunt , verum homines notos ſumere odioſum eſt ; cum & illud incertum fit , velint ne hi ſeſe nominari ; & nemo vobis magis notus futurus fit , quam eſt hic Eutyclus ; & certe ad rem nihil interſit , utrum hunc ego comicum adoleſcentem , an aliquem ex agro Vejente nominem ; etenim hæc conſpecta arbitrora poetis effe , ut effictos noſtros mores in alienis perſonis , expreſſamque imaginem noſtram vitæ quotidianæ videremus ; age nunc , refer animum , ſis , ad veritatem , & confidera , non modo in Umbria , atque in ea vicinitate , ſed in his veteribus municipiis quæ ſtudia & patribusfamilias maxime laudentur : jam profeſto intelliges inopia criminum ſummam laudem Sex. Roſcio vitio ,

vitio, & culpæ dedisse; ac non modo hæc patrum voluntate liberi faciunt; sed permultos & ego novi, & nisi me fallit animus, unusquisque vestrum, qui & ipsi incensum studio, quod ad agrum colendum attinet, vitamque hanc rusticam, quam tu probro, & crimini putas esse oportere, & honestissimam, & suavissimam esse arbitrantur; quid censes hunc ipsum Sex. Roscium quo studio, & qua intelligentia esse in rusticis rebus? ut ex his propinquis ejus, hominibus honestissimis, audio, non tu isto artificio accusatorio callidior es, quam hic in suo; verum, ut opinor, quoniam ita Chrysogono videtur, qui huic nullum prædium reliquit, & artificium obliviscatur, & studium deponat, licebit: quod tamen si miserum, & indignum est, feret tamen æquo animo; iudices, si per vos vitam, & famam potest obtinere; hoc vero est, quod ferri non potest, si & in hanc calamitatem venit propter prædiorum bonitatem, & multitudinem; & quod ea studiose coluit, id erit ei maxime fraudi; ut parum miserum sit, quod aliis coluit, non sibi, nisi etiam, quod omnino coluit, crimini fuerit. Nam tu, Eruti, accusator esses ridiculus, si illis temporibus natus esses, cum ab aratro arcescebantur, qui consules fierent; etenim qui præfesto agro colendo flagitium putes, profesto illum Atilum, quem sua manu spargentem semen, qui missi erant, conveniunt, hominem turpissimum atque inhonestissimum iudicares; at hercule majores nostri longe aliter & de illo, & de cæteris talibus viris existimabant: itaque ex minima, tenuissimæque rempubl. maximam, & florentissimam nobis reliquerunt; suos enim agros studiose colebant, non alienos cupide appetebant: quibus rebus & agris, & urbibus, & rationibus rempubl. atque hæc imperium, & populi Rom. nomen auxerunt. Neque ego hæc eo præfero, quo conferenda sunt cum hisce, de quibus nunc querimus; sed ut illud intelligatur, cum apud majores nostros summi viri, clarissimique homines, qui omni tempore ad gubernacula reipubl. sedere debebant, tamen in agris quæque colendis aliquantum operæ, temporisque consumpserint; ignosci oportere ei homini, qui se fateatur esse rusticum, cum ruri assiduus semper vixerit, cum præsertim nihil esset quod aut patri gratius, aut sibi jucundius, aut re vera honestius facere posset. Odium igitur acerrimum patris in filium ex hoc, opinor, ostenditur, Eruti, quod hunc ruri esse patiebatur; numquid est aliud? imo vero, inquit, est; nam istum exheredare in animo habebat; audio: nunc dicis aliquid, quod ad rem pertineat; nam illa, opinor, tu quoque concedis leviter esse, atque inepta. Convivia cum patre non inibat: quique qui ne in oppidum quidem, nisi pætraro, veniret. Domum suam istum non se quisquam vocabat: nec mirum, quem neque in urbe videret, neque rure vocaturus esset; verum hæc tu quoque intelligis esse nugatoria; illud quod cœpimus, videmus: quo certius argumentum odii reperiri nullo modo potest. Exheredare pater filium cogitabat;

mit.

mitto quærere, qua de causa; quæro, qui scias? tamen si te dicere, atque enumerare causas omnes oportebat: & id erat certi accusatoris officium, qui tanti sceleris argueret, explicare omnia vitia, atque peccata filii, quibus innocens parens potuerit animum inducere, ut naturam ipsam vinceret, ut amorem illum penitus insitum eiceret ex animo, ut denique patrem se esse obliuisceretur; quæ sine magnis huiusce peccatis accidere potuisse non arbitror; verum concedo tibi, ut ea prætereas, quæ cum taces, nullâ esse concedis; illum quidem voluisse exheredare, certe tu planum facere debes; quid ergo affers, quare id factum putemus? vere nihil potes dicere; finge aliquid saltem commode, ut ne plane videaris id facere, quod aperte facis, huius miseri fortunæ, & horum virorum talium dignitati illudere. Exheredare filium voluit: quam ob causam? nescio; exheredavit ne? non; quis prohibuit? cogitabat; cogitabat? cui dixit? nemini; quid est aliud, iudicio, ac legibus, ac maiestate vestra abuti, ad quæstum, atque ad libidinem, nisi hoc modo accusare, atque id obijcere, quod planum facere non modo non possis, verum ne coneris quidem? nemo nostrum est, Erut, quin sciat tibi inimicitias cum Sex. Roscio nullas esse; vident omnes, qua de causa huic inimicus venias; sciunt huiusce pecunia te adductum esse; quid ergo est? ita tamen quæstus te cupidum esse oportebat, ut horum existimationem, & legem Memmiam putares aliquid valere oportere; accusatores multos esse in civitate utile est, ut metu contineatur audacia; verum tamen hoc ita est utile, ut ne plane illudamur ab accusatoribus; innocens est quispiam: verum tamen quamquam abest a culpa, suspicionem tamen non caret; tamen si miserum est, tamen ei, qui hunc accuset, possim aliquo modo ignoscere; cum enim aliquid habeat, quod possit criminosè, ac suspiciosè dicere, aperte ludificari, & calumniari sciens non videatur; quare facile omnes patimur esse quam plurimos accusatores, quod innocens, si accusatus sit, absolvi potest, nocens, nisi accusatus fuerit, condemnari non potest; utilius est autem absolvi innocentem, quam nocentem causam non dicere. Anseribus cibaria publice locantur, & canes aluntur in Capitolio, ut significant, si fures venerint; at fures internosceri non possunt, significant tamen, si qui noctu in Capitolium venerint: & quia id est suspiciosum, tamen si bestię sunt, tamen in eam partem potius peccant, quæ est cautior; quod si luce quoque canes latrent, cum deos salutatum aliqui venerint: opinor, iis crura suffringantur; quod acres sint etiam tum, cum suspicio nulla sit. Simillima est accusatorum ratio; alii vestrum anseres sunt, qui tantummodo clamant, nocere non possunt; alii canes, qui & latrare, & mordere possunt; cibaria vobis præberi videmus: vos autem maxima debetis in eos impetum facere, qui merentur; hoc populo gratissimum est; deinde, si voleris, etiam tum, cum verisimile erit, aliquem commisisse, in suspicionem latratore;

id quoque concedi potest; ſin autem ſic ageris, ut arguaris aliquem patrem occidiſſe, neque dicere poſſitis aut quare, aut quo modo, ac tantummodo ſine ſuſpitione latrabitis: crura quidem vobis nemo ſuffringet; ſed ſi ego hos bene novi, literam illam, cui vos uſque eo inimici eſtis, ut etiam alias omnes oderitis, ita vehementer ad caput affigent, ut poſtea neminem alium, niſi fortunas veſtras accuſare poſſitis. Quid mihi ad defendendum dediſti, bone accuſator? quid hiſce autem ad ſuſpicandum? Ne exheredaretur, veritus eſt; audio; ſed qua de cauſa vereri debuerit, nemo dicit. Habebat pater in animo: planum ſac; nihil eſt; non, quicum deliberavit, quem certiorẽ feſerit, unde iſtud vobis ſuſpicari in mentem venerit. Cum hoc modo accuſas, Eruti, nonne hoc palam dicis? ego, quid acceperim, ſcio: quid dicam, nescio; unum illud ſpectavi, quod Chryſogonus agebat, neminem iſti patronum futurum; de bonorum emptione, deque ea ſocietate neminem eſſe, qui verbum facere hoc tempore auderet; hæc te opinio falſa in iſtam fraudem impulit; non mehercule verbum feciſſes, ſi tibi quem, quam reſponſurum putaviſſes. Operæ pretium erat, ſi animadvertiſſis, iudices, negligentiam ejus in accuſando conſiderare: credo, cum vidiffet, qui homines in hiſce ſubſelliis ſederent, quaſiſſe, num ille, aut ille deſenſurus eſſet: de me ne ſuſpicatum quidem, quod antea cauſam publicam nullam dixerim; poſteaquam invenit neminem eorum, qui poſſunt, & ſolent: ita negligens eſſe cœpit, ut, cum in mentem veniret ei, reſideret, deinde ſpatiaretur; nonnunquam etiam puerum vocaret, credo cui cœnam imperaret; prorsus ut veſtro conſeſſu, & hoc conventu pro ſumma ſolitudine abuteretur: peroravit aliquando, aſſedit; ſurrexi ego: reſpiratio viſus eſt, quod non alius potius diceret; cœpi dicere: uſque eo animadverti, iudices, eum jocari, atque alias res agere, antequam Chryſogonum nominavi: quem ſimulatque attigi, ſtatim homo ſe erexit; mirari viſus eſt; intellexi, quid eum pupugiſſet; iterum, ac tertio nominavi; poſtea homines curſare ultro, & citro non deſtiterunt, credo, qui Chryſogono nunciarent, eſſe aliquem in civitate, qui contra voluntatem ejus dicere auderet; aliter cauſam agi, atque ille exiſtimaret; aperiri bonorum emptionem; vexari peſſime ſocietatem; gratiam, potentiamque ejus negligi; iudices diligenter attendere; populo rem indignam videri; Quæ quoniam te ſefellerunt, Eruti, quoniamque vides verſa eſſe omnia, cauſam pro Sex. Roſcio ſi non commode, at libere dici; quem dedi putabas, defendi intelligis; quos tradituros ſperabas, vides iudicare: reſtitue nobis aliquando veterem tuam illam calliditatem, atque prudentiam; conſitere huc ea ſpe veniſſe, quod putares hic latrocinium, non iudicium futurum. De parricidio cauſa dicitur: ratio ab accuſatore reddita non eſt, quam ob cauſam patrem filius occiderit; quod in minimis noxiis, & in hiſ levioribus peccatis, quæ magis crebra, & jam prope

prope quotidiana sunt, maxime, & primum queritur, quæ causa maleficii fuerit; id Erutius in parricidio queri non putat oportere: in quo scelere, iudices, etiam cum multæ causæ convenisse unum in locum, atque inter se congruere videntur; tamen non temere creditur; neque levi conjectura res penditur; neque testis incertus auditur: neque accusatoris ingenio res iudicatur; cum multa antea commissa maleficia, tum vita hominis perditissima, tum singularis audacia ostendatur, necesse est, neque audacia solum, sed summus furor, atque amentia; hæc cum sint omnia, tamen extent oportet expressa sceleris vestigia, ubi, qua ratione, per quos, quo tempore maleficium sit admissum; quæ nisi multa, & manifesta sunt, profecto res tam scelestæ, tam atrox, tam nefaria credi non potest; magna est enim vis humanitatis: multum valet communio sanguinis: reclamitat istiusmodi suspicionibus ipsa natura: portentum, atque monstrum certissimum est, esse aliquem humana specie, & figura, qui tantum immanitate bestias vicerit, ut propter quos hanc suavissimam lucem aspexerit, eos indignissime luce privarit; cum etiam feras inter sese partus, atque educatio, & natura ipsa conciliet; non ita multis ante annis ajunt T. Clœlium quendam Tarracinaensem, hominem non obscurum, cum cænatus cubitum in idem conclave cum duobus adolescentibus filiis esset, inventum esse mane jugulatum; cum neque servus quicquam reperiretur, neque liber, ad quem ea suspicio pertineret; id ætatis autem duo filii propter cubantes ne sensitse quidem se dicerent: nomina filiorum de parricidio delata sunt; quid postea? erat sane suspiciosum, neutrum sensitse; autem autem esse quemquam se in id conclave committere, eo potissimum tempore, cum ibidem essent duo adolescentes filii, qui & sentire, & defendere facile possent: erat porro nemo, in quem ea suspicio conveniret; tamen, cum planum iudicibus esset factum, aperto ostro dormientes eos repertos esse, iudicio absoluti adolescentes, & suspitione omni liberati sunt; nemo enim putabat quemquam esse, qui cum omnia divina, atque umana jura scelere nefario polluisset, somnum statim capere potuisset; propterea quod qui tantum facinus commiserunt, non modo sine cura quiescere, sed ne spirare quidem sine metu possunt. Videtis ne, quos nobis poetæ tradiderunt patris ulciscendi causa supplicium de matre sumplisse, cum præsertim deorum immortalium iussis, atque oraculis id fecisse dicantur, tamen ut eos agitent furæ, neque consistere usquam patiantur? quod ne pii quidem sine scelere esse potuerunt. Sic se res habet, iudices: magnam vim magnam necessitatem, magnam possidet religionem pateris, maternusque sanguis; ex quo, si qua macula concepta est, non modo elui non potest, verum usque eo permanat ad animum, ut summus furor, atque amentia consequatur; nolite enim putare, quemadmodum in fabulis sæpenumero videtis, eos, qui aliquid impie, scelerateque commiserint,

agitari, & perterriti furia sum tædis ardentibus; sua quemque fraus, & suus terror maxime vexat: suum quemque scelus agitat, amentiaque afficit: sum malæ cogitationes; conscientiaque animi terrent; hæ sunt impiis assidua; domesticæque furiæ, quæ dies noctesque parentum poenas & consceleratissimis filiis repetant; hæc magnitudo maleficiæ facit, ut, nisi pene manifestum parricidium proferatur, credibile non sit, nisi turpis adolescentia, nisi omnibus flagitiis vita inquinata, nisi sumptus effusi cum probro, atque dedecore, nisi prorupta audacia, nisi tanta temeritas, ut non procul abhorreat ab insania; accedat huc oportet odium parentis, animadversionis paternæ metus, amici improbi, servi consilii, tempus idoneum, locus opportune captus ad eam rem: pene dicam, resperfas manus sanguine paterno iudices videant, oportet, si tantum facinus, tam immane, tam acerbum credituri sunt; quære hoc, quo minus est credibile, nisi offenditur, eo magis est, si convincitur, vindicandum; itaque cum multis ex rebus intelligi potest, majores nostros non modo armis plus, quam cæteras nationes, verum etiam consilio, sapientiaque potuisse, tum ex hac re vel maxime, quod in impios singulare supplicium invenerunt; quæ in re quantum prudentia præstiterint his, qui apud cæteros sapientissimi fuisse dicuntur, considerate. Prudentissima civitas Atheniensium, dum ex rerum potita est, fuisse traditur; ejus porro civitatis sapientissimum Solonem dicunt fuisse, eum, qui leges, quibus hodie quoque utuntur, scripserit; is cum interrogaretur, cur nullum supplicium constitisset in eum, qui parentem necasset, respondit, se id neminem facturum putasse; sapienter fecisse dicitur, cum de eo nihil sanxerit, quod antea commissum non erat; ne non tam prohibere, quam admonere videretur. Quanto majores nostri sapientius, qui, cum intelligerent, nihil esse tam sanctum, quod non aliquando violaret audacia, supplicium in patricidas singulare excogitaverunt, ut quos natura ipsa retinere in officio non potuisset, illius magnitudine poenæ maleficio summoverentur; insui voluerunt in culeum vivos, atque ita in flumen dejici; o singularem sapientiam, iudices! nonne videntur hunc hominem ex rerum natura sustulisse, & eripuisse, cui repente cælum, solem, aquam, terramque ademserunt? ut, qui eum necasset, unde ipse natus esset, careret iis rebus omnibus, ex quibus omnia nata esse dicuntur; noluerunt feris corpus obicere, ne bestiis quoque, quæ tantum scelus attigisset, immanioribus uteremur; non sic nudos in flumen dejicere, ne cum delati essent in mare, ipsum polluerent, quo cætera, quæ violata sunt, expiari putantur; denique nihil tam vile, neque tam vulgare est, cuius partem ullam reliquerint; etenim quid tam est commune, quam spiritus vivis? terra mortuis? mare fluctuantibus? litus ejectis? ita vivunt, dum possunt, ut ducere animam de cælo non queant: ita moriuntur, ut eorum ossa terra non tangat; ita jaciuntur flactibus, ut

numquam alluantur: ita postremo ejiciuntur, ut nē ad faxa quidem mortui conquiescant. Tanti maleficii crimen, cui maleficio tam insigne supplicium est constitutum, probare te; Eruti, censēs posse talibus viris, si nē causam quidem maleficii protuleris? si hunc apud bonorum emptores ipsos accusares, sique iudicio Chrysothoni præesset; tamen diligentius, paratiusque venisses; utrum, quid agatur, non vides; an, apud quos agitur? agitur de parricidio, quod sine multis causis suscipi non potest: apud homines autem prudentissimos agitur, qui intelligunt neminem ne minimum quidem maleficio sine causa admittere. Esto: causam proferre non potes; tamen si statim vicisse debeo; tamen de meo iure decedam, & tibi, quod in alia causa non concederem, in hoc concedam, fretus huius innocentia; non quero abs te, quare patrem Sex. Roscius occiderit; quero, quomodo occiderit; ita quero abs te, C. Eruti, quomodo, & sic tecum agam, ut in eo loco vel respondendi, vel interpellandi tibi potestatem faciam, vel etiam, si quid voles, interrogandi. Quo modo occidit? ipse percussit, an aliis occidendum dedit? si ipsum arguis: Romæ non fuit; si per alios fecisse dicis: quero, servos ne, an liberos? quos homines? indidem ne America; an hosce ex urbe sicarios? si America, qui sunt hi? cur non nominantur? si Roma, unde eos noverat Roscius? qui Romam multis annis non venit, neque unquam plus triduo fuit; ubi eos convenit? quicum locutus est? quomodo persuasit? pretium dedit? cui dedit? per quem dedit? unde, aut quantum dedit? non ne his vestigiis ad caput malefici perveniri solet? Et simul tibi in mentem veniat facio, quemadmodum vitam huiusce depinxeris: hunc hominem ferum, atque agrestem fuisse: nunquam cum homine quoquam collocutum esse: nunquam in oppido constitisse; qua in re prætereo illud, quod mihi maximo argumento ad huius innocentiam poterat esse; in rusticis moribus, in victu arido, in hac horrida, incultaque vita, istiusmodi maleficia gigni non solere; ut non omnem frugem, neque arborem in omni agro reperire possis: sic non omne facinus in omni vita nascitur; in urbe luxuries creatur: ex luxuria existat avaritia: necesse est: ex avaritia erumpat audacia: inde omnia scelera, ac maleficia gignuntur; vita autem hæc rustica, quam tu agrestem vocas, parsimoniam, diligentiam, justitiæ magistra est. Verum hæc missa facio: illud quero: is homo, qui, ut tute dicis, nunquam inter homines fuit, per quos homines hoc tantum facinus, tam occultum, absens præsertim, conficere potuerit? Multa sunt falsa, iudices, quæ tam argui suspiciose possunt; in his rebus si suspicio reperta erit, culpam inesse concedam. Romæ Sex. Roscius occiditur, cum in agro Amerino esset filius; literas, credo, misit alicui sicario, qui Romanum noverat neminem; arcessivit aliquem: at quando? nuncium misit? quem? aut ad quem? pretio, gratia, spe, promissis induxit aliquem: nihil horum ne conungi quidem

potest : & tamen causa de parricidio dicitur . Reliquum est, ut per servos id admiserit ; o dii immortales , rem miseram , & calamitosam ! quod in tali crimine innocenti saluti solet esse , ut servos in questionem polliceatur , id Sex. Roscio facere non licet ; vos , qui hunc accusatis , omnes ejus servos habetis : unus puer , victus quotidiani administrat , ex tanta familia Sex. Roscio relictus non est . Te nunc appello , P. Scipio , te , Metelle : vobis advocatis , vobis agentibus , aliquoties duos servos paternos in questionem ab adversariis Sex. Roscius postulavit ; meministis ne T. Roscium recusare ? quid ? ii servi ubi sunt ? Chrylogonum , judices , sectantur , apud eum sunt in honore , & in pretio ; etiam nunc , ut ex his queratur , ego postulo , hic orat , atque obsecrat ; quid facitis ? cur recusatis ? Dubitate etiam nunc , judices , si potestis , a quo sit Sex. Roscius occisus : ab eo ne , qui propter illius mortem in egestate , & insidiis versatur , cui ne querendi quidem de morte patris potestas permittitur ; an ab iis , qui questionem fugitant , bona possident , in cæde , atque ex cæde vivunt . Omnia , judices , in hac causa sunt misera , atque indigna : tamen hoc nihil neque acerbius , neque iniquius proferri potest ; mortis paternæ de servis paternis questionem habere filio non licet ; ne tamdiu quidem dominus erit in suos , dum ex iis de patris morte queratur ; veniam ; neque ita multo post ad hunc locum ; nam hoc totum ad Roscios pertinet : de quorum audacia tum me dicturum pollicitus sum cum Erutii crimina diluissim . Nunc , Eruti , ad te venio . Conveniat mihi tecum necesse est ; si ad hunc maleficiū istud pertinet , aut ipsum sua manu fecisse , id quod negas , aut per aliquos liberos , aut servos ; liberos ne ? quos neque ut convenire potuerit , neque qua ratione inducere , neque ubi , neque per quos , neque qua spe , aut pro pretio , potest ostendere ; ego contra ostendo , non modo nihil eorum fecisse Sex. Roscium , sed ne potuisse quidem facere ; quod neque Romæ multis annis fuerit , neque de prædiis unquam temere discefferit . Restare tui videbatur servorum nomen , quo , quasi is in portum reiectus a cæteris suspicionibus , confugere posses : ubi scopulum offendis ejusmodi , ut non modo ab hoc crimen resiliere videas , verum omnem suspicionem in vosmetipso recidere intelligas . Quid est ergo , quo tandem accusator inopia argumentorum confugerit ? ejusmodi tempus erat , inquit , ut homines vulgo impune occiderentur ; quare tu hoc , propter multitudinem sicariorum , nullo negotio facere potuisti ; interim mihi videtis , Eruti , una mercede duas res assequi velle ; nos iudicio persuadere , accusare autem eos ipsos , a quibus mercedem accepisti . Quid ais ? vulgo occidebantur ? per quos ? & a quibus ? nonne cogitas te a sectoribus huc adductum esse ? quid postea ? nescimus , per ista tempora eosdem fere sectores fuisse collorum , & bonorum ? ii denique , qui tum armati dies , noctesque concursabant , qui Romæ erant affidui , qui omni tempore in præda , & sanguine versabantur . Sex.



Roscio temporis illius acerbiter, inquitatemque ob-  
 cient? & illam ficariorum multitudinem, in qua ipsi du-  
 ces, ac principes erant, huic crimini putabunt fore? qui  
 non modo Romæ non fuit, sed omnino, quid Romæ  
 ageretur, nesciret; propterea quod rursus assiduus, quemad-  
 modum tute confiteris, fuit. Vereor, ne aut molestus sim  
 vobis, iudices, aut ne ingeniis vestris videas diffidere, si  
 de tam perspicuis rebus diutius differam. Erutii crimina-  
 tio tota, ut arbitror, dissoluta est: nisi forte expectatis,  
 ut illa diluam, quæ de peculatu, ac de ejusmodi rebus  
 commentitiis, inaudita nobis ante hoc tempus, ac nova,  
 obsecit; quæ mihi iste visus est ex alia oratione declama-  
 re, quam in alium reum commentaretur; ita neque ad  
 erimen parricidii, neque ad eum, qui causam dicit, per-  
 tinebant; de quibus quoniam verbo arguit, verbo satis est  
 negare; si quid est, quod ad testes reservet; ibi nos quoque,  
 ut in ipsa causa, peratiores reperiet, quam putabat.

Venio nunc eo, quo me non cupiditas ducit, sed fides;  
 nam si mihi liberet accusare, accusarem alios potius, ex  
 quibus possem crescere: quod certum est non facere, dum u-  
 trumvis licebit; is enim mihi videtur amplissimus, qui sua  
 virtute in altiore locum pervenit, non qui ascendit per  
 alterius incommodum, & calamitatem. Destinamus ali-  
 quando ea scrutari, quæ sunt inania: queramus, ubi ma-  
 leficium & est, & inveniri potest: jam intelliges, Eruti,  
 certum crimen quam multis suspicionibus coarguatur; tam-  
 etsi neque omnia dicam, & leviter unumquodque tan-  
 gam; neque enim id facerem, nisi necesse esset; & id erit  
 signi me invitum facere, quod non prosequar longius,  
 quam salus hujus, & mea fides postulat. Causam, ut  
 nullam reperiebas in Sex. Roscio; at ego in T. Roscio  
 repetio; tecum enim mihi res est, T. Roscii, quoniam  
 istic sedes, ac te palam adversarium esse profiteris; de  
 Capitone post viderimus, si, quemadmodum paratum esse  
 audio, testis prodierit; tum alias quoque suas palmas co-  
 gnoscet, de quibus me ne audisse quidem suspicatur. L.  
 Cassius ille, quem populus R. verissimum, & sapientissi-  
 mum judicem putabat, identidem in causis querere sole-  
 bat, cui bona fuisset; sic vita hominum est, ut ad ma-  
 leficium nemo conetur sine spe, atque emolumento ac-  
 cedere; hunc quaesitorem, ac judicem fugiebant, atque  
 horrebant ii, quibus periculum creabatur; ideo quod,  
 tametsi veritatis erat amicus, tamen natura non tam pro-  
 pensus ad misericordiam, quam inclinatus ad severitatem  
 videbatur. Ego, quamquam præest huic questioni vir &  
 contra audaciam fortissimus, & ab innocentia clementis-  
 simus, tamen facile me paterer, vel illo ipso acerrimo  
 iudice querente, vel apud Cassianos iudices, quorum  
 etiam nunc ii, quibus causa dicenda est, nomen ipsum  
 reformidant, pro Sex. Roscio dicere; in hac enim cau-  
 sa cum viderent illos amplissimam pecuniam possidere,  
 hunc in summa mendicitate esse illud quem non quere-  
 rent, cui bona fuisset; sed & perspicuum crimen, &  
 suspi-

suspicionem potius ad prædam adjungerent, quam ad e-  
 gentiam; quid, si accedit eodem, ut tenuis antea fue-  
 ris? quid si, ut avarus? quid si, ut audax? quid si, ut  
 illius, qui occisus est, inimicissimus? hunc querenda  
 causa, quæ te ad tantum adduxerit? quid ergo horum  
 negari potest? tenuitas hominis ejusmodi est, ut dissimu-  
 lari non queat, atque eo magis eluceat, quo magis oc-  
 cultatur; avaritiam præfers, qui societatem coieris de  
 municipis, cognatique fortunæ cum alienissimo; quam  
 sis audax (ut alia obliviscar) hinc omnes intelligere po-  
 tuerunt, quod ex tota societate, hoc est tot libris, so-  
 lus tu inventus es, qui cum accusatoribus sederes, atque  
 os tuum non modo ostenderes, sed etiam offerres; inimi-  
 citias tibi fuisse cum Sex. Roscio, & magnas rei familiæ  
 controversias, concedas, necesse est. Restat, judi-  
 ces, ut hæc dubitemus, uter potius Sex. Roscium occiderit;  
 is, ad quem morte ejus divitiæ venerint; an is, ad quem  
 mendicitas: is, qui antea tenuis fuerit; an is, qui pos-  
 tea factus sit egentissimus; is, qui ardens avaritia fera-  
 tur infestus in suos; an is, qui semper ita vixerit, ut  
 questum nosset nullum, fructum autem eum solum, quem  
 labore peperisset: is, qui omnium sectorum audacissimus  
 sit; an is, qui propter fori, judiciorumque insolentiam,  
 non modo subsellia, verum etiam urbem ipsam reformi-  
 dat: postremo, iudices, id quod ad rem meam sententia  
 maxime pertinet, utrum inimicus potius, an filius. Hæc  
 tu, Ersti, tot, & tanta si nactus esses in reo, quam diu  
 diceres? quo te modo iactares? tempus hercule te citius,  
 quam oratio deficeret; etenim in singulis rebus ejusmodi  
 materies est, ut dies singulos possis consumere: neque ego  
 non possum: non enim mihi tantum derogo, tametsi ni-  
 hil arrogo, ut te copiosius, quam me, putem posse dice-  
 re; verum ego forsitan propter multitudinem patronorum  
 in grege annumerer: te pugna Cannensis accusatorem sat  
 bonum facit; multos caelos non ad Thrasimenum lacum,  
 sed ad Servilium vidimus: quis ibi non est vulneratus ser-  
 vo Phrygie? non necesse est omnes commemorare, Cur-  
 tios, Marios, denique Mamercos, quos jam ætas a præ-  
 liis avocabat; postremo Priamum ipsum, sedem Anti-  
 stium, quem non modo ætas, sed etiam leges pugnare  
 prohibebant; jam quos nemo propter ignobilitatem nō-  
 minat, sexcenti sunt, qui inter sicarios, & de beneficiis  
 accusabant: qui omnes, quod ad me attinet, vellem vi-  
 verent: nihil enim mali est, canes ibi quamplurimos es-  
 se, ubi permulti observandi, multaque servanda sunt;  
 verum, ut sit, multa sæpe, imprudentibus imperatoribus  
 vis belli, ac turba molitur; dum is in aliis rebus erat  
 occupatus, qui summam rerum administrabant: erant in-  
 terea, qui suis vulneribus mederentur, qui, tanquam si  
 offusa reip. sempiterna nox esset, ita ruebant in tenebris,  
 omniaque miscebant: a quibus miror, ne quod judicio-  
 rum esset vestigium, non subsellia quoque esse combusta:  
 nam & accusatores, & iudices sustulerunt; hoc commo-

di est, quod ita vixerunt, ut testes omnes, si cuperent, interficere non possent; nam, dum hominum genus erit, qui accuset eos, non deerit: dum civitas erit, iudicia fient. Verum, ut corpi dicere, & Brutius hæc si haberet in causa, quæ commemoravi, posset ea quamvis dicere, & ego, iudices, possum; sed in animo est, quemadmodum ante dixi, leviter transire, ac tantummodo perstringere unamquamque rem; ut omnes intelligant, me non studio accusare, sed officio defendere. Vix deo igitur causas esse permultas, quæ istum impellerent: videamus nunc, æquæ facultas suscipiendi malefici fuerit. Ubi occisus est Sex. Roscius? Romæ; quid? tu, Rosci, ubi tunc eras? Romæ; verum quid ad rem? & alii multi; quasi nunc id agatur, quis ex tanta multitudine occiderit; ac non hoc queratur, eum, qui Romæ sit occisus, utrum verisimilius sit ab eo esse occisum, qui assiduus eo tempore Romæ fuerit, an ab eo, qui multis annis Romam omnino non accesserit. Age nunc, cæteras facultates quoque consideremus. Erat tunc multitudo sicariorum, id quod commemoravit Brutius: & homines impune occidebantur; quid? ea multitudo quæ erat? opinor, aut eorum, qui in bonis erant occupati; aut eorum, qui ab iis conducebantur, ut aliquem occiderent; si eos, putas, qui alienum appetebant; tu es in eo numero, qui nostra pecunia dives es: si eos, quos, qui leviori nomine appellant, percussores vocant; quæ, in cuius fide sint, & clientela: mihi crede, aliquem de societate tua reperies; & quidquid tu contra dixeris, id cum defensione nostra contendito: ita facillime causa Sex. Rosci cum tua conferetur. Dices, quid postea, si Romæ assiduus fui? respondebo: at ego omnino non fui. Fateor me sectorem esse: verum & alii multi; at ego, ut tute arguis, agricola, & rusticus; non continuo, si me in gregem sicariorum contuli, sum sicarius; ut ego profecto, qui ne novi quidem quemquam sicarium, longe absum ad ejusmodi crimine. Permulta sunt, quæ dici possunt, quare intelligatur, summam tibi facultatem fuisse malefici suscipiendi: quæ non modo ideo prætereò, quod te ipsum non libenter accuso; verum et magis etiam, quod, si de illis cædibus velim commemorare, quæ tum factæ sunt ista eadem ratione, quæ Sex. Roscius occisus est, vereor, ne ad plures oratio mea pertinere videatur. Videamus nunc strictim, sicut cætera, quæ post mortem Sex. Rosci ab te, T. Rosci, facta sunt: quæ ita aperta, & manifesta sunt, ut medius fidius, iudices, invitus ea dicam; vereor enim, cuiusmodi es, Rosci, ne ita hunc videar voluisse servare, ut tibi omnino non pepercerim; cum hoc vereor, & cupio tibi aliqua ex parte, quod salva fide possim, parcere; rursus immutò voluntatem meam; venit enim mihi in mentem oris tui; te ne, cum cæteri socii tui fugerent, ac se occultarent, ut hoc iudicium non de illorum præda, sed de huius maleficio fieri videretur, potissimum tibi partes istas depoposcisse, ut in iudicio versare-

re, & federes cum accusatore? quæ enim re nihil aliud assequeris, nisi ut ab omnibus mortalibus audacia tua cognoscatur, & impudentia. Occiso Sex. Roscio, quis primus Ameriam nunciat? Manlius Glaucia, quem jam antea nominavi, tuus eliens, & familiaris; quid attinuit eum id potissimum nunciare, quod, si nullum jam ante consilium de morte, ac de bonis ejus inieras, nullamque societatem neque sceleris, neque præmii cum homine ullo coieras, ad te minime omnium pertinebat? Sua sponte Manlius nunciat? quid, quæso, ejus intererat? An cum Ameriam non hujusce rei causa venisset, casu accidit, ut id, quod Romæ audierat, primus nunciaret? cujus rei causa venerat Ameriam? non possum, inquit, divinare; eo rem jam adducam ut nihil divinatione opus sit. Qua ratione Roscio Capitonius primum nuntiavit? cum Ameriæ Sex. Roscii domus, uxor, liberique essent, cum tot propinqui cognatique optime convenientes: qua ratione factum est, ut iste tuus eliens, sceleris tui nuncius, T. Roscio Capitonius potissimum nunciaret? occisus est a cœna rediens: nondum lucebat, cum Ameriæ scitum est; quid hic incredibilis cursus? quid hæc tanta celeritas, festinatioque significat? non quæro, quis percussit; nihil est, Glaucia, quod metuas: non excutio te, si quid forte ferri habuisti; non serutor: nihil ad me arbitror pertinere; quoniam, cujus consilio occisus sit, invenio; cujus manu sit percussus non laboro; unum hoc sumo, quod mihi apertum tuum scelus, resque manifesta dat; ubi, aut unde audivit Glaucia? qui tam cito scivit? fac audisse statim; quæ res eum nocte una tantum itineris contendere coegit? quæ necessitas eum tanta premebat, ut, si sua sponte iter Ameriam faceret, id temporis Roma proficisceretur? nullam partem noctis requiesceret? Etiam ne in tam perspicuis rebus argumentatio querenda, aut conjectura capienda sit? nonne vobis hæc, quæ audistis, cernere oculis videmini, iudices? non illum miserum, ignarum casus sui, redeuntem a cœna videtis? non postas insidias? non impetum repentinum? non versatur ante oculos vobis in cæde Glaucia? non adest iste T. Roscius? non suis manibus in curru collocat Automedontem illum, sui sceleris acerbissimi, nefariæque victoriæ nuncium? non orat, ut eam noctem pervigilet? ut honoris sui causa laboret? ut Capitonius quamprimum nunciet? quid erat, quod Capitonem primum scire voluerit? nescio: nisi hoc video, Capitonem in his bonis esse socium: de tribus, & decem fundis tres nobilissimos fundos eum video possidere; audio præterea, non hanc suspicionem nunc primum in Capitonem conferri, multas esse infames palmas, hanc primam esse tamen lemmiscatam, quæ Romæ deferatur: nullum modum esse hominis occidendi, quo ille non aliquot occiderit: multos ferro, multos veneno; habeo etiam dicere, quem, contra morem majorum, minorem annis LX. de ponte in Tyberim dejecerit; quæ, si prodierit, atque adeo cum prodierit, scio enim proditum esse, audiet; veniat modo,

do, explicet suum volumen illud, quod ei planum facere possum, Erutium conscripisse: quod ajunt illum Sex. Roscio intentasse, & vinitatum esse, se omnia illa pro testimonio esse dicturum; o praeclarum testem, judices! o gravitatem dignam expectatione! o vitam honestam, atque ejusmodi, ut libentibus animis ad ejus testimonium vestrum jusjurandum accommodetis! profecto non tam perspicue istorum maleficia videremus, nisi ipsos caecos redderet cupiditas, & avaritia, & audacia. Alter ex ipsa caede volucrum nuncium Ameriam ad socium, atque ad magistrum suum misit, ut, si dissimulare omnes cuperent se scire, ad quem maleficiū pertineret, tamen ipse apertum suum scelus ante omnium oculos poneret. Alter, si diis immortalibus placet, testimonium etiam in Sex. Roscium dicturus est; quasi veroid nuncagatur, utrum id, quod dixeris, credendum, an quod fecerit, vindicandum sit; itaque more majorum comparatum est, ut in minimis rebus homines amplissimi testimonium de sua re non dicerent. Africanus, qui suo cognomine declarat tertiam partem orbis terrarum se subegisse, tamen, si sua res ageretur, testimonium non diceret; nam illud in talem virum non audeo dicere: si diceret, non crederetur. Videte nunc, quam versa, & mutata in peiorem partem sint omnia, cum de bonis, & de caede agatur, testimonium dicturus est is, qui & sector est, & sicarius, hoc est, qui & illorum ipsorum bonorum, de quibus agitur, emptor, atque possessor est, & cum hominem occidendum curavit, de cujus morte queritur. Quid tu, vir optime? ecquid habes, quod dicas? mihi ausculta: vide ne tibi delis: tua quoque res permagna agitur; multa scelerate, multa audacter, multa improbe fecisti, unum stultissime, profecto tua sponte, non de Erutii sententia; nihil opus fuit te istuc sedere; neque enim accusatore muto, neque teste quisquam utitur eo, qui de accusatoris subsellio surgit; huc accedit, quod paulo tamen occultior, atque tetior vestra ista cupiditas esset; nunc quid est, quod quisquam ex vobis audire desideret; curh, quae facitis, ejusmodi sint, ut ea dedita opera a vobis contra vosmetipsos facere videamini? Age nunc, illa videamus, judices, quae statim consecuta sunt. Ad Volaterras in castra L. Sullae mors Sex. Roscii quadriduo, quo is occisus est, Chryfogono nunciatur; queritur etiam nunc, quis eum nuncium miserit; nonne perspicuum est, eundem, qui Ameriam? curat Chryfogonus, ut ejus bona veneant statim, qui non norat hominem, aut rem; atque ei venit in mentem praedia concupiscere hominis ignoti; quem omnino nunquam viderat; soletis, cum aliquid hujusmodi auditis, judices, continuo dicere: necesse est, aliquem dixisse municipem, aut vicinum; si plerumque indicant; per eos plerique produntur; hic nihil est, quod suspitionem hanc putetis; non enim ego ita disputabo: verisimile est Roscios istam rem ad Chryfogonum detulisse; erat enim eis cum Chryfogono jam antea amicitia; nam cum

in ultos veteres a maioribus Roscii patronos, hospitesque haberent, omnes eos colere atque observare destiterunt, ac se in Chryfogoni fidem, & clientelam contulerunt; hæc possum omnia vere dicere: sed in hac causa conjectura nihil opus est: ipsos certo scio non negare, ad hæc bona Chryfogonum accessisse impulsu suo. Si eum, qui indicii partem acceperit, oculis cernetis, poteritis ne dubitare, iudices, qui indicarit? qui sunt igitur in istis bonis, quibus partem Chryfogonus dedit? duo Roscii; num quisnam præterea? nemo est, iudices; num ergo dubium est, quin ii obtulerint hanc prædam Chryfogono, qui ab eo partem prædæ tulerunt? Age, nunc ex ipsius Chryfogoni iudicio Rosciorum factum consideremus. Si nihil in ista pugna Roscii, quod operæ pretium esset, fecerant, quam ob causam a Chryfogono tantis præmiis donabantur? si nihil aliud fecerunt, nisi rem detulerunt; nonne satis fuit his gratias agi? denique, ut perliberaliter ageretur, honoris aliquid haberi? cur tria prædia, tantæ pecuniæ statim Capitori dantur? cur, quæ reliqua sunt, iste Roscius omnia cum Chryfogono communiter possidet? nonne perspicuum est, iudices, has manubios Rosciis Chryfogonum, re cognita, concessisse? Venit in decem primis legatus in castra Capito. Totam vitam, naturam, moresque hominis ex ipsa legatione cognoscite; nisi intellexeritis, iudices, nullum esse officium, nullum jus tam sanctum, atque integrum, quod non ejus scelus, atque perfidia violarit, & imminuerit; virum optimum esse eum iudicavote. Impedimento est, quominus de his rebus Sulla doceatur: cæterorum legatorum consilia, & voluntatem Chryfogono enunciat: monet, ut provideat, ne palam res agatur: ostendit, si sublata sit venditio bonorum, illum pecuniam grande amissurum, sese capitis periculum aditurum: illum acvere; hos, qui simul erant missi, fallere: illum identidem monere, ut caveret; hisce insidiosè spem falsam ostendere: cum illo contra hos inire consilia, horum consilia illi enunciate: cum illo partem suam depascisci; hisce, aliqua fretus hora semper, omnes editus ad Sullam intercludere; postremo, isto hortatore, auctore, intercessore, ad Sullam legati non adierunt, istius fide, ac potius perfidia decepti, id quod ex ipsis cognoscere poteritis, si accusator voluerit testimonium eis denunciare, pro re certa spem falsam domum retulerunt. In privatis rebus si qui rem mandatam non modo malitiosus gessisset sui quæstus, aut commodi causa, verum etiam negligentius, eum majores summum admisisse dedecus existimabant: itaque mandati constitutum est iudicium, non minus turpe, quam furti; credo, propterea quod quibus in rebus ipsi interesse non possumus, in his operæ nostræ vicaria fides amicorum supponitur: quam qui lædit, oppugnat omnium commune præsidium, & quantum in ipso est, disturbat vitæ societatem; non enim possumus omnia per nos agere: alius in alia est re magis vitæ: idcirco amicitia comparantur, ut commune com-

modum mutuis officiis gubernetur; quid recipis mandatum, si aut neglecturus, aut ad tuum commodum conversurus es? cur mihi te offers, ac meis commodis officio simulato officiis, & obstas? recede de medio; per alium transigam: suscipis onus officii, quod te putas sustinere posse: quod minime videtur grave iis, qui minime ipsi leves sunt; ergo idcirco turpis hæc culpa est, quod duas res sanctissimas violat, amicitiam, & fidem; nam neque mandat quisquam fere, nisi amico; neque credit, nisi ei, quem fidelem putat; perditissimi est igitur hominis simul & amicitiam dissolvere, & fallere eum, qui læsus non esset, nisi credidisset. Ita ne est? in minimis rebus, qui mandatum neglexerit, turpissimo iudicio condemnatur, necesse est: in re tanta, cum is, cui fama mortui, fortune vivi commendatæ sunt, atque concreditæ, ignominia mortuum affecerit, is inter honestos homines, atque adeo inter vivos numerabitur? in minimis, privatisque rebus etiam negligentia in crimen mandati, iudiciiue infamiam revocatur: propterea quod, si recte fiat, illum negligere oporteat, qui mandarit, non illum, qui mandatum receperit: in re tanta, quæ publice gesta, atque commissæ sit, qui non negligentia privatum aliquo commodum læserit, sed perfidia legationis ipsius ceremoniam polluerit, maculaque affecerit, qua is tandem poena afficietur? aut quo iudicio damnabitur? si hæc ei rem privatum Sex. Roscius mandavisset, ut cum Chrylogono transigeret, atque decideret, inque eam rem fidem suam, si quod opus esse putaret, interponeret: ille, qui sese facturum receperisset, nonne, si ex eo negotio tantulum in rem suam convertisset, damnatus per arbitrum, & rem restitueret, & honestatem omnem amitteret? nunc non hanc ei rem Sex. Roscius mandavit: sed id, quod multo gravius est, ipse Sex. Roscius cum fama, vita, bonisque omnibus a decurionibus publice Roscio mandatæ est: & ex eo T. Roscius non paulo nescio quid in rem suam convertit, sed hunc funditus evertit bonis: ipse tria prædia sibi depastus est; voluntatem decurionum, ac municipum omnium tantidem, quanti fidem suam, fecit. Videte jam porro cætera, iudices, ut intelligatis fingi maleficium nullum posse, quo iste sese non contaminarit. In rebus minoribus socium fallere turpissimum est, æqueque turpe, atque illud, de quo ante dixi: neque injuria: propterea quod auxilium sibi se putat adjunxisse, qui cum altero rem communicavit; ad cuius igitur fidem confugiet, cum per ejus fidem læditur, cui se commiserit? atqui ea sunt animadvertenda peccata maxime, quæ difficillime præcaventur; recti esse ad alienos possumus, intimi multa apertiora videant necesse est: socium vero cavere qui possumus? quem etiam si metuimus, jus officii lædimus; recte igitur majores eum, qui socium fefellerat, in virorum bonorum numero non putarunt haberi oportere; at vero T. Roscius non unum rei pecuniariæ socium fessellit (quod tamen si grave est, tamen aliquo modo posse ferri videtur) verum

novem homines honestissimos, ejusdem muneris, legationis, officii, grandæbrumque socios induxit, decepit, destituit, adversariis tradidit, omni fraude, & perfidia secessit; qui de ejus scelere suspicari nihil potuerunt, socium officii metuere non debuerunt; ejus malitiam non viderunt, orationi vanæ crediderunt; itaque nunc illi homines honestissimi propter istius insidias parum putantur cauti, providique fuisse; iste, qui initio proditor fuit, deinde perfuga, qui primo sociorum consilia adversariis denunciavit, deinde societatem cum ipsis adversariis coniit; terret etiam nos, ac minatur; tribus prædixit, hoc est præmiis sceleris, ornatus. In ejusmodi vita, iudices, in his tot, tantisque flagitiis hoc quoque maleficio, de quo iudicium est, reperietis; etenim querere ita debetis: ubi multa avare, multa audacter, multa improbe, multa perfidiose facta videtis, ibi scelus quoque latere inter illa tot flagitia putatote; tamen hoc quidem minime latet: quod ita promptum, & propositum est, ut non ex illis maleficiis, quæ in illo consistat esse, hoc intelligatur; verum ex hoc, etiam si quod illorum fortè dubitabitur, convincatur. Quid tandem, quæso, iudices? num aut ille lanista omnino jam a gladiis recessisse videtur, aut hic discipulus magistro tantulum de arte concedere? par est avaritia, similis improbitas, eadem impudentia, gemina audacia: etenim, quoniam fidem magistri cognovistis, cognoscite nunc discipuli æquitatem. Dixi jam antea, sæpe numero postulatos esse ab istis duos servos in quæstionem: tu semper, T. Rosci, recusasti; quero abs te, si ne, qui postulabant, indigni erant, qui impetrarent; an iste non commovebat, pro quo postulabant? an res ipsa tibi iniqua videbatur? postulabant homines nobilissimi, atque integerrimi nostræ civitatis, quos jam antea nominavi: qui ita vixerunt, talesque a populo Romæ putantur, ut quidquid dicerent, nemo esset, qui non æquum putaret; postulabant autem pro homine miserimo, atque infelicissimo; qui vel ipse se in cruciatum dari cuperet, dum de patris morte quæreretur; res porro abs te ejusmodi postulabatur, ut nihil interesset, utrum eam semper recusares, an de maleficio confiterere; quæ cum ita sint, quero abs te, quam ob causam recusaris? cum occiditur Sex. Roscius, ibidem fuerunt; servos ipsos, quod ad me attinet, neque arguo, neque purgo; quod a vobis hoc pugnari video, ne in quæstionem dentur, suspiciosum est: quod vero apud vos ipsos in honore tanto sunt, profecto necesse est, sciant aliquid, quod si dixerint, perniciosum vobis futurum sit. In dominos quæri de servis, iniquum est; anne quæritur? Sextus enim Roscius reus est: neque enim, cum de hoc quæritur, vos dominos esse dicitis; cum Chrysgono sunt; ita credo: literis eorum, & urbanitate Chrysgonus ducitur, ut inter suos omnium deliciarum, atque omnium artium puerulos, ex tot elegantissimis familiis lectos, velit hos versari, homines pene operarios, ex

Ame.



Amerina disciplina patrisfamilie rusticani; non est ita profecto, iudices; non est verisimile, ut Chryfogonus horum literas adamarit, aut humanitatem; non, ut rei familiaris negotio diligentiam cognovit eorum, & fidem: est quiddam, quod occultatur; quod quo studiosius ab ipsis opprimitur, & absconditur, eo magis eminet, & apparet; quid igitur? Chryfogonus, sui maleficii occultandi causa, questionem de his haberi non vult? minime, iudices; non in omnes arbitror omnia convenire; ego in Chryfogono, quod ad me attinet, nihil ejusmodi suspicor; neque hoc mihi nunc primum in mentem venit dicere; neminillus me ita distribuisse initio causam, in crimen, cujus tota argumentatio permixta Erutio est; & in audaciam, cujus partes Roscius impositæ sunt; quidquid maleficii, sceleris, cædis erit, proprium id Rosciorum esse debet; nimiam gratiam, potentiamque Chryfogoni dicimus & nobis ob stare, & perferri nullo modo posse, & a vobis, quoniam potestas data est, non modo infirmari, verum etiam vindicari oportere; ego sic existimo; qui queri velit ex iis, quos constat, cum cædes facta sit, assuisse, eum cupere verum invenire: qui recuset, eum profecto, tametsi verbo non audeat, tamen re ipsa de maleficio suo confiteri. Dixi initio, iudices, velle me plura de istorum scelere dicere, quam causa postularet, ac necessitas ipsa cogeret; nam & multæ res atferri possunt; & unaqueque earum multis eum argumentis dici potest; verum ego, quod invitus, ac necessarius facio, neque diu, neque diligenter facere possum: quæ præteriri nullo modo poterant, ea leviter, iudices, attingi; quæ posita sunt in suspicionibus, de quibus si exæpero dicere, pluribus verbis sit differendum, ea vestris ingeniis, conjecturæque committo. Venio nunc ad illud nomen aureum Chryfogoni: sub quo nomine tota Societas statuitur: de quo, iudices, neque quo modo dicam, neque quo modo taceam, reperire possum; si enim taceo, vel maximam partem relinquo: sin autem dico, verborum, ne non ille solus, id quod ad me nihil attinet, sed alii quoque plures laesos se esse putent; tametsi ita res se habet, ut mihi in communem causam testorum dicendum nihil magis opere videatur; hæc enim causa nova profecto, & singularis est. Boorum Sex. Roscii emptor est Chryfogonus; primum hoc videamus, ejus hominis bona qua ratione venierunt, aut quo modo venire potuerunt; atque hoc non ita quæram, iudices, ut id dicam, esse indignum hominis innocentis bona venisse; si enim hæc audientur, ac libere dicentur; non fuit tantus homo Sex. Roscius in civitate, ut de eo potissimum conquereretur; verum ego hoc quæro: qui potuerunt ista ipsa lege, quæ de proscriptione est, sive Valeria est, sive Cornelia (non enim novi nec scio) verum ista ipsa lege bona Sex. Roscii venire qui potuerunt? scriptum enim ita dicunt esse, ut eorum bona veniant, qui proscripti sunt: quo in numero Sex. Roscius non est,

aut eorum, qui in adversariorum prædiis occisi sunt. Dum prædicia ulla fuerunt, in Sullæ prædiis fuit: posteaquam ab armis recesserunt; in summo otio, rediens a cœna, Romæ occisus est; si lege bona quoque lege venisse fateor: sin autem constat, contra omnes non modo veteres leges, verum etiam novas occisum esse: bona quo jure, aut quo modo, aut qua lege venierint, quero. In quem hoc dictum, queris, Eruti? non in eum, quem vis, & putas: nam Sullam & oratio mea ab initio, & ipsius eximia virtus omni tempore purgavit; ego hæc omnia Chryfogonum fecisse dico, ut ementiretur, ut malum civem Roscium fuisse fingeret, ut eum apud adversarios occisum esse diceret, ut hisce de rebus a legatis Amerinorum doceri L. Sullam passus non sit. Denique etiam illud inspicor, omnino hæc bona non venisse: id quod postea, si per vos, judices, licitum erit, aperitur; opinor enim esse in lege, quam ad diem proscriptiones, venditionesque fiant, nimirum ad Kal. Jun. Aliquot post menses & homo occisus est, & bona venisse dicuntur; profecto aut hæc bona in tabulas publicas nulla redierunt; nosque ab isto nebulone facetus eludimur, quam putamus: aut, si redierunt, tabulæ publicæ corruptæ aliqua ratione sunt; nam lege quidem bona venire non potuisse constat. Intelligo, me ante tempus, judices, hæc scrutari, & propemodum errare, qui, cum capiti Sex. Roscii mederi debeam, reduviam curem; non enim laborat de pecunia, non ullius rationem sui commodi ducit: facile egestatem suam se laturum putat, si hæc indigna suspitione, & ficto crimine liberatus sit; verum queso a vobis, judices, ut hæc pauca, quæ restant, ita audiat, ut partim me dicere pro me ipso putetis, partim pro Sex. Roscio; quæ enim mihi ipsi indigna, & intolerabilia videntur, quæque ad omnes, nisi providemus, arbitror pertinere, ea pro me ipso, ex animi mei sensu, ac dolore pronuncio; quæ ad hujus vitæ casum, causamque pertineant, & quid hic pro se dici velit, & qua conditione contentus sit, jam in extrema oratione nostra, judices, audietis. Ego hæc a Chryfogono mea sponte, remoto Sex. Roscio, quero; primum, quare civis optimi bona venierint: deinde, quare hominis ejus, qui neque apud adversarios occisus est, neque proscriptus fuerat, bona venierint, cum in eos solos lex scripta sit: deinde, quare aliquanto post eam diem venierint, quæ dies in lege præfinita est; deinde, cur tantulo venierint. Quæ omnia si, quemadmodum solent liberti nequam, & improbi facere, in patronum suum voluerit conferre, nihil egerit; nemo est enim, qui nesciat, propter magnitudinem rerum, multa multos, partim commivente, partim imprudente L. Sulla, commisisse; placet igitur in his rebus aliquid imprudentia præteritum non placet, judices; sed necesse est; etenim si Jupiter Optimus Maximus, cujus nutu, & arbitrio cœlum, terra, mariaque reguntur, sæpe ventis vehementioribus, aut moderatis tempestatibus, aut nimio calore, aut

intolerabili frigore hominibus nocuit, urbes delevit, fruges perdidit; quorum nihil pernicii causa, divino consilio, sed vi ipsa, & magnitudine rerum factum putamus: at contra commoda, quibus utimur, lucemque, qua fruimur, spiritumque, quem ducimus, ab eo nobis dari, atque impertiri videmus: quid miramur, L. Sullam, cum solus temp. regeret, orbemque terrarum gubernaret, imperique maiestatem, quam armis receperat, legibus confirmaret, aliqua animadvertere non potuisse? nisi hoc mirum est, quod vis divina assequi non possit, si id mens humana adepta non sit. Verum, ut hæc missa faciam, quæ jam facta sunt, ex iis, quæ nunc maxime fiunt, nonne quisvis potest intelligere, omnium architectum, & machinatorum unum esse Chrylogonum, qui Sex. Rosci nomen deferendum curavit? hoc iudicium, cuius honoris causa accusare se dixit Erutius?

desunt non pauca.

aptam, & ratione dispositam se habere existimant, qui in Salentinis, aut in Brutiis habent, unde vix ter in anno audire nuncium possunt; alter tibi descendit de Palatio, & ædibus suis: habet animi relaxandi causa, rus amœnum, & suburbanum, plura præterea prædia, neque tamen ululum nisi præclarum, & propinquum: domus refecta vasis Corinthiis, & Deliacis, in quibus est authepsa illa, quam tanto pretio nuper mercatus est, ut qui prætereuntes prærium enumerari audiebant, fundum venire arbitrarentur. Quid præterea celati argenti? quid stragulae vestis? quid pictarum tabularum? quid signorum? quid marmoris apud illum putatis esse? tantum scilicet, quantum e multis splendidisque familiis in turba, & sapinis coacervari una in domo potuit. Familiam vero quantam, & quam variis cum artificibus habeat, quid ego dicam? mitto hæc artes vulgares, coquos, pictores, lecticarios: animum, & aurium causa tot homines habet, ut quotidiano cantu vocum, & nervorum, & tiliarum, nocturnisque conviviiis tota vicinitas personet. In hac vira, iudices, quos sumptus quotidianos, quas effusiones fieri putatis? quæ vero convivia? honesta, credo, in ejusmodi domo, si domus hæc habenda est potius, quam officina nequitie, & divorforium flagitiorum omnium. Ipse vero quemadmodum composito & delibuto capillo passim per forum volitet cum magna caterva togatorum, videtis, iudices; etiam videtis, iudices, ut omnes despiciat; ut hominem præ se neminem potet; ut se solum beatum, solum potentem putet. Quæ vero efficiat, & quæ conetur, si velim commemorare, vereor, iudices, ne quis imperitior existimet, me causam nobilitatis, victoriamque voluisse ledere, tamen meo jure possum, si quid in hac parte mihi non placeat, vituperare; non enim vereor, ne quis alienum me animum habuisse a causa nobilitatis existimet; sciunt ii, qui me norunt, me pro illa tenui, infirmaque parte, posteaquam

id, quod maxime volui, fieri non potuit, ut componeretur, id maxime defendisſe, ut ii vincerent, qui vicerunt; quis enim erat, qui non videret humilitatem cum dignitate de amplitudine contendere? quo in certamine perditus civis erat. non ſe ad eos jungere, quibus incolumibus, & domi dignitas, & foris auctoritas retineretur; quæ perfectæ eſſe, & ſuum cuique honorem, & gradum redditum, gaudeo, iudices, vehementerque lætor: eaque omnia deorum voluntate, ſtudio populi Rom., conſilio, & imperio, & felicitate L. Sullæ geſta eſſe intelligo; quod animadverſum eſt in eos, qui contra omni ratione pugnaverunt, non debeo reprehendere; quod viris fortibus, quorum opera eximia in rebus gerendis exſtitit, honores habitus eſt, laudo; quæ ut fierent, idcirco pugnatum eſſe arbitror; meque in eo ſtudio partium fuiſſe conſiteor. Sin autem id actum eſt, & idcirco arma ſumpta ſunt, ut homines poſtremi pecuniis alienis locupletarentur, & in fortunas uniufcujuſque impetum facerent; & id non modo re prohibere non licet, ſed ne verbis quidem vituperare; tum vero in iſto bello non recreatus, neque reſtitutus, ſed ſubactus, oppreſſusque populus Rom. eſt; verum longe aliter eſt: nihil horum eſt, iudices: non modo non lædatur cauſa nobilitatis, ſi iſtis hominibus reſiſtetis; verum etiam ornabitur; etenim qui hæc vituperare volunt, Chryſogonum tantum poſſe queruntur: qui laudare volunt, conſeſſum ei non eſſe commemorant; ac jam nihil eſt, quod quiſquam aut tam ſtultus, aut tam improbus ſit, qui dicat: vellem quidem liceret; hoc dixiſſem: dicas licet; hoc feciſſem: facias licet; nemo prohibet; hoc decreviſſem, decerne; modo recte, omnes approbabit: hoc judicaſſem: laudabunt omnes, ſi recte, & ordine iudicaris; dum necesse erat, reſque ipſa cogebat, unus omnia poterat: qui poſteaquam magiſtratus creavit, legesque conſtituit; ſua cuique procuratio, auctoritaſque eſt reſtituta; quam ſi retinere volunt ii, qui receperunt, in perpetuum poterunt obtinere: ſin hæc cædes, & rapinas, & hoſ tantos, tamque profuſos ſumptus aut facient, aut approbabit, nolo in eos gravius quidquam ne ominis quidem cauſa dicere; unum hoc dico: noſtri iſti nobiles, niſi vigilantes, & boni, & fortes, & miſericordes erunt, iſis hominibus, in quibus hæc erunt, ornamenta ſua concedant, necesse eſt; quapropter deſinant aliquando dicere, male aliquem locutum eſſe, ſi quis vere, ac libere locutus ſit: deſinant ſuam cauſam cum Chryſogono communicare: deſinant, ſi ille læſus ſit, de ſe aliquid detractum arbitrari; videant, ne turpe, miſerumque ſit, eos, qui æqueſtrem ſplendorem pati non potuerunt, ſervi nequiſſimi dominationem ferre poſſe; quæ quidem dominatio, iudices, in aliis rebus antea verſabatur: nunc vero quam viam munitet, quo iter aſſectet, videtis: ad fidem, ad juſſurandum, ad iudicia veſtra, ad id, quod ſolum prope in civitate ſincerum, ſanctumque reſtat. Hic ne etiam ſeſe putat aliquid poſſe Chryſogonus? hic etiam potens

potens esse vult? o rem miseram, atque acerbam! neque mehercules hoc indigne fero, quod verear, ne quid possit: verum, quod ausus est, quod speravit sese apud tales viros aliquid ad perniciem posse innocentis, id ipsum queror; idcirco ne expectecta nobilitas armis, atque ferro reimp. recuperavit, ut ad libidinem suam liberti, servuli que nobilium bona, fortunas vestras, nostrasque vexare possent? si id actum est, fateor me errasse, qui hoc maluerim; fateor insanisse, qui cum illis senserim: tamen si inermis, iudices, sensi; sin autem victoria nobilium ornamento, atque emolumento Reip. populoque R. debet esse: tum vero optimo, & nobilissimo cuique meam orationem gratissimam esse oportet. Quod si quis est, qui & se, & causam lædi putet, cum Chrysogonus vituperetur; is causam ignorat, se ipsum prope non novit; causa enim splendidior fiet, si nequissimo cuique resistatur; ille improbissimus Chrysogoni fautor, qui sibi cum illo rationem communicatam putat, læditur, cum ab hoc splendore causæ separatur; verum hæc omnis ratio, ut jam ante dixi, mea est: qua me uti resp. & dolor meus, & istorum injuria coegit; sed Roscius horum nihil indignum putat: nequinem accusat: nihil de suo patrimonio queritur: putat homo imperitus morum, agricola, & rusticus, ista omnia, quæ vos per Sullam gesta esse dicitis, more, lege, jure gentium facta: culpa liberatus, & crimine nefario solutus, cupit a vobis discedere; si hac indigna suspicionem careat, animo æquo se carere suis omnibus commodis dicit: rogat, oratque te, Chrysogone, si nihil de patris fortune amplissimis in suam rem convertit, si nulla in re te fraudavit; si tibi optima fide sua omnia concessit, adnumeravit, appendit; si vestitum; quo ipse tectus erat, anulumque de digito suum tibi tradidit; si ex omnibus rebus se ipsum nudum, neque præterea quidquam, excepit; ut sibi per te liceat innocenti amicorum opibus vitam in egestate degere? prædia mea tu possides; ego aliena misericordia vivo: concedo; & quod animus æquus est, & quia necesse est, mea domus tibi patet, mihi clausa est: fero; familia mea maxima uteris: ego servum habeo nullum: patior, & ferendum puto; quid vis amplius? quid insequeris? quid oppugnas? qua in re tuam voluntatem lædi a me putas? ubi tuis commodis officio? quid tibi obsto? si spoliatorum causa vis hominem occidere; spoliasti: quid quaeris amplius? si inimicitiarum; quæ sunt tibi inimicitia? cum eo, cujus ante prædia possidisti, quam ipsum cognosti? sin metuis, ab eo ne aliquid metuas, quem vides ipsum ab sese tam atrocem injuriam propulsare non posse? sin, quod bona, quæ Roscii fuerunt, tua facta sunt, idcirco hunc illius filium studeas perdere; nonne ostendis id te vereri, quod præter ceteros tu metuere non debeas, ne quando liberis proscriptionum bona patria reddantur? facis injuriam, Chrysogone, si majorem spem emptionis tuæ in hujus exitio ponis, quam in istis rebus, quam L. Sulla gessit; quod si tibi causa nulla est,

cur hunc miserum tanta calamitate affici velis, si tibi omnia sua præter animam tradidit, nec sibi quidquam paternum, ne monumenti quidem causa, reservavit: per deos immortales, quæ ista tanta crudelitas est? quæ tam fera, immanisque natura? quis unquam prædo fuit tam nefarius, quis pirata tam barbarus, ut cum integram prædam sine sanguine habere posset, cruenta spolia detrahens mallet? scis hunc nihil habere, nihil audere, nihil posse, nihil unquam contra rem tuam cogitare: & tamen oppugnas eum, quem neque metuere potes, neque odisse debes, nec quidquam habere jam reliqui vides, quod ei detrahere possis; nisi hoc indignum putas, quod vestitum sedere in judicio vides, quem tu e patrimonio, tanquam e naufragio, nudum expulisti; quasi vero nescias hunc & alii, & vestiri a Cæcilia Balearici filia, Nepotis sorore, spectatissima femina; quæ cum patrem clarissimum, amplissimos patruos, ornatissimum fratrem haberet, tamen, cum esset mulier, virtute perfecit, ut quanto honore ipsa ex illorum dignitate afficeretur, non minora illis ornamenta ex sua laude redderet. An, quod diligentur defenditur, id tibi indignum facinus videtur? mihi crede, si pro patris ejus hospitii, & gratia vellent omnes hujus hospites adesse, & auderent libere defendere, satis copiose defenderetur: sin autem pro magnitudine injuriæ, proque eo, quod summa reip. in hujus periculo tentatur, hæc omnes vindicarent, consistere mehercule vobis isto in loco non liceret; nunc ita defenditur, non sane ut moleste ferre adversarii debeant, neque ut se potentia superare putent; quæ domi gerenda sunt, ea per Cæciliam transiguntur; fori, judicii que rationem Messalla, ut videtis, judices, suscepit: qui si jam satis ætatis, atque roboris haberet, ipse pro Sex. Roscio diceret; quoniam ad dicendum impedimento est ætas, & pudor, qui ornat ætatem; causam mihi tradidit, quem sua causa cupere, ac debere intelligebat: ipse assiduitate, consilio, auctoritate, diligentia perfecit, ut Sex. Roscii vita erepta de manibus sectorum, sententiis judicum permitteretur. Nimirum, judices, pro hac nobilitate pars maxima civitatis in armis fuit; hæc acta res est, uti nobiles restituerentur in civitatem, qui hoc facerent, quod facere Messallam videtis: qui caput innocentis defenderent: qui injuriæ resisterent: qui, quantum possent, in salute alterius, quam in exitio, mallet ostendere: quod si omnes, qui eodem loco nati sunt, facerent, & resp. ex illis, & ipsi ex invidia minus laborarent. Verum si a Chrysogono, judices, non impetramus, ut pecunia nostra contentus sit, vitam ne petat; si ille adduci non potest, ut, cum ademerit nobis omnia, quæ nostra erant propria, ne lucem quoque hanc, quæ communis est, eripere cupiat; si non satis habet avaritiam suam pecunia explere, nisi etiam crudelitate sanguinis perlitus sit: unum perfugium, judices, una spes reliqua est Sex. Roscio, eadem, quæ reip., vestra pristina

bonitas, & misericordia: quæ si manet, salvi etiam nunc esse possumus; sin ea crudelitas, quæ hoc tempore in rep. versata est, vestros quoque animos, id quod fieri profecto non potest, duriores, acerbioresque reddidit, actum est, iudices: inter feras satius est ætatem degere, quam in hac tanta immanitate versari; ad eam ne rem vos reservati estis, ad eam ne rem delecti, ut eos condemnareis, quos sectores, ac sicarii jugulare non potuissent? solent hoc boni imperatores facere, cum prælium committunt, ut in eo loco, quo fugam hostium fore arbitrantur milites collocent, in quos, si qui ex acie fugerint, de improviso incidant; nimirum similiter arbitrantur isti bonorum emptores, vos hic tales viros sedere, qui excipiat eos, qui de suis manibus effugerint; dii prohibeant, iudices, ut hoc, quod majores consilium publicum vocari voluerunt, præsidium sectorum existimetur. An vero, iudices, vos non intelligitis, nihil aliud agi, nisi ut proscriptorum liberi quavis ratione tollantur? & ejus rei initium in vestro jurejurando, atque in Sex. Rosci periculo queri? dubium est, ad quem maleficium pertineat, cum videatis ex altera parte sectorem, inimicum, sicarium, eundemque accusatorem hoc tempore; ex altera egentem, probatum suis filium, in quo non modo culpa nulla, sed ne suspicio quidem potuit consistere? numquid hoc aliud videtis ob stare Roscio; nisi quod patris bona venierunt? quod si id vos suscipitis, & eadem in re operam vestram profitemini; si idcirco sedetis, ut ad vos adducantur eorum liberi, quorum bona venierunt: cavete, per deos immortales, iudices, ne nova, & multo crudelior per vos proscriptio instaurata esse videatur; illam priorem, quæ facta est in eos, qui arma capere potuerunt, tamen senatus suscipere noluit, ne quid acrius, quam more majorum comparatum est, publico consilio factum videretur; hanc vero, quæ ad eorum liberos, atque infantium puerorum incunabula pertinet, nisi hoc iudicio a vobis relicta, & aspernamini, videte, per deos immortales, quem in locum temp. perventuram putetis. Homines sapientes, & ista auctoritate, & potestate præditos, qua vos estis, ex quibus rebus maxime resp. laborat, iis maxime mederi convenit; vestrum nemo est, quin intelligat, populum R. qui quondam in hostes lenissimus existimabatur, hoc tempore domestica crudelitate laborare; hanc tollite ex civitate, iudices: hanc pati nolite diutius in hac rep. versari: quæ non modo id habet in se mali, quod tot ciyes atrocissime sustulit, verum etiam hominibus lenissimis ademit misericordiam consuetudine incommodorum; nam cum omnibus horis aliquid atrociter fieri videmus, aut audimus, etiam qui naturæ mitissimi sumus, assidue molestiarum sensum omnem humanitatis ex animis amittimus.

Deest fortasse quippiam.

## M. TULLII CICERONIS

## O R A T I O,

*Quæ dicitur*

## IN C. VERREM DIVINATIO.

## A R G U M E N T U M.

*Quæstio. Utrum Cicero, an vero Q. Cecilius constituendus sit accusator C. Verri, quem repetundarum rerum Siculi postularunt. Petunt accusatorem Cicero, & Cecilius. Persona Judicii, Prætor M. Glabrio, eique in consilio viri ornatissimi ex Senatu. Oratio habita est in foro: anno U. C. 683. Ciceronis 37. Vixit Cecilio, accusatio ad Ciceronem delata est.*

**S**I quis vestrum, iudices, aut eorum, qui adsunt, forte miratur, me qui tot annos in causis, iudiciisque publicis ita firm. versatus, ut defenderim multos, læserim neminem, subito nunc mutata voluntate, ad accusandum descendere; is, si mei consilii causam, rationemque cognoverit, una & id, quod facio, probabit, & in hac causa profecto neminem mihi esse præponendum astorem putabit. Cum quæstor in Sicilia fuisssem, iudices, itaque ex ea provincia decessissem, ut Siculis omnibus jucundam, diuturnamque memoriam quæsturer, nominisque mei relinquerem; factum est, uti cum summum in veteribus patronis multis, tum nonnullum etiam in me præsidium suis fortunis constitutum esse arbitrarentur, qui nunc populati, atque vexati, cuncti ad me publice sæpe venerunt, ut suarum fortunarum omnium causam, defensionemque susciperem: me sæpe esse pollicitum, sæpe ostendisse dicebant, si quod tempus accidisset, quo tempore aliquid a me requirerent, commodis eorum me non defuturum; venisse tempus aiebant, non jam ut commoda sua, sed ut vitam, salutemque totius provincie defenderem: sese jam ne deos quidem in suis urbibus, ad quos confugerent, habere, quod eorum simulacra sanctissima C. Verres ex delubris religiosissimis sustulisset; quas res luxuries in flagitiis, crudelitas in suppliciis, avaritia in rapinis, superbia in contumeliis efficere potuisset, eas omnes sese hoc uno prætore per triennium pertulisse: rogare, & orare, ne illos supplices aspernaret, quos me incolumi nemini supplices esse oporteret. Tuli graviter, & aterbe, iudices, in eum me locum adductum, ut aut eos homines spes falleret, qui opem a me, atque auxilium expectassent; aut ego, qui me ad defendendos homi-

nes ab



nes ab ineunte adolescentia dedissem, tempore, atque officio coactus ad accusandum traducerer. Dicebam, habere eos actorem Q. Cæcilium, qui præsertim quæstor in eadem provincia post me quæstorem fuisset; quo ego adjumento sperabam hanc a me molestiam posse dimoveri, id mihi erat adversarium maxime; nam illi multo mihi hoc facilius remisissent, si istum non nossent, aut si iste apud eos quæstor non fuisset. Adductus sum, judices, officio, fide, misericordia, multorum bonorum exemplo, veteri consuetudine, institutoque majorum, ut onus hoc laboris, atque officii non ex meo, sed ex meorum necessariorum tempore mihi suscipiendum putarem; quo in negotio tamen illa me res, judices, consolatur, quod hæc quæ videtur esse accusatio mea, non potius accusatio, quam defensio est existimanda; defendo enim multos mortales, multas civitates, provinciam Siciliam totam; quamobrem si mihi unus est accusandus, propemodum manere in instituto meo videor, & non omnino a defendendis hominibus, sublevandisque discedere; quod si hanc causam tam idoneam, tam illustrem, tam gravem non haberem; si aut hoc a me Siculi non petissent, aut mihi eum Siculis causa tantæ necessitudinis non intercederet, & hoc, quod facio, me reip. causa facere profiterer, ut homo singulari cupiditate, audacia, scelere præditus, cujus furta, atque flagitia non in Sicilia solum, sed in Achaja, Asia, Cilicia, Pamphylia, Romæ denique ante oculos omnium maxima, turpissimaque nossemus, me agente in iudicium vocaretur: quis tandem esset, qui meum factum, aut consilium posset reprehendere? quid est, pro deum, hominumque fidem, in quo ego reip. plus hoc tempore prodesse possim? quid est, quod aut populo R. gratus esse debeat, aut sociis, exterisque nationibus optatius esse possit, aut saluti, fortunisque omnium magis accommodatum sit? populatæ, vexatæ, funditus everse provincie, socii, stipendiarique populi R. afflicti, miseri, jam non salutis spem, sed exitii solatium querunt; qui iudicia manere apud ordinem senatorium volunt, queruntur se accusatores idoneos non habere: qui accusare possunt, iudiciorum severitatem desiderant; populus R. interea, tametsi multis incommodis, difficultatibusque affectus est, tamen nihil æque in rep. atque illam veterem iudiciorum vim, gravitatemque requirit; iudiciorum desiderio tribunitia potestas efflagitata est, iudiciorum levitate ordo quoque alius ad res iudicandas postulatur; iudicum culpa, atque dedecore etiam censorium nomen, quod asperius antea populo videri solebat, id nunc poscitur, id jam populare, atque plausibile factum est; in hac libidine hominum nocentissimorum, in populi R. quotidiana querimonia, iudiciorum infamia, totius ordinis offensione, cum hoc unum his tot incommodis remedium esse arbitraret, ut homines idonei, atque integri causam reip. legumque susciperent; fateor me salutis omnium causa ad eam partem accessisse reip. sublevandæ,

quæ maxime laboraret. Nunc, quoniam, quibus rebus adductus ad causam accesserim, demonstravi; dicendum necessario est de contentione nostra, ut in constituendo accusatore, quid sequi possitis, habeatis. Ego sic intelligo, iudices: cum de pecuniis repetundis nomen cuiuspiam deferatur, si certamen inter aliquos sit, cui potissimum delatio detur, hæc duo in primis spectari oportere; quem maxime velint actorem esse ii, quibus factæ esse dicantur injuriæ: & quem minime velit is, qui eas injurias fecisse arguatur; in hac causa, iudices, tametsi utrumque esse arbitror perspicuum, tamen de utroquo dicam, & de eo prius, quod apud vos plurimum debet valere, hoc est de voluntate eorum, quibus injuriæ factæ sunt, quorum causa iudicium de pecuniis repetundis est constitutum. Siciliam provinciam C. Verres per triennium depopulatus esse, Siculorum civitates vastasse, domos exinanisse, sana spoliasse, dicitur; adsunt, queruntur Siculi universi: ad æneam fidem, quam habent spectatam jam, & diu cognitam, confugiunt: auxilium sibi per me a vobis, atque populi R. legibus petunt: me defensorem calamitatum suarum, me ultorem injuriarum, me cognitorem juris sui, me actorem causæ totius esse voluerunt. Utrum, Q. Cæcili, hoc dices, me non Siculorum rogitu ad causam accedere, an optimorum, fidelissimorumque sociorum voluntatem apud hos gravem esse non oportere? si id audebis dicere, quod C. Verres, cui te inimicum esse simulas, maxime existimari vult, Siculos hoc a me non petisse: primum causam inimici tui sublevabis; de quo non præjudicium, sed plane iudicium jam factum putatur, quod ita percipuit, Siculos omnes actorem suæ causæ contra illius injurias quæsisse: hoc si tu, inimicus ejus, factum negabis; quod ipse, cui maxime hæc res obstat, negare non audet: videto, ne nimium familiariter inimicitias exercere videare; deinde sunt testes viri clarissimi nostræ civitatis: quos omnes a me nominari non est necesse; eos, qui adsunt, appellabo: quos, si mentirer, testes esse impudentiæ meæ minime vellem; scit is, qui est in consilio, C. Marcellus: scit is, quem adesse video, Cn. Leatulus Marcellinus: quorum fide, atque præsidio Siculi maxime nituntur, quod omnino Marcellorum nomini tota illa provincia adjuncta est; hi sciunt, hoc non modo a me petatum esse, sed ita sæpe, & ita vehementer esse petatum, ut aut causa mihi suscipienda fuerit, aut officium necessitudinis repudiandum; sed quid ego his testibus utor? quasi res dubia, aut obscura sit; adsunt homines ex tota provincia nobilissimi, qui præsentes vos orant, atque obsecrant, iudices, ut in actore causæ suæ deligendo vestrum iudicium a suo iudicio ne discrepet, omnium civitatum totius Siciliæ legationes adsunt, præter duas civitates: quarum duarum si adessent duo crimina vel maxima minuerentur, quæ cum his civitatibus C. Verri communicata sunt. At enim cur a me potissimum hoc præsidium petuerunt? si esset dubium,

petis.

petissent a me præsidium, necne, dicerem, cur petissent: nunc vero, cum id ita perspicuum sit, ut oculis judicare possitis; nescio, cur hoc mihi detrimento esse debeat, si id mihi obijciatur me potissimum esse delectum; verum id mihi non sumo, iudices, & hoc non modo in oratione mea non pono, sed ne in opinione quidem cujusquam relinquo, me omnibus patronis esse præpositum; non ita est: sed uniuscuiusque temporis, valetudinis, facultatis ad agendum ducta ratio est; mea fuit semper hæc in hac re voluntas, & sententia, quemvis ut hoc mallet de iis, qui essent idonei, suscipere, quam me; me ut imallem, quam neminem. Reliquum est jam, ut illud queramus, cum hoc constet Siculos a me petisse, ecquid hanc rem apud vos, animosque vestros valere oporteat, ecquid auctoritatis apud vos in suo jure repetendo socii populi R. supplices vestri habere debeant; de quo quid ego plura commemorem? quasi vero dubium sit, quin tota lex de pecuniis repetundis sociorum causa constituta sit; nam civibus cum sunt ereptæ pecuniæ, civili fere actione, & privato jure repetuntur: hæc lex socialis est: hoc jus nationum exterarum est: hanc habent arcem, minus aliquanto munitam nunc quidem, quam antea; verumtamen, si qua reliqua spes est, quæ sociorum animos consolari possit, ea tota in hac lege posita est; cujus legis non modo a populo R. sed etiam ab ultimis nationibus jam pridem severi custodes requiruntur; quis igitur est, qui neget oportere eorum arbitrātu lege agi, quorum causa lex sit constituta? Sicilia tota, si una voce loqueretur, hoc diceret: quod auri, quod argenti, quod ornamentorum in meis urbibus, sedibus, delubris fuit, quod in unaquaque re beneficio senatus, populi que R. juris habui, id mihi tu, C. Verres, eripuisti, atque abstulisti; quo nomine abs te sestertium millies ex lege repeto; si universa, ut dixi, provincia loqui posset, hac voce uteretur; quoniam id non poterat, harum rerum actorem, quem idoneum esse arbitrata est, ipsa delegit; in hujusmodi re quisquam tam impudens reperietur, qui ad alienam causam invitis iis, quorum negotium est, accedere, aut aspirare audeat? Si tibi, Q. Cæcili, hoc Siculi dicerent; id non novimus; nescimus, qui sis; nunquam te antea vidimus; sine nos per eum nostras fortunas defendere, cujus fides est nobis cognita: nonne id dicerent, quod cuius probare deberent? nunc hoc dicunt, utrumque se nosse, alterum se cupere defensorem esse fortunarum suarum, alterum plane nolle; cur nolint, etiam si tacent, satis dicunt; verum non tacent; tamen his invitissimis te offeres? tamen in aliena causa loquere? tamen eos defender, qui se ab omnibus desertos potius, quam abs te defensos esse malunt? tamen his operam tuam pollicebere, qui te neque velle sua causa, nec, si cupias, posse arbitrantur? cur eorum spem exiguam reliquarum fortunarum, quam habent in legis, & iudicii severitate positam, vi extorquere conaris? cur te interponis invitissimis iis, quibus

maxime lex consultum esse vult? cur, de quibus in provincia non optime es meritus, eos nunc plane fortunæ omnibus conaris evertere? cur iis non modo persequendæ juris sui, sed etiam deplorandæ calamitatis adimis potestatem? nam, te actore, quem eorum affuturum putas, quos intelligis, non ut per te alium, sed ut per aliquem te ipsum ulciscantur, laborare? At enim solum id est, ut me Siculi maxime velint: alterum illud credo obscurum est, a quo Verres minime se accusari velit; æquis utinam tam palam de honore, tam vehementer de salute sua contendir, quam ille, atque illius amici, ut ne hæc mihi delatio detur? sunt multa, quæ Verres in me esse arbitratur, quæ scit in te, Q. Cæcili, non esse: quæ ejusmodi in utroque nostrum sint, paulo post commemorabo. Nunc tantum id dicam, quod tacitus tu mihi assensurare: nullam rem in me esse, quam ille contemnat: nullam in te, quam pertimescat: itaque magnus ille defensor, & amicus ejus tibi Hortensius suffragatur: me oppugnat: aperte ab iudicibus petit, ut tu mihi anteponas: & ait, hoc se honeste, sine ulla invidia, ac sine ulla offensione contendere; non enim, inquit, illud peto, quod soleo, cum vehementius contendere, impetrare: reus ut absolvatur, non peto; sed ut ab hoc potius, quam ab illo accusetur, id peto: da mihi hoc, concede, quod facile est, quod honestum, quod non invidiosum: quod cum dederis, sine ullo tuo periculo, sine infamia illud dederis, ut is absolvatur, ejus ego causa laboro; & ait idem, ut aliquis metus adjunctus sit ad gratiam, certos esse in consilio, quibus ostendi tabellas velit: id esse per facile: non enim singulos ferre sententias, sed universos constituere: ceratam unicuique tabellam dari cære legitima, non illa infami, ac nefaria; atque is non tam propter Verrem laborat, quam quod eum minime res tota delectat: videt enim, si a pueris nobilibus, quos adhuc elusit, si a quadruplatoribus, quos non sine causa contempsit semper, ac pro nihilo putavit, accusandi voluntas ad viros fortes, spectatosque homines translata sit, se in judiciis dominari non posse; huic ego homini jam ante denuncio; si a me causam hæc vos agi volueritis, rationem illi defendendi totam esse mutandam. & ita tamen mutandam, ut memore, & honestiore conditione sit, quam qua ipse esse vult: ut imitatur homines eos, quos ipse vidit, amplissimos, L. Crasum, & M. Antonium, qui nihil se arbitrabantur ad judicia, causasque amicorum, præter fidem & ingenium, asferre oportere; nihil erit, quod me agente arbitretur, iudicium sine magno multorum periculo posse corrumpi; ego in hoc iudicio mihi Siculorum causam receptam, pop. R. susceptam esse arbitror: ut mihi non unus homo improbus opprimendus sit, id quod Siculi petiverunt, sed omnino omnis improbitas, id quod pop. R. jam diu flagitat, extinguenda, atque delenda sit; in quo ego quid eniti, aut quid efficere possim, malo in aliorum spe relinquere, quam in

oratione mea ponere; tu vero, Cæcili, quid potes? quo tempore, aut qua in re non modo specimen cæteris ali. quod dedisti, sed tute tui periculum fecisti? in mentem tibi non venit, quid negotii sit, causam publicam sustinere? vitam alterius totam explicare? atque eam non modo in animis iudicium, sed etiam in oculis, conspectuque omnium exponere? sociorum salutem, commoda provinciarum, vim legum, gravitatem iudiciorum defendere? cognosce ex me, quoniam hoc primum tempus discendi nactus es, quam multa esse oporteat in eo, qui alterum accuset: ex quibus si unum aliquod in te cognoveris, ego jam tibi ipse, istuc, quod expetis, mea voluntate concedam; primum integritatem, atque innocentiam singularem: nihil est enim, quod minus ferendum sit, quam rationem ab altero vitæ reposcere eum, qui non possit suæ reddere; hic ego de te plura non dicam; unum illud credo omnes animadvertere, te adhuc ab nullis, nisi a Siculis potuisse cognosci; Siculos hoc dicere, cum eisdem sint irati, cui tu te inimicum esse dicis, sese tamen, te actore, ad iudicium non assuturos; quare negent, ex me non audies: hos patere id suspicari, quod necesse est; illi quidem, ut est hominum genus nimis acutum, & suspiciosum, non te ex Sicilia litteras in Verrii deportare velle arbitrantur, sed, cum iisdem litteris illius prætura, & tua quæstura consignata sit, asportare te vellet ex Sicilia litteras suspicantur. Deinde, accusatorem firum, verumque esse oportet; eum ego si te putem cupere esse, facile intelligo esse non posse; nec ea dico, quæ, si dicam, tamen infirmare non possis: te, antequam de Sicilia decesseris, in gratiam redisse cum Verre: Potamonem scribam, & familiarem tuum retentum esse a Verre in provincia, cum tu decederes: M. Cæcilium fratrem tuum, lectissimum, atque ornatissimum adolescentem, non modo non adesse, neque tecum tuas injurias persequi, sed esse cum Verre, cum illo familiarissime, atque amicissime vivere; sunt hæc, & alia in te falsi accusatoris signa permulta: quibus ego nunc non utor: hoc dico, te, si maxime cupias, tamen verum accusatorem esse non posse; video enim permulta esse crimina, quorum tibi societas cum Verre ejusmodi est, ut ea in accusando attingere non audeas. Queritur Sicilia tota C. Verrem ab aratoribus, cum frumentum sibi in cellam imperavisset, & cum esset tritici modius HS 11. pro frumento in modios singulos duodenos sestertios excesse; magnum crimen, ingens pecunia, furtum impulsens, injuria non ferenda; ego hoc uno crimine illum condemnem. necesse est; tu, Cæcili, quid facies? utrum hoc tantum crimen prætermittes, an obicies? si obicies, id ne alteri crimini dabis, quod eodem tempore in eadem provincia tu ipse fecisti? audebis ita accusare alterum, ut quo minus tute condemnere, recusare non possis? sin prætermittes; qualis erit ista tua accusatio, quæ domestici periculi metu, certissimi, & maximi criminis non modo suspicionem,

verum

verum etiam mentionem ipsam pertimescat? Emptum est ex S. C. frumentum ab Siculis prætoris Verre, pro quo frumento pecunia omnis soluta non est; grave est hoc crimen in Verrem, grave me agente, te accusante nullum; eras enim tu. quæstor: pecuniam publicam tu tractabas: ex qua, etiam si cuperet prætor, tamen, ne qua deductio fieret, magna ex parte tua potestas erat; hujus quoque igitur criminis, te accusante, mentio nulla fiet; siebitur toto judicio de maximis, & notissimis illius furtis, & injuriis; mihi crede, Cæcili, non potest in accusando socios vere defendere is, qui cum reo criminum societate conjunctus est. Mancipes a civitatibus pro frumento pecuniam exegerunt; quid? hoc, Verre prætoris, factum est solum? non, sed etiam quæstore Cæcilio; quid igitur? daturus es huic crimini, quod & potuisti prohibere, ne fieret, & debuisti? an totum id relinques? ergo id omnino Verres in judicio suo non audiet, quod cum faciebat, quemadmodum defensorus esset, non repererat; atque ego hæc, quæ in medio posita sunt, commemoro: sunt alias magis occulta furtiva, quæ ille, ut istius credo animus, atque impetus retardaret, cum quæstore suo benignissimo communicavit; hæc tu scis ad me esse delata: quæ si velim proferre, facile omnes intelligent, vobis inter vos non modo voluntatem fuisse conjunctam, sed etiam prædam quæ dem adhuc esse divisam. Quapropter si tibi indicium postulas dari, quod tecum una fecerit: concedo, si id lege permittitur; si autem de accusatione dicimus: concedas oportet iis, qui nullo suo peccato impediuntur, quominus alterius peccata demonstrare possint. Ac vide, quantum interfuturum sit inter meam, atque tuam accusationem; ego, etiam quæ tu sine Verre commisit; Verri crimini daturus sum, quod te non prohibuerit, cum summam ipse haberet potestatem; tu contra, ne quæ ille quidem fecit, obijcies, ne qua ex parte conjunctus cum eo repræsentare. Quid illa, Cæcili? contemnenda ne tibi videntur esse, sine quibus causa sustineri, præsertim tanta, nullo modo potest? aliqua facultas acendi, aliqua dicendi consuetudo, aliqua in foro, judiciis, legibus aut ratio, aut exercitatio? intelligo, quam scopuloso, difficilique in loco verber; nam cum omnis arrogantia odiosa est, tum illa ingenii, atque eloquentiæ multo molestissima; quin obrem nihil dico de meo ingenio; neque est, quod possim dicere; neque, si esset, dicerem; aut enim id mihi satis est, quod est de me opinionis, quidquid est, aut, si id parum est, ego majus id commemorando facere non possum. De te, Cæcili, jam mehercule hoc extra hanc mentionem, certamenque nostrum familiariter tecum loquar; tu ipse quemadmodum existimes, vide etiam atque etiam, & tu te collige, & qui sis & quid facere possis, considera, putas ne te posse de maximis, acerbissimisque rebus, cum causam sociorum, fortunamque provinciarum, jus populi Rom. gravitatem judicii, legumque susceperis, tot res,

res, tam graves, tam varias, voce, memoria, consilio, ingenio sustinere? putas ne te posse, quæ C. Verres in quæstura, quæ in legatione, quæ in prætura, quæ Romæ, quæ in Italia, quæ in Achaja, Asia, Pamphyliaque patrarit, ea, quemadmodum locis, temporibusque divisa sunt, sic criminibus, & oratione distinguere? putas ne te posse, id quod in ejusmodi reo maxime necessarium est, facere, ut, quæ ille libidinose, quæ nefarie, quæ crudeliter fecerit, ea æque acerba, & indigna videantur esse his, qui audient, atque illis visa sunt, qui senserunt? magna sunt ea, quæ dico, mihi crede; noli hæc contemnere; dicenda, demonstranda, explicanda sunt omnia: causa non solum exponenda, sed etiam graviter, copioseque agenda est: perficiendum est, si quid agere, aut perficere vis, ut homines te non solum audiant, verum etiam libenter, studioseque audiant; in quo si te multum natura adjuvaret; si optimis a pueritia disciplinis, atque artibus studuisses, & in his elaborasses; si litteras græcas Athenis, non Lilybæi, latinas Romæ, non in Sicilia didicisses: tamen esset magnum, tantam causam, tam expectatam & diligentia consequi, & memoria compleri, & oratione exponere, & voce, & viribus sustinere. Fortasse dices; quid? ergo hæc in te sunt omnia? utinam quidem essent; Veruntamen, ut esse possent magno studio mihi a pueritia est elaboratum; quod si ego hæc propter magnitudinem rerum, ac difficultatem assequi non potui, qui in omni vita nihil aliud egisti quam longe tu te ab his rebus abesse arbitrare, quas non modo antea nunquam cogitasti, sed ne nunc quidem, cum in eas ingrederis, quæ, & quantæ sint, suspicari potes? ego, qui sicut omnes sciunt, in foro, iudiciisque ita verfer, ut ejusdem ætatis aut nemo, aut pauci plures causas defenderint, & qui omne tempus, quod mihi ab amicorum negotiis datur, in his studiis, laboribusque consumam, quo paratior ad usum forensem, promptiorque esse possim; tamen, ita deos mihi velim propitios, ut cum illius diei quihæ venit in mentem, quod die, citato reo, mihi dicendum sit, non solum commoveor animo, sed etiam toto corpore perhorresco; jam nunc mente, & cogitatione prospicio, quæ tum studia hominum, qui concursus futuri sint, quantam expectationem magnitudo judicii sit allatura, quantam auditorum multitudinem C. Verres infamia concitatura, quantam deinde audientiam orationi meæ improbitas illius factura sit; quæ cum cogito, jam nunc timeo; quidnam pro offensione hominum, qui illi inimici, infensique sunt, & expectatione omnium, & magnitudine rerum dignum eloqui possim; tu horum nihil metuis, nihil laboras: &, si quid ex veteri aliqua oratione: *Jovem ego Optimum Maximum: aut, Vellem, si fieri potuisses, iudices, aut aliquid ejusmodi ediscere potueris; præclare te paratum in judicium venturum arbitraris; ac si nemo tibi responsurus esset, tamen ipsam causam, ut ego arbitror, demon-*

strare:

strare non posse; nunc ne illud quidem cogitas tibi cum homine disertissimo, & ad dicendum paratissimo futurum esse certamen? quicum modo differendum, modo omni ratione pugnandum, certandumque sit; cujus ego ingenium ita laudo, ut non pertimescam; ita probō, ut me ab eo delectari facilius, quam decipi putem posse; numquam ille me opprimet consilio, numquam ullo artificio pervertet: numquam ingenio me suo labefactare, atque infringere conabitur; novi omnes hominis petitiones, rationesque dicendi: sæpe in iisdem, sæpe in contrariis causis versati sumus; ita contra me ille dicet, quamvis sit ingenuus, ut nonnullum etiam de suo ingenio iudicium fieri arbitretur; te vero, Cæcili, quemadmodum sit elufurus, quam omni ratione iactaturus, videre jam videor; quoties ille tibi potestatem, optionemque facturus sit, ut eligas, utrum velis; factum esse, nec ne; verum esse, an falsum; utrum dixeris, id contra te futurum; qui tibi æstus, qui error, quæ tenebræ, dii immortales, erunt homini minime malo! quid, cum accusationis tuæ membra dividere coeperit, & in digitis suis singulas partes causæ constituere? quid, cum unumquodque transigere, expedire, absolvere? ipse profecto metuere incipies, ne innocenti periculum facefferis; quid, cum commiserari, conqueri, & ex illius invidia deonerare aliquid, & in te transigere coeperit? commemorare quæstoris cum prætoris consuetudinem constitutam? morem majorum? fortis religionem? poteris ne ejus orationis subire invidiam? video modo, etiam atque etiam considera; mihi enim videtur periculum fore, ne ille non modo verbis te obruat, sed gestu ipso, ac motu corporis perstringat aciem ingenii tui, teque ab institutis tuis, cogitationibusque abducat; atque hujus rei iudicium jam continuo video futurum; si enim mihi hodie respondere ad hæc, quæ dico, potueris; si ab isto libro, quem tibi magister ludi nescio quis ex alienis orationibus compositum dedit, verbo uno discesseris; posse te & illi quoque iudicio non deesse, & causæ, atque officio tuo satisfacere arbitror; si necum in hac prolusione nihil fueris, quem te in ipsa pugna cum acerrimo adversario fore putemus? Esto; ipse nihil est, nihil potest; at venit paratus cum subscriptoribus exercitatus, & disertus; est tamen hoc aliquid, tametsi non est satis; omnibus enim rebus is, qui princeps in agendo est, ornatissimus, & paratissimus esse debet; veruntamen L. Apulejum esse video proximum descriptorem, hominem non ætate, sed usu forensi, atque exercitatione tironem; deinde, ut opinor, habet Ailenum, hunc tamen a subseclis: qui quid in dicendo possit: numquam satis attendi: in clamando quidem video eum esse bene robustum, atque exercitatum; in hoc spes tuæ sunt omnes; hic, si tu eris actor constitutus, totum iudicium sustinebit; ac ne is quidem tantum contendet in dicendo, quantum potest: sed consulat laudi, & existimationi tuæ: & ex eo quod ipse potest in dicendo, atquando res mit.



mitteret, ut tu tamen aliquid esse videaris; ut in actoribus Græcis fieri videmus; sæpe illum, qui est secundarum, aut tertiarum partium, cum possit aliquanto clarius dicere, quam ipse primarum, multum submittere, ut ille princeps quam maxime excellat: sic faciet Allienus: tibi serviet: tibi lenocinabitur: minus aliquanto contendet, quam post; jam hoc considerate, cuiusmodi accusatores in tanto iudicio simus habituri, cum & ipse Allienus ex ea facultate, si quam habet, aliquantum futurum putet, si Allienus minus vehemens fuerit, & sibi primas in dicendo partes concefferit; quantum quem sit habiturus, non video, nisi quem forte ex illo grege oratorum, qui subscriptionem sibi postularunt, cuiusque vos delationem dedissetis; ex quibus alienissimis hominibus ita paratus venis, ut tibi hospes aliquis sit recipiendus: quibus ego non sum tantum honorem habiturus, ut ad ea, quæ dixerint certo loco, aut singulatim unicuique respondeam; sic breviter, quoniam non consulto, sed casu in eorum mentionem incidi, quasi præteriens satisfaciā universis. Tanta ne vobis inopia videor esse amicorum, ut mihi non ex his, quos mecum adduxerim, sed de populo subscriptor addatur? vobis autem tanta inopia reorum est, ut mihi causam præripere conemini potius, quam aliquos a columna Menia vestri ordinis reos reperiatis? Custodem, inquit, Tullio me apponite; quid? mihi quam multis custodibus opus erit, si te semel ad meas capias admifero? qui, non solum ne quid enuncies, sed etiam ne quid auferas, custodiendus sis; sed de isto custode toto sic vobis brevissime respondebo; nunquam esse hos tales viros commissuros, ut ad causam tantam, a me scriptam, mihi creditam, quisquam subscriptor, me invito, aspirare possit; etenim fides mea custodem repudiat, diligentia speculatorem reformidat. Verum ut ad te, Cæcili, redeam, quam multa te deficient, vides: quam multa sint in te, quæ reus nocens in accusatore suo cupiat esse, profecto jam intelligis. Quid ad hæc dici potest? non enim quæro, quid tu dicturus sis: video, mihi non te, sed hunc librum esse responsurum, quem monitor tuus hic tenet; qui si recte monere volet, suadebit tibi, ut hinc discedas, neque mihi verbum ullum respondeas; quid enim dices? an id, quod dictitas, injuriam tibi fecisse Verrem? arbitror; neque enim esset verissimile, cum omnibus Siculis faceret injurias, te illi unum eximium, cui consuleret, fuisse; sed cæteri Siculi ultorem suarum injuriarum invenerunt: tu, dum tuas injurias per te, id quod non potes, persequi conaris, id agis, ut cæterorum quoque injuriæ sint impunitæ, atque inultæ; & hoc te præterit, non id solum spectari solere, qui debeat, sed etiam illud, qui possit ulcisci; in quo utrumque sit, eum superiorem esse; in quo alterum, in eo, non quid is velit, sed quid facere possit, quæri solere. Quod si ei potissimum eas res permitti oportere accusandi potesta-

tem, cui anaximam C. Verres injuriam fecerit: utrum tandem censet hos judices gravius ferre oportere, te ab illo esse læsum, an provinciam Siciliam esse vexatam, ac perditam? opinor, concedis multo hoc esse gravius, & ab omnibus ferri gravius oportere; concede igitur, ut tibi anteponatur in accusando provincia; nam provincia accusat, cum is agit causam, quem sibi illa defensorem sui juris, ultorem injuriarum, actorem totius causæ adoptavit. At eam tibi C. Verres fecit injuriam, quæ cæterorum quoque animos posset alieno incommodo commovere. Minime; nam id quoque ad rem pertinere arbitror, qualis injuria dicatur, quæ causæ inimicitiarum proferatur; cognoscite ex me: nam iste eam profecto, nisi plane nihil sapit, nunquam proferet. Agonis est quædam Lilybæta, na, liberta Veneris Erycinæ, quæ mulier ante hunc quæstorem copiosam plane, & locuples fuit; ab hac præfectus Antonii quidam symphoniacos servos abducebat per injuriam, quibus se in classe uti velle dicebat; tum illa, ut mos in Sicilia est omnium Veneriorum, & eorum, qui a Veneri se liberaverunt, ut præfecto illi religionem Veneris, nomenque objiceret, dixit, & se, & omnia sua Veneris esse: ubi hoc quæstori Cæcilio, viro optimo, & homini æquissimo, nunciatum est, vocari ad se Agonidem jubet: judicium dat statim, si pareret, eam se, & sua Veneris esse dixisse: judicant recuperatores id, quod necesse erat; neque enim erat cuquam dubium, quin illa dixisset; iste in possessionem bonorum mulieris mittit: ipsam Veneri in servitutem adjudicat; deinde bona vendit: pecuniam redigit: ita dum pauca mancipia Veneris nomine Agonis, ac religione retinere vult, fortunas omnes, libertatemque suam istius injuria perdidit. Lilybæum Verres venit postea: rem cognoscit: factum improbat: cogit quæstorem suum pecuniam, quam ex Agonidis bonis redegisset, eam mulieri omnem adnumerare, & redere; est adhuc, id quod vos omnes admirari video, non Verres, sed Q. Mucius; quid enim facere potuit elegantius ad hominum existimationem, æquius ad levandam mulieris calamitatem, vehementius ad quæstoris libidinem coercendam? summe hæc omnia mihi videntur esse laudanda: sed repente e vestigio ex homine, tanquam aliquo Circæo poculo, factus est Verres: redit ad se, atque ad mores suos: nam ex illa pecunia magnam partem ad se vertit; mulieri reddidit, quantulum visum est. Hic tu si læsum te a Verre esse dices, patiar, & concedam: si injuriam tibi factam quereris, defendam, & negabo. Deinde, de injuria, quæ tibi facta sit, neminem nostrum graviorem vindicem esse oportet, quam te ipsum, cui facta dicitur; si tu cum illo postea in gratiam redisti; si domi illius aliquoties fuisti; si ille apud te postea coenavit: utrum te perfidiosum, an prævaricatorem existimari magis? video esse necesse alterutrum; sed ego tecum in eo non pugnabo, quominus, ntrum velis, eligas. Quid si injuriæ quidem, quæ tibi ab illo facta sit, causa remanet?

net? quid habes, quod possis dicere, quamobrem non modo mihi, sed cuiquam antepone? nisi forte illud, quod dictum te esse audio, quaestorem illius fuisse; quam causa gravis esset, si certares mecum, uter nostrum illi amicior esse deberet; in contentione suscipiendarum inimicitiarum ridiculum est putare, causam necessitudinis ad inferendum periculum justam videri oportere: etenim si plurimas a tuo praetore injurias accepisses; tamen eas ferendo majorem laudem, quam ulciscendo, mererere; cum vero nullum illius in vita rectius factum sit, quam id, quod tu injuriam appellas, hi statuent, hanc causam, quam ne alio quidem probarent, in te justam ad necesseitudinem violandam videri? qui si summam injuriam ab illo accepisti, tamen, quoniam quaestor ejus fuisti, non potes eum sine ulla vituperatione accusare: si vero nulla tibi facta est injuria: sine scelere eum accusare non potes; quare, cum incertum sit de injuria: quemquam esse horum putas, qui non malit te sine vituperatione, quam cum scelere discedere? At vide, quid differat inter meam opinionem, ac tuam; tu cum omnibus rebus inferior sis, hac una in re te mihi anteferri putas oportere, quod quaestor illius fueris; ego, si superior ceteris rebus esses, te hanc unam ob causam accusatorem repudiari putarem oportere: sic enim a majoribus nostris accepimus, praetorem quaestori suo parentis loco esse oportere, nullam neque justiore, neque graviorem causam necessitudinis posse reperiri, quam conjunctionem fortis, quam provincie, quam officii, quam publicam munus loci etatem; quam obrem si jure eum possis accusare, tamen cum is tibi parentis numero fuisset, id pie facere non posses; cum vero neque injuriam acceperis, & praetori tuo periculum crees, tatearis, necesse est, te illi injustum impiumque bellum inferre conari; etenim ista quaestura ad eam rem valet, ut elaborandum tibi in ratione reddenda sit quam obrem eum, cui quaestor fueris, accuses; non, ut ob eam ipsam causam postulandum sit, ut tibi potissimum accusatio detur; neque fere unquam venit in contentionem de accusando, qui quaestor fuisset, quin repudiaretur; itaque neque L. Philoni in C. Servilium nominis deferendi potestas est data, neque M. Aurelio Scauro in L. Flaccum, neque Cn. Pompejo in T. Albutium: quorum nemmo propter indignitatem repudiatus est, sed ne libido violandae necessitudinis auctoritate judicium comprobaretur; atque ille Cn. Pompejus ita cum C. Julio contendit, ut tu mecum; quaestor enim Albutii fuerat, ut tu Verris; Julius hoc secum auctoritatis ad accusandum afferebat, quod, ut hoc tempore nos ab Siculis, sic tum ille ab Sardinis rogatus ad causam accesserat; semper haec causa plurimum valuit: semper haec ratio accusandi fuit honestissima, pro sociis, pro salute provinciae, pro exterarum nationum commodis inimicitias suscipere, ad periculum accedere, operam, studium, laborem interponere; etenim si probabilis est eorum causa, qui injurias suas persequi volunt.

volunt, qua in re dolori suo, non reip. commodis serviant: quanto illa causa honestior, quæ non solum probabilis videri, sed etiam grata esse debet, nulla privatim accepta injuria, sociorum, atque amicorum populi R. dolore, atque injuriis commoveri? nuper cum in P. Gabiorem nominis postularer, & contra Q. Cæcilius peteret, isque se veteres inimicitias, jamdiu susceptas, persequi diceret: cum auctoritas, & dignitas Pisonis valebat plurimum, tum illa erat causa iustissima, quod eum sibi Achæi patronum adoptarant; etenim eum lex ipsa de pecuniis repetundis sociorum, atque amicorum populi Rom. causa comparata sit; iniquum est, non eum legis, judicii-que actorem idoneum maxime putari, quem actorem causæ suæ socii, defensoremque fortunarum suarum potissimum esse voluerunt; an quod ad commemorandum est honestius, id ad probandum non multo videri debet æquius? utra igitur est splendidior, utra illustrior commemoratio? Accusavi eum, cui quæstor fueram, quicum me fors, consuetudoque majorum, quicum me deorum, hominumque judicium conjunxit: an, accusavi rogatu sociorum, atque amicorum; delectus sum ab universa provincia, quæ ejus jura, fortunæque defenderent? dubitare quisquam potest, quin honestius sit, eorum causâ, apud quos quæstor fueris, quam eum, cujus quæstor fueris, accusare? Clarissimi viri nostræ civitatis, temporibus optimis, hoc sibi amplissimum, pulcherrimumque ducebant, ab hospitibus, clientibusque suis, ab exteris nationibus, quæ inimicitiam populi R. ditionemque essent, injurias propulsare, eorumque fortunas defendere. M. Catonem illum sapientem, clarissimum virum & prudentissimum, cum multis graves inimicitias gessisse accepimus propter Hispanorum, apud quos consul fuerat, injurias; nuper Cn. Domitium scimus M. Silano diem dixisse propter unius hominis Egritorum, paterni amici, atque hospitis injurias; neque enim magis animos hominum nocentium res umquam ulla commovit, quam hæc majorum consuetudo longo intervallo repetita, atque relata; sociorum querimoniarum delatarum ad hominem non inertissimum: susceptæ ab eo, qui videbatur eorum fortunas fide, diligentiaque sua posse defendere; hoc timent homines; hoc laborant; hoc institui, atque adeo institutura referri, ac renovari moleste ferunt; putant fore, uti si paulatim hæc consuetudo serpere, ac prodire cœperit, per homines honestissimos, virosque fortissimos, non imperitos adolescentulos, aut illiusmodi quadruplatores, leges, judiciaque admittantur; cujus consuetudinis, atque instituti patres, majoresque nostros non poenitebat, tum cum P. Lentulus, is, qui princeps senatus fuit, accusabat M. Aquillium, subscriptore C. Rutilio Rufo; aut cum P. Africanus, homo virtute, fortuna, gloria, rebus gestis amplissimus, posteaquam bis consul, & censor fuerat, L. Cottam in judicium vocabat; jura tum florebat populi R. nomen:

jure auctoritas hujus imperii, civitatisque majestas gravis habebatur; nemo mirabatur in Africano illo, quod in me nunc, homine parvis opibus; ac facultatibus praedito, simulant sese mirari, cum moleste ferant. Quid sibi iste vult? accusatorem ne se existimari, qui antea defendere consueverat? nunc praesertim, ea jam aetate, cum aedilitatem petat? ego vero & aetatis non modo meae, sed multo etiam superioris, & honoris amplissimi puto esse, & accusare improbos, & miseros calamitososque defendere; & profecto aut hoc remedium est aegrotae, ac prope desperatae reip. judiciisque corruptis, ac contaminatis paucorum vitio, ac turpitudine, homines ad legum defensionem, judiciorumque auctoritatem quam honestissimos, & integerrimos, diligentissimosque accedere: aut, si ne hoc quidem prodesse poterit, profecto nulla unquam medicina his tot incommodis reperietur; nulla salus reip. major est, quam eos, qui alterum accusant, non minus de laude, de honore, de fama sua, quam illos, qui accusantur, de capite, ac fortunis suis pertimescere; itaque semper id diligentissime, laboriosissimeque accusarunt, qui seipos in discrimen existimationis venire arbitrati sunt. Quamobrem hoc statuere, judices, debetis, Q. Caecilium, de quo nulla umquam opinio fuerit, nullaque in hoc ipso judicio expectatio futura sit, qui neque, ut antea collectam famam conservet, neque, uti reliqui temporis spem confirmet, laborat, non nimis hanc causam severe, non nimis accurata, non nimis diligenter acturum; habet enim nihil, quod in offensione deperdat: ut turpissime, flagitiosissimeque discedat, nihil de suis veteribus ornamentis requirit; a nobis multos obsides habet populus R. quos ut incolumnes conservare, tueri, confirmare, ac recuperare possimus, omni ratione erit dimicandum; habet honorem, quem petimus: habet spem, quam propositam nobis habemus: habet existimationem multo sudore, labore, vigiliisque collectam: ut, si in hac causa nostrum officium ac diligentiam probaverimus, haec, quae dixi, retinere per populum R. incolumia, ac salva possimus: sin tantulum offensum, titubatumque sit, ut ea, quae singulatum, ac diu collecta sunt, uno tempore universa perdamus. Quapropter, judices, vestrum est diligere, quem existimetis facillima posse magnitudinem causae, ac judicii sustinere fide, diligentia, consilio, auctoritate; vos si mihi Q. Caecilium anteposueritis, ego me dignitate superatum non arbitror; populus R. ne tam honestam, tam severam, diligentemque accusationem neque vobis placuisse, neque ordini vestro placere arbitretur, providete.

## M. TULLII CICERONIS

## O R A T I O,

Quæ proœmium, sive principium est  
Primæ Actionis

## I N C. V E R R E M.

## A R G U M E N T U M.

*Questio An Cicero in C. Verro accusando novum agendi genus concedendum sit propter infidias ejus, id cœnans, ut in animum sequentem, ad alium Prætozem, aliosque Judices causa produceretur. Postulat novum agendi genus Cicero, consiliumque suum copiose aperit. Prætor, M. Glabrio; Judices in consilio, lectissimi Senatorës. Habita est in foro anno U. C. 683. Ciceronis 37. Hac Oratione Cicero spes fraudis Verri præcidit.*

**Q**UOD erat optandum maxime, judices, & quod unum ad invidiam vestri ordinis, infamiamque judiciorum sedandam maxime pertinebat, id non humano consilio, sed prope divinitus datum, atque oblatum vobis summo reip. tempore videtur; inveteravit enim jam opinio, perniciofa reip. vobisque periculosa, quæ non modo Romæ, sed & apud exterarum nationum omnium sermone percrebuit, his judiciis, quæ nunc sunt pecuniosum hominem, quamvis sit nocens, neminem posse damnari; nunc in ipso discrimine ordinis, judiciorumque vestrorum, cum sint parati, qui concionibus, & legibus hanc invidiam senatus inflammare conentur, reus in judicium adductus est C. Verres, homo vita, atque factis, omnium jam opinione damnatus, pecuniæ magnitudine, sua spe, ac prædicatione absolutus. Huic ego causæ, judices, cum summa voluntate, & expectatione populi Rom. actor accessi; non ut augerem invidiam ordinis, sed ut infamiam communi succiderem; adduxi enim hominem, in quo reconciliare existimationem judiciorum amissam, redire in gratiam cum populo Rom. satisfacere exteris nationibus possitis: depeculatorem ærarii, vexatorem Asiæ, atque Pamphyliæ, prædonem juris urbani, labem, atque perniciem provinciæ Siciliæ, de quo si vos severe, religioseque judicaveritis, auctoritas ea, quæ in vobis remanere debet, hærebit; sin istius ingentes divitiæ judiciorum religionem, veritatemque perfringerint; ego hoc tamen assequar, ut judicium potius reipub. quam aut reus judicibus, aut accusator reo defuisse videatur.

tur. Equidem, ut de me confitear, iudices, cum multæ mihi a C. Verre insidiæ terra, marique factæ sint, quas partim mea diligentia devitarim, partim amicorum studio, officioque repulerim; nunquam tamen neque tantum periculum mihi adire visus sum, neque tantopere pertimui, ut nunc in ipso iudicio; neque tantum me expectatio accusationis meæ, concursusque tantæ multitudinis, quibus ego rebus vehementissime perturbor, commovet; quantum istius insidiæ nefariæ, quas uno tempore mihi, vobis, M. Glabrioni prætori, sociis, exteris nationibus, ordini, nomini denique senatorio facere conatur; qui ita distitit, iis esse metuendum, qui, quod ipsis solis satis esset, surripuissent: se tantum rapuisse, ut id multis satis esse possit; nihil esse tam sanctum, quod non violari, nihil tam munitum, quod non expugnari pecunia possit: quod si, quam audax est ad conandum, tam esset obsecutus in egendo; fortasse aliqua in re nos aliquando sefellisset; verum hoc adhuc percommode cadit, quod cum incredibili ejus audacia singularis stultitia conjuncta est; nam ut apertus in corripiendis pecuniis fuit, sic in spe corrumpendi iudicii perspicua sua consilia, conatusque omnibus fecit; semel ait se in vita pertimuisse, tum, cum primum reus a me factus sit: quod, cum e provincia recens esset, invidiæque, & infamia non recenti, sed veteri, ac diuturna flagigaret, tum ad iudicium corrumpendum tempus alienum offenderet, itaque cum ego diem in Siciliam inquirendi perexiguam postulavisset, invenit iste, qui sibi in Achaïam biduo brevior diem postularet: non ut is idem conficeret diligentia, & industria sua, quod ego meo labore, & vigiliis consecutus sum; etenim ille Achaicus inquisitor ne Brundisium quidem pervenit: ego Siciliam totam quinquaginta diebus sic obii, ut omnium populorum, privatorumque literas, injuriasque cognoscerem: ut perspicuum cuivis esse possit, hominem ab isto quæsitum esse, non qui reum suum adduceret, sed qui meum tempus obsideret. Nunc homo audacissimus, atque amentissimus hoc cogitat: intelligit, me ita paratum, atque instructum in iudicium venire, ut non modo in auribus vestris, sed in oculis omnium sua furta, atque flagitia dehincursus sim; videt senatores multos esse testes audaciæ suæ: videt multos equites R., frequentes præterea cives, atque socios, quibus ipse insignes injurias fecerit: videt etiam tot graves ab amicissimis civitatibus legationes, cum publicis auctoritatibus, ac testimoniis convenisse; quæ cum ita sint, usque eo de omnibus bonis male existimat, usque eo senatoria iudicia perdit, profligataque esse arbitrat, ut hoc palam distitet, non sine causa se cupidum pecuniæ fuisse, quoniam tantum in pecunia præsidium experitur esse: sese id quod dissicillimum fuerit, tempus ipsum emisse iudicii sui, quod cætera facilius emere posset, ut quoniam criminum vim subterfugere nullo modo poterat, procellam temporis devitaret; quod si non modo in causa, verum in ali-

quo honesto præsidio, aut in alicujus eloquentia, aut gratia spem aliquam collocasset: profectio non hæc omnino colligeret, atque aucuparetur; non usque eo despiceret, contemneretque ordinem senatorium, ut arbitrato ejus deligeretur ex senatu, qui reus fieret, qui dum hic, quæ opus essent, compararet, causam interea ante eum diceret; quibus ego rebus, quid iste speret, & quo adimum intendat, facile perspicio; quamobrem vero se confidat aliquid perficere posse hoc prætor, & hoc consilio, intelligere non possum; unum illud intelligo, quod populus R. in refectione judicium judicavit, ea spe istum fuisse præditum, ut omnem rationem salutis in pecunia poneret; hoc excepto præsidio, ut nullam sibi rem adjumento fore arbitraretur; etenim quod est ingenium tantum, quæ tanta facultas dicendi, & copia, quæ istius vitam tot vitiis, flagitiisque convectam, jampridem omnium voluntate, judicique damnatam, aliqua ex parte possit defendere? cujus ut adolescentiæ maculas, ignominiasque præteritam, quæstura, primus gradus honoris, quid aliud habet in se, nisi Cn. Carbonem spoliatum a quæstore suo pecunia publica? nudatum, & proditum consulem? desertum exercitum? relictam provinciam? sortis necessitudinem, religionemque violatam? cujus legatio exitum fuit Asiæ totius, & Pamphiliæ; quibus in provinciis multas domos, plurimas urbes, omnia sana depopulatus est; cum in Cn. Dolabellam scelus suum illud pristinum renovavit, & instauravit quæstorium: totum eum, cui legatus, & proquæstor fuisset, & in invidiam suis maleficiis adduxit, & in ipsis periculis non solum deseruit, sed etiam oppugnavit, ac prodidit: cujus prætura urbana ædium sacrarum fuit, publicorumque operum depopulatio: simul in jure dicendo, bonorum, possessionumque contra omnium instituta addictio, & condonatio; jam vero omnium virorum suorum plurima, & maxima constituit monumenta, & indicia in provincia Sicilia: quam iste per triennium ita vexavit, ac prodidit, ut ea restitui in antiquum statum nullo modo possit: vix autem per multos annos, innocentisque prætores aliqua ex parte recreari aliquando posse videatur; hoc prætor, Siculi neque suas leges, neque nostra S. neque communia jura tenebunt: tantum quisque habet in Sicilia, quantum hominis avarissimi, & libidinosisissimi aut imprudentiam subterfugit, aut satietati superfuit; nulla res per triennium, nisi ad nutum istius judicata est; nulla res cujusquam tam patria, atque avita fuit, quæ non ab eo, imperio istius, abjudicaretur; innumerabiles pecuniæ ex aratorum bonis novo, nefarioque instituto coactæ: socii fidelissimi in hostium numero existimati: cives Romani servilem in modum cruciati, & necati: homines nocentissimi propter pecuniam judicio liberati: honestissimi, atque insegmentissimi, absentes rei facti,



ſſi, indiſta cauſa damnnati, & ejeſti: portus munitiſſimi, maximæ, munitiſſimæque urbes piratis, prædoniſque patefactæ: nautæ, militeſque Siculorum, ſocii noſtri, atque amici fame necati: claſſes optimæ, atque opportuniſſimæ cum magna ignominia populi R. amiſſæ, & perditæ; idem iſte prætor monumenta antiquiſſima partim regum Idcupletiſſimorum, quæ illi ornameto urbibus eſſe voluerunt, partim etiam noſtrorum imperatorum, quæ victores civitatibus Siculis aut dederunt, aut reddiderunt, ſpoliavit, nudavitque omnia; neque hoc ſolum in ſtatuſ publicis, ornamentisque fecit, ſed etiam delubra omnia, ſanctiſſimis religionibus conſecrata, depeculatus eſt: deum denique nullum Siculis, qui ei paulo magis aſſabre, atque antiquo artificio factus videretur, reliquit. In ſupris vero, & flagitiis nefariæ ejus libidines commemorare, pudore deterreor; ſimul illorum calamitatem commemorando lugere nolo, quibus liberòs, conjugesque ſuas integras ab iſtius petulantia conſervare non licitum eſt. At enim hæc ita commiſſa ſunt ab iſto, ut non cognita ſint ab omnibus? Hominem eſſe arbitror neminem, qui nomen iſtius audierit, quin facta quoque ejus nefaria commemorare poſſit: ut mihi magis timendum ſit, ne multa crimina prætermittere, quam ne qua in iſtum fingere exiſtmer; neque enim mihi videtur hæc multitudo, quæ ad audiendum convenit, cognoscere ex me cauſam voluiſſe, ſed ea, quæ ſcit, mecum recognoscere. Quæ cum ita ſint, iſte homo amens, ac perditus alia mecum ratione pugnat; non id agit, ut alicujus eloquentiam mihi opponat: non gratia, non auctoritate cujuſquam, non potentia nititur; ſimulat, hiſ ſe rebus conſidere: ſed video, quid agat: neque enim agit occulteſſime: proponit inania mihi nobilitatis, hoc eſt hominum arrogantium, nomina, qui non tam me impediunt, quod nobiles ſunt, quam adjuvant, quod noti ſunt: ſimulat ſe eorum præſidio conſidere, cum interea aliud quiddam jamdiu machinetur; quam ſpem nunc habeat in manibus, & quid molitur, breviter jam, judices, exponam; ſed prius, ut ab initio res ab eo conſtituta ſit, quaſo, cognoscite. Ut primum e provincia rediit, redemptio eſt hujus judici facta grandi pecunia; ea manſit in conditione, atque pacto uſque ad eum finem, dum judices rejeſti ſunt; poſteaquam rejeſtio judicum facta eſt; quod & in fortiſſime iſtius ſpem fortuna populi R. & in reſciendis judiciſ mea diligentia iſtorum impudentiam vicerat; renuntiata eſt tota conductio; præclare ſe res habebat; libelli nominum veſtrorum, conſiliique hujus in manibus erant omnium: nulla nota, nullus color, nullæ ſordes videbantur hiſ ſententiis allini poſſe: cum iſte repente ex aſacri, atque læto ſic erat humilis, atque demiſſus, ut non modo populo R. ſed etiam ſibi ipſe condemnatos videretur; ecce autem repente, hiſ diebus paucis, comitiis

consularibus factis; eadem illa vetera consilia pecunia majore repetuntur, eademque vestrae famae, fortunisque omnium infidiae per eosdem homines comparantur; quae res primo, iudices, pertenui nobis argumento, indicioque patefacta est: post, aperto suspicionis introitu, ad omnia intima istorum consilia sine ullo errore pervenimus; nam, ut Hortensius, consul designatus, domum reducebatur e campo cum maxima frequentia a multitudine: fit obviam casu ei multitudini C. Curio; quem ego hominem honoris potius, quam contumeliae causa nominatum volo; etenim ea dicam, quae ille si commemorari nolisset, non tanto in conventu, tam aperte, palamque dixisset; quae tamen a me pedetentim, cauteque dicuntur, ut & amicitiae nostrae, & dignitatis illius habita ratio esse intelligatur. Videt ad ipsum fornicem Fabianum in turba Verrem, appellat hominem, & ei voce maxima victoriam gratulatur: ipsi Hortensio, qui consul erat factus, propinquis, necessariisque ejus, qui tum aderant, verbum nullum facit: cum hoc consistit, hunc amplexatur, hunc jubet sine cura esse; renuntio, inquit, tibi, te hodiernis comitiis esse absolutum; quod cum tam multi homines honestissimi audissent, statim ad me deferunt; immo vero, ut quisque me viderat, narrabat; aliis illud indignum, aliis ridiculum videbatur: ridiculum iis, qui istius causam in testium fide, in criminum ratione, in iudicum potestate, non in comitiis consularibus possum arbitrabantur; indignum iis, qui altius prospiciebant, & hanc gratulationem ad iudicium corrumperendum spectare arbitrabantur; etenim sic ratiocinabantur, sic honestissimi homines inter se, & mecum loquebantur, aperte jam, & perspicue nulla esse iudicia; qui reus pridie jam ipse se condemnatum putabat, is posteaquam defensor ejus consul est factus, absolvitur. Quid igitur? quod tota Sicilia, quod omnes Siculi, omnes negotiatores, omnes publice, privatæque literae Romae sunt, nihil ne id valebit? nihil, invito consule designato. Quid iudices? non crimina, non testes, non estimationem populi R. sequantur? num omnia in unius potestate, ac moderatione vertentur? Vere loquar, iudices; vehementer me haec res commovebat; optimus enim quisque ita loquebatur: iste quidem tibi eripietur, sed nos non tenebimus iudicia diutius; etenim quis poterit, Verre absoluto, de transferendis iudiciis recusare? erat omnibus molestum: neque eos tam istius perditae subita letitia, quam hominis amplissimi nova gratulatio commovebat. Cupiebam dissimulare, me id moleste ferre: cupiebam animi dolorem vultu tegere, & taciturnitate celare: ecce autem illis ipsis diebus, cum praetores designati fortirentur, & M. Metello obtigisset, ut is de pecuniis repetendis quaereret, nuntiatur mihi tantam isti gratulationem esse factam, ut is quoque domum pueros mitteret, qui uxori suae nuntiarent; sane ne haec quidem res mihi placebat: neque tamen, quid tantopere in hac sorte metuendum mihi esset, intelligebam: unum illud

illud ex hominibus certis, ex quibus omnia comperi, re-  
periebam, fiscos complures cum pecunia Siciliensi a quo-  
dam senatore ad equitem R. esse translatos; ex his quasi  
x. fiscos ad senatorem illum relictos esse comitiorum  
nomine: divisores omnium tribuum noctu ad istum  
vocatos; ex quibus quidam, qui se omnia mea causa de-  
bere arbitrabatur, eadem illa nocte ad me venit: demon-  
strat, qua iste oratione usus esset; commemorasse istum,  
quam liberaliter eos tractasset, etiam antea, cum ipse  
præturam petisset, & proximus consularibus prætorisque  
comitiis: deinde continuo esse pollicitum quantum vel-  
lent pecuniæ, si me ædilitate deiecissent, hic alios negas-  
se audere: alios respondisse, non putare id perfici posse:  
inventum tamen esse fortem amicum ex eadem familia  
Q. Verrum Romilia, ex optima divisorum disciplina,  
patris istius discipulum, atque amicum, qui, HS quin-  
gentis millibus depositis, id se perfecturum polliceretur:  
& fuisse tamen nonnullos, qui se una facturos esse dice-  
rent; quæ cum ita essent, sane benevolo animo me, ut  
magno opere caverem, præmonebat. Solicitabar rebus ma-  
ximis uno, atque eo perexiguo tempore; urgebant comi-  
tia: & his ipsis oppugnabar grandi pecunia; instabat ju-  
dicium: ei quoque negotio fisci Sicilienses minabantur;  
agere, quæ ad iudicium pertinebant, libere, comitiorum  
metu deterrebar; petitioni toto animo servire propter ju-  
dicium non licebat; minari denique divisoribus, ratio non  
erat, propterea quod eos intelligere videbam, me hoc ju-  
dicio districtum, atque obligatum futurum; atque hoc  
ipso tempore Siculis denunciatum esse audio, primum ab  
Hortensio, domum ad illum ut venirent: Siculos sane in  
eo liberos fuisse: qui, quamobrem arcefferentur, cum illi  
telligerent, non venissent; interea comitia nostra, quo-  
rum iste se, ut cæterorum hoc anno comitiorum, domi-  
num esse arbitrabatur, haberi cœpta sunt; cursare iste ho-  
mo potens, cum filio blando, & gratioso circum tribus:  
paternos amicos, hoc est divisores, appellare omnes, &  
convenire; quod cum esset intellectum, & animadversum,  
fecit animo libentissimo populus R. ut, ejus divitiæ me  
de fide deducere non potuissent, ne ejusdem pecuniis de  
honore deicerer; posteaquam illa petitionis magna cura  
liberatus sum, animo cœpi multo magis vacuo, ac solu-  
to nihil aliud, nisi de iudicio agere, & cogitare; reperio,  
judices, hæc ab istis consilia inita, & constituta; ut,  
quacunque opus esset ratione, res ita duceretur, ut apud  
M. Metellum prætorem causa diceretur: in eo esse hæc  
commoda, primum M. Metellum amicissimum, deinde  
Hortensium consulem non solum, sed etiam Q. Metel-  
lum: qui quam isti sit amicus, attendite; dedit enim  
prærogativam suæ voluntatis ejusmodi, ut isti pro præro-  
gativis eam reddidisse videatur. An me taciturnum tantis  
de rebus existimavistis? & in tanto reip. existimationisque  
meæ periculo cuiquam consulturum potius, quam officio,  
& dignitati meæ? Arcessit alter consul designatus Sici-

los: veniunt nonnulli, propterea quod L. Metellus esset prætor in Sicilia: cum iis ita loquitur, se consulem esse, fratrem suum alterum Siciliam provinciam obtinere, alterum esse quæsiturum de pecuniis repetundis: Verri ne noceri possit, multis rationibus esse provisum. Quid est, quæso, Metelle, iudicium corrumpere, si hoc non est? testes, præsertim Siculos, timidos homines, & afflictos, non solum auctoritate detertere: sed etiam consulari metu, & duorum prætorum potestate? quid faceres pro homine innocente, & propinquo, cum propter hominem perditissimum, atque alienissimum de officio, ac dignitate decedis, & committis, ut, quod ille distitit, alicui, qui te ignorat, verum esse videatur? nam hoc Verrem dicere aiebant, te non fato, ut cæteros ex vestra familia, sed opera sua consulem factum. Duo igitur consules, & quæstor erunt ex illius voluntate; non solum elugiemus, inquit, hominem in quærendo nimium diligentem, nimium servientem populi existimationi, M. Glabionem: accedet nobis etiam illud; iudex est M. Cæsonius collega nostri accusatoris, homo in rebus iudicandis inspectatus, & cognitus; quem minime expediat esse in eo consilio, quod conemur aliqua ratione corrumpere; propterea quod jam antea, cum iudex in Juniano consilio fuisset, turpissimum illud facinus non solum graviter tulit, sed etiam in medium protulit; hunc iudicem ex Kal. Jan. non habebimus. Q. Manlium, & Q. Cornificium, duos severissimos, atque integerrimos iudices, quod tribuni pl. tum erunt, iudices non habebimus. P. Sulpicius, iudex tristis, & integer magistratum ineat necesse est Nonis Dec. M. Creperejus, ex acerrima illa equestri familia, & disciplina: L. Cassius, ex familia tum ad ceteras res, tum ad iudicandum severissima; Cn. Tremellius, homo summa religione, & diligentia: tres hi, homines veteres, tribuni militares sunt designati; ex Kal. Jan. non iudicabunt; subfortiemur etiam in M. Metelli locum, quoniam is huic ipsi quæstioni præfuturus est; ita secundum Kal. Jan. & prætore, & prope toto consilio commutato, magnas accusatoris minas, magnamque iudicii expectationem ad nostrum arbitrium, libidinemque eludemus. Nonne sunt hodie Sextiles: hora nona convenire cœpistis; hunc diem jam ne numerant quidem; decem dies sunt ante ludos votivos, quos Cn. Pompejus facturus est; hi ludi dies quindecim auterent: deinde continuo Romani consequentur; ita prope XL. diebus interpositis, tum denique se ad ea, quæ a nobis dicta erunt, responsuros esse arbitrantur; deinde se ducturos & dicendo, & excusando facile ad ludos Victoriarum; cum his plebejos esse conjunctos, secundum quos aut nulli, aut pauci dies ad agendum futuri sunt: ita, defessa, ac refrigerata accusatione, rem integram ad M. Metellum prætorem esse venturam; quem ego hominem, si ejus fidei diffusus essem, iudicem non retinuissem, nunc tamen eo animo sum, ut eo iudice, quam præto-

re, hanc

re, hanc rem transigi malim, & jurato suam, quam injurato aliorum tabellas committere. Nunc ego, judices, jam vos consulō, quid mihi faciendum putetis; id enim consilii mihi profecto taciti dabitur, quod egomet mihi necessario capiendum intelligo; si utar ad dicendum meo legitimo tempore, mei laboris, industriæ, diligentique capiam fructum, & ex accusatione perficiam, ut nemo umquam post hominum memoriam parator, vigilantior, compositior ad judicium venisse videatur; sed in hac laude industriæ meæ, reus ne elabatur, summum periculum est; quid est igitur, quod fieri possit? non obscurum, opinor, neque absconditum; fructum istum laudis, qui ex perpetua oratione percipi potuit, in alia tempora reservemus: nunc hominem tabulis, testibus, privatis, publicisque literis, auctoritatibusque accusamus. Res omnis mihi tecum erit, Hortensi; dicam aperte: si te mecum dicendo, ac diluendis criminibus in hac causa contendere putarem: ego quoque in accusando, atque in explicandis criminibus operam consumerem; nunc, quoniam pugnare contra me instituisti, non tam ex tua natura, quam ex istius tempore, & causa, malitiose; necesse est istiusmodi rationi aliquo consilio obistere; tua ratio est, ut secundum binos ludos mihi respondere incipias: mea, ut ante primos ludos comperendinem; ita fiet, ut tua ista ratio existimetur astuta, meum hoc consilium necessarium; verum illud, quod institueram dicere, mihi rem tecum esse, hujusmodi est. Ego cum hanc causam Siculorum rogatu recepissem; idque mihi amplum, & præclarum existimassem, eos velle meæ fidei, diligentique periculum facere, qui innocentiam, abstinentiamque fecissent: tum, suscepto negotio, majus mihi quiddam proposui, in quo meam in rep. voluntatem populus R. perspicere posset; nam illud mihi nequaquam dignum industria, conatuque meo videbatur, istum a me in judicium, jam omnium judicio condemnatum, vocari, nisi ista tua intolerabilis potentia, & ea cupiditas, quæ per hosce annos in quibusdam judiciis usus es, etiam in istius hominis desperati causa interponeretur; nunc vero, quoniam hæc te omnis dominatio, regnumque judiciorum tantopere delectat; & sunt homines, quos libidinis, infamiae, quæ sunt neque pudeat, neque tædeat; qui quasi de industria in odium, offensionemque populi R. irruere videantur; hoc me profiteor suscepisse, magnum fortasse onus, & mihi periculosum, verumtamen dignum, in quo omnes nervos ætatis, industriæque meæ contenderem; quoniam totus ordo, paucorum improbitate, & audacia, premittitur, & urgetur infamia judiciorum; profiteor, huic generi hominum me inimicum, accusatorem odiosum, assiduum, acerbum adversarium; hoc mihi sumo, hoc mihi de posco, quod agam in magistratu, quod agam ex eo loco, ex quo me populus R. ex Kal. Jan. secum agere de rep. ac de hominibus improbis voluit; hoc munus ædilitatis meæ populo R. amplissimum, pulcherrimumque polliceor;

monere, prædico, ante denuncio: qui aut deponere, aut accipere, aut recipere, aut polliceri, aut sequestres, aut interpretes corrumpendi iudicii solent esse, quique ad hanc rem aut potentiam, aut impudentiam suam professi sunt, abstineant in hoc iudicio manus, animosque ab hoc scelere nefario. Erit tum consul Hortensius cum summo imperio, & potestate; ego autem ædilis, hoc est, paulo amplius, quam privatus; tamen hæc huiusmodi res est, quam me acturum esse polliceor, ita, populo R. grata, atque jucunda, ut ipse consul in hac causa præ me minus etiam, si fieri possit, quam privatus esse videatur: omnia non modo commemorabantur, sed etiam, expositis certis rebus, agentur, quæ intra decem annos, posteaquam iudicia ad senatum translata sunt, in rebus iudicandis nefarie, flagitioseque facta sunt; cognoscat ex me populus R. quid sit, quamobrem, cum equester ordo iudicaret, annos prope quinquaginta continuos, nullo iudice eque R. iudicante, ne tenuissima quidem suspicio acceptæ pecuniæ ob rem iudicandam constituta sit; quid sit, quod iudiciis ad senatorium ordinem translatis, sublataque populi R. in unumquemque nostrum potestate, Q. Calidius damnatus dixerit, minoris HS tricies prætorium hominem honeste non posse damnari; quid sit, quod, P. Septimio senatore damnato, Q. Hortensio prætore, de pecuniis repetundis, lis æstimata sit eo nomine, quod ille ob rem iudicandam pecuniam accepisset; quod in C. Herennio, quod in C. Popillio senatoribus, qui ambo peculatus damnati sunt, quod in M. Atilio, qui de maiestate damnatus est, hoc planum factum est, eos pecuniam ob rem iudicandam accepisse: quod inventi sunt senatores, qui, C. Verre prætore urbano sortiente, exirent in eum reum, qui in incognita causa condemnarent: quod inventus est senator, qui cum iudex esset, in eodem iudicio ab reo pecuniam acciperet, quam iudicibus divideret, & ab accusatore, ut reum damnet. Jam vero quo modo illam labem, ignominiam, calamitatemque totius ordinis conquerar? hoc factum esse in hac civitate, cum senatorius ordo iudicaret, ut discoloribus signis juratorum hominum sententiæ notarentur? Hæc omnia me diligenter, severeque acturum esse polliceor; quo me tandem animo fore putetis, si quid in hoc ipso iudicio intellexero simili aliqua ratione esse violatum, atque commissum? cum præsertim planum facere multis testibus possim, C. Verrem in Sicilia, multis audientibus, sæpe dixisse, se habere hominem potentem, cujus fiducia provinciam spoliaret: neque sibi soli pecuniam quærere, sed ita triennium illud præturæ Siciliensis distributum habere, ut secum præclare agi diceret; si unius anni quæstum in rem suam converteret, alterum patronis, & defensoribus suis traderet, tertium illum uberrium, quæstuosissimumque annum totum iudicibus reservaret; ex quo mihi venit in mentem illud dicere, quod apud M. Glabionem nuper cum in rejiciendis iudicibus commemorassem, intellexi vehementer

menter populum Rom. commoveri; me arbitrari fore, uti nationes externae legatos ad populum R. mitterent, ut lex de pecuniis repetundis, iudiciumque tolleretur; si enim iudicia nulla sint, tantum unumquemque ablaturum putant, quantum sibi, ac liberis suis satis esse arbitretur: nunc, quod ejusmodi iudicia sint, tantum unumquemque auferre, quantum sibi, patronis, advocatis, praetoribus, iudicibus satis futurum sit: hoc profecto infinitum esse: se avarissimi hominis cupiditati satisfacere posse, nocentissimae victoriae non posse. O commemoranda iudicia, praeclearamque existimationem nostri ordinis! cum socii populi R. iudicia de pecuniis repetundis fieri nolunt, quae a maioribus nostris sociorum causa comparata sunt. An iste unquam de se bonam spem habuisset, nisi de vobis malam opinionem animo imbiberet? quo maiore etiam, si fieri potest, apud vos odio esse debet, quam est apud populum R. cum in avaritia, scelere, perjurio vos sui similes esse arbitretur; cui loco, per deos immortales, iudices, consulite, ac providete; moneo, praedicoque id, quod intelligo, tempus opportunissimum vobis hoc divinitus datum esse, ut odio, invidia, infamia, turpitudine totum ordinem liberetis; nulla in iudiciis severitas, nulla religio, nulla denique jam existimantur esse iudicia; itaque a populo R. contemnimur, despiciamur: gravi, diuturnaque jam flagramus infamia; neque enim ullam aliam ob causam populus R. tribunitiam potestatem tanto studio requisivit: quam cum poscebat, verbo illam poscere videbatur, re vera iudicia poscebat; neque hoc Q. Catulum hominem sapientissimum, atque amplissimum fugit, qui, Ch. Pompejo, viro fortissimo, & clarissimo, de tribunitia potestate referente, cum esset sententiam rogatus, hoc initio est summa cum auctoritate usus: Patres Conscriptos iudicia male, & flagitiose tueri: quod si in rebus iudicandis populi R. existimationi satisfacere voluissent, non tantopere homines fuisse tribunitiam potestatem desideraturos; ipse denique Ch. Pompejus, cum primum concionem ad urbem consul designatus habuit, ubi, id quod maxime expectari videbatur, ostendit se tribunitiam potestatem restitutum; factus est in eo strepitus, & grata concionis admurmuratio; idem in eadem concione cum dixisset, populas, vexatasque esse provincias, iudicia autem turpia, & flagitia fieri, ei rei se providere, ac consulere velle: tum vero non strepitu, sed maximo clamore suam populus R. significavit voluntatem. Nunc autem homines in speculis sunt: observant, quemadmodum se unusquisque vestrum gerat in retinenda religione, conservandisque legibus: vident, adhuc post legem tribunitiam unum senatorem vel tenuissimum esse damnatum; quod tamen non reprehendunt, tamen magnopere, quod laudent, non habent; nulla est enim laus, ubi esse integrum, ubi nemo est, qui aut possit, aut co-  
 netur corrumpere; hoc est iudicium, in quo vos de reo, populus R. de vobis iudicabit; in hoc homine statuetur,

possit ne, senatoribus judicantibus, homo nocentissimus, pecuniosissimusque damnari; deinde est hujusmodi reus, in quo homine nihil sit, præter summa peccata, maximamque pecuniam: ut, si liberatus sit, nulla alia suspicio, nisi ea, quæ turpissima est, residere possit; non gratia, non cognatione, non aliis recte factis, non denique aliquo mediocri vitio tot, tantaque ejus vitia sublevata esse existimabuntur; postremo ego causam sic agam, judices, ejusmodi res, ita notas, ita testatas, ita magnas, ita manifestas proferam, ut nemo a vobis, ut istum absolvatis, per gratiam conetur contendere; habeo autem certam viam, atque rationem, qua omnes illorum conatus investigare, & consequi possim; ita res a me agetur, ut in eorum consiliis, omnibus non modo aures hominum, sed etiam oculi populi R. interesse videantur; vos aliquot jam per annos conceptam huic ordini turpitudinem, atque infamiam delere, ac tollere potestis; constat inter omnes post hæc constituta judicia, quibus nunc utimur, nullum hoc splendore, atque hac dignitate consilium fuisse; hic si quid erit offensum, omnes homines non jam ex eodem ordine alios magis idoneos, quod fieri non potest, sed alium omnino ordinem ad res judicandas querendum, arbitrabuntur. Quapropter primum ab diis immortalibus, quod sperare debere mihi videor, hoc idem, judices, peto, ut in hoc judicio nemo improbus, præter eum, qui jampridem inventus est, reperiatur; deinde, si plures improbi fuerint, hoc vobis, hoc populo R. judices, confirmo, vitam mehercule mihi prius, quam vim, perseverantiamque ad illorum improbitatem persequendam, defuturam. Verum quod ego laboribus, periculis, inimicitiisque meis tum, cum admissum erit, dedecus severe me persecuturum esse polliceor; id ne accidat, tu tua sapientia, auctoritate, diligentia, M. Glabrio, potes providere; suscipe causam judiciorum; suscipe causam severitatis, integritatis, fidei, religionis; suscipe causam senatus, ut ex hoc judicio probatus cum populo R. & in laude, & in gratia esse possit; cogita, qui sis, quo loco sis, quid dare populo R. quid reddere majoribus tuis debeas: fac tibi paternæ legis Aciliæ veniat in mentem, qua lege populus R. de pecuniis repetundis, optimis judiciis, severissimisque judicibus usus est; circumstant te summæ auctoritates, quæ te oblivisci laudis domesticæ non fiant, quæ te dies, noctesque commoneant, fortissimum tibi patrem, sapientissimum avum, gravissimum socerum fuisse; quare si Glabrioris patris vim, & acrimoniam ceperis ad resistendum hominibus audacissimis; si avi Scævolæ prudentiam ad prospiciendas insidias, quæ tuæ, atque horum famæ comparantur; si soceri Scauri constantiam, ut ne quis te de vera, & certa possit sententiâ dimovere; intelliget populus R. integerrimo, atque honestissimo prætore, delectoque consilio, non centi reo magnitudinem pecuniæ plus habuisse momenti ad suspicionem criminis, quam ad rationem salutis; mihi cer-



hi certum est non committere, ut in hac causa prætor nobis, consiliumque mutetur; non patiar rem in id tempus adduci, ut Siculi, quos adhuc servi designatorum consulum non moverunt, cum eos novo exemplo universos arcefferent, eos tum lictores consulum vocent; ut homines miseri, antea socii, atque amici populi Rom. nunc servi, ac supplices, non modo jus suum, fortunæque omnes eorum imperio amittant, verum etiam deplorandi juris suis potestatem non habeant; non sinam profecto causa a me perorata, XL diebus interpositis, tum nobis denique respondeant, cum accusatio nostra in oblivionem diturnitate adducta sit, non committam, ut tum res judicetur, cum hæc frequentia totius Italiæ Roma disceserit, quæ convenit uno tempore undique, comitiorum, ludorum, censendique causa; hujus judicii, & laudis fructum, & offensionis periculum, vestrum; laborem sollicitudinemque, nostram; scientiam, quid agatur, memoriamque, quid a quoque dictum sit, omnium puto esse oportere; faciam hoc non novum, sed ab iis, qui nunc principes civitatis nostræ sunt, ante factum, ut testibus utar statim; illud a me novum, judices, cognoscetis, quod ita testes constituam, ut crimen totum explicem: ubi id interrogando, argumentis, atque oratione firmaverò, tum testes ad crimen accommodem, ut nihil inter illam usitatam accusationem, atque hanc novam inter sit, nisi quod in illa tunc, cum omnia dicta sunt, testes dantur, hic in singulas res dabuntur, ut illis quoque eadem interrogandi facultas, argumentandi, dicendique sit; si quis erit, qui perpetuam orationem, accusationemque desideret, altera actione audiet: nunc id, quod facimus, ea ratione, ut malitiæ illorum consilio nostro occurramus, necessario fieri intelligat; hæc primæ actionis erit accusatio. Dicimus C. Verrem, cum multa libidinose, multa crudeliter in cives R. atque in socios, multa in deos; hominesque nefarie fecerit, tum præterea quadringentis sestertium ex Sicilia contra leges abstulisse; hoc testibus, hoc tabulis, privatis, publicisque auctoritatibus ita vobis planum faciemus, ut hoc statuatis, etiam si spatium addicendum nostro commodo, vacuosque dies habuissemus, tamen oratione longa nihil opus fuisse.

# M. TULLII CICERONIS PRO L. MANILIA AD POPULUM

## ORATIO.

### ARGUMENTUM.

*Questio: An Pompejus bello Asiatico, hoc est persequendis reliquiis Mithridaticis, ex plebiscito (legem hic appellat Cicero suo. mora) C. Manilii Trib. pleb. Imperator sit praeficiendus. Suasor, Cicero: Dissuasores, Q. Catulus, & Hortensius, viri consulares. Acta est in foro, anno U. C. 687. Ciceronis 41. eventu prospero: nam cura Mithridaticis belli, multo majore, quam Lucullus habuerat, imperio, Pompejo demandanda.*

**Q**Uamquam mihi semper frequens conspectus vester multo jucundissimus, hic autem locus ad agendum amplissimus, ad dicendum ornatissimus, est visus, Quirites: tamen, hoc aditu laudis, qui semper optimo cuique maxime patuit, non mea me voluntas, sed meae vitae rationes, ab ineunte aetate susceptae, prohibuerunt; nam, cum antea, per aetatem, nondum hujus auctoritatem loci contingere audezam; statueremque, nihil huc, nisi perfectum ingenio, elaboratum industria, afferri oportere: omne meum tempus amicorum temporibus transmittendum putavi; ita neque hic locus vacuus umquam fuit ab iis, qui vestram causam defenderent: & meus labor, in privatorum periculis caste, integroque versatus, ex vestro judicio fructum est amplissimum consecutus. Nam cum propter dilationem comitiorum ter praetor primus centuriis cunctis renunciatus sum, facile intellexi, Quirites, & quid de me judicaretis, & quid aliis praescriberetis; nunc, cum & auctoritatis in me tantum sit, quantum vos honoribus mandandis esse voluistis; & ad agendum facultatis tantum, quantum homini vigilanti ex forensi usu prope quotidiana dicendi exercitatio potuit afferre: certe, & si quid etiam dicendo consequi possum, iis ostendam potissimum, qui ei quoque rei fructum suo judicio tribuendum esse censuerunt; atque illud in primis mihi laetandum jure video, quod in hac insolita mihi ex hoc loco ratione dicendi, causa talis oblata est, in qua oratione nemini deesse potest; dicendum est enim de Cn. Pompeji singulari, eximiaque virtute; hujus autem orationis difficilius est exitum, quam  
princi-

principium invenire; itaque non mihi tam copia, quam  
modus in dicendo querendus est. Atque, ut inde oratio  
mea proficiatur, unde hæc omnis causa ducitur: bellum  
grave, & periculofum vestræ vectigalibus, atque sociis a  
duobus potentissimis regibus infertur, Mithridate, & Ti-  
grane: quorum alter relictus, alter laceratus, occasionem  
sibi ad occupandam Asiam oblatam esse arbitratur; equi-  
tibus R. honestissimis viris efferuntur ex Asia quotidie li-  
teræ, quorum magnæ res aguntur, in vestris vectigalibus  
exercendis occupatæ: qui ad me pro necessitudine, quæ  
mihi est cum illo ordine, causam reipubl. periculaque re-  
rum suarum detulerunt: Bithyniæ, quæ nunc vestra pro-  
vincia est, vicos exustos esse complures: regnum Ariobar-  
zani, quod finitimum est vestris vectigalibus, totum ef-  
se in hostium potestate: Lucillum, magnis rebus gestis,  
ab eo bello discedere: huic qui succurrerit, non satis esse  
paratum ad tantum bellum administrandum: unum ab  
omnibus sociis, & civibus ad id bellum imperatorem de-  
posci, atque expeti: eundem hunc unum ab hostibus me-  
tui, præterea neminem. Causa quæ sit, videtis: nunc,  
quid agendum sit, considerate. Primum mihi videtur de  
genere belli, deinde de magnitudine, tum de imperatore  
deligendo esse dicendum. Genus est enim ejusmodi, quod  
maxime vestros animos excitare, atque inflammare debet:  
in quo agitur populi R. gloria, quæ vobis a majoribus  
cum magna in rebus omnibus, tum summa in re milita-  
ri tradita est: agitur salus sociorum, atque amicorum,  
pro qua multa majores vestri, magna, & gravis bella ges-  
serunt: aguntur certissima populi R. vectigalia, & maxi-  
ma; quibus amissis, & pacis ornamenta, & subsidia bel-  
li requiretis: aguntur bona multorum civium, quibus est  
& a vobis, & a moderatoribus reip. consulendum. Et  
quoniam semper appetentes gloriæ præter ceteras gentes,  
atque avidi laudis fuistis, delenda est vobis illa macula  
Mithridatico bello superiore suscepta, quæ penitus jam  
insedit, atque inveteravit in populi R. nomine; quod is,  
qui una die, tota Asia, tot in civitatibus, uno nuncio,  
atque una literarum significatione cives R. necandos,  
trucidandosque denotavit, non modo adhuc penam nul-  
lam suo dignam scelere suscepit, sed ab illo tempore an-  
num jam tertium, & vicimum regnat, & ita regnat,  
ut se non Ponto, neque Cappadociæ latebris occultare  
velit, sed emergere e patrio regno, atque in vestris vecti-  
galibus, hoc est in Asiæ luce versari; etenim adhuc in  
vestri cum illo rege contenderunt imperatores, ut ab il-  
lo insignia victoriæ, non victoriæ reportarint: trium-  
phavit L. Sylla, triumphavit L. Murræna de Mithridate,  
duo fortissimi viri, & summi imperatores, sed ita trium-  
pharunt, ut ille pulsus, superatusque regnaret; verum a-  
men illis imperatoribus laus est tribuenda, quod egerunt  
venia danda, quod reliquerunt: propterea quod ab eo  
bello Syllam in Italiam resp. Murrænam Sylla revoca-  
vit. Mithridates autem omne reliquum tempus non ad

oblivionem veteris belli, sed ad comparationem novi contulit: qui posteaquam maximas ædificasset, ornassetque classes; exercitusque permagnos, quibuscumque ex gentibus potuisset, comparasset, & se Bosphoranis, finitimis suis, bellum inferre simulasset; usque in Hispaniam legatos, & litteras misit ad eos duces, quibuscum tum bellum gerebamus: ut, cum duobus in locis disjunctissimis, maximeque diversis, uno consilio a binis hostium copiis bellum terra, marique gereretur, vos ancipiti contentione distracti de imperio dimicaretis; sed tamen alterius partis periculum, Sertorianæ atque Hispaniensis, quæ multo plus firmamenti, ac roboris habebat, Cn. Pompeii divino consilio, ac singulari virtute depulsum est: in altera parte ita res a L. Lucullo, summo viro, est administrata, ut initia illa gestarum rerum, magna, atque præclara, non felicitati ejus, sed virtuti, hæc autem extrema, quæ nuper acciderunt, non culpæ, sed fortunæ tribuenda esse videantur. Sed de Lucullo dicam alio loco, & ita dicam, Quirites, ut neque vera laus ei detracta orationis nostra, neque falsa afficta esse videatur. Sed pro vestri imperii dignitate, atque gloria, quoniam is est exorsus orationis meæ, videte, quem vobis animum suscipiendum putetis. Majores vestri sæpe, mercatoribus, ac navigatoribus injuriosius tractatis, bella gesserunt: vos, tot civium R. millibus uno nuncio, atque uno tempore necatis, quo tandem animo esse debetis? Legati quod erant appellati superbius, Corinthum patres vestri, totius Græciæ lumen, extinctam esse voluerunt: vos eum regem inultum esse patiimini, qui legatum populi R. consularem, vinculis, ac verberibus, atque omni supplicio ex cruciatum necavit? Illi libertatem civium R. imminutam non tulerunt: vos vitam ereptam negligetis? Jus legationis verbo violatum illi persecuti sunt; vos legatum populi R. omni supplicio interfectum, inultum relinquetis? videte, ne, ut illis pulcherrimum fuit, tantam vobis imperii gloriam relinquere, sic vobis turpissimum sit, illud, quod accepistis, tueri, & conservare non posse. Quid, quod salus sociorum summum in periculum, ac discrimen vocatur? Regno expulsus est Ariobarzanes rex, socius populi R. atque amicus: imminent duo reges toti Asiæ non solum vobis inimicissimi, sed etiam vestris sociis, atque amicis: civitates autem omnes, euncta Asia, atque Græcia vestrum auxilium expectare propter periculi magnitudinem coguntur: imperatorem a vobis certum deposcere, cum præsertim vos alium miseritis, neque audent, neque se id facere summo sine periculo posse arbitrantur; vident, & sentiunt hoc idem, quod & vos, unum virum esse in quo summa sint omnia, & eum prope esse (quo etiam carent ætius); cuius adventu ipso, atque nomine, tamen illi ad maximum bellum venerit, tamen impetus hostium repressos esse intelligunt, ac retardatos; hi vos, quoniam libere loqui non licet, tacite rogant, ut

se quo.

se quoque, sicut ceterum provinciarum socios, dignos existimetis, quorum salutem tali viro commendetis: atque hoc etiam magis, quam ceteros, quod ejusmodi in provinciam homines cum imperio mittimus, ut, etiam si ab hoste defendant, tamen ipsorum advenius in urbes sociorum non multum ab hostili expugnatione differant; hunc audiebant antea; nunc presentem vident tanta temperantia, tanta mansuetudine, tanta humanitate, ut si beatissimi esse videantur, apud quos ille diutissime commoratur. Quare, si propter socios, nulla ipsi injuria laessiti, majores vestri cum Antiocho, cum Philippo, cum Aetolis, cum Poenis bella gesserunt: quanto vos studio convenit, injuriis provocatos, sociorum salutem una cum imperii vestri dignitate defendere? praesertim cum de vestris maximis vestigalibus agatur; nam ceterarum provinciarum vestigalia, Quirites, tanta sunt, ut his ad ipsas provincias tutandas vix contenti esse possimus. Asia vero tam opima est, & fertilis, ut & ubertate agrorum, & varietate fructuum, & magnitudine passionis, & multitudine earum rerum, quae exportantur, facile omnibus terris antecellat. Itaque haec vobis provincia, Quirites, si & belli utilitatem, & pacis dignitatem sustinere vultis, non modo a calamitate, sed etiam a metu calamitatis est defendenda; nam ceteris in rebus, cum venit calamitas, tum detrimentum accipitur: at in vestigalibus non solum adventus mali, sed etiam metus ipse affert calamitatem; nam, cum hostium copiae non longe absunt, etiam si irruptio facta nulla sit, tamen pecora relinquuntur, agricultura deseritur, mercatorum navigatio conquiescit; ita neque ex portu, neque ex decumis, neque ex scriptura vestigal conservari potest; quare saepe totius anni fructus uno rumore periculi, atque uno belli terrore amittitur. Quo tandem animo esse existimatis aut eos, qui vestigalia vobis pensitant, aut eos, qui exercent, atque exigunt; cum duo reges cum maximis copiis prope adsint? cum una excursio equitatus per brevi tempore totius anni vestigal auferre possit? cum publicani familias maximas, quas in salictis habent, quas in agris, quas in portubus, atque custodiis, magno periculo se habere arbitrentur? putatis ne, vos illis rebus frui posse, nisi eos, qui vobis fructuosi sunt, conservaveritis, non solum, ut antea dixi, calamitate, sed etiam calamitatis formidine liberatos? ac ne illud quidem vobis negligendum est: quod mihi ego extremum proposueram, cum essem de belli genere dicturus, quod ad multorum bona civium R. pertinet: quorum vobis, pro vestra sapientia, Quirites, habenda est ratio diligenter: nam & publicani, homines & honestissimi & ornatissimi, suas rationes, & copias in illam provinciam contulerunt; quorum ipsorum per se res, & fortunae curae vobis esse debent; etenim, si vestigalia nervos esse reip. semper duximus, eum certe ordinem, qui exercet illa, firmamentum ceterorum ordinum recte esse dicemus; deinde ceteris ex ordinibus homines navi, & io.

dustrii partim in Asia negotiantur, quibus vos absentibus consulere debetis; partim suas, & suorum in ea provincia pecunias magnas collocatas habent. Erit igitur humanitatis vestrae, magnum eorum civium numerum calamitate prohibere, sapientiae, videre, multorum civium calamitatem a rep. separatam esse non posse. Etenim illud primum parvi refert, vos publicanis amissa vestigalia postea victoria recuperare; neque enim iisdem redimendi facultas erit propter calamitatem; neque aliis voluntas, propter timorem; deinde, quod nos eadem Asia, atque idem ille Mithridates initio belli Asiatici docuit, id certe, calamitate docti, memoria retinere debemus; nam tum, cum in Asia res magnas permulti amiserunt, scimus Romae, solutione impedita, fidem concidisse; non enim possunt una in civitate multi rem, atque fortunas amittere, ut non plures secum in eandem calamitatem trahant; a quo periculo prohibete remp. & mihi credite id, quod ipsi videtis; hæc fides, atque hæc ratio pecuniarum, quæ Romæ, quæ in foro versatur, implicita est cum illis pecuniis Asiaticis, & cohæret; ruere illa non possunt, ut hæc non eodem labefactata motu concidant. Quare videte, num dubitandum vobis sit, omni studio ad id bellum incumbere, in quo gloria nominis vestri, salus sociorum, vestigalia maxima, fortunæ plurimorum civium cum rep. defenduntur. Quoniam de genere belli dixi, nunc de magnitudine pauca dicam. Potest enim hoc dici, belli genus esse ita necessarium, ut sit gerendum; non esse ita magnum, ut sit pertimescendum, in quo maxime laborandum est, ne forte a vobis, quæ diligentissime providenda sunt, contempta esse videantur. Atque, ut omnes intelligant, me L. Lucullo tantum impertiri laudis, quantum forti viro, & sapientissimo homini, & magno imperatori debeat; dico, ejus adventu maximas Mithridatis copias, omnibus rebus ornatas, atque instructas, esse deletas; urbemque Asiae clarissimam, nobisque amicissimam, Cyzicenorū obessam ab ipso rege maxima multitudine, & oppugnatam vehementissime, L. Luculli virtute, assiduitate, consilio, summis obsidionis periculis liberatam; ab eodem imperatore classem magnam, & ornatam quæ, ducibus Sertorianis, ad Italiam studio inflammato raperetur, superatam esse, atque depressam: magnas hostium præterea copias multis præliis esse deletas: patefactumque nostris legionibus esse Pontum, qui ante populo R. ex omni aditu clausus esset: Sinopem, atque Amisum, quibus in oppidis erant domicilia regis, omnibus rebus ornata, atque referta, cæterasque urbes Ponti, & Cappadociae permultas uno aditu, atque adventu esse captas: regem spoliatum regno patrio, atque avito, ad alios se reges, atque alias gentes supplicem contulisse: atque hæc omnia, salvis populi R. focis, atque integris vestigaliibus, esse gesta. Satis opinor hoc esse laudis; atque ita reputo, ut hoc vos intelligatis, a nullo istorum, qui huic obestant legi, atque causæ, L. Lucillum similiter ex hoc

hoc loco esse laudatum. Requiretur fortasse nunc, quem-  
admodum, cum hæc ita sint, reliquum possit esse ma-  
gnum bellum; cognoscite, Quirites: non enim sine cause  
queri videtur. Primum, ex suo regno sic Mithridates pro-  
fugit, ut ex eodem Ponto Medea illa quondam profugis-  
se dicitur: quam prædicant in fuga fratris sui membra in  
iis locis, qua se parens persequeretur, dissipavisse; ut eo-  
rum collectio dispersa, mærorumque patris celeritatem per-  
sequendi retardaret; sic Mithridates fugiens, maximam  
vim auri, atque argenti, pulcherrimarumque rerum o-  
mnium, quas & a maioribus acceperat, & ipse bello su-  
periore ex tota Asia direptas in suum regnum congesserat,  
in Ponto omnem reliquit; hæc dum nostri colligunt o-  
mnia diligentius, rex ipse e manibus effugit: ita illum  
in persequendi studio mæror, hos lætitia retardavit. Hunc  
in illo timore, & fuga Tigranes, rex Armenius, excepit,  
diffidentemque rebus suis confirmavit, & afflictum erexit,  
perditumque recreavit: cujus in regnum posteaquam L.  
Lucullus cum exercitu venit, plures etiam gentes contra  
imperatorem nostrum concitatae sunt; erat enim metus  
injectus iis nationibus, quas nunquam populus Rom. ne-  
que laceffendas bello, neque tentandas putavit; erat et-  
iam alia gravis, atque vebemens opinio, quæ per animos  
gentium barbararum pervaserat, fani locupletissimi, &  
religiosissimi diripiendi causa in eas oras nostrum exerci-  
tum esse adductum; ita nationes multæ, atque magnæ  
novo quodam terrore, ac metu concitabantur, noster au-  
tem exercitus, etsi urbem ex Tigranis regno ceperat, &  
præliis usus erat secundis, tamen nimia longinquitate loco-  
rum, ac desiderio suorum commovebatur. Hic jam plura non  
dicam; fuit enim illud extremum, ut ex iis locis a militibus  
nostris reditus magis maturus, quam processus longior, que-  
reretur. Mithridates autem & suam manum jam confirmarat,  
& eorum, qui se ex ejus regno collegerant, & magnis adventi-  
tiis multorum regnum, & nationum copiis juvabatur; hoc jam  
fere sic fieri solere accepimus, ut regum afflictæ fortunæ facile  
multorum opes alliciant ad misericordiam, maximeque eo-  
rum, qui aut reges sunt, aut vivunt in regno; quod regale iis  
nomen magnum, & sanctum esse videatur; itaque tantum  
victus efficere potuit, quantum incolumis nunquam est ausus  
optare; nam, cum se in regnum recepisset suum, non fuit eo  
contentus, quod ei præter spem acciderat, ut illam, postea-  
quam pulsus erat, terram unquam attingeret; sed in exerci-  
tum vestrum, clarum, atque victorem, impetum fecit. Si-  
nite hoc loco, Quirites, sicut poetæ solent, qui res Romanas  
scribunt, præterire me nostram calamitatem; quæ tanta fuit,  
ut eam ad aures L. Luculli non ex prælio nuncius, sed ex ser-  
mone rumor afferret. Hic in ipso illo malo, gravissimaque  
belli offensione L. Lucullus, qui tamen aliqua ex parte iis in-  
commodis moderi fortasse potuisset, vestro jussu coactus, quod  
imperii diuturnitati modum statuendum, veteri exemplo,  
putavistis, partem militum, qui jam stipendiis confectis  
erant, dimisit, partem Glabrioni tradidit. Multa præte-  
reo

reó consulto, sed ea vos conjectura perspicitis, quantum illud bellum futurum putetis, quod conjungant reges potentissimi, renovent agitatæ nationes, fuscipiant integræ gentes, novus imperator vester accipiat, vetere expulso exercitu. Satis mihi multa verba fecisse videor, quare hoc bellum esset genere ipso necessarium, magnitudine periculosum; restat, ut de imperatore ad id bellum deligendo, ac tantis rebus præficiendo dicendum esse videatur. Utinam, Quirites, virorum fortium, atque innocentium copiam tantam haberetis, ut hæc vobis deliberatio difficilis esset, quemnam potissimum tantis rebus, ac tanto bello præficiendum putaretis; nunc vero, cum sit unus Cn. Pompejus, qui non modo eorum hominum, qui nunc sunt, gloriam, sed etiam antiquitatis memoriam virtute superavit; quæ res est, quæ cujusquam animum in hac causa dubium facere possit? ego enim sic existimo, in summo imperatore quatuor has res inesse oportere, scientiam rei militaris, virtutem, auctoritatem, felicitatem. Quis igitur hoc homine scientior umquam aut fuit, aut esse debuit? qui e ludo, atque pueritiæ disciplinæ, bello maximo, atque acerrimis hostibus, ad patris exercitum, atque in militiæ disciplinam profectus est: qui extrema pueritia miles fuit summi imperatoris: ineunte adolescentia maximus ipse exercitus imperator: qui sæpius cum hoste conflixit, quam quisquam eum inimico concertavit; plura bella gessit, quam cæteri legerunt: plures provincias confecit, quam alii concupiverunt: ejus adolescentia ad scientiam rei militaris non alienis præceptis, sed suis imperiis, non offensionibus belli, sed victoriis, non stipendiis, sed triumphis est traducta; quod denique genus belli esse potest, in quo illum non exercuerit fortuna reipub.? Civile, Africanum, Transalpinum, Hispaniense, mixtum ex civitatibus, atque ex bellicosissimis nationibus servile, navale, varia, & diversa genera & bellorum, & hostium, non solum gesta ab hoc uno, sed etiam confecta, nullam rem esse declarant in usu militari positam, quæ hujus viri scientiam fugere possit. Jam vero virtuti Cn. Pompeji quæ potest par oratio inveniri? quid est, quod quisquam aut dignum illo, aut vobis novum aut cuiquam inauditum possit asserere? non enim illæ sunt solæ virtutes imperatoris, quæ vulgo existimantur, labor in negotiis, fortitudo in periculis, industria in agendo, celeritas in conficiendo, consilium in providendo: quæ tanta sunt in hoc uno, quanta in omnibus reliquis imperatoribus, quos aut vidimus, aut audivimus, non fuerunt; testis est Italia, quam ille victor L. Sylla hujus virtute, & consilio confectus est liberatam; testis est Sicilia, quam multis undique cinctam periculis, non terrore belli, sed celeritate consilii explicavit; testis est Africa, quæ magnis oppressa hostium copiis, eorum ipsorum sanguine redundavit; testis est Gallia, per quam legionibus nostris in Hispaniam iter, Gallorum internecione, patefactum est; testis est Hispania, quæ sæpissime plurimos hostes ab hoc superatos, prostratosque conspexit; testis est iterum, & sæpius Italia, quæ cum servili bello tetro periculosoque preme-



premeretur, ab hoc auxilium absente expectivit: quod bellum expectatione Pompeji attentatum, atque imminutum est, adventu sublatum, ac sepultum; testes vero jam omnes oræ, atque omnes extræ gentes, ac nationes: deque maria omnia tum universa, tum in singulis oris omnes sinus, atque portus; quis enim toto mari locus per hos annos aut tam firmum habuit præsidium, ut tutus esset; aut tam fuit abditus, ut lateret? quis navigavit, cui non se aut mortis, aut servitutis periculo committeret, cum aut hieme, aut referto prædonum mari navigaretur? hoc tantum bellum, tam turpe, tam vetus, tam late divisum, atque dispersum, quis umquam arbitraretur aut ab omnibus imperatoribus uno anno, aut omnibus annis ab uno imperatore confici posse? quam provinciam tenuistis a prædonibus liberam per hosce annos? quod vectigal vobis tutum fuit? quem socium descendistis? cui præsidio classibus vestris fuistis? quam multas existimatis insulas esse desertas? quam multas aut metu relictas, aut a prædonibus captas urbes esse sociorum? Sed quid ego longinqua commemoro? fuit hoc quondam, fuit proprium populi R. longe à domo bellare, & propugnaculis imperii sociorum fortunas, non sua tecta, defendere. Sociis vestris ego mare clausum per hosce annos dicam fuisse: cum exercitus nostri Brundisio nunquam, nisi summa hyeme, transmiserint? Quid, ad nos cum ab extræ nationibus venirent, captos querar, cum legati populi R. redempti sint? Mercatoribus tutum mare non fuisse licam: cum duodecim secures in prædonum potestatem pervenerint? Quid aut Colophonem, aut Samum, nobilissimas urbes, innumerabilesque alias captas esse commorem; cum vestros portus, atque eos portus, quibus vitam, & spiritum ducitis, in prædonum fuisse potestate ciatis? an vero ignoratis, portum Cæcæ celeberrimum, atque plenissimum navium, inspectante prætore, a prædonibus esse direptum? ex Miseno autem, ejus ipsius liberos, qui cum prædonibus antea ibi bellum gesserat, a prædonibus esse sublato? nam quid ego Hostiense incommodum, atque illam labem, atque ignominiam recipere querar, cum, prope inspectantibus vobis, classis ea, cui consul populi R. præpositus esset, a prædonibus capta, atque oppressa est? Pro dii immortales! tanta ne unius hominis incredibilis, ac divina virtus, tam brevi tempore, lucem afferre reip. potuit, ut vos, qui modo ante ostium Tiberinum classem hostium videbatis, ii nunc nullam intra Oceani ostium prædonum navem esse audiat? Atque hæc quæ celeritate gesta sint, quamquam videtis, tamen a me non dicendo prætereunda non sunt. Quis enim umquam aut obeundi negotii, aut consequendi quæstus studio, tam brevi tempore, tot loca adire, tantos cursus conficere potuit, quam celeriter, Cæ. Pompejo duce, belli impetus navigavit? qui Siciliam adiit, Africam exploravit, inde Sardiniam cum classe venit, nondum tempestivo ad navigandum mari: atque hæc tria frumentaria subsidia reip.

firmissimis prædiis, classibusque munivit; inde se cum in Italiam recepisset, duabus Hispaniis, & Gallia cisalpina prædiis, ac navibus confirmata, missis item in oram Illyrici maris, & in Achajam, omnemque Græciam navibus, Italique duo maria maximis classibus, firmissimisque prædiis adornavit: ipse autem, ut a Brudusio profectus est, unde quinquagesimo die totam ad imperium populi R. Ciliciam adjunxit: omnes, qui ubique prædones fuerunt, partim capti, interfectique sunt, partim unius imperio, ac potestati se dediderunt. Idem Cretensibus, cum ad eum usque in Pamphyliam legatos, deprecatoresque misissent, spem deditiois non ademit, obsidesque imperavit; ita tantum bellum, tam diuturnum, tam longe lateque dispersum, quo bello omnes gentes, ac nationes premebantur Cn. Pompejus extrema hieme apparavit, ineunte vere suscepit, media æstate confecit. Est hæc divina, atque incredibilis virtus imperatoris; quid cæteræ, quas paulo ante commemorare cœperam, quantæ, atque quam multæ sunt? non enim solum bellandi virtus in summo, atque perfecto imperatore querenda est, sed multæ sunt artes eximie, hujus administræ, comitesque virtutis. Ac primum, quanta innocentia debent esse imperatores? quanta deinde omnibus in rebus temperantia? quanta fide? quanta facilitate? quanto ingenio? quanta humanitate? quæ, breviter, quanta sint in Cn. Pompejo, consideremus; summa enim omnia sunt, Quirites; sed ea magis ex aliorum contentione, quam ipsa per sese, cognosci, atque intelligi possunt. Quem enim possumus imperatorem aliquo in numero putare, cujus in exercitu veneant centuriatus, atque venierint? quid, hunc hominem magnum, aut amplum de rep. cogitare, qui pecuniam ex ætario depromptam ad bellum administrandum, aut, propter cupiditatem provinciarum, magistratibus dividerit, aut propter avaritiam, Romæ in questu reliquerit? Vestra admurmuratio facit, Quirites, ut agnoscere videamini, qui hæc fecerint: ego autem neminem nomino; quare irasci mihi nemo poterit, nisi qui ante de se voluerit confiteri; itaque propter hanc avaritiam imperatorum quantas calamitates, quocumque ventum sit, nostri exercitus ferant, quis ignorat? itinera, quæ per hosce annos in Italia per agros, atque oppida civium R. nostri imperatores fecerunt, recordamini: tum facilius statuetis, quid apud exterarum nationes fieri existimetis; utrum plures arbitramini per hosce annos militum vestrorum armis hostium urbes, an hibernis sociorum civitates esse deletas? neque enim potest exercitum is continere imperator, qui se ipsum non continet; neque severus esse in judicando, qui alios in se severos esse iudices non vult. Hic miramur, hunc hominem tantum excellere cæteris; cujus legiones sic in Asiam pervenerunt, ut non modo manstanti exercitus, sed ne vestigium quidem cuiquam pacato nocuisse dicatur? Jam vero, quemadmodum milites hibernent, quotidie sermones, ac litteræ perferuntur, non modo, ut sum-

stum faciat in militem, nemini vis affertur, sed ne cunctis quidem cuiquam permittitur; hyemis enim, non varietatis, perfugium majores nostri in sociorum, atque amicorum testis esse voluerunt. Age verò, cæteris in rebus quali sit temperantia, considerate. Unde illam tantam cecitatem, & tam incredibilem cursum inventum putatis? non enim illum eximia vis remigum, aut ars inaudita quædam gubernandi, aut venti aliqui novi, tam celeriter in ultimas terras pertulerunt; sed hæc res, quæ cæteros emorari solent, non retardarunt: non avaritia ab instituto cursu, ad prædam aliquam revocavit, non libido ad voluptatem, non amoenitas ad delectationem, non nobilitas urbis ad cognitionem, non denique labor ipse ad quietem; postremo signa, & tabulas, cæteraque ornamenta Græcorum oppidorum, quæ ceteri tollenda esse arbitrantur, ea sibi ille ne visenda quidem existimavit: itaque omnes quidem nunc in his locis Cn. Pompejum, sicut diquem non ex hac urbe missum, sed de cælo delapsum, intuentur; nunc denique incipiunt credere, fuisse homines Romanos hac quondam abstinencia; quod jam nationibus exteris incredibile, ac falso memoriæ proditum videbatur: nunc imperii nostri splendor illis gentibus luceat: nunc intelligunt non sine causa majores suos, tum, cum hac temperantia magistratus habebamus, servire populo Rom. quam imperare aliis, maluisse. Jam vero ita aciles aditus ad eum privatorum, ita liberæ querimoniarum aliorum injuriis esse dicuntur, ut is, qui dignitate principibus excellit, facilitate par infimis, esse vileatur. Jam, quantum consilio, quantum dicendi gravitate, & copia valeat, in quo ipso inest quædam dignitas Imperatoria, vos, Quirites, hoc ipso in loco sæpe cognoscitis. Fidem vero ejus inter socios quantam existimari putatis, quam hostes omnium gentium sanctissimam esse judicant? Humanitate jam tanta est, ut difficile dictu sit, utrum hostes magis virtutem ejus pugnantes imuerint, an mansuetudinem victi dilexerint. Et quisquam dubitabit, quin huic tantum bellum hoc transmittendum sit, qui ad omnia vestræ memoriæ bella conscientia divino quodam consilio natus esse videatur? Et quoniam auctoritas multum in bellis quoque administrandis, atque imperio militari valet: certe semini dubium est, quin ea in re idem ille Imperator plurimum possit; vehementer autem pertinere ad bella administranda, quid hostes, quid socii de imperatoribus vestris existiment, quis ignorat; cum sciamus, homines in tantis rebus, ut aut contemnant, aut metuant, aut oderint, aut ament, opinione non minus famæ, quam aliqua certa ratione commoveri. Quod igitur nomen umquam in orbe terrarum clarius fuit? cujus res gestæ pares? de quo homines vos, id quod maxime facit auctoritatem, tanta, & tam præclara judicia fecistis? an vero ullam usquam esse oram tam desertam putatis, quo non illius dici fama pervaserit, cum universus populus R. referto foro, repletisque omnibus

omnibus templis, ex quibus hîc locus conspici potest, unum sibi ad commune omnium gentium. bellum Cn. Pompejum imperatorem depoposcit? itaque, ut plura non dicam, neque aliorum exemplis confirmem, quantum hujus auctoritas valeat in bello, ab eodem Cn. Pompejo omnium rerum egregiarum exempla sumantur: qui quo die a vobis maritimo bello præpositus est imperator, tanta repente vilitas annonæ ex summa inopia, & caritate rei frumentariæ consecuta est junius spe, & nomine, quantam vix ex summa ubertate agrorum diuturna pax efficeret potuisset. Jam vero, accepta in Ponto calamitate ex eo prælio, de quo vos paullo ante invitus admonui, cum focii pertinuissent, hostium opes, animique crevissent, cum satis firmum præsidium provincia non haberet; amississetis Asiam, Quirites, nisi ipsum id temporis divinitus Cn. Pompejum ad eas regiones fortuna populi R. attulisset; hujus adventus & Mithridatem, insolita inflammatum victoria, continuit, & Tigranem, magnis copiis militantem Asiæ, retardavit. Et quisquam dubitabit, quid virtute perfecturus sit, qui tantum auctoritate perfecit? aut quam facile imperio, atque exercitu socios, & vestigalia conservaturus sit, qui ipso nomine, ac rumore defenderit? Age vero, illa res quantam declaret ejusdem hominis apud hostes populi R. auctoritatem, quod ex locis tam longinquis, tamque diversis, tam brevi tempore omnes una huic se dediderunt? quod Cretensium legati, cum in eorum insula noster imperator, exercitusque esset, ad Cn. Pompejum in ultimas prope terras venerunt, eique se omnes Cretensium civitates dedere velle dixerunt? Quid? idem ipse Mithridates nonne ad eundem Cn. Pompejum legatum usque in Hispaniam misit? eumque Pompejus legatum semper judicavit; ii, quibus semper erat molestum ad eum potissimum esse missum, speculatores, quam legatum, judicare maluerunt. Potestis igitur jam constituere, Quirites, hanc auctoritatem, multis postea rebus gestis, magnisque vestris judiciis amplificatam, quantum apud illos reges, quantum apud exterarum nationes valituram esse existimetis. Reliquum est, ut de felicitate, quam præstare de seipso nemo potest, meminisse, & commemorare de altero possimus, sicut æquum est homini de potestate deorum, timere, & pauca dicamus. Ego enim sic existimo, Maximo, Marcello, Scipioni, Mario, & cæteris magnis imperatoribus, non solum propter virtutem, sed etiam propter fortunam sæpius imperia mandata, atque exercitus esse commissos; fuit enim profecto quibusdam summis viris quædam ad amplitudinem, & gloriam, & ad res magnas bene gerendas divinitus adjuncta fortuna; de hujus autem hominis felicitate, quo de nunc agimus, hac utar moderatione dicendi, non ut in illius potestate fortunam positam esse dicam, sed ut præterita meminisse, reliqua sperare videamur: ne aut invisæ diis immortalibus oratio nostra, aut ingrata esse videatur. Itaque non sum prædicatu-

caturus, Quirites, quantas ille res domi, militumque, terra, marique, quantaque felicitate gesserit; ut ejus semper voluntatibus non modo cives assenserint, socii obtemperarint, hostes obedierint, sed etiam venti, tempestateque obsecundarint; hoc brevissime dicam, neminem umquam tam impudentem fuisse, qui a diis immortalibus tot, & tantas res tacitus auderet optare, quot, & quantas dii immortales ad Cn. Pompejum detulerunt: quod ut illi proprium, ac perpetuum sit, Quirites, cum communis salutis, atque imperii, tum ipsius hominis causa, sicuti facitis, velle, & optare debetis. Quare, cum & bellum ita necessarium sit, ut negligi non possit; ita magnum, ut accuratissime sit administrandum; & cum ei imperatorem præficere possitis, in quo sit eximia belli scientia, singularis virtus, clarissima auctoritas, egregia fortuna: dubitabis, Quirites, quin hoc tantum boni, quod a diis immortalibus oblatum, & datum est, in remp. conservandam, atque amplificandam conferatis? Quod si Romæ Cn. Pompejus privatus esset hoc tempore, tamen ad tantum bellum is erat diligendus, atque mittendus; nunc, cum ad cæteras summas utilitates hæc quoque opportunitas adjungatur, ut in iis ipsis locis adsit; ut habeat exercitum; ut ab iis, qui habent, accipere statim possit: quid expectamus? aut cur non, ducibus diis immortalibus, eidem, cui cætera summa cum salute reip. commissa sunt, hoc quoque bellum regium committimus? At enim vir clarissimus, reip. & vestris beneficiis amplissimis affectus, Q. Catulus, itemque summis ornamentis honoris, fortunæ, virtutis, ingenii præditus Q. Hortensius, ab hac ratione dissentiunt: quorum ego auctoritatem apud vos multis locis plurimum valuisse, & valere oportere confiteor; sed in hac causa, tametsi cognoscitis auctoritates contrarias fortissimorum virorum, & clarissimorum, tamen, omissis auctoritatibus, ipsa re, & ratione exquirere possumus veritatem; atque hoc facilius, quod ea omnia, quæ adhuc a me dicta sunt, iidem isti vera esse concedunt; & necessarium bellum esse, & magnum, & in uno Cn. Pompejo summa esse omnia. Quid igitur ait Hortensius? si uni omnia tribuenda sunt, unum dignissimum esse Pompejum; sed ad unum tamen omnia deferri non oportere. Obsolevit jam ista oratio, re multo magis, quam verbis, refutata: nam tu idem, Q. Hortensi, multa, pro tua summa copia, ac singulari facultate dicendi, & in senatu contra virum fortem A. Gabinium graviter, ornateque dixisti, cum is de uno imperatore contra prædones constituendo legem promulgasset: & ex hoc ipso loco per multa idem contra legem verba fecisti, quid tum, per deos immortales, si plus apud pop. Rom. auctoritas tua, quam ipsius populi R. salus, & vera causa valuisset, hodie hanc gloriam, atque hoc orbis terræ imperium teneremus? An tibi tum imperium esse hoc videbatur, cum pop. R. legati, prætores, quæstoresque capiebantur? cum ex omnibus p. ovinciis comitatu & privato, & publico prohiberemur?

rur? cum ita clausa erant nobis omnia maria, ut neque privatam rem maritimam, neque publicam jam obire possemus? quæ civitas ante umquam fuit, non dico Atheniensiū, quæ satis late quondam mare tenuisse dicitur; non Carthaginiensiū, qui permultum classe, maritimisque rebus valuerunt; non Rhodiōrum, quorū usque ad nostram memoriam disciplina navalis & gloria remansit; quæ civitas antea umquam tam tenuis, quæ tam parva insula fuit, quæ non portus suos, & agros, & aliquam partem regionis, atque oræ maritimæ per se ipsa defenderet? At hercule aliquot annos continuos ante legem Gabiniam ille populus R. cuius usque ad nostram memoriam nomen invictum in navalibus pugnis permanerat, magna, ac multo maxima parte non modo utilitatis, sed dignitatis, atque imperii caruit; nos, quorum majores Antiochum regem classe, Persenque superarunt, omnibus navalibus pugnis Carthaginienses, homines in maritimis rebus exercitatissimos, paratissimosque, vicerunt; ii nullo in loco jam prædombus pares esse poteramus; nos quoque, qui antea non modo Italiam tutam habebamus, sed omnes socios in ultimis oris, auctoritate nostri imperii, salvos præstare poteramus, tum, cum Insula Delos, tam p̄ocul a nobis in Ægæo mari posita, quo omnes undique tum mercibus, atque oneribus commebant, referta divitiis, parva, sine muro, nihil timebat; iidem non modo provinciis, atque oris Italiæ maritimis, ac portibus nostris, sed etiam Appia jam via carebamus: & his temporibus non pudebat magistratus pop. Rom. in hunc ipsum locum ascendere, tum cum vobis majores vestri exuviis nauticis, & classium spoliis ornatum reliquissent. Bono te animo tum, Q. Hortensi, populus R. & cæteros, qui erant in eadem sententia, dicere existimavit ea, quæ sentiebatis: sed tamen in salute communi idem pop. Rom. dolori suo maluit, quam auctoritati vestræ, obtemperare; itaque una lex, unus vir, unus annus non modo nos illa miseria, ac turpitudine liberavit, sed etiam effecit, ut aliquando vere videremur omnibus gentibus, ac nationibus terra, marique imperare. Quo mihi etiam indignius videtur obrectatum esse adhuc, Gabinio dicam, ane Pompeio, an utrique? id quod est verius, ne legaretur A. Gabinus Cn. Pompeio expetenti, ac postulanti; utrum ille, qui postulat legatum ad tantum bellum, quem velit, idoneus non est, qui impetret, cum cæteri ad expilandos socios, diripendasque provincias, quos voluerunt, legatos eduxerint? an ipse, cuius lege salus, ac dignitas pop. Rom. atque omnibus gentibus constituta est, expers esse debet gloriæ ejus imperatoris, atque ejus exercitus, qui consilio ipsius, atque periculo testis constitutus? an C. Falcidius, Qu. Metellus, Q. Cælius Latinienſis, Cn. Lentulus, quos omnes honoris causa nomino, cum tribuni pl. fuissent, anno proximo legati esse potuerunt: in hoc uno Gabinio sunt tam diligentes, qui in hoc bello, quod lege Gabinia ge-  
 ritur,

ritur, in hoc imperatore, atque exercitu, quem per se ipse constituit, etiam præcipuo jure esse deberet? de quo legando spero consules ad Senatum relatores; qui si dubitabunt, aut gravabuntur, ego me profiteor relaturum; neque me impediet cujusquam, Quirites, inimicum edictum, quominus fretus vobis, vestrum jus, beneficiumque defendam: neque præter intercessionem, quicquam audiam: de qua, ut arbitror, isti ipsi, qui minantur, etiam atque etiam, quid liceat, considerabunt; mea quidem sententia, Quirites, unus A. Gabinus belli maritimi, rerumque gestarum auctor, comes Cn. Pompejo adscribitur; propterea quod alter uni id bellum suscipiendum vestris suffragiis detulit, alter delatum, susceptumque confecit. Reliquum est, ut de Q. Catuli auctoritate, & sententia dicendum esse videatur; qui cum ex vobis quæreretur, si in uno Cn. Pompejo omnia poneretis, si quid de eo factum esset, in quo spem essetis habituri, cepit magnum suæ virtutis fructum, ac dignitatis, cum omnes prope una voce, in eo ipso vos spem habituros esse, dixistis; etenim talis est vir, ut nulla res tanta sit, ac tam difficilis, quam ille non & consilio regere, & integritate tueri, & virtute conficere possit; sed in hoc ipso ab eo vehementissime dissentio, quod, quo minus certa est hominum, ac minus diuturna vita, hoc magis resp., dum per deos immortales licet, frui debet summi hominis vita, atque virtute. At enim nihil novi fiat contra exempla, atque instituta majorum. Non dico hoc loco, majores nostros semper in pace consuetudini, in bello utilitati paruisse, semper ad novos casus temporum novorum consiliorum rationes accommodasse; non dicam, duo bella maxima, Punicum, & Hispahiense, ab uno imperatore esse confecta; duas urbes potentissimas, quæ huic imperio maxime minabantur, Carthaginem, atque Numantiam, ab eodem Scipione esse deletas; non commemorabo, nuper ita vobis, patribusque vestris esse visum, ut in uno C. Mario spes imperii poneretur, ut idem cum Jugurtha, idem cum Cimbris, idem cum Theutonis bellum administraret: in ipso Cn. Pompejo, in quo novi constitui nihil vult Q. Catulus, quam multa sint nova, summaque Catuli voluntate constituta, recordamini; quid tam novum, quam adolescentulum privatum exercitum difficili reip. tempore conficere? confecit: huic præesse? præluit; rem optime ductu suo gerere? gessit. Quid tam præter consuetudinem, quam homini peradolescenti, cuius a senatorio gradu ætas longe abesset, imperium, atque exercitum dari? Siciliam permitti, atque Africam, bellumque in ea administrandum? fuit in his provinciis singulari innocentia, gravitate, virtute: bellum in Atrica maximum confecit: victorem exercitum deportavit. Quid vero tam inauditum, quam equitem R. triumphare? ac eam quoque rem populus Rom. non modo vidit, sed etiam studio omni visendam putavit. Quid tam inusitatum, quam ut, cum duo consules clarissimi, fortissimi-

que

que essent, eques R. ad bellum maximum, formidolosissimumque pro consule mitteretur? missus est; quo quidem tempore, cum esset non nemo in senatu, qui diceret, non oportere mitti hominem privatum pro consule; L. Philippus dixisse dicitur, non se illum sua sententia pro consule, sed pro consulibus mittere; tanta in eo reip. bene gerendæ spes constituebatur, ut duorum consulum munus unius adolescentis virtuti committeretur. Quid tam singulare, quam ut, ex S. C. legibus solutus, consul ante fieri, quam ullum alium magistratum per leges capere licuisset? Quid tam incredibile, quam ut iterum eques R. ex S. C. triumpharet? Quæ in omnibus hominibus nova post hominum memoriam constituta sunt, ea tam multa non sunt, quam hæc, quæ in hoc uno homine vidimus. Atque hæc tot exempla, tanta, ac tam nova, profecta sunt in eundem hominem a Q. Catulo, atque a cæterorum ejusdem dignitatis amplissimorum hominum auctoritate. Quare videant, ne sit periniquum, & non ferendum, illorum auctoritatem de Cn. Pompeji dignitate a vobis comprobata semper esse, vestrum ab illis de eodem homine iudicium, populi que R. auctoritatem improbari: præsertim cum jam suo jure pop. R. in hoc homine suam auctoritatem vel contra omnes, qui dissentiant, possit defendere, propterea quod, istis reclamantibus, vos unum illum ex omnibus delegistis, quem bello prædonum præponeretis; hoc si vos temere fecistis, & reip. parum consulistis: recte isti studia vestra suis consiliis regere conantur; si autem vos plus tum in rep. vidistis, vos, his repugnantibus, per vosmetipsos dignitatem huic imperio, salutem orbis terrarum attulistis, aliquando isti principes & sibi, & cæteris populi R. universi auctoritati parendum esse fateantur. Atque in hoc bello Asiatico, & regio non solum militaris illa virtus, quæ est in Cn. Pompejo singularis, sed aliæ quoque virtutes animi multæ, & magnæ requiruntur. Difficile est, in Asia, Cilicia, Syria, regnisque exterarum nationum ita versari vestrum imperatorem, ut nihil aliud, quam de hoste, ac de laude cogitet; deinde etiam, si qui sunt pudore, ac temperantia moderatiores, tamen, eos esse tales, propter multitudinem cupidorum hominum nemo arbitratur. Difficile est dictu, Quirites, quanto in odio firmus apud exteras nationes, propter eorum, quos ad eas hoc anno cum imperio misimus, injurias, ac libidines; quod enim sanum putatis in illis terris nostris magistratibus religiosum, quam civitatem sanctam, quam domum satis causam, ac munitam fuisse? urbes jam locupletes, ac copiosæ requiruntur, quibus causa belli, propter diripiendi cupiditatem, inferatur. Libenter hæc coram Q. Catulo, & Q. Hortensio disputarem, summis, & clarissimis viris; noverunt enim sociorum vulnera: vident eorum calamitates, querimonias audiunt. Pro sociis vos contra hostes exercitum mittere putatis, an, hostium simulatione, contra socios, atque amicos? quæ civitas est



in Asia, quæ non modo unius imperatoris, aut legati, sed unius tribuni mil. animos, ac spiritus capere possit? Quare, etiam si quem habetis, qui collatis signis exercitus regios superare posse videatur: tamen, nisi erit idem, qui se a pecuniis sociorum, qui ab eorum conjugibus, ac liberis, qui ab auro, gazaque regia manus, oculos, animum cohibere possit, non erit idoneus, qui ad bellum Asiaticum, regiumque mittatur; ecquam putatis civitatem pacatam fuisse, quæ locuples sit? ecquam esse locupletem, quæ istis pacata esse videatur? ora maritima, Quirites, Cn. Pompejum, non solum propter rei militaris gloriam, sed etiam propter animi continentiam requisivit: videbat enim populus R. non locupletari quotannis pecunia publica, præter paucos, neque nos quidquam aliud assequi classum nomine, nisi ut, detrimentis accipiendis, majore affici turpitudine videremur; nunc qua cupiditate homines in provincias, quibus jacturis, quibus conditionibus proficiscantur, ignorant videlicet isti, qui ad unum deferenda esse omnia non arbitrantur? quasi vero Cn. Pompejum non cum suis virtutibus, tum etiam alienis vitiis magnum esse videamus. Quare nolite dubitare, quin huic uni credatis omnia, qui, inter annos tot uavus inventus sit, quem socii in urbes suas cum exercitu venisse gaudeant. Quod si auctoritatibus hanc causam, Quirites, confirmandam putatis; est vobis auctor, vir bellorum omnium, maximarumque rerum peritissimus P. Servilius, cujus tantæ res gestæ terra, marique extiterunt, ut, cum de bello deliberetis, auctor vobis gravior esse nemo debeat: est C. Curio, summis vestris beneficiis, maximisque rebus gestis, summo ingenio, & prudentia præditus: est Cn. Lentulus, in quo omnes, pro amplissimis vestris honoribus, summum consilium, summam gravitatem esse cognoscitis: est C. Cassius, integritate, virtute, constantia singulari. Quare videte, num horum auctoritatibus illorum orationi, qui dissentiunt, respondere posse videamur. Quæ cum ita sint, C. Manili, primum istam tuam & legem, & voluntatem, & sententiam laudo, vehementissimeque comprobo; deinde te hortor, ut auctore populo R. maneat in sententia, neve cujusquam vim, aut minas pertimescas; primum in te satis esse animi, constantiaque arbitror: deinde, cum tantam multitudinem cum tanto studio adesse videamus, quantam non iterum in eodem homine præficiendo vidimus; quid est, quod aut de re, aut de perficiendi facultate dubitemus? Ego autem, quidquid in me est studii, consilii, laboris, ingenii; quidquid hoc beneficio populi R. atque hac potestate prætoris; quidquid auctoritate, fide, constantia possum; id omne ad hanc rem conficiendam tibi, & pop. R. polliceor, & defero: testorque omnes deos, & eos maxime, qui huic loco, temploque præsident, qui omnium mentes eorum, qui ad remp. adeunt, maxime perspiciunt, me hoc neque rogatu facere cujusquam, neque quo Cn. Pompeji gratiam mihi per hanc causam conciliari putem, neque

quo mihi ex cuiusquam amplitudine aut præsidia periculis, aut adjumenta honoribus quæram: propterea quod pericula facile, ut hominem præstare oportet, innocentia testi pellemus; honores autem neque ab uno, neque ex hoc loco, sed eadem nostra illa laboriosissima ratione vitam, si vestra voluntas feret, consequemur. Quamobrem, quidquid in hac causa mihi susceptum est, Quirites, id omne me reip. causa suscepisse confirmo: tantumque abest, ut aliquam bonam gratiam mihi quæsisse videar, ut multas etiam similtates, partim obscuras, partim apertas intelligam, mihi non necessarias, vobis non inutiles, suscepisse; sed ego me hoc honore præditum, tantis vestris beneficiis affectum, statui, Quirites, vestram voluntatem, & reip. dignitatem, & salutem provinciarum, atque sociorum meis omnibus commodis, & rationibus præferre oportere.



# M. TULLII CICERONIS

## ORATIO

De Lege Agraria contra Servilium Rullum Tribun. Pleb.

## AD POPULUM.

## ARGUMENTUM.

*Quaestio; An lex Agraria, promulgata a P. Servilio Rest. lo Trib. pleb. sit accipienda. Hac Oratione magnifico dissuadet vehementer Cicero Coss., quod hujus legis simulatione, ac nomine tyrannis constituatur. Habita est in concione Populi, anno U. C. 690. Ciceronis 44. Non lex modo sublata; sed etiam conjecti tribuni plebis in desperationem eorum, quae moliebantur.*

**E**ST hoc in more positum, Quirites, institutoque majorum, ut ii, qui beneficio vestro imagines familiarum suarum consecuti sunt, eam primam habeant concionem, qua gratiam beneficii vestri cum suorum laude conjungant; qua in oratione nonnulli aliquando digni majorum loco reperiuntur, plerique autem hoc perficiunt, ut tantum majoribus eorum debitum esse videatur, unde etiam quod posteris solveretur, redundaret. Mihi quidem apud vos de meis majoribus dicendi facultas non datur, non quod non tales fuerint, quales nos illorum sanguine cretos, disciplinisque institutos videtis: sed quod laude populari, atque honoris vestri luce caruerunt. De me autem ipso, vereor, ne arrogantis sit apud vos dicere; ingrati, tacere; nam & quibus rudis hanc dignitatem consecutus sim, memetipsum commemorare, perquam grave est; & silere de tantis vestris beneficiis nullo modo possum; quare adhibebitur a me certa ratio, moderatioque dicendi, ut, quid a vobis acceperim, commemorem; quare dignus vestro summo honore, singulari que judicio sim, ipse modice dicam, si necesse erit; vos eosdem existimaturos putem, qui judicavistis. Me, perlongo intervallo prope memoriam, temporumque nostrorum, primum hominem novum, consulem fecistis; & eum locum, quem nobilitas praefidiis firmatum, atque omni ratione obvallatum tenebat, me duce rescidistis, virtutisque in posterum patere voluistis: neque me tantummodo consulem, quod est ipsum per sese amplissimum, sed ita fecistis, quo modo pauci nobiles in hac civitate consules facti sunt, novus ante me nemo; nam profecto, si recordari volueritis de novis hominibus, reperietis, eos, qui sine repulsa consules facti sunt, diuturno labore, atque aliqua occasione esse factos, cum multis annis post petissent, quam praetores fuissent, aliquanto antea, quam

quam per aetatem, ac per leges liceret; qui autem anno suo petierint, sine repulsa non esse factos: me esse unum ex omnibus novis hominibus, de quibus meminisse possumus, qui consulatum petierim, cum primum licitum sit; consul factus sim, cum primum petierim: ut vester honos ad mei temporis diem petitus, non ad alienæ petitionis occasionem interceptus, nec diuturnis precibus efflagitatus, sed dignitate impetratus esse videatur; est illud amplissimum, quod paulo ante commemoravi, Quirites, quod hoc honore ex novis hominibus primum me, multis posthabitis, affecistis, quod prima petitione, quod anno meo; sed tamen magnificentius, atque ornatius esse illo nihil potest, quod meis comitiis non tabellam, vindicem tacitæ libertatis, sed vocem vivam præ vobis, indicem vestrarum erga me voluntatum, ac studiorum, tulistis; itaque me non extrema tribus suffragiorum, sed primi illi vestri concursus, neque singulæ voces præconum, sed una voce universus populus R. consulem declaravit. Hoc ego tam insigne, tam singulare vestrum beneficium, Quirites, cum ad animi mei fructum, atque lætitiā duco esse permagnum, tum ad curam, sollicitudinemque multo majus; versantur enim, Quirites, in animo meo multæ, & graves cogitationes, quæ mihi nullam partem neque diurnæ, neque nocturnæ quietis impertiunt, primum tuendi consulatus, quæ cum omnibus est difficilis, & magna ratio, tum vero mihi præter cæteros; cui errato nulla veritas, recte facto exigua laus, & ab invitis expressa proponitur; non dubitanti fidele consilium, non laboranti certum subsidium nobilitatis ostenditur. Quod si solus in discrimen aliquod adducerer, ferrem, Quirites, animo æquiore: sed mihi videntur certi homines, si qua in re me non modo consilio, verum etiam casu lapsum esse arbitrabuntur, vos universos, qui me antetuleritis nobilitati, vituperaturi; mihi autem, Quirites, omnia potius perpetienda esse duco, quam non ita gerendum consulatum, ut in omnibus meis factis, atque consiliis vestrum de me factum, consiliumque laudetur. Accedit etiam ille mihi summus labor, ac difficillima ratio consulatus gerendi, quod non eadem, qua superioribus consulibus, lege, & conditione utendum esse decrevi: qui aditum hujus loci, conspectumque vestrum partim magnopere fugerunt, partim non vehementer secuti sunt; ego autem non solum hoc in loco dicam, ubi est id dictu facillimum, sed in ipso senatu, in quo esse locus huic voci non videbatur, popularem me futurum esse consulem, prima mea illa oratione Kalendis Jan. dixi; neque enim ullo modo possum, cum me intelligam non hominum potentium studio, non excellentibus gratiis paucorum, sed universi populi R. judicio consulem ita factum, ut nobilissimis hominibus longe præponerem, non & in hoc magistratu, & in omni vita esse popularis; sed mihi ad hujusce verbi vim, & interpretationem vehementer opus est vestra sapientia; versatur enim magus error propter insidiosas nonnullorum simulationes;

tiones; qui cum populi non solum commoda, verum etiam salutem oppugnant, & impediunt, oratione assequi volunt, ut populares esse videantur; ego, qualem Kal. Jan. acceperim temp. Quirites, intelligo, plenam sollicitudinis, plenam timoris; in qua nihil erat mali, nihil adversi, quod non boni metuerent, improbi expectarent; omnia turbulenta consilia contra hunc reip. statum, & contra vestrum otium partim iniri, partim, nobis consulibus designatis, inita esse dicebantur; sublata erat de foro fides, non ictu aliquo novæ calamitatis, sed suspitione, ac perturbatione judiciorum, infirmatione rerum judicatarum: novæ dominationes, extraordinaria non imperia, sed regna queri putabantur; quæ cum ego non solum suspicarer, sed plane cernerem; neque enim obscure gerebantur; dixi in senatu, in hoc magistratu me popularem consulem futurum; quid enim est tam populare, quam pax? qua non modo ii, quibus natura sensum dedit, sed etiam testæ, atque agri mihi latari videntur; quid tam populare, quam libertas? quam non solum ab hominibus, verum etiam a bestiis expeti, atque omnibus rebus anteponi videretis; quid tam populare, quam otium? quod ita jucundum est, ut & vos, majores vestri, & fortissimus quisque vir maximos labores suscipiendos putet, ut aliquando in otio possit esse, præsertim in imperio, ac dignitate: qui idcirco etiam majoribus nostris præcipuam laudem gratiamque debemus, quod eorum labore est factum, ut impune in otio esse possemus. Quare qui possum non esse popularis, cum videam hæc omnia, Quirites, pacem externam, libertatem propriam generis, ac nom nis vestri, otium domesticæ m, denique omnia, quæ vobis cara, atque ampla sunt, in fidem, & quodam modo in patrocinium mei consulatus esse collata? neque enim, Quirites, illud vobis jucundum, aut populare debet videri, largitio aliqua promulgata, quæ verbis ostentari potest, re vera fieri, nisi exhausto ærario, nullo pacto potest. Neque vero illa popularia sunt existimanda, judiciorum perturbationes, rerum judicatarum infirmationes, restitutio damnatorum: qui civitatum afflictarum, perditis jam rebus, extremi exitiorum solent esse exitus: neque, si qui agros populo R. pollicentur, si aliud quiddam obscure moliuntur, aliud spe, ac specie simulationis ostentant, populares existimandi sunt; nam vere dicam, Quirites: genus ipsum legis agrariæ vituperare non possum; venit enim mihi in mentem, duos clarissimos, ingeniosissimos, amantissimos plebis Romanæ viros, Ti. & C. Gracchos plebem in agris publicis constituiisse, qui agri a privatis antea possidebantur; non sum autem ego is consul, qui, ut plerique, nefas esse arbitrer, Gracchos laudare, quorum consiliis, sapientia, legibus multas esse video reipub. partes constitutas. Itaque, ut initio mihi designato consuli nuntiabatur, legem agrariam tribunos pleb. designatos conscribere; cupiebam, quid cogitarent, cognoscere; etenim arbitrabar, quoniam eodem anno ge-

rendi nobis essent magistratus, esse aliquam oportere inter nos bene administrandæ reipub. societatem. Cum familiariter me in eorum sermonem insinuarem, ac darem, celabar, excludebar: &, cum ostenderem, si lex utilis plebi Romanæ mihi videretur, auctorem me, atque adiutorem futurum, tamen aspernabantur hanc liberalitatem meam; negabant me adduci posse, ut ullam largitionem probarem; finem feci offerendi mei, ne forte mea sedulitas aut insidiosa, aut impudens videretur. Interea non desistebant clam inter se convenire, privatos quosdam adhibere, ad suos cœtus occultos noctem adjungere, & solitudinem; quibus rebus quanto in metu fuerimus, ex vestra sollicitudine, in qua illis temporibus fuistis, facile assequi conjectura poteritis. Ineunt tandem magistratus tribuni pl. concio tandem expectata P. Rulli, quod & princeps erat agrariæ legis, & truculentius se gerebat, quam cæteri; jam designatus alio vultu, alio vocis sono, alio incessu esse meditabatur, vestitu obsoletiore, corpore inculto, & horrido, capillatior, quam ante, barbaque majore, ut oculis, & adpectu denunciare omnibus vim tribunitiæ, & minitari reip. videretur; legem hominis, concionemque expectabam; lex initio nulla proponitur: concionem in primis advocari jubet; summa cum expectatione concurritur; explicat orationem sane longam, & verbis valde bonis; unum erat, quod mihi vitiosum videbatur, quod tanta ex frequentia inveniri nemo potuit, qui intelligere posset, quid diceret. Hoc ille utrum infidiarum causa fecerit, an hoc genere eloquentiæ delectetur, nescio; tamen siqui acutiores in concione steterant, de lege agraria nescio quid voluisse eum dicere suspicabantur. Aliquando tandem, me designato, lex in publicum proponitur: concurrunt jussu meo plures uno tempore librarii: descriptam legem ad me afferunt; omni hoc vobis ratione confirmare possum, Quirites, hoc animo me ad legendam legem, cognoscendamque venisse, ut, si eam vobis accommodatam, atque utilem esse intelligerem, auctor ejus, atque adjutor essem; non enim. natura, neque diffidio, neque odio penitus insito bellum nescio quod habet susceptum consulatus cum tribunatu: quia persæpe seditiosis, atque improbis tribunis pl. boni, & fortes consules obstiterunt, & quia vis tribunicia nonnunquam libidini restitit consulari. Non potestatum dissimilitudo, sed animorum disjunctio dissensionem facit; itaque hoc animo legem sumpsi in manus, ut eam cuperem esse aptam vestris commodis, & ejusmodi, quam consul, re, non oratione; popularis, & honeste, & libenter posset defendere; atque ego a primo capite legis usque ad extremum reperio, Quirites, nihil aliud cogitatum, nihil aliud susceptum, nihil aliud actum, nisi uti decem reges, ærarii, vestigalium, provinciarum omnium, totius reip. regnorum, liberorum populorum, orbis denique terrarum domini constituerentur, legis Agrariæ simulatione, atque nomine. Sic confirmo, Quirites, hac  
lege

lege Agraria, pulchra, atque populari, dari vobis nihil, condonari certis hominibus omnia; ostentari populo R. agros, eripi etiam libertatem; privatorum pecunias augeri, publicas exhauriri; denique, quod est indignissimum, per tribunum pl. quem majores praesidem libertatis, custodemque esse voluerunt, reges in civitate constitui; quae cum exposuero, si falsa vobis videbuntur esse, sequar auctoritatem vestram, mutabo meam sententiam; sin insidias fieri libertati vestrae, simulatione largitionis, intelligetis, nolite dubitare, plurimo sudore, & sanguine majorum vestrorum partem, vobisque traditam libertatem, nullo vestro labore, consule adiutore, defendere. Primum caput est legis Agrariae, quo, ut illi putant, tentamini leviter, quo animo libertatis vestrae diminutionem ferre possitis; jubet enim, tribunum pl. qui eam legem tulerit, creare decemviros per tribus septemdecim; uti quem novem tribus fecerint, is decemvir sit. Hic quero, quam ob causam initium rerum, ac legum suarum hinc duxerit, ut populus R. suffragio privaretur; toties legibus agrariis curatores constituti sunt, triumviri, quinquéviri, decemviri: quero a populari tribuno pl. equando, nisi per xxxv. tribus, creati sint? etenim, cum omnes potestates, imperia, curationes ab universo populo R. proficisci convenit, tum eas profecto maxime, quae constituuntur ad populi fructum aliquem, & commodum; in quo & universi deligant, quem populo R. maxime consulturum putent, & unusquisque studio, & suffragio suo viam sibi ad beneficium impetrandum munire possit; hoc tribuno pl. potissimum venit in mentem, populum R. universum privare suffragiis, paucas tribus non certa conditione, juris, sed sortis beneficio fortuito ad usurpandam libertatem vocare. Item, inquit, eodemque modo, capite altero, ut comitiis Pontificis maximi. Ne hoc quidem vidit, majores nostros tam fuisse populares, ut, quod per populum creari fas non erat, propter religionem sacrorum, in eo tamen, propter amplitudinem sacerdotii, voluerint populo supplicari; atque hoc idem de ceteris sacerdotiis Cn. Domitius trib. pl. vir clarissimus tulit; quod populus per religionem sacerdotia mandare non poterat, ut minor pars populi vocaretur; ab ea parte qui esset factus, is a collegio cooptraretur. Videte, quid intersit inter Cn. Domitium trib. pl. hominem nobilissimum, & P. Rullum, qui tentavit, ut opinor, patientiam vestram, cum se nobilem esse diceret. Domitius, quod per ceremonias populi fieri non poterat, ratione affecutus est, ut id, quod posset, quod fas esset, quod liceret, populo ad partes daret: hic, quod populi proprium semper fuit, quod nemo imminuit, nemo immutavit, quin ii, qui populo agros essent assignaturi, ante acciperent a populo beneficium, quam darent: id totum eripere vobis, atque e manibus extorquere conatus est; ille, quod dari populo nullo modo poterat, tamen quodam modo dedit: hic, quod ad-

ima nullo pacto poterat potestate, quadam ratione eripere conatur. Quæret quispiam, in tanta injuria, tantaque impudentia quid spectarit. Non defuit consilium: fides erga plebem Romanam, æquitas in vos, libertasque vestram vehementer defuit; jubet enim comitia decemviris habere creandis eum, qui legem tulerit; hoc dicam planius; jubet Rullus, homo non cupidus, neque appetens, habere comitia Rullum; nondum reprehendo; video fecisse alios; illud, quod nemo fecit, de minore parte populi, quo pertineat, videte; habebit comitia: volet eos renunciare, quibus regia potestas hæc lege quæritur; universo populo neque ipse committit, neque illi horum consiliorum auctores committi recte putant posse; sortiatur tribus idem Rullus, homo felix; eductet, quas volet, tribus: quos novem tribus decemviro fecerint ab eodem Rullo eductæ, hos omnium rerum, ut jam ostendam, dominos habebimus; atque ii, ut grati, ac memores beneficii esse videantur, aliquid se novem tribuum notis hominibus debere constebuntur: reliquis vero vi. & xx. tribubus, nihil erit, quod non putent posse suo jure denegare. Quos tandem igitur decemviros creari vult? se primum: qui licet? leges enim sunt veteres, neque enim consulares, si quid interesse hoc arbitramini, sed tribunitiæ, vobis, majoribusque vestris vehementer gratæ, atque jucundæ. Licinia est lex, atque altera Æbutia: quæ non modo eum, qui tulerit de aliena curatione, ac potestate, sed etiam collegas ejus, cognatos, affines excipit, ne eis ea potestas, curatione maneat; etenim si populo consulis, remove te a suspitione alicujus tui commodi; fac fidem, te nihil, nisi populi utilitatem, & fructum quærere: sine ad alios potestatem, ad te gratiam beneficii tui pervenire; nam hoc quidem vix est liberi populi, vix vestrorum animorum, ac magnificentiæ; quis legem tulit? Rullus; quis majorem partem populi suffragiis privavit? Rullus; quis comitiis præfuit? Rullus; quis tribus, quas voluit, vocavit, nullo custode sortitus? quis decemviros, quos voluit, renunciavit? idem Rullus; quem principem renunciavit? Rullum: vix mehercule servis hoc eum suis, non vobis, omnium gentium dominis, probaturum arbitrarer; optimæ leges igitur hæc lege sine ulla exceptione tollentur; idem legis sibi sua lege curationem petet: idem, majore parte populi suffragiis spoliata, comitia habebit: quos volet, atque in iis se ipsum, renunciabit; & videlicet collegas suos, adscriptores legis agrariæ, non repudiabit, a quibus ei locus primus invidiam in præscriptione legis concessus est: ceteri fructus omnium rerum, qui in spe legibus hujus positi sunt, communi cautione, atque æqua sibi parte retinentur. At videte hominis diligentiam, si aut Rullum cogitasse, aut si Rullo potuisse in mentem venire arbitramini. Viderunt ii, qui hæc machinabantur, si vobis ex omni populo deligendi potestas esset data, quæcumque res esset, in qua fides, integritas, virtus, au-



Floritas quæreretur, vos eam sine dubitatione ad Cn. Pompejum principem delaturos; etenim quem unum ex cunctis delegissetis, ut eum omnibus omnium gentium bellis terra, & mari præponeretur, certe in decemviris faciendis, siue fides haberetur, siue honos, & committi huic optime, & ornari hunc iustissime posse intelligebant. Itaque excipitur hac lege non adolescentia, non legitimum aliquod impedimentum, non potestas, non magistratus ullus aliis negotiis, ac legibus impeditus, non reus denique, quominus decemvir fieri possit; præsentem eum profiteri jubet, quod nulla alia in lege unquam fuit, ne in iis quidem magistratibus, quorum certus ordo est; timebat enim, Pompejus ne, si adesset, ferri non posset; aut ne, si accepta lex esset, illum sibi collegam adscriberetis, custodem, ac vindicem cupiditatum. Hic quoniam video vos hominis dignitate, & contumelia legis esse commotos, renovabo illud, quod initio dixi, regnum comparari, libertatem vestram hac lege funditus tolli; an vos aliter existimabitis, cum ad omnia vestra pauci homines cupiditatis oculos adjecissent, non eos in primis id æturos, ut ex omni custodia vestræ libertatis, ex omni potestate, curatione, patrocinio vestrorum commodorum Cn. Pompejus depelleretur? Viderunt, & vident, si per imprudentiam vestram, negligentiam meam, legem incognitam acceperitis, fore, uti postea, cognitis insidiis, cum decemviros creaveritis, tum vitiis omnibus, & sceleribus legis Cn. Pompeji præsidium opponendum putetis; & hoc parvum argumentum vobis erit, a certis hominibus dominationem, potestatemque omnium rerum quæri, cum videatis eum, quem custodem vestræ libertatis fore videant, expertem fieri dignitatis? Cognoscite nunc, quæ potestas decemviris, & quanta detur. Primum lege curiata decemviros ornat. Jam hoc inauditum, & plane novo more, uti curiata lege magistratus detur, qui nullis comitiis ante sit datus; eam legem ab eo prætore, qui sit primus factus, ferri jubet; at quo modo? ut ii decemviratum habeant, quos plebs designaverit; oblitus est, nullos a plebe designari; & is orbem terrarum constringit novis legibus, qui, quid in secundo capite scriptum est, non meminit in tertio? Atqui hic perspicuum est, quid juris a majoribus acceperitis, quid ab hoc tribuno pl. vobis relinquatur; majores de omnibus magistratibus bis vos sententiam ferre voluerunt; nam cum centuriata lex censoribus ferebatur, cum curiata cæteris patriciis magistratibus; tum iterum de iisdem judicabatur, ut esset reprehendendi potestas, si populum beneficii sui poeniteret; nunc quia prima illa comitia tenetis centuriata, & tributa, curiata tantum auspicioꝝ causa remanserunt; hic autem tribunus pl. quia videbat potestatem neminem injussu populi, aut plebis posse habere; curiatis ea comitiis, quæ vos non finitis, confirmavit; tributa, quæ vestra erant, sustulit; ita cum majores binis comitiis voluerint vos de singulis magistratibus judi-

care, hic homo popularis ne unam quidem populo comitiorum potestatem reliquit. Sed videte hominis religionem, & diligentiam. Vidit, & perspexit, sine curiata lege decemviros habere potestatem non posse, quoniam per novem tribus essent constituti; jubet ferri de his legem curiatam; prætori imperat; quam id ipsum absurde, nihil ad me attinet: jubet enim, qui primus sit prætor factus cum legem curiatam ferre: si is ferre non possit, qui postremus sit: ut aut lubiisse in tantis rebus, aut profecto nescio quid spectasse videatur; verum hoc, quod est aut ita perversum, ut ridiculum, aut ita malitiosum, ut obscurum sit, relinquamus; ad religionem hominis revertamur. Videt, sine lege curiata nihil agi per decemviros posse; quid postea, si ea lata non erit? attendite ingenium; tum ii decemviri, inquit, eodem jure sint, quo qui optima lege; si hoc fieri potest, ut in hac civitate, quæ longe jure libertatis cæteris civitatibus antecellit, quisquam nullis comitiis imperium, aut potestatem assequi possit; quid attinet tertio capite, legem curiatam ferre jubere, quoniam quarto permittas, ut sine lege curiata idem juris habeant, quod haberent, si optima lege a populo essent creati? Reges constituuntur non decemviri, Quirites: hique ab his initis, fundamentisque nascuntur, ut, non modo cum gerere scaperint, sed etiam cum constituentur, omne vestrum jus, potestas, libertasque tollatur. At videte, quam diligenter retineat jus tribunitiæ potestatis; consulibus legem curiatam ferentibus a tribuatis pl. sæpe est intercessum; neque tamen nos id querimus, esse hanc tribunorum pl. potestatem: tantummodo, si quis ea potestate temere est ausus, existimamus; hic tribunus pl. legi curiatæ, quam prætor ferat, adimit intercedendi potestatem: atque hoc cum in eo reprehendendum est, quod per tribunum pl. tribunitiæ potestas minuitur: tum in eo deridendum; quod consuli, si legem curiatam non habes, attingere rem militarem non licet: hic, qui vocat intercedere, potestatem, etiam si intercessum sit, tamen eadem constituit, quam si lata esset lex: ut non intelligam, quare aut hic veter intercedere, aut quemquam intercessurum putet, cum intercessio stultitiæ intercessoris significatura sit, non rem impeditura. Sicut igitur decemviri neque veris comitiis, hoc est populi suffragiis, neque illis ad speciem, atque ad usurpationem vetustatis per xxx. lidores auspiciorum causa adumbratis, constituti. Videte nunc, eos, qui a vobis nihil potestatis acceperint, quanto majoribus ornamentis afficiat, quam omnes nos affecti sumus, quibus vos amplissimas potestates dedistis. Jubet, auspicii coloniarum deducendarum causa, decemviros habere pullarios; eodem jure, inquit, quo habuerunt tresviri lege Sempronia. Audes etiam, Rulle, mentem facere legis Semproniæ? nec te ea lex ipsa commonet, tresviros illos xxv. tribunum suffragio esse creatos? & cum tu a Ti. Gracchi æquitate, ac pudore longissime remotus

remotus sis, id, quod dissimillima ratione factum sit, eodem jure putas esse oportere? Dat. præterea potestatem verbo prætoriam, re vera regiam: definit in quinquennium, facit sempiternam: tantis enim confirmat opibus, & copiis, ut invitis eripi nullo modo possit. Deinde ornat apparitoribus, scribis, librariis, præconibus, architectis, præterea mulis, tabernaculis, centuriis, suppellectili: sumptum haurit ex ærario: suppeditat a sociis: janitores ex equestri loco ducentos in annos singulos stipendios corporis constituit, eosdem ministros, & satellites potestatis. Formam adhuc habetis, Quirites, & speciem ipsam tyrannorum: insignia videtis potestatis; nondum ipsam potestatem; dixerit enim fortasse quispiam: quid mæstus ludent, scriba, lictor, præco, pullarius? Omnia sunt hæc ejusmodi, Quirites, ut, ea qui habeat sine vestris suffragiis, aut rex non ferendus, aut privatus furiosus esse videatur; perspicite, quanta potestas permittatur: non privatorum insaniam, sed intolerantiam regum esse dicetis. Primum permittitur infinita potestas innumera bilis pecuniæ consciendæ de vestris vectigalibus, non fruendis, sed alienandis: deinde orbis terrarum, gentiumque omnium datur cognitio sine consilio, pœna sine provocatione, animadversio sine auxilio; judicare per quinquennium vel de consulibus, vel de ipsis tribunis pl. poterunt: de illis interea nemo judicabit; magistratus his gerere licebit, causam dicere non licebit: emere agros a quibus volent, vel quos volent, quam volent magno, pœterunt: colonias deducere novas, renovare veteres; totam Italiam suis coloniis ut complere liceat, permittitur: omnes provincias obeundi, liberos populos agris multandi, regnorum vel dandorum summa potestas datur, cum velint: Romæ esse, cum commodum sit: quacumque velint, summo cum imperio, judicioque omnium rerum vagari ut liceat, conceditur; interea dissolvant judicia publica: de consiliis abducant, quos velint: singuli de maximis rebus judicent; quæstori permittant: finitorem mittant: ratum sit, quod finitor uni illi, a quo missus erit, renunciaverit. Verbum mihi deest, Quirites, cum ego hanc potestatem regiam appello: sed profecto major est quædam; nullum enim regnum fuit umquam, quod non; si minus jure aliquo, at regionibus tamen certis contineretur; hoc vero infinitum est, quo & regna omnia, & vestrum imperium, quod latissime patet, & ea, quæ partim libera vobis, partim etiam ignorata vobis sunt, permissa legis continentur. Datur igitur eis primum, ut liceat eis vendere omnia; de quibus vendendis S. C. facta sunt, M. Tullio, Cn. Cornelio coss. Cur hoc tamen est obscurum, atque cæcum? quid? ista omnia, de quibus senatus censuit, nominatim in lege præscribi nonne potuerunt? dux sunt hujus obscuritatis causæ, Quirites, una pudoris, si quis pudor esse possit in tam insigni impudentia; altera sceleris; nam neque ea, quæ senatus nominatim vendenda censuit, audet appellare; sunt enim

loca publica urbis, sunt sacella, quæ post restitutam tribunitiam potestatem nemo attigit, quæ majores in urbe passim periculi perfugia esse voluerunt; hæc lege tribunitia decemviri vendent; accedet eo mons Gaurus: accedent salicta ad Minturnas: adjungetur etiam illa via vendibilis Herculanea, multarum deliciarum, & magnæ pecuniæ; permulta alia, quæ senatus propter angustias aerarii vendenda censuit, consules propter invidiam non vendiderunt. Verum hæc fortasse propter pudorem in lege reticentur; sed illud magis est credendum, & pertimescendum, quod audaciæ decemvirali corrupendarum tabularum publicarum, fingendorumque S. C. quæ facta nunquam sunt, cum ex eo numero, qui per eos annos consules fuerunt, multi mortui sint, magna potestas permittitur; nisi forte nihil est æquum vos de eorum audacia suspicari, quorum cupiditati nimium augustus orbis terrarum esse videatur. Habetis unum venditionis genus, quod magnum videri vobis intelligo: sed attendite animos ad ea, quæ consequuntur: hunc quasi gradum quandam, atque aditum ad cætera factum intelligetis. QUI AGRIS, QUÆ LOCA, QUÆ ÆDIFICIA. Quid est præterea? multa in mancipiis, in pecore, auro, argento, ebore, veste, supellectili, cæteris rebus; quid dicam? invidiosum putasset hoc fore, si omnia nominasset? non metuit invidiam; quid ergo? longum putavit, & timuit, ne quid præteriret; adscripsit, ALIUDVE QUID; qua brevitate rem nullam esse exceptam videtis. Quidquid ergo sit extra Italiam, quod publicum populi R. factum sit, L. Sylla, Q. Pompejo coss. aut postea, id decemviros jubet vendere. Hoc capite, Quirites, omnes gentes, nationes, provincias, regna decemvirum ditioni, iudicio, potestati, quæ permissa, & condonata esse dico. Primum hoc quæcumque tandem locus usquam sit, quem non possint decemviri dicere publicum populi R. esse factum? nam, cum idem possit judicare, qui dixerit; quid est, quod non liceat ei dicere, cui liceat eidem judicare? commodum erit Pergamum, Smyrnam, Tralles, Ephesum, Miletum, Cyzicum, totam denique Asiam, quæ post L. Syllam, Q. Pompejum consules recuperata sit, populi R. factam esse dicere. Utrum oratio ad ejus rei disceptationem deerit: an, cum idem & differet, & judicabit, impelli non poterit, ut falsum judicet? an, si condemnare Asiam volet, terrorem damnationis, & minas non, quanti volet, æstimabit? Quid (quod disputari contra nullo pacto potest, quoniam statutum a vobis est, & judicatum: quam hereditatem jam crevimus) regnum Bithyoniæ, quod certe publicum est pop. R. factum? numquid causæ est, quin omnes agros, urbes, stativa, portus, totam denique Bithyniam decemviri vendituri sint? Quid Mitylenæ? quæ certe vestræ, Quirites, belli lege, ac victoriæ jure factæ sunt; urbs & natura, & situ, & descriptione ædificiorum, & pulchritudine in primis nobilis; agri jucundi, & fertiles: nempe eodem capite inclusi continentur. Quid Ale-

xandria, cuſtaque Ægyptus? ut occulte latet? ut recon-  
dita eſt? ut furtim tota decemviris traditur? quis enim  
veſtrum hoc ignorat, dici, illum regnum teſtamento regis  
Alexandrini populi Rom. eſſe factum? Hic ego conſul po-  
puli Rom. non modo nihil iudico, ſed ne quid ſentiam  
quidem, proſero; magna enim mihi res non modo ad  
ſtatuendum, ſed etiam ad dicendum videtur eſſe; video,  
qui teſtamentum factum eſſe confirmet: auctoritatem ſe-  
natus extare hæreditatis aditæ ſentio, tum, quando, Ale-  
xandro mortuo, legatos Tyrum miſimus, qui ab illo pe-  
cuniam depoſitam noſtris recuperarent; hæc L. Philippum  
ſæpe in ſenatu confirmari, memoria teneo; eum, qui  
regnum illud teneat hoc tempore, neque genere, neque  
animo regio eſſe, inter omnes ſete video convenire. Di-  
citur contra, nullum eſſe teſtamentum: non oportere po-  
pulum Rom. omnium regnorum appetentem videri: de-  
migraturos in illa loca noſtros homines propter agrorum  
bonitatem, & omnium rerum copiam. Hac tanta de re  
P. Rullus, cum cæteris decemviris, collegis ſuis, iudica-  
bit? & verum iudicabit? nam utrumque ita magnum eſt,  
ut nullo modo neque concedendum, neque ferendum ſit.  
Volet eſſe popularis: populo R. adjudicabit. Ergo idem  
ex ſua lege vendet Alexandriam, vendet Ægyptum: ur-  
bis copioſiſſimæ, pulcherrimorumque agrorum iudex, ar-  
biter, dominus, rex denique opulentiffimi regni reperie-  
tur? Non ſumet ſibi tantum, non appetet: iudicabit Ale-  
xandriam regis eſſe, a populo Rom. abjudicabit. Primum  
populi Rom. hæreditatem decemviri iudicent, cum vos  
volueritis de privatis hæreditatibus centumviros iudicare?  
deinde quis aget cauſam pop. R.? ubi res iſta agetur?  
qui ſunt iſti decemviri, quos perſpiciamus regnum Ale-  
xandræ Ptolemæo gratis adjudicatuſ? Quoad ſi Alexandri  
petebatur; cur non eoſdem curſus hoc tempore, quos L.  
Cotta, L. Toquato coſſ. cucurrerunt? cur non aperte,  
ut antea? cur non item, ut cum decreto, & palam re-  
gionem illam petierunt? an quietis iis, qui per curſum  
rectum regnum tenere non potuerunt, nunc tetrīs tene-  
bris, & caligine ſe Alexandriam perventuros arbitrati  
ſunt? Atque illum circumſpiciſte veſtris mentibus, una-  
que. \* Legatos noſtros, homines auctoritate tenui, qui  
rerum privatarum cauſa legationes liberas obeunt, tamen  
exteræ nationes ferre vix poſſunt: grave eſt enim nomen  
imperii, atque id etiam in levi perſona pertimeſcitur;  
propterea quod veſtro, non ſuo nomini, cum hinc egreſ-  
ſi ſunt, abutuntur: quid cenſetis, cum iſti decemviri  
cum imperio, cum ſaciſibus, cum illa delecta finitorum  
juventute per orbem terrarum vagabuntur? quo tandem  
animo? quo metu? quo periculo miſeras nationes futu-  
ras? Eſt in imperio terror; patientur; eſt in adventu  
ſumptus; ferent; imperabitur aliquid muneris; non re-  
cuſabunt. Illud vero quantum eſt, Quirites, cum iſ de-  
cemvir, qui aliquam in urbem aut expectatus, ut hoſpes,  
aut repente, ut dominus, venerit; illum ipſum locum,  
qua

quo venerit, illam ipsam sedem hospitalem, in quam erit deductus, publicam populi R. esse dicet? quanta calamitas populi, si dixerit? quantus ipsi questus, si negarit? Atque iidem, qui hæc appetunt, queri nonnunquam solent, omnes terras Cn. Pompejo, atque omnia maria esse permissa. Simile vero est, multa committi, & condonari omnia? labori, & negotio præponi, an præda, & questui? mitti ad socios liberandos, an ad opprimendos? denique, si quis est honos singularis, nihil ne interest, utrum populus Rom. eum, qui velit, deferat, an is imprudente populo Rom. per legis fraudem surripiatur? intellexistis, quot res, & quantas decemviri legis permissu vendituri sint; non est satis, cum sese sociorum, cum exterarum nationum, cum regum sanguine impleant, incendant nervos populi Rom. adhibeant manus vestigalibus vestris, irrumpant in ærarium; sequitur enim caput, quo capite non permittit quidem, si forte desit pecunia, quam tanta ex superioribus recipi potest, ut deesse non debeat; sed plane, quasi ex res vobis salutis futura sit, ita cogit, atque imperat, ut decemviri vestra vestigalia vendant nominatim; quam tu mihi ex ordine recita de legis scripto populi Rom. auctionem; quam mehercule ego præconi hæc ipsi luctuosam, & acerbam recitationem futuram puto. **AUCTIO.** Ut in suis rebus, ita in republ. luxuriosus est nepos, qui prius silvas vendat, quam vineas. Italiam percensuisti: perge in Siciliam. Nihil est in hac provincia, quod aut in oppidis, aut in agris majores nostri proprium nobis reliquerint, quin id ventre jubeat; quod partem recenti victoria majores vobis in sociorum urbibus, ac finibus & vinculum pacis, & monumentum belli reliquerunt, id vos ab illis acceptum hoc auctore vendetis? Hic mihi parumper mentes vestras, Quirites, commovere video, dum; patefacio vobis, quas isti penitus abstrusas insidias se posuisse arbitrantur contra Cn. Pompeji dignitatem; & mihi, queso, ignoscite; si appello talem virum sæpius; vos mihi prætori biennio ante, Quirites, hoc eodem in loco personam hanc imposuistis, ut, quibuscumque rebus possem, illius absentis dignitatem vobiscum una tuerer; feci adhuc, quæ potui, neque familiaritate illius adductus, nec spe honoris, atque amplissimæ dignitatis; quam ego, etsi libente illo, tamen absente, per vos consecutus sum; quamobrem, cum intelligam hanc totam fere legem ad illius opes evertendas tamquam machinam comparari; & resistam consiliis hominum, & perficiam profecto, quod ego vultum comparari, ut id vos universi non solum videre, verum etiam tenere possitis. Jubet venire, quæ Attalensium, quæ Phaselitarum, quæ Olympenorum fuerint, ægrumque Agerensem, & Oridicum, & Gedusænum; hæc P. Servilii imperio, & victoria, clarissimi viri, vestra facta sunt; adjungit agros Bithyniæ regios, quibus nunc publicant fruuntur; deinde Attalicos agros in Chersoneso: in Macedonia, qui regis Philippi, siue Persæ fuerunt & qui item

qui item a censoribus locati sunt, & certissimum vectigal, adscribit idem auctioni Corinthios agros optimis, & fertiles, & Cyrenenses, qui Appionis fuerunt: & agros in Hispania propter Carthaginem novam, & in Africa ipsam veterem Carthaginem vendit: quam videlicet P. Africanus non propter religionem sedium illarum, as vetustatis de consilii sententia consecravit, sed ut ipse locus eorum, qui cum hac urbe de imperio certarunt, vestigia calamitatis ostenderet; sed non fuit tam diligens, quam est Rullus: aut fortasse emptorem ei loco reperire non potuit. Verum inter hos agros regios, captor veteribus bellis virtute summorum imperatorum, adjungit regios agros Mithridatis, qui in Paphlagonia, qui in Ponto, qui in Cappadocia fuerunt, ut eos decemviri vendant; ite ne vero? non legibus datis, non auditis verbis imperatoris, nondum denique bello confecto, cum rex Mithridates, amisso exercitu, regno expulsus, tamen in ultimis terris aliquid etiam ante molietur, atque ab invicta Cn. Pompeji manu Meotide, & illis paludibus, & itinerum angustiis, atque altitudine montium defendatur; cum imperator in bello versetur; in locis autem illis etiam nunc belli nomen reliquum sit: eos agros, quorum adhuc penes Cn. Pompejum omne iudicium, & potestas more majorum debet esse, decemviri vendent? &, credo, P. Rullus (is enim sic se gerit, ut sibi jam decemvir designatus esse videatur) ad eam auctionem potissimum proficiscetur; is videlicet, antequam veniat in Pontum, literas ad Cn. Pompejum mittet: quarum ego jam exemplum ab istis compositum esse arbitror. P. SERVILIUS RULLUS, TRIBUNUS PL. DECENVIR, S. D. CN. POMPEJO, CN. F. Non credo adscripturum esse, Mergo: non enim videtur id, quod imminuere lege conatur, concessurus verbo. TE VOLO CURARE, UT MIHI SINOPE PRÆSTO SIS, AUXILIUMQUE AD DUCAS, DUM EOS AGROS, QUOS TUO LABORE CEPISTI, EGO MEA LEGE VENDAM. An Pompejum non adhibebit? in ejus provincia vendet manubias imperatoris? Ponite ante oculos vobis Rullum in Ponto, inter vestra, atque hostium castra, hasta posita, cum suis formosis finitoribus auctionantem, neque in hoc solum inest contumelia, quæ vehementer & insignis est, & nova, ut ulla res parva bello, nondum legibus datis, etiam tum imperatore bellum administrante, non modo venierit, verum etiam locata sit; plus spectant homines certe, quam contumeliam: sperant, si concessum sit iniunctis Cn. Pompeji, cum imperio, cum iudicio omnium rerum, cum infinita potestate, cum innumerabili pecunia non solum aliis in locis vagari, verum etiam ad ipsius exercitum pervenire: aliquid illi insidiarum fieri, aliquid de ejus exercitu, copiis, gloria detrahi posse: putant, si quam spem in Cn. Pompejo exercitus habeat, aut agrorum, aut aliorum commodorum, hanc non habiturum, cum viderit earum rerum omnium potestatem ad de-

ad decemviros esse translatam. Patior non moleste, tam stultos esse, qui hæc sperent, tam impudentes, qui conentur: illud queror, tam me ab iis esse contemptum, ut hæc portenta me consule potissimum cogitent. Atque in omnibus his agris, ædificiisque vendendis permittitur decemviris, ut vendant quibuscumque in locis videantur; o perturb tam rationem! o libidinem refræmandam! o consilia dissoluta, atque perditâ! vestigalia locare nusquam licet, nisi in hac urbe, hoc ex loco, hac vestrum frequentia; venire vestras res proprias, & in perpetuum a vobis alienari, in Paphlagoniæ tenebris, atque in Cappadociæ solitudine licebit? L. Sylla cum bona indemnatorum civium funesta illa auctione sua venderet, & se prædam si an diceret vendere, tamen ex hoc loco vendidit; nec, quorum oculos offendeat, eorum ipsorum conspectum fugere ausus est; decemviri vestra vestigalia non modo ne vobis quidem arbitris, sed ne præcone quidem publico teste vendent? Sequitur, Omnes agros extra Italiam, infinito ex tempore, non ut antea, ab Sylla, & Pompejo coss. Cognitio decemvirum, privatus sit, an publicus: sicque agro pergrande vestigal imponitur. Hoc quantum iudicium, quam intolerandum, quam regium sit, quem præterit? posse, quibuscumque locis velint, nulla disceptatione, nullo consilio, privata publicare, publica liberare. Excipitur hoc capite ager in Sicilia Recentoricus: quem ego excipi, & propter hominum necessitudinem, & propter æquitatem, Quirites, sæpe vehementer gaudeo; sed quæ hæc impudentia? qui agrum Recentoricum possident, vetustate possessionis se, non jure, misericordia senatus, non agri conditione, defendunt; nam illum agrum publicum esse fatentur; sed moveri possessionibus, amicissimis sedibus, ac diis penatibus negant oportere; at si est privatus ager Recentoricus; quid eum excipit? si autem publicus: quæ est ista æquitas, ceteros, etiam si privati sint, permittere, ut publici judicentur: hunc excipere nominatim, quem qui possident, publicum esse fateantur? ergo eorum ager excipitur, qui apud Rullum alia ratione valuerunt: ceteri agri omnes, qui ubique sunt, sine ullo delectu, sine populi Rom. notione, sine iudicio senatus decemviris addicentur. Atque etiam est alia superiore capite, quo omnia veniunt, quæstiosa exceptio, quæ tegit eos agros, de quibus fœdere cautum est; audivit, hanc rem non a me, sed ab aliis agitari sæpe in senatu, nonnunquam ex hoc loco, possidere agros in ora maritima regem Hiempsal, quos P. Africanus populo Rom. adjudicavit; & tamen postea per C. Cottam consulem cautum esse fœdere; hoc quia vos fœdus non jusseritis, veretur Hiempsal, ut satis firmum sit, & ratum. Quid? cujusmodi est illud? tollitur vestrum iudicium; fœdus totum excipitur: comprobatur; quod minuit auctorem decemviralem, laudo: quod regi amico cavet, non reprehendo: quod non gratis fit, indeo; volitat enim ante oculos istorum Juba, regis filius, adolescens



adolefcens non minus bene nummatus, quam bene capillatus.

Vix jam videtur locus effe, qui tantos acervos pecuniarum capiat; auget, addit, accumulatur: aurum, argentum ex præda, ex manubiis, ex æonario, ad quoscumque pervenit, neque relatum est in publicum, neque in monumento consumptum, id profiteri apud decemviros, & ad eos referre jubet; hoc capite etiam quæstionem de clarissimis viris, qui populi R. bella gesserunt, iudiciumque de pecuniis repetundis ad decemviros translatum videtis; horum erit nullum iudicium, quantum cuiusque manubiæ fuerint, quid relatum, quid residuum sit; in posterum vero lex hæc imperatoribus vestris constituitur, ut, quicumque de provincia decesserit, apud eosdem decemviros, quantum habeat prædæ, manubiarum, auri coronarii, profiteatur. Hic tamen vir optimus eum, quem amat, excipit, Cn. Pompejum; unde iste amor tam improvisus, ac tam repentinus? qui honore decemviratus excluditur prope nominatim; cuius iudicium, legumque datio, captorum agrorum ipsius virtute cognitio tollitur; ejus non in provinciam, sed in ipsa castra decemviri cum imperio, infinita pecunia, maxima potestate, & iudicio rerum omnium mittuntur; cui ius imperatorium, quod semper omnibus imperatoribus est conservatum, soli eripitur: is excipitur unus, ne magubias referre debeat; utrum tandem hoc capite honos haberi homini, an invidia queri videtur? remittit hoc Rullo Cn. Pompejus; beneficio isto legis, benignitate decemvirali nihil utitur: nam, si est æquum, prædas, ac manubias suas imperatores non in monumenta deorum immortalium, neque in urbis ornamenta conferre, sed ad decemviros, tamquam ad dominos reportare; nihil sibi appetit præcipue Pompejus, nihil; vult se in communi, atque in eodem, quo ceteri, jure versari: sin est iniquum, Quirites, si turpe, si intolerandum: hos decemviros portitores omnibus omnium pecuniis constitui, qui non modo reges, atque exterarum nationum homines, sed etiam imperatores nostros excutiant; non mihi videntur honoris causa excipere Pompejum, sed metuere, ne ille eandem contumeliam, quam ceteri, ferre non possit. Pompejus autem, cum hoc animo sit, ut quidquid vobis placeat, sibi ferendum putet; quod vos ferre non poteritis, id profecto perficiet, ne diutius inviti ferre cogamini. Veruntamen cavet, ut, si qua pecunia post nos consules ex novis vestigalibus recipiatur, ea decemviri utantur; nova porro vestigalia videt ea fore, quæ Pompejus adjunxerit; ita, remissis manubiis, vestigalibus ejus virtute partis se frui putat oportere. Parta sit pecunia, Quirites, decemviris tanta, quanta sit in terris; nihil prætermisum, sed omnes urbes, agri, regna denique, postremo etiam vestigalia vestra venierint: accesserint in cumulum manubiæ vestrorum imperatorum, quantum, & quam immunes divitiæ decemviris in tantis auctionibus, tot iudiciis, tam infinita potestate rerum omnium querantur, videtis. Cognoscite nunc alios im-

mentes, atque intolerabiles questus; ut intelligatis, ad certorum hominum importunam avaritiam hoc populare legis agrarie nomen esse questum. Hac pecunia jubet agros emi, quod deducamini. Non consuevi homines appellare asperius, Quirites, nisi laesisset: velim fieri posset, ut a me sine contumelia nominarentur ii, qui se decemviros sperant futuros: jam videretis, quibus hominibus omnium rerum & vendendarum, & emendarum potestatem permetteretis; sed, quod ego nondum statuo mihi esse dicendum, vos tamen id potestis cum animis vestris cogitare; unum hoc certe videor mihi verissime posse dicere: tum, cum haberet hæc resp. Luscinos, Calatinos, Acidinos, homines non solum honoribus populi, rebusque gestis, verum etiam patientia paupertatis ornatos; & tum, cum erant Catones, Philippi, Lælii, quorum sapientiam, temperantiamque in publicis, privatisque, forensibus, domesticisque rebus perspexeratis: tamen hujuscemodi res commissa nemini est, ut idem judicaret, & venderet, & hoc faceret per quinquennium toto in orbe terrarum; idemque agros vestigales populi R. abalienaret; &, cum summam tantæ pecuniæ nullo teste sibi ipse ex sua voluntate fecisset, tum denique emeret, a quibus vellet, quod videretur. Committite vos nunc, Quirites, his hominibus hæc omnia, quos odorari hunc decemviratum suspicamini: reperietis, partem esse eorum, quibus ad habendum, partem, quibus ad consumendum nihil satis esse videatur. Hic ego jam illud, quod expeditissimum sit, ne disputo quidem, Quirites, non esse hanc vobis a maioribus relictam consuetudinem, ut emanent agri a privatis, quo plebs publice deducatur: omnibus legibus agris publicis privatos esse deductos; hujuscemodi me aliquid ab hoc horrido, ac truce tribuno pl. expectasse: hanc vero emendi, & vendendi questuosissimam, ac turpissimam mercaturam, alienam actione tribunitia, alienam dignitate populi R. semper putavi. Libet agros emi; primum quero, quos agros? & quibus in locis? nullo suspensam, & incertam plebem R. obscura spe, & cæca expectatione pendere. Albanus ager est, Setinus, Privernas, Fundanus, Vestinus, Falernus, Linternus, Cumanus, Casinas: audio; ab alia porta, Capenas, Faliscus, Sabinus ager, Reatinus, Venafranus, Alifanus, Trebulanus; habes tantam pecuniam, qua hosce omnes agros, & cæteros horum similes non modo emere, verum etiam coacervare possis; cur eos non definis, neque nominas, ut saltem deliberare plebs Romana possit, quid intersit sua, quid expediat, quantum tibi in emendis, & in vendendis rebus commitendum putet? Definio, inquit, Italiam; satis certa regio; etenim quantulum interest, utrum in Massici radiæ, an in Italiam, aliove deducamini? Age vero, definis locum: quidnam agri? agri vero, inquit, qui arari, aut coli possit. Qui possit arari, inquit, aut coli, non qui aratus, aut cultus sit; utrum hæc lex est, an tabula Veratiana auctionis? in qua scriptum fuisse ajunt: jugera

ec. in quibus olivetum fieri potest jugera ccc. ubi insti-  
tui vineæ possunt; hoc tu emes ista innumerabili pecunia,  
quod arari, aut coli possit? quod solum tam exile, &  
macrum est, quod aratro perfringi non possit, aut quod  
est tam asperum saxetum, in quo agricolarum cultus non  
elaboret? Idcirco, inquit, agros nominare non possum,  
quia tangam nullum ab invito. Hoc quoque multo est  
quaesuosius, quam si ab invito sumeret; inibitur enim  
ratio quaesius de vestra pecunia; & tum denique ager  
emetur, cum idem expedierit emptori, & venditori. Sed  
videte vim legis agrariæ; ne si quidem qui agros publi-  
cos possident, decedent de possessione, nisi erunt deducti  
optima conditione, & pecunia maxima; conversa ratio;  
antea, cum erat a tribuno pl. mentio legis agrariæ facta,  
continuo qui agros publicos, aut qui possessiones invidio-  
sas tenebant, pertimescebant; hæc lex eos homines fortu-  
nis locupletat, invidia liberat; quam multos enim, Qui-  
rites, existimatis esse, qui latitudine possessionum tueri,  
qui invidiam Sullanorum agrorum ferre non possint? qui  
vendere cupiant, emptores non reperiant? perdere jam de-  
nique illos agros ratione aliqua velint? qui paulo ante  
diem noctemque, tribunatium nomen horrebant, vestram  
vim metuebant, mentionem legis agrariæ pertimescebant,  
si nunc etiam ultro rogabuntur, atque orabuntur, ut a-  
gros partim publicos, partim plenos invidiæ, plenos pe-  
riculi, quanti ipsi velint, decemviris tradant. Atque hoc  
carmen hic tribunus pl. non vobis, sed sibi intus canit;  
habet focerum virum optimum, qui tantum agri in illis  
reip. tenebris occupavit, quantum concupivit; huic subve-  
nire vult succumbenti, jam oppresso, Sullanis oneribus  
gravi, sua lege, ut liceat illi invidiam deponere, pecu-  
niam condere. Et vos non dubitatis, quin vestigia ve-  
stra vendatis, plurimo majorum vestrorum sanguine, &  
sudore quaesita, ut Sullanos possessores divitiis augeatis,  
periculo liberetis? nam ad hanc emptionem decemviralem  
duo genera agrorum spectant, Quirites; eorum unum pro-  
pter invidiam domini fugiunt, alterum propter vastitatem.  
Sullanus ager, a certis hominibus latissime continuatus,  
tantam habet invidiam, ut veri, ac fortis tribuni pl. stridorem unum perferre non possit; hic ager omnis quoque  
pretio coemptus erit, tamen ingenti pecunia vobis indu-  
cetur. Alterum genus agrorum, propter sterilitatem in-  
cultum, propter pestilentiam vastum, atque desertum, e-  
metur ab iis, qui eos vident sibi esse, si non vendiderint,  
relinquendos. Et mirum istud est, quod ab hoc tribu-  
no pl. dictum est in senatu, urbanam plebem mirum  
in rep. posse, exhauriendam esse; hoc enim verbo est u-  
sus, quasi de aliqua sentina, ac non de optimorum ci-  
vium genere loqueretur. Vos vero, Quirites, si me au-  
dire vultis, retinete istam possessionem gratiæ, libertatis,  
suffragiorum, dignitatis, urbis, fori, ludorum, festorum  
dierum, exterorum omnium commodorum; nisi forte ma-  
vultis, relictis his rebus, atque hac luce reip. in Sipon-  
tina

tina siccitate, aut in Salapinorum pestilentia finibus, Rullo duce, collocari. At dicat, quos agros empturus sit: ostendat, & quid, & quibus daturus sit: ut vero, cum omnes urbes, agros, vestigalia, regna vendiderit, tum arenam aliquam, aut paludes emat, id vos potestis, quæso, concedere? Quamquam illud est egregium, quod hac lege ante omnia veneunt, ante pecuniæ coguntur & coercantur, quam gleba una ematur; deinde emi jubet: ab invito vetat. Quæro, si, qui velint vendere, non fuerint, quid pecunia fiet? Referre in ærarium lex vetat, exigi prohibet; igitur pecuniam omnem decemviri tenebunt; vobis ager non emetur, vestigalibus abalienatis, locis vexatis, regibus, atque omnibus gentibus exinantis, illi pecunias habebunt, vos agros non habebitis. Facile, inquit, adducuntur pecuniæ magnitudine, ut velint vendere. Ergo ea lex est, qua nostra vendamus, quanti possimus; aliena emamus, quanti possessores velint. Atque in hos agros, qui hac lege empti sint, colonias ab iis decemviris deduci jubet? Quid? omnis ne ejusmodi locus est, ut nihil intersit reip. colonia deducatur in eum locum, nec ne? an est locus, qui coloniam postulet? est & qui plane recuset? quo in genere, sicut in cæteris reip. partibus, est operæ pretium diligentiam majorum recordari, qui colonias sic idoneis in locis contra suspicionem periculi collocarunt, ut esse non oppida Italiæ, sed propugnacula imperii viderentur. Hi deducunt colonias in eos agros, quos emerint; etiam ne, si reip. non expediat? Et in quæ loca præterea videbitur; quid igitur est causæ, quin coloniam in Janiculum possint deducere, & suum præsidium in capite, atque cervicibus vestris collocare? Tu non definias, quot colonias, in quæ loca, quo numero colonorum, deduci velis? tu occupes locum, quem idoneum ad vim tuam judicaris? compleas numero? confirmes præsidio, quo velis? populi R. vestigalibus, atque omnibus copiis ipsum populum R. coerceas? opprimas? redigas in istam decemviralem ditionem, ac potestatem? Ut vero totam Italiam suis prædiis obsidere, atque occupare cogitet, quæso, Quirites, cognoscite. Permittit decemviris, ut in omnia municipia, in omnes colonias totius Italiæ colonos deducant, quos velint: iisque colonis agrum dari jubet: num obscure majores opes, quam libertas vestra pati potest, & majora præsidia quæruntur? num obscure regnum constituitur? num obscure libertas vestra tollitur? nam cum iidem omnem pecuniam, maximam multitudinem, idest totam Italiam, suis opibus obsidebunt, iidem vestram libertatem suis prædiis, & coloniis interclusam tenebunt: quæ spes tandem, quæ facultas recuperandæ vestræ libertatis relinquetur? At enim ager Campanus hac lege dividetur, orbis terræ pulcherrimus: & Capuam colonia deducetur, urbem amplissimam, atque ornatissimam; atqui quid ad hæc possumus dicere? De commodo vestro prius dicam, Quirites: deinde ad amplitudinem, & dignitatem revertar; ut, si quis agri,

aut oppidi bonitate delectetur, ne quid expectet; si quem rei dignitas commovet, ut huic simulatæ largitioni resistat. Ac primum de oppido dicam; si quis est forte, quem Capua magis, quam Roma delectat. Quinque milia colonorum Capuam scribi jubet; ad hunc numerum quingenos sibi singuli fument; quæso nolite vosmetipsos consolari: vere, & diligenter considerate: num vobis, aut vestri similibus, integris, quietis, otiosis hominibus in hoc numero locum fore putatis? si est omnibus vobis, aut majori vestrum parti: quamquam me vestrer honos vigilare dies, atque noctes, & intentis oculis omnes reip. partes intueri jubet; tamen paulisper, si ita commodum vestrum feret, connivebo; sed si quinque hominum milibus, ad vim, facinus, eademque delectis, locus, atque urbs, quæ bellum facere atque instruere possit, quaeritur: tamen ne patiemini, vestro nomine contra vos firmari opes, armari præsidia, urbes, agros, copias comparari? nam agrum quidem Campanum, quem vobis ostentant, ipsi concupiverunt: deducunt suos, quorum nomine ipsi teneant, & fruuntur: coement præterea: ista dena jugera continuabunt; nam si dicent, per legem id non licere; ne per Corneliam quidem licet; at videmus (ut longinqua mittamus) agrum Prænestinum a paucis possideri: neque istorum pecuniis quidquam aliud deesse video, nisi ejusmodi fundos, quorum subsidio familiarum magnitudines, & Cumanorum, ac Puteolanorum prædiorum sumptum sustinere possint. Quod vestrum commodum spectat, veniat, & coram mecum de agri Campani divisione disputet. Quæsi ex eo Kalendis Jan. quibus hominibus, & quemadmodum illum agrum esset distributurus; respondit, a Remilia tribu se initium esse facturum; primum, quæ est ista superbia, & contumelia, ut populi pars amputetur, ordo tribuum negligatur? ante rusticis detur ager, qui habent, quam urbanis, quibus ista agri spes, & jucunditas ostenditur? aut, si hoc ab se dictum negat, & satisfacere omnibus vobis cogitat; proferat, in jugera dena describat, ad Suburana usque ad Arnientem nomina vestra proponat; si non modo dena jugera dari vobis, sed ne constipari quidem tantum numerum hominum posse in agrum Campanum, intelligetis: tamen ne vexari remp., contemni majestatem populi R. deludi vosmetipsos diutius a tribuno pl. patiemini? Quod si posset ager iste ad vos pervenire; nonne cum tamen in patrimonio vestro remanere malletis? unum ne fundum pulcherrimum populi Rom. caput vestræ pecuniæ, pacis ornamentum, subsidium belli, fundamentum vestigalium, horreum legionum, solatium annonæ, desperire patiemini? an oblitus estis, Italico bello, amissis cæteris vestigalibus, quantos agri Campani fructibus exercitus alueritis? an ignoratis, cætera illa magnifica populi R. vestigalia perlevi sæpe momento fortunæ, inclinatione temporis pendere? quid nos Asiæ portus, quid Syriæ rura, quid omnia transmarina vestigalia juvabunt, tenuissima suspicione prædonum, aut

hostium injecta? at vero hoc agri Campani vestigal cum ejusmodi est, ut domi sit, & omnibus praesidiis oppidorum tegatur; tum neque bellis infestum, nec fructibus varium, nec caelo, ac loco calamitosum esse solet. Majores nostri non solum id, quod de Campanis ceperant, non imminuerunt, verum etiam id, quod tenebant, quibus adimi jure non poterat, coemerunt; qua de causa nec duo Gracchi, qui de plebis R. commodis plurimum cogitaverunt, nec L. Sulla, qui omnia sine religione, quibus voluit, est dilargitus, agrum Campanum attingere ausus est. Nullus extitit, qui ex ea possessione remp. dimoveret, ex qua nec Gracchorum benignitas eam, nec Sullae dominatio deiecit; quem agrum nunc praetereuntes vestrum esse dicitis; & quem pariter qui iter faciunt, externi homines, vestrum esse audiunt: is, cum erit divisus, neque erit, neque vester esse dicetur. At qui homines possidebunt? primo quidem acres, ad vim prompti, ad seditionem parati; qui, simul ac decemviri concrepuerint, armati in cives, & expediti ad eandem esse possint: deinde ad paucos, opibus, & copiis affluentes, totum agrum Campanum perferri videbitis; vobis interea, qui illas a majoribus pulcherrimas vestigalium sedes, armis captas, accepistis, gleba nulla de paternis, atque avitis possessionibus relinquatur: ac tantum intererit inter vestram, & privatorum diligentiam, quod, cum a majoribus vestris P. Lentulus, is, qui princeps senatus, in ea loca missus esset, ut & privatos agros, qui in publicum Campanum incurrerant, pecunia publica coemeret, dicitur renunciasse, nulla se pecunia fundum cujusdam emere potuisse; eumque, qui nollet vendere, ideo negasse se adduci posse, ut venderet, quod, cum plures fundos haberet, ex illo solo fundo nunquam malum nuncium audisset. Ita ne vero? privatum haec causa commovit; populum R., ne agrum Campanum privatis gratis, Rullo rogante, tradat, non commovebit? Atqui idem populus R. de hoc vestigali potest dicere, quod ille de suo fundo dixisse dicitur. Asia multos annos vobis fructum Mithridatico bello non tulit: Hispaniarum vestigal temporibus Sertorianis nullum fuit: Siciliam civitatibus bello fugitivorum M. Aquilius etiam mutuum frumentum dedit: at ex hoc vestigali numquam malus nuncius auditus est; cetera vestigalia belli facultatibus affiguntur: hoc vestigali etiam belli facultates sustentantur. Deinde, in hac assignatione agrorum ne illud quidem dici potest, quod in ceteris, agros desertos a plebe, atque a cultura hominum liberorum esse non oportere; sic enim dico; si Campanus ager dividatur, exturbari, & expelli plebem ex agris, non constitui, & collocari; totus enim ager Campanus colitur, & possidetur a plebe, & a plebe optima, & modestissima: quod genus hominum optime moratum, optimorum & aratorum, & militum, ab hoc plebicola tribuno funditus ejicitur; atque illi miseri, nati in illis agris, & educati, glebis subigendis exercitati, quo se subito conferant,

ferant, non habebunt: his robustis, & valentibus, & audacibus decemvirum satellitibus agrum Campani possessio tota tradetur; & ut vos nunc de vestris majoribus prædicatis. Hunc agrum nobis majores nostri reliquerunt, sic vestri posteris de vobis prædicabunt: Hunc agrum patres nostri acceptum a patribus suis perdidērunt. Equidem existimo, si jam campus Martius dividatur, & unicuique vestrum, ubi consistat, bini pedes assignentur: tamen promiscue toto, quam proprie parva frui parte malletis. Quare, etiam si ad vos esset singulos aliquid ex hoc agro perventurum, qui vobis ostenditur, aliis comparatur: tamen honestius cum vos universi, quam singuli, possideretis: nunc vero, cum ad vos nihil pertineat, sed pareatur aliis, eripiatur vobis: nonne acerrime, tamquam armato hosti, sic huic legi pro vestris agris resistetis? Adjungit Stellatam campum agro Campano, & in eo duodena describit in singulos homines jugera. Quasi vero paulum differat ager Campanus, ac Stellatis; & multitudo, Quirites, queritur, qua illa oppida omnia compleantur; nam dixi antea, lege permitti, ut quæ velint municipia, quas velint veteres colonias, colonis suis occupent. Calenum municipium complebunt: Theanum oppriment: Atellam, Cumas, Neapolim, Pompejos, Nuceriam suis præfidiis devincient: Puteolos vero, qui nunc in sua potestate sunt, suo jure, libertateque utuntur, totos novo populo, atque adventitiis copiis occupabunt; tunc illud exilium Campanæ coloniae, vehementer huic imperio timendum, Capuam a decemviris inferetur: tunc contra hanc Romam, communem patriam omnium nostrum, illa altera Roma queretur, in id oppidum homines nefarii temp. nostram transferre conantur, quo in oppido majores vestri nullam omnino temp. esse voluerunt: qui tres solum urbes inter terris omnibus, Carthaginem, Corinthum, Capuam, statuerunt posse imperii gravitatem, ac nomen sustinere; deleta Carthago est, quod cum hominum copiis, tum ipsa natura, ac loco, succincta portibus, armata muris, excurrere ex Africa, imminere ita fructuosissimis insulis populi R. videbatur. Corinthi vestigium vix relictum est: erat enim posita in angustiis, atque in faucibus Græciæ, sic, ut terra claustra locorum teneret, & duomaria maxime navigationi diversa pene conjungeret, cum pertenui discrimine separarentur; hæc, quæ procul erant a conspectu imperii, non solum affixerunt, sed etiam, ne quando recreata exsurgere, atque erigere se possent, funditus, ut dixi, sustulerunt; de Capua multum est, & diu consultum: extant literæ, Quirites, publicæ: sunt S. C. complura; statuerunt homines sapientes, si agrum Campanis ademissent, magistratus, senatum, publicum ex illa urbe consilium sustulissent, imaginem reip. nullam reliquissent, nihil fore, quod Capuam timeremus; itaque hoc perscriptum in monumentis veteribus reperietis; ut esset urbs, quæ res eas, quibus ager Campanus coleretur, suppeditare pos-

posset; ut esset locus comportandis, condendisque fructibus: ut aratores, cultu agrorum defessi, urbis domiciliis uterentur; idcirco illa ædificia non esse deleta; videte, quantum intervallum sit interjectum inter majorum nostrorum consilia, & inter hominum istorum dementiam; illi Capuam receptaculum aratorum, nundinas rusticorum, cellam, atque horreum Campani agri esse voluerunt: hi, expulsis aratoribus, effusis, ac dissipatis fructibus vestris, eandem Capuam sedem novæ reip. constituunt, molem contra veterem remp. comparant; quod si majores nostri existimassent, quemquam in tam illustri imperio, & tam præclara pop. R. disciplina M. Bruti, aut P. Rulli similem futurum (hos enim nos duos adhuc vidimus, qui hanc remp. Capuam totam transferre vellent) profecto nomen illius urbis non reliquissent; verum arbitrabantur, Corintho, & Carthagini, etiamsi senatum, & magistratum sustulissent, agrumque civibus ademissent, tamen non defore, qui illa restituerent, atque qui ante omnia commutarent, quam nos audire possemus; hic vero, in oculis senatus, populique R. nihil posse existere, quod non ante extingui, atque opprimi posset, quam plane exortum, ac natum esset; neque vero ea res fessit homines divina mente, & consilio præditos; nam post Q. Fulvium, Q. Fabium cons. quibus consulibus Capua devicta, atque capta est, nihil est in ea urbe contra hanc remp. non dico factum, sed omnino excogitatum; multa postea bella gesta cum regibus, Philippo, Antiocho, Perla, Pseudophilippo, Aristonico, Mithridate, & cæteris: multa præterea gravia, Carthaginiensium, Corinthium, Numantium: multæ in hac rep. seditiones domesticæ, quas prætermitto; bella cum sociis, Fregellanum, Marsum; quibus omnibus domesticis, externisque bellis Capua non modo non obfuit, sed opportunissimam se nobis præbuit & ad bellum instruendum, & ad exercitus ornandos, & tectis, ac sedibus suis recipiendos. Homines non inerant in urbe, qui malis concionibus, turbulentis S. C. iniquis imperiis remp. miscerent, & rerum novarum causam aliquam quærerent; neque enim concionandi potestas erat cuiquam, nec consilii capiendi publici: non gloriæ cupiditate efferebantur, propterea quod, ubi honos publicæ non est, ibi gloriæ cupiditas esse non potest: non contentione, non ambitione discordes; nihil enim supererat, de quo certarent: nihil quod contra peterent: nihil ubi diffiderent; itaque illam Campanam arroegantiam, atque intolerandam ferociam ratione, & consilio majores nostri ad inertissimum, & desidiosissimum otium perduxerunt: sic & crudelitatis infamiam effugerunt, quod urbem ex Italia pulcherrimam non sustulerunt, & multum in posterum providerunt, quod nervis urbis omnibus exsectis, urbem ipsam solutam, ac debilitatam reliquerunt. Hæc consilia majorum M. Bruto, ut antea dixi, reprehendenda, & P. Rullo visa sunt: neque te P. Rulle omnia illa M. Bruti, atque auspicia a simili furore detestrent; nam &



ipse, qui deduxit, & qui magistratum Capuæ, & Leo-  
creanti ceperunt, & qui aliquam partem illius deductio-  
nis, honoris, muneris attigerunt, omnes acerbissimas im-  
piorum pœnas pertulerunt. Et, quoniam Bruti, atque il-  
lius temporis feci mentionem, commemorabo id, quod  
egomet vidi, cum venissem Capuam, coloniam deductam  
L. Confidio, & Sex. Saltio, quemadmodum ipsi loque-  
bantur, prætoribus; ut intelligatis, quantam locus ipse  
afferat superbiam, quæ paucis diebus, quibus illo colonia  
deducta fuit, perspicui, atque intelligi potuit. Nam pri-  
mum, id quod dixi, cum cæteris in coloniis duumviri  
appellentur, hi se prætores appellari volebant; quibus pri-  
mus annus hanc cupiditatem attulisset, nonne arbitramini  
paucis annis fuisse consulum nomen appetituros? deinde  
anteibant lictores non cum bacillis, sed, ut hæc prætori-  
bus antecunt, cum fascibus duobus; erant hostiæ majores  
in foro constitutæ, quæ ab his prætoribus de tribunali,  
sicut a nobis consulibus de consilii sententia probatis, ad  
præconem, & ad tibicinem immolabantur; deinde Patres  
Conscripti vocabantur. Jam vero vultum Confidii videre,  
ferendum vix erat: quæ hominem, ut grandi macie tor-  
ridum, Romæ contemptum, abjectum videbamus, hunc  
Capuæ Campapo supercilio, ac regio spiritu cum videre-  
mus, Magios, Blossios mihi videbar illos videre, ac Ju-  
ballios. Jam vero, qui metus erat tunicatorum illorum?  
& in Albana, & Seplasia quæ concursatio percontantium,  
quid prætor edixisset? ubi cœnaret? quid enunciaffet? nos  
autem, hinc Roma qui veneramus, jam non hospites,  
sed peregrini, atque advenæ nominabamur. Hæc qui pro-  
spexerint, majores nostros dico, Quirites, non eos in deo-  
rum immortalium numero venerandos a nobis, & colen-  
dos putatis? quid enim viderunt? hoc, quod nunc vos,  
quæso, perspicite, atque cognoscite; non ingenerantur ho-  
minibus mores tam a stirpe generis, ac seminis, quam ex  
iis rebus, quæ ab ipsa natura loci, & a vitæ consuetudi-  
ne suppeditantur, quibus alimur, & vivimus. Carthagi-  
nenses fraudulentis, & mendaces, non genere, sed natura  
loci, quod, propter portus suos, multis, & variis mer-  
catorum & advenarum sermonibus ad studium fallendi stu-  
dio quæstus vocabantur. Ligures montani, duri, atque  
agrestes: docuit ager ipse, nihil ferendo, nisi multa cul-  
tura, & magno labore quæstum. Campani semper super-  
bi bonitate agrorum, & fructuum, & magnitudine urbis,  
salubritate, descriptione, pulchritudine; ex hac copia, at-  
que omnium rerum affluentia primum illa nata sunt; ar-  
rogantia, quæ a majoribus nostris alterum Capua consu-  
lem postulavit; deinde ea luxuries, quæ ipsum Hanniba-  
lem, armis etiam tum invictum, voluptate vicit. Huc  
isti decemviri cum 100. colonorum ex lege Rulli deduxe-  
runt, centum decuriones, decem augures, sex pontifices  
constituerint: quos illorum animos, quos impetus, quam  
ferociam fore putatis? Romam in montibus positam, &  
convallibus, cœnaculis sublatam, atque suspensam, non

optimis viis, angustissimis semitis, prae sua Capua planissimo in loco explicata, ac prae illis semitis irridebunt, atque contemnent; agros vero Vaticanum, & Pupinium, cum suis optimis, atque uberi bus cithpis conferendos scilicet non putabunt; oppidorum autem finitimorum illam copiam cum hac per risum, ac per jocos contendunt: Labios, Fidenas, Collatiam, ipsum hercle Lanuvium, Ariciam, Tusculum, cum Calibus, Theano, Neapoli, Puteolis, Cumis, Pompejis, Nuceria non comparabunt; quibus illi rebus elati, & inflati, fortasse non continuo, sed certe si paulum assumpserint vetustatis, ac roboris, non continebuntur; progredientur longius, efforentur; singularis homo privatus, nisi magna sapientia praeditus, vix facile sese regionibus officii, magnis in fortunis, & copiis, continet: medium isti, ab Rullo, & Rulli similibus conquisiti, atque electi coloni, Capuam, in domicilio superbim, atque in sedibus luxuriae collocati non statim conquisituri sint aliquid sceleris, & flagitii: immo vero etiam hoc magis, quam illi veteres, germanique Campani, quod in veteri fortuna illos natos, & educatos, nimia tamen rerum omnium copia depravabant: hi ex summa egestate in eandem rerum abundantiam traducti, non solum copia, verum etiam insolentia commovebuntur. Haec tu, P. Rulle, M. Bruti sceleris vestigia, quam monumenta majorum sapientiae sequi maluisti: haec tu cum istis tuis auctoribus excogitasti, ut vetera vestigalia venderetis, & expilaretis nova; ut urbi Capuam ad certamen dignitatis opponeretis; ut sub vestrum jus, jurisdictionem, potestatem urbes, nationes, provincias, liberos populos, reges, terrarum denique orbem subjungeretis; ut, cum omnem pecuniam ex erario exhausissetis, ex vestigalibus redegissetis, ab omnibus regibus, gentibus, imperatoribus nostris coegissetis, tamen omnes vobis pecunias ad nutum vestrum penderent; ut iidem partim invidiosos agros a Sullanis possessoribus, partim desertos, ac pestilentes a vestris necessariis, a vobismetipsis emptos, quanti vellent, populo R. induceretis; ut omnia municipia, coloniasque Italiae novis colonis occuparetis; ut, quibuscumque in locis vobis videretur, ac quam multis videretur, colonias collocaretis; ut omnem rempub. vestris militibus, vestris urbibus, vestris praesidiis cingeretis, atque oppressam teneretis; ut ipsum Cn. Pompejum, cujus praesidio sapientissima populus Rom. contra acerrimos hostes, & contra improbissimos cives victor evasit, proscribere, atque horum conspectu privare possent: ut nihil auro, & argento violari, nihil numero, & suffragiis declarari, nihil elata manu perfringi posset, quod non vos oppressum, atque ereptum teneretis; ut volitaretis interea per gentes, per regna omnia cum imperio summo, cum judicio infinito, cum omni pecunia; ut veniretis in castra Cn. Pompeji, atque ipsa castra, si commodum vobis esset, venderetis; ut interea magistratus reliquos, legibus omnibus soluti, sine metu judiciorum, sine

Sine periculo petere possitis: ut nemo ad populum R. vos adducere, nemo producere, non senatus cogere, non consul coercere, non tribunus pl. retinere possit. Hæc ego vos concupisse, pro vestra stultitia, atque intemperantia, non miror; sperasse, me consula, assequi posse, demiror; nam cum omnium consulum gravis in rep. custodienda cura, ac diligentia debet esse, tum eorum maxime, qui non in cunabulis, sed in campo sunt consules facti; nulli populo Rom. pro me majores mei sponponderunt: mihi creditum est: a me petere, quod debeo, me ipsum appellare debetis; quem, admodum, cum petebam, nulli me vobis auctores generis mei commendarunt: sic, si quid deliquero, nullæ sunt imagines, quæ me a vobis deprecantur; quare, modo ut vita suppetat, quamquam ego sum is, qui eam possim ab istorum scelere, insidiisque defendere; polliceor hoc vobis, Quirites, bona fide, temp. vigilantia homini, non timido; diligenti, non ignavo, commissitis; ego is consul, qui concionem metuum? qui tribunos plebis perhorrescam? qui saepe, & sine causa tumultuer? qui timeam, ne mihi in carcere habitandum sit, si tribunus pl. duci iussisset? ego, nondum vestris armis armatus, insignibusque amplissimis ornatus, imperio, auctoritate, non horruì in hunc locum progredi, vobisque auctoribus improbitati hominis resistere: nunc verear, ne resp. tantis munita praediis, ab istis vinci, aut opprimi possit? si antea timuissim, hac concione, hoc populo, certe non vererer; quis enim umquam tam secunda concione legem agrariam suavit, quam ego dissuasi? si hoc dissuadere est, ac non disturbare, atque pervertere; ex quo intelligi, Quirites, potest, nihil esse tam popolare, quam id, quod ego vobis in hunc ansem consul popularis affero, pacem, tranquillitatem, ætium; quæ nobis designatis timebatis, ea ne accidere possent, consilio meo, ac ratione provisum sunt; non modo vos eritis in otio, qui semper esse volumeris, verum etiam istos, quibus otiosi negotium facessimus, otiosissimos reddam; etenim illis honores, potestates, divitiæ ex tumultu, atque ex dissensionibus civium comparari solent: vos, quorum gratia in suffragiis consistit, libertas in legibus, honos in judiciis, & æquitate magistratuum, res familiaris in pace, omni ratione otium tenere debetis; nam, si ii, qui propter desidiam in otio vivunt, tamen si sua turpi inertia capiunt voluptatem; sub ipso otio, quo vos fortunam tegitis, si hunc statum, quem habetis, esse meliorem non ignoratis, non ut quantum, sed vita partum otium tenueritis. Quod ego & concordia, quam mihi constitui cum collega, invitissimis iis hominibus, quos in consulatu inimicos esse & animi, & corporis actibus providi, omnibus prospexi sum, & revocavi: i am tribunis pl. denunciaui, ne quid turbulenti me consule conflarent. Summum, & firmissimum est illud communibus fortunis praedium, Quirites, ut, quales vos hodie-

na die maxima concione mihi pro salute vestra præbuiſtis, tales reliquis temporibus reip. præbeatis; pro certo polliceos hoc vobis, atque confirmo, me esse perfecturum, ut jam tandem illi, qui hõnori inviderunt meo, tamen vos universos in consule deligendo plurimum vidiſſe fateantur.

# M. TULLII CICERONIS

## IN L. CATILINAM

### ORATIO PRIMA

### IN SENATU.

#### ARGUMENTUM.

*Patet facta Catiline conjuratione adversus remp. Cicero cos. habet senatum in templo Jovis Statoris: cum dua sententia essent, altera severior, Catilinam interimendum; altera mitior, ex urbe emittendum; Cicero utramque dispulſas, miſſiorem tamen ſequitur; & Catilinam acriter increpando, objurgandoque hortatur, ut abeat ex urbe; quo civitatem metu liberet, & liberius se hostem patriæ profiteatur. Habita est 6. Idus Novemb. anno U. C. 690. Hac oratione Catilina perterritus perſugit.*

**Q**uonſque tandem abutere, Catilina, patientia noſtra? quamdiu nos etiam furor iſte tuus eludet? quem ad finem ſeſe effrænata jaſtabit audacia? nihil ne te nocturnum præſidium palatii, nihil urbis vigiliæ, nihil timor populi, nihil conſenſus bonorum omnium, nihil hic munitiſſimus habendi ſenatus locus, nihil horum ora, vultuſque moverunt? patere tua conſilia non ſentis? conſtrictam jam omnium horum conſcientia teneri conjurationem tuam non vides? quid proxima, quid ſuperiore nocte egeris, ubi fueris, quos convocaveris, quid conſilii ceperis, quem noſtrum ignorare arbitraris? O tempora, o mores! ſenatus hæc intelligit, conſul videt: hic tamen vivit; vivit? immo vero etiam in ſenatam venit: ſit. publici conſilii particeps: notat, & designat oculis ad eandem unumquemque noſtrum; nos autem viri fortes ſatisfacere reip. videmur, ſi iſtius furorem, ac tela vitemus. Ad mortem te, Catilina, duci juſſu conſulis jampridem oportebat, in te conſerri peſtem iſtam, quam tu in nos omnes jamdiu machinaris. An vero vir ampliſſimus P. Scipio, Pontifex maximus, Ti. Gracchum, mediocriter labefactantem ſtatum reipubl. priyatus interfecit: Catilinam vero, orbem terræ cæde, atque incendiis vaſtare cupientem, nos conſules

fuses perferemus? nam illa nimis antiqua prætereo, quod  
 Q. Servilius Ahala Sp. Melium, novis rebus studentem,  
 manu sua occidit; fuit; fuit ista quondam in hac rep. vir-  
 tus, ut viri fortes acrioribus suppliciis civem perniciosum,  
 quam acerbissimum hostem coercerent. Habemus enim S.  
 C. in te, Catilina, vehemens, & grave: non dæst repu-  
 bli. consilium, neque auctoritas hujus ordiois; nos, nos,  
 dico aperte, consules desumus; decrevit quondam senatus,  
 ut L. Opimius consul videret, ne quid republ. detrimen-  
 ti caperet: nox nulla intercessit: interfectus est propter  
 quasdam seditionum suspensiones C. Gracchus, clarissimo  
 patre natus, avis, majoribus: occisus est cum liberis M.  
 Fulvius consularis; simili S. C. C. Merio, & L. Valerio  
 cons. permissa est republ. num unum diem postea L. Sa-  
 turninum tribunum pl. & C. Servilium prætorem poena  
 remota est? at vero nos vicissimum jam diem patimur  
 hebescere aciem horum auctoritatis; habemus enim ejus-  
 modi S. C. Verumtamen inclusum in tabulis, tamquam  
 gladium in vagina reconditum; quo ex S. C. confestim  
 interfectum te esse, Catilina, convenit; vivis, & vivis  
 non ad deponendam, sed ad confirmandam audaciam.  
 Cupio P. C. me esse clementem, cupio in tantis resp. pe-  
 riculis non dissolutum videri: sed jam me ipsum inertem,  
 nequitieque condemno; castra sunt in Italia contra remp.  
 in Hetruriæ faucibus collocata; crescit in dies singulos ho-  
 stium numerus: eorum autem imperatorem castrorum,  
 ducemque hostium intra moenia, atque adeo in senatu vi-  
 detis, intestinam aliquam quotidie perniciem resp. molien-  
 tem; si te jam, Catilina, comprehendi, si interfici jusse-  
 ro, credo, erit verendum mihi, ne non hoc potius omnes  
 boni serius a me, quam quisquam crudelius factum esse  
 dicat; verum ego hoc, quod jampridem factum esse oport-  
 uit, certa de causa nondum adducor, ut faciam: tum  
 denique interficiam te, cum jam nemo tam improbus,  
 tam perditus, tam tui similis inveniri poterit, qui id non  
 jure factum esse fateatur; quamdiu quisquam erit, qui te  
 defendere audeat, vives, & vives ita, ut nunc vivis, mul-  
 tis meis, & firmis præsidiiis obsessus, ne commovere te  
 contra remp. possis: multorum te etiam oculi, & aures  
 non sentientem, sicut adhuc fecerunt, speculabuntur, at-  
 que custodient; etenim quid est, Catilina, quod jam am-  
 plius expectes, si neque nox tenebris obscurare cœtus ne-  
 farios, nec privata domus parietibus continere vocem con-  
 jurationis tuæ potest? si illustrantur, si erumpunt omnia?  
 muta jam istam mentem, mihi crede: obliviscere cædis,  
 atque incendiiorum: teneris undique: luce sunt clariora  
 nobis tua consilia omnia: quæ etiam mecum licet reco-  
 gnoscas. Meministi ne, me ante diem xii. Kal. Nov. di-  
 cere in senatu, certo die fore in armis, qui dies futurus  
 esset ante diem vi. Kal. Nov. C. Manlium, audaciæ  
 satellitem, atque administrum tuæ? num me fefellit, Ca-  
 tilina, non modo res tanta, tam atrox, tam incredibi-  
 lis, verum, id quod multo magis est admirandum, dies?

dixi ego idem in senatu, eadem te optimatum contulisse in ante diem v. Kal. Nov. tum cum multi principes civitatis Roma, non tam sui conservandi, quam tuorum consiliorum reprimendorum causa profugerunt; num insidiari potes, te illo ipso die, meis praesidiis, mea diligentia circumclusum, commovere te contra republ. non potuisse, cum tu, discessu ceterorum, nostra tamen, qui remansissemus, eade contentum te esse dicebas? Quid? cum te Praeneste Kal. ipfis Nov. occupaturum nocturno impetu esse consideres? sensisti ne illam coloniam meo jussu, meis praesidiis, custodiis, vigiliis esse munitam? nihil egis, nihil moliris, nihil cogitas, quod ego non modo audiam, sed etiam videam, planeque sentiam; recognosce tandem mecum noctem illam superiorem? jam intelliges multo me vigilare acrius ad salutem, quam te ad perniciem reip. Dica te priori nocte venisse inter falcarios (non agam obscure) in M. Leccam domum, convenisse eodem complures ejusdem amentiae, scelerisque socios; num negare audes? quid taces? convincam, si negas; video enim esse hic in senatu quosdam, qui tecum una fuerint. O dii immortales! ubinam gentium sumus? quam rep. habemus? in qua urbe vivimus? hic, hic sunt, nostro in numero, P. C., hoc orbis terrae sanctissimo, gravissimoque consilio, qui de meo, nostrumque omnium interitu, qui de hujus urbis, atque adeo orbis terrarum exitio cogitent; hosce ego video consul, & de republ. sententiam rogo? &, quos ferro trucidari oportebat, vos nondum voce vulnere? Fuiſti igitur apud Leccam ea nocte, Catilina: distribuisti partes Italiae; statuisti, quo quemque proficisci placeret; delegisti, quos Romae relinqueres, quos tecum educeres; descripsisti urbis partes ad incendia: confirmasti, te ipsum jam esse exiturum: dixisti, paululum tibi esse etiam tum morae, quod ego viverem; reperti sunt duo equites Romae, qui te ista cura liberarent, & sese illa ipsa nocte paulo ante lucem me in meo lectulo interfekturos pollicerentur; haec ego omnia, vix dum etiam coetu vestro dimisso, comperi: domum meam majoribus praesidiis munivi, atque firmavi: exclusi eos, quos tu mane ad me salutatum miserat, cum illi ipsi venissent, quos ego jam multis viris ad me venturos id temporis esse praedixeram; quae cum ita sint, Catilina, perge, quo coepisti, egredere aliquando ex urbe: patent portae, proficiscere: nimium diu te imperatorem illa tua Manliana castra desiderant: educ tecum etiam omnes tuos; si minus, quamplurimos: purga urbem; magno me metu liberabis, dummodo inter me, atque te murus interſit; nobiscum versari jam diutius non potes: non feram, non patiar, non sinam; magna diis immortalibus habenda gratia est, atque huic ipsi Jovi Statori, antiquissimo custodi hujus urbis, quod hanc tam tetram, tam horribilem, tamque infestam reipubl. pestem toties jam effugimus; non est saepius in uno homine salus summa periclitanda reipubl.

Quam

Quamdiu mihi, consuli designato, Catilina, infidiatus es, non publico me presidio, sed privata diligentia defendi; cum proximis comitiis consularibus me consulem in campo, & competitores tuos interficere voluisti; compressi tuos nefarios conatus amicorum presidio, & copiis, nullo tumultu publice concitato; denique, quotiescumque me petisti, per me tibi obstiti: quamquam videbar, perniciem meam cum magna calamitate reip. esse conjunctam; nunc jam aperte temp. universam petis: templa deorum immortalium, testa urbis, vitam omnium civium, Italiani denique totam ad exitium, & vastitatem vocas; quare, quoniam id, quod ad primum, atque hujus imperii, disciplinæque majorum proprium est, facere non audeo, faciam id, quod est ad severitatem lenius, ad communem salutem utilius; nam, si te interfici jussero, residet in sep. reliqua conjuratorum manus: sin tu, quod te jamdudum hortor, exiers, exhaustietur ex urbe tuorum committum magna, & perniciosa sentina reipubl. Quid est, Catilina? num dubitas id me imperante facere, quod jam tua sponte faciebas? exire ex urbe consul hostem jubet: interrogas me, num in exilium? non jubeo; sed, si me consulis, suadeo; quid enim, Catilina, est, quod te jam in hac urbe delectare possit, in qua nemo est, extraxistam conjurationem perditorum hominum, qui te non metuat, nemo qui te non oderit? quæ nota domesticæ turpitudinis non iniusta vitæ tuæ est? quod privatarum rerum dedecus non hæret infamiae? quæ libido ab oculis, quod facinus a manibus umquam tuis, quod flagitium a toto corpore absuit? cui tu adolescentula, quem corruptelarum illecebris irretisses, non aut ad audaciam ferrum, aut ad libidinem facem prætulisti? quid vero? nuper, cum morte superioris uxoris novis nuptiis domum vacuam fecisses, non ne etiam alio incredibili scelere hoc scelus cumulasti? quod ego prætermitto, & facile patior sileri, ne in hac civitate tanti facinoris immanitas aut extitisse, aut non vindicata esse videatur; prætermitto ruinas fortunarum tuarum, quas omnes impendere tibi proximis idibus senties: ad illa venio, quæ non ad privatam ignominiam vitiorum tuorum, non ad domesticam tuam difficultatem, ac turpitudinem, sed ad summam reipubl. atque ad omnium nostrum vitam, salutemque pertinent. Potest ne tibi hujus vitæ lux, Catilina, aut hujus cœli spiritus esse jucundus, cum scias horum esse neminem, qui nesciat te pridie Kal. Jan. Lepido, & Tullo coff. stitisse in committio cum telo? manum, consulum, & principum civitatis interficiendorum causa, paravisse? sceleri, ac furori tuo non mentem aliquam, aut timorem tuum, sed fortunam reipubl. obstitisse? ac jam illa omitto: neque enim sunt aut obscura, aut non multa postea commissa. Quoties tu me designatum, quoties me consulem interficere voluisti? quot ego tuas petitiones ita conjectas, ut vitari posse non viderentur, parva quadam declinatione, &, ut ajunt, corpore effugi? nihil agis, nihil sequeris, nihil

moliris, quod mihi latere valeat in tempore: neque tamen conari, ac velle desistis. Quoties tibi jam, quoties jam extorta est sic ista de manibus? quoties vero excidit casu aliquo, & elapsa est? tamen ea carere diutius non potes: quæ quidem quibus abs te initiata sacris, ac devota sit, nescio, quod tam necesse putas consulis in corpore defigere; nunc vero quæ tua est ista vita? sic enim jam tecum loquar, non ut odio permotus esse videar, quo debeo; sed ut misericordia, quæ tibi nulla debetur. Venisti paulo ante in senatum: quis te ex hac tanta frequentia, ex tot tuis amicis, ac necessariis salutavit? si hoc post hominum memoriam contigit nemini, vocis expectas contumeliam, cum sis gravissimo iudicio taciturnitatis oppressus? quid, quod adventu tuo ista subsellia vacua facta sunt? quid, quod omnes consulares, qui tibi persæpe ad eadem constituti fuerunt, simul atque assedisti, partem istam subselliorum nudam atque inanem reliquerunt? quo tandem animo hoc tibi ferendum putas? servi mehercule mei si me isto pacto metuerent, ut te metuunt omnes cives tui, domum meam relinquendam putarem: tu tibi urbem non arbitraris? & si me meis civibus injuria suspectum tam graviter, atque offensum viderem; carere me adspectu civium, quam infestis oculis omnium conspici mallet; tu cum conscientia scelerum tuorum agnoscas odium omnium justum, & jamdiu tibi debitum; dubitas, quorum mentes, sensusque vulneras, eorum adspectum, præsentiamque vitare? si te parentes timerent, atque odissent tui, neque eos ulla ratione placare posses; ut opinor, ab eorum oculis aliquo concederes: nunc te patria, quæ communis est omnium nostrum parens, odit, ac metuit, & jamdiu te nihil judicat nisi de parricidio suo cogitare; hujus tu neque auctoritatem verebere, neque iudicium sequere, neque vim pertimesces? quæ tecum, Catilina, sic agit, & quodammodo tacita loquitur. Nullum jam tot annos facinus existit, nisi per te; nullum flagitium sine te; tibi uni multorum civium necesse, tibi vexatio, direptioque sociorum impunita fuit, ac libera; tu non solum ad negligendas leges, & quæstiones, verum etiam ad evertendas, perfringendasque valuisti; superiora illa, quamquam ferenda non fuerunt, tamen, ut potui, tui: nunc vero, me totam esse in metu propter te unum; quidquid increpuit, Catilinam timere; nullum videri contra me consilium iniri posse, quod a tuo scelere abhorreat, non est ferendum; quamobrem discede, atque hunc mihi timorem eripe; si verus, ne opprimar; si falsus, ut tandem aliquando timere desinam. Hæc si tecum, ut dixi, patria loquatur, nonne impetrare debeat, etiam si vim adhibere non possit? Quid, quod tu te ipse in custodiam dedisti? quid, quod vitandæ suspitionis causa apud M. Lepidum te habitare velle dixisti? a quo non receptus, etiam ad me venire ausus es, atque, ut domi meæ te asservarem, rogasti? cum a me quoque id responsum tulisses, me nullo modo posse



posse iisdem parietibus tuto esse tecum, qui magno in periculo essem, quod iisdem mœnibus contingeremur: ad Q. Metellum prætorem venisti, a quo repudiatus, ad sodalem tuum, virum optimum, M. Marcellum demigrasti, quem tu videlicet & ad custodiendum te diligentissimum, & ad suspicandum sagacissimum, & ad vindicandum fortissimum fore putasti. Sed quam longe videtur a carcere, atque a vinculis abesse debere, qui se ipsum jam dignum custodia judicaverit? Quæ cum ita sint, Catilina, dubitas, si hic morari æquo animo non potes, abire in aliquas terras, & vitam istam, multis suppliciis iustis, debitisque ereptam, fugæ solitudinique mandare? Refer, inquis, ad senatum; id enim postulas: &, si hic ordo placere decreverit, te ire in exilium, obtemperaturum te esse dicis. Non referam id, quod abhorret a meis moribus: & tamen faciam, ut intelligas, quid hi de te sentiant; egredere ex urbe, Catilina: libera remp. metu: in exilium, si hanc vocem expectas, proficiscere; quid est, Catilina? ecquid attendis, ecquid animadvertis horum silentium? patiuntur, tacent; quid expectas auctoritatem loquentium, quorum voluntatem tacitorum perspicis? at, si hoc idem huic adolescenti optimo P. Sextio, si fortissimo viro M. Marcello dixissem, jam mihi consuli hoc ipso in templo iure optimo senatus vim, & manus intulisset: de te autem, Catilina, cum quiescunt, probant; cum patiuntur, decernunt; cum tacent, clamant: neque hi solum, quorum tibi auctoritas est videlicet cara, vita vilissima, sed etiam illi equites R. honestissimi, atque optimi viri, ceterique fortissimi cives, qui circumstant senatum, quorum tu & frequentiam videre, & studia perspicere, & voces paulo ante exaudire potuisti; quorum ego vix abs te jamdiu manus, ac tela contineo: eisdem facile adducam, ut te hæc, quæ jam pridem vastare studes, relinquentem usque ad portas prosequantur. Quamquam quid loquor? te ut ulla res frangat? tu ut umquam te corrigas? tu ut fugam ullam meditare? tu ut ullum exilium cogites? utinam tibi istam mentem dii immortales darent; tametsi video, si mea voce perterritus ire in exilium animum induxeris, quanta tempestas invidiæ nobis, si minus in præsens tempus recenti memoria scelerum tuorum, at in posteritatem impendeat; sed est mihi tanti, dummodo ista tua privata sit calamitas, & a reipub. periculis sejungatur; sed tu ne vitis tuis commovere, ut legum pœnas pertimescas, ut temporibus reipub. concedas, non est postulandum; neque enim, Catilina, is es, ut te aut pudor a turpitudine, aut metus a periculo, aut ratio a furore revocarit: quamobrem, ut sæpe jam dixi, proficiscere: ac, si mihi inimico, ut prædicas, tuo constare vis invidiam, recta perge in exilium: vix feram sermones hominum, si id feceris; vix molem istius invidiæ, si in exilium ieris iussu consulis, sustinebo; sin autem servire meæ laudi, & gloriæ mavis, egredere cum importuna sceleratorum manu;

confer te ad Manlium; concita perditos cives; fecerunt te a bonis; infer patriam bellum; exulta impio latrocinio; ut a me non ejectus ad alienos, sed invitatus ad tuos isse videaris; quamquam quid ego te invitem, a quo jam sciam esse praemissos, qui tibi ad forum Aurelium praestolarentur armati? sciam pactam, & constitutam esse cum Manlio diem? a quo etiam Aquilam illam argenteam, quam tibi, ac tuis omnibus perniciosam esse confido & funestam futuram, cui domi tuae sacrarium scelerum tuorum constitutum fuit, sciam esse praemissam? tu ut illa diutius carere possis, quamvenerari ad eadem proficiscens solebas? a cujus altaribus saepe istam dextram impiam ad necem civium transfulisti? ibis tandem aliquando, quo te jam pridem tua ista cupiditas effrenata, ac furiosa rapiet; neque enim tibi haec res affert dolorem, sed quandam incredibilem voluptatem; ad hanc te amentiam natura peperit, voluntas exercuit, fortuna servavit; numquam tu non modo otium, sed ne bellum quidem, nisi nefarium, concupisti; nactus es ex perditis, atque ab omni non modo fortuna, verum etiam spe derelictis constitam improborum manum; hic tu qua laetitia perfrui, quibus gaudiis exultabis, quanta voluptate bacchabere, cum in tanto numero tuorum neque audies virum bonum quemquam, neque videbis? ad hujus vitae studium meditati sunt illi, qui feruntur, labores tui: jacere humi non modo ad obsidendum stuprum, verum etiam ad facinus obeundum; vigilare non solum ad insidiandum somno maritorum, verum etiam bonis otiosorum; habes, ubi ostentes illam praecellam tuam patientiam famis, frigoris, inopiae rerum omnium, quibus te brevi tempore confectum esse senties; tantum profectum, cum te a consulatu repuli, ut exul potius tentare, quam consul verare tempus posses, atque ut id, quod esset a te scelerate susceptum, latrocinium potius, quam bellum nominaretur. Nunc, ut a me, P. C. quamdam prope justam patriae querimoniam detester, ac deprecor: percipite, quaeso, diligenter, quam dicam, & ea penitus animis vestris, mentibusque mandate: etenim, si mecum patria, quam mihi vita mea multo est carior, si cuncta Italia, si omnis respublica loquatur: M. Tulli, quid agis? tu ne eum, quem esse hostem comperisti, quem ducem belli futurum vides, quem expectari imperatorem in castra hostium sentis, auctorem sceleris, principem conjurationis, evocatorem servorum, & civium perditorum, exire patieris, ut abs te non emissus ex urbe, sed immisus in urbem esse videatur? non hunc in vincula duci, non ad mortem rapi, non summo supplicio mactari imperabis? quid tandem impedit te? mos ne majorum? at persaepe etiam privati in hac republica perniciosos cives morte multarunt; an leges, quae de civium R. supplicio rogatae sunt? at nunquam in hac urbe ii, qui a republica defecerunt, civium jura tenuerunt; an invidiam posteritatis times? praecellam vero populo R. refert gratiam, qui te, hominem per te cognitum, nulla commendatione majorum,

rum, tam mature ad summum imperium per omnes honorum gradus extulit, si propter invidiam, aut alicujus periculi metum; salutem civium tuorum negligis; sed, si quis est invidiæ metus, non est vehementius severitatis, ac fortitudinis invidia, quam inertis, ac nequitiæ pertimescenda; an, cum bello vastabitur Italia, vexabuntur urbes, tellus ardebunt, tum te non existimas invidiæ incendio conflagraturum? His ego sanctissimis reip. vocibus, & eorum hominum, qui idem sentiunt, mentibus pauca respondebo. Ego, si hoc optimum festu judicarem, P. C., Catilinam morte multari, unius usuram horum gladiatorum isti ad vivendum non dedissem; etenim si summi viri, & clarissimi cives Saturnini, & Gracchorum, & Flacci, & superiorum complurium sanguine non modo se non contaminarunt, sed etiam honestarunt; verendum certe mihi non erat, ne quid, hoc parricida civium interfecto, invidiæ mihi in posteritatem redundaret; quod si ea maxime impenderet; tamen hoc animo semper fui, ut invidiam virtute partam, gloriam, non invidiam putarem; quamquam nonnulli sunt in hoc ordine, qui aut ea, quæ imminet, non videant, aut ea, quæ vident, dissimulent; qui spem Catilinæ mollibus sententiis aluerunt, conjurationemque nascentem non credendo corroboraverunt; quorum auctoritatem secuti multi non solum improbi, verum etiam imperiti, si in hunc animadvertissem, crudeliter, & regie factum esse dicerent; nunc intelligo, si iste, quo intendit, in Manliana castra pervenerit, neminem tam stultum fore, qui non videat conjurationem esse factam: neminem tam improbum, qui non fateatur: hoc autem uno interfecto, intelligo hanc reipub. pestem paulisper reprimi, non in perpetuum comprimi posse; quod si se ejecerit, secumque suos eduxerit, & eodem cæteros undique collectos naufragos aggregaverit, extinguetur, atque delebitur non modo hæc tam adulta reip. pestis, verum etiam stirps, ac semen malorum hominum; etenim diu jam, P. C. in his periculis conjurationis, insidisque versamur: sed nescio quo pacto omnium scelerum, ac veteris furoris, & audaciæ maturitas in nostri consulatus tempus erupit; quod si ex tanto latrocinio iste unus tollitur; videbimur fortasse ad breve quoddam tempus cura, & metu esse relevati; periculum autem residebit, & erit inclusum penitus in venis, atque in visceribus reip. ut sæpe homines ægri morbo gravi, cum æstu, febrique jactantur, si aquam gelidam hiberint, primo relevari videntur, deinde multo gravius, vehementiusque afficiantur: sic hic morbus, qui est in republica, relevatus istius poena vehementius vivis reliquis ingravescet. Quare, P. C. secedant improbi; secerant se a bonis; unum in locum congregentur; muro denique, id quod sæpe jam dixi, secerantur a nobis; desinant insidiari domi sum consulis, circumstare tribunal prætoris urbani, obsidere cum gladiis curiam, malleolos & faces ad incendendam urbem comparare, sit denique inscriptum in fronte uniuscujusque civis,

vis, quid de rep. sentiat; polliceor hoc vobis, P. C. tantam in nobis consulibus fore diligentiam, tantam in vobis auctoritatem, tantam in equitibus R. virtutem, tantam in omnibus bonis consensionem, ut Catilinæ profectio omnia patefacta, illustrata, oppressa, vindicata esse videatis. Hisce omnibus, Catilina, cum summa reip. salute, & cum tua peste, ac pernicië, cumque eorum exitio, qui se tecum omni scelere, parricidioque junxerunt, proficiscere ad impium bellum, ac nefarium. Tum tu, Jupiter, qui iisdem, quibus hæc urbs, auspiciis a Romulo es constitutus, quem Statorem hujus urbis, atque imperii vere nominamus, hunc, & hujus socios a tuis aris, cæterisque templis, a testis urbis, ac mœnibus, a vita, fortunisque civium omnium arcebis, & omnes inimicos bonorum, hostes patriæ, latrones Italiæ, scelerum fœdere inter se, ac nefaria societate conjunctos, æternis suppliciis vivos, mortuosque mactabis

M. TULLII CICERONIS  
IN L. CATILINAM  
O R A T I O S E C U N D A  
A D P O P U L U M.

A R G U M E N T U M.

*Perorata hæc Superiori Oratione Catilina ex urbe se se eduxit cum manu conjuratorum. Cicero cos. Catilina tanquam ejecto, ac profligato, gratulatur hac oratione Populo, Reique publicæ. Ad confirmandos autem animos bonorum civium, & infringendos conjuratos, utriusque partis copias inter sese comparat, adhibita adhortatione ad urbis defensionem, & custodiam. Habita est a Rostris, postridie quam Catilina profugit, anno U. C. 690.*

**T**Andem aliquando, Quirites, L. Catilinam, furentem audacia, scelus anhelantem, pestem patriæ nefarie molientem, vobis, atque huic urbi ferrum, flammaque minitantem, ex urbe vel ejecimus, vel emisimus, vel ipsum egredientem urbe profecuti sumus; abiit, excessit, evasit, erupit; nulla jam perniciës a monstro illo, atque prodigio mœnibus ipsis intra mœnia comparabitur; atque hunc quidem unum belli hujus domestici ducem sine controversia vicimus; non jam inter latera nostræ sica illa versabitur: non in campo, non in foro, non in curia, non denique intra domesticos parietes pertimescemus; loco ille motus est,  
cum

cum est ex urbe depulsus : palam jam cum hoste , nullo impediēte , bellum justum geremus ; sine dubio perdidimus hominem , magnificeque vicimus , cum illum ex occultis insidiis in apertum latrocinium coniecimus ; quod vero non eruentum mucronem , ut voluit , extulit ; quod vivis nobis egressus est ; quod ei ferrum de manibus extorsimus ; quod incolumes cives , quod stantem urbem reliquit ; quanto tandem illum moerore afflictum esse , & profligatum putatis ? jacet ille nunc prostratus , Quirites , & se percussum , atque abjectum esse sentit , & retorquet oculos profecto sæpe ad hanc urbem , quam ex suis faucibus ereptam esse luget ; quæ quidem lætari mihi videtur , quod tantam pestem evomuerit , forasque projecerit . At si quis est talis , quales omnes esse oportebat , qui in hoc ipso , in quo exultat , & triumphat oratio mea , me vehementer accuset , quod tam capitalem hostem non comprehenderim potius , quam emiserim ; non est ista mea culpa , Quirites , sed temporum ; interfectum esse L. Catilinam , & gravissimo supplicio affectum jampridem oportebat ; idque a me & mos majorum , & hujus imperii severitas , & repub. postulabat : sed quam multos fuisse putatis , qui , quæ ego deferrem , non crederent ? quam multos , qui propter stultitiam non putarent ? quam multos , qui etiam defenderent ? quam multos , qui propter improbitatem faverent ? ac si , sublato illo , depelli a vobis omne periculum judicarem ; jampridem ego L. Catilinam non modo invidiæ meæ , verum etiam vitæ periculo sustulissim ; sed , cum viderem , ne vobis quidem omnibus re etiam tum probata , si illum , ut erat meritis , morte multassem , fore , ut ejus socios invidia oppressus persequi non possem ; rem huc deduxi , ut tum palam pugnare possētis , cum hostem aperte videretis ; quem quidem ego hostem , Quirites , quam vehementer foris esse timendum putem , licet hinc intelligatis , quod illud etiam moleste fero , quod ex urbe parum comitatus exierit ; utinam ille omnes secum suas copias eduxisset . Tongillum mihi eduxit , quem amare in prætexta coeperat ; Publicium , & Munatium , quorum æs alienum contractum in popina nullum reip. metum asferre poterat , reliquit : quos viros , quanto alieno ære , quam valentes , quam nobiles , vos videtis ; itaque ego illum exercitum , ex Gallicanis legionibus , & hoc delectu , quem in agro Piceno , & Gallico Q. Metellus habuit , & his copiis , quæ a nobis quotidie comparantur , magnopere contemno , collectum ex senibus desperatis , ex agresti luxuria , ex rusticis decoctoribus , ex iis , qui vadimonia deferere , quam exercitum , maluerunt : quibus ego non modo si aciem exercitus nostri , verum etiam si edictum prætoris ostendero , concident ; hos , quos video volitare in foro , quos stare ad curiam , quos etiam in senatum venire , qui nitent unguentis , qui fulgent purpura , malle secum suos milites eduxisset ; qui si hic permanent , mementote non tam exercitum illum esse nobis , quam hos , qui exercitum deseruerunt , perti.

perterritos : atque etiam hoc magis sunt timendi , quod , quid cogitent , me scire sentiunt , neque tamen permoven-  
 tur ; video , cui Apulia sit attributa , qui habeat Hetruriam ,  
 qui agrum Picenum , qui Gallicum , qui sibi has urbanas  
 insidias caedis , atque incendiorum depoposcerit ; omnia  
 superioris noctis consilia ad me perlata esse sentiunt ; pa-  
 tefeci in senatu hesterno die : Catilina ipse pertimuit ,  
 profugit : hi quid expectant ? ne illi vehementer errant ,  
 si illam meam pristinam lenitatem perpetuam sperant fu-  
 turam ; quod expectavi , jam sum assecutus , ut vos omnes  
 factam esse aperte conjurationem contra remp. videretis ;  
 nisi vero si quis est , qui Catilinæ similes cum Catilina  
 sentire non putet ; non est jam lenitati locus ; severitatem  
 res ipsa flagitat ; unum etiam nunc concedam ; exeant ,  
 proficiscantur , ne patiantur desiderio sui Catilinam mi-  
 serum tabescere ; demonstrabo iter ; Aurelia via profectus  
 est : si accelerare volent , ad vesperam consequentur . O  
 fortunatam remp. si quidem hanc sentinam hujus urbis  
 ejecerit ! uno mehercule Catilina exhausto , relevata mi-  
 hi , & recreata resp. videtur ; quid enim mali , aut scele-  
 ris fingi , aut excogitari potest , quod non ille conceperit ?  
 quis tota Italia veneficus , quis gladiator , quis latro , quis  
 sicarius , quis parricida , quis testamentorum subjector , quis  
 circumscriptor , quis ganeo , quis nepos , quis adulter , quæ  
 mulier infamis , quis corruptor juventutis , quis corru-  
 ptus , quis perditus inveniri potest , qui se cum Catilina  
 non familiarissime vixisse fateatur ? quæ caedes per hosce  
 annos sine illo facta est ? quod nefarium stuprum non per  
 illum ? jam vero quæ tanta in ullo umquam homine ju-  
 ventutis illecebra fuit , quanta in ullo ? qui alios ipse ama-  
 bat turpissime , aliorum amoris flagitiosissime serviebat ;  
 aliis fructum libidinum , aliis mortem parentum non mo-  
 do impellendo , verum etiam adjuvando pollicebatur ; nunc  
 vero quam subito non solum ex urbe , verum etiam ex  
 agris ingentem numerum perditorum hominum college-  
 rat ? nemo non modo Romæ , sed nec ullo in angulo to-  
 tius Italiæ oppressus viæ alieno fuit , quem non ad hoc  
 incredibile sceleris scædus adseiverit . Atque , ut ejus di-  
 versa studia in dissimili ratione perspicere possitis , nemo  
 est in ludo gladiatorio paulo ad facinus audacior , qui se  
 non intimum Catilinæ esse fateatur ; nemo in scena le-  
 vior , & nequior , qui se non ejusdem prope sodalem fuisse  
 commemoraret ; atque idem tamen , stuprorum , & sce-  
 lerum exercitatione assuefactus , frigore , & fame , & siti ,  
 ac vigiliis perferendis fortis ab istis prædicabatur , cum  
 industris subsidia , atque instrumenta virtutis in libidine ,  
 audaciaque consummeret ; hunc vero si sui fuerint comites  
 secuti , si ex urbe exierint desperatorum hominum flagi-  
 tiosi greges ; o nos beatos , o remp. fortunatam , o præ-  
 claram laudem consulatus mei ! non enim jam sunt me-  
 diocres hominum libidines , non humanæ audaciæ , ac to-  
 lerandæ : nihil cogitant , nisi eadem , nisi incendia , nisi  
 rapinas : patrimonia sua profuderunt , fortunas suas obli-

gurierunt : res eos jampridem , fides deficere nuper coepit : eadem tamen illa , quæ erat in abundantia , libido permansit ; quod si in vino , & alea comestationes solum , & scorta quærent ; essent illi quidem desperandi , sed tamen essent ferendi ; hoc vero quis ferre possit , inertes homines fortissimis viris insidiari , stultissimos prudentissimis , ebrios sobriis , dormientes vigilantibus ? qui mihi accubantes in conviviis , complexi mulieres impudicas , vino languidi , confecti cibo , sertis redimiti , unguentis obliti , debilitati stupris , eructant sermonibus suis eadem bonorum , atque urbis incendia ; quibus ergo confido impendere fatum aliquod , & pœnas jamdiu improbitati , nequitie , sceleri , libidini debitas , aut instare jam plane , aut certe jam appropinquare ; quos si meus consultus , quoniam sanare non potest , sustulerit ; non brevis nescio quod tempus , sed multa sæcula propagarit reip. Nulla est enim natio , quam pertimescamus ; nullus rex , qui bellum populo R. inferre possit ; omnia sunt externa ut aius virtute , terra , marique pacata : domesticum bellum manet ; intus insidie sunt ; intus inclusum periculum est ; intus est hostis : cum luxuria nobis , cum amentia , cum scelere certandum est ; huic ego me bello ducem proferor , Quirites : suscipio inimicitias hominum perditurum ; quæ sanari poterunt , quacumque ratione sanabo ; quæ rescanda erunt , non patiar ad perniciem civitatis manare ; proinde aut exeant , aut quiescant , aut , si & in urbe , & in eadem mente permanent , ea , quæ merentur , expectent . At etiam sunt , Quirites , qui dicant a me in exilium eiectionem esse Catilinam ; quod ego si verbo assequi possem , istos ipsos ejicerem , qui hæc loquuntur ; homo enim videlicet timidus , & permodestus vocem consulis ferre non potuit ; simul atque ire in exilium jussus est , paruit , quievit . Quid , quod hesterno die cum domi meæ pene interfectus essem , senatum in sedem Jovis Statoris vocavi , rem omnem ad patres conscriptos detuli , quo cum Catilina venisset , quis eum senator appellavit ? quis salutavit ? quis denique ita aspexit ut perditum civem , ac non potius ut importunissimum hostem ? quin etiam principes ejus ordinis partem illam subselliorum , ad quam ille accesserat , nudam , atque inanem reliquerunt ; h'c ego vehemens ille consul , qui verbo cives in exilium ejicio , quæsi vi a Catilina , an nocturno conventu apud M. Læccam fuisset , nec ne ; cum ille , homo audacissimus , conscientia convictus primo reticuisset , patefecit cætera : quid ea nocte egisset , ubi fuisset , quid in proximam constituisset , quemadmodum esset ei ratio totius belli descripta , edocui : cum hæsitaret , eum cunctaretur , quæsi vi , quid dubitaret proficisci eo , quo jampridem pararat , cum arma , cum secures , cum fascēs , cum tubas , cum signa militaria , cum Aquilam illam argenteam , cui ille etiam sacrarium scelerum domi suæ fecerat : scirem esse præmissam ; in exilium ejicerem , quem jam ingressum in bellum esse videbam ? et-

enim ,

enim, credo, iste centurio, qui in agro Fesulanorum castra posuit, bellum populo R. suo nomine indixit; & illa castra nunc non Catilinam ducem expectant; & ille, ejectus in exilium, se Massiliam, ut ajunt, non in hæc castra conleret. O conditionem miseram non modo administrandæ, verum etiam conservandæ reip. nunc si L. Catilina, consiliis, laboribus, periculis meis circumclusus, ac debilitatus, subito pertimuerit, sententiam mutaverit, deseruerit suos, consilium belli faciendi abjecerit, ex hoc cursu sceleris, & belli iter ad fugam, atque in exilium converterit; non ille a me spoliatus armis audaciæ, non obstupefactus, ac perterritus mea diligentia, non de spe, conatuque depulsus, sed indemnatus, sano, cens, in exilium ejectus a consule vi, & minis esse dicitur: & erunt, qui illum, si hoc fecerit, non improbum, sed miserum; me non diligentissimum consulem, sed crudelissimum tyrannum existimari velint. Est mihi tanti, Quirites, hujus invidiæ, falsæ, atque iniquæ tempestate subire, dummodo a vobis hujus horribilis belli, ac nostri periculum depellatur; dicatur sane ejectus esse a me, dummodo exeat in exilium: sed, mihi credite, non est iturus; numquam ego a diis immortalibus optabo, Quirites, invidiæ meæ levandæ causa, ut L. Catilinam ducere exercitum hostium, atque in armis volitare audiat: sed triduo tamen audietis; multoque magis illud timeo, ne mihi sit invidiosum aliquando, quod illum emiserim, potius, quam quod ejecerim; sed cum sint homines, qui illum, cum profectus sit, ejectum esse dicant: iidem, si interfectus esset, quid dicerent? quamquam isti, qui Catilinam Massiliam ire distitant, non tam hoc queruntur, quam verentur; nemo est istorum tam misericors, qui illum non ad Manlium, quam ad Massilienses ire malit; ille autem si mehercule hoc, quod agit, numquam ante cogitasset, tamen latrocinantem se interfici mallet, quam exulem vivere; nunc vero, cum ei nihil adhuc præter ipsius voluntatem, cogitationemque acciderit, nisi quod vivis nobis Roma profectus est: optemus potius, ut eam in exilium, quam queramus. Sed cur tamdiu de uno hoste loquimur; & de eo hoste, qui jam fatetur se esse hostem, & quem, quia, quod semper volui, murus interest, non timeo? de iis, qui dissimulant, qui Romæ remanent, qui nobiscum sunt, nihil dicimus? quos quidem ego, si ullo modo fieri posset, non tam ulcisci studio, quam sanare, & ipsos placare reip. neque id quare fieri non possit, si me audire voluerint, intelligo; exponam enim vobis, Quirites, ex quibus generibus hominum istæ copiæ comparentur: deinde singulis medicinam consilii, atque orationis meæ, si quam potero, asferam. Unum genus est eorum, qui magno in ære alieno majores etiam possessiones habent; quarum amore adducti dissolvi nullo modo possunt; horum hominum species est honestissima; sunt enim locupletes: voluntas vero, & causa impudentissima; tu agris, tu ædificiis, tu argen-



argento, tu familia, tu rebus omnibus ornatus, & copiosus sis; & dubites aliquid de possessione detrahere, ac fidem acquirere? quid enim expectas? bellum? quid? ergo in vastatione omnium tuarum possessiones sacrosanctas futuras putas? an tabulas novas? errant, qui istas a Catilina expectant; meo beneficio tabulæ novæ proferentur, verum auctionariæ; neque enim isti, qui possessiones habent, alia ratione ulla salvi esse possunt; quod si maturius facere voluissent, neque, id quod stultissimum est, certare cum usuris fructibus prædiorum; & locupletioribus his, & melioribus civibus uteremur; sed hosce homines minime puto pertimescendos; quod aut deduci de sententia possunt; aut, si permanserunt, magis mihi videntur voti facturi contra remp. quam arma laturi. Alterum genus est eorum, qui quamquam premuntur ære alieno, dominationem tamen expectant, rerum potiri volunt, honores, quos quieta rep. desperant, perturbata consequi se posse arbitrantur; quibus hoc præcipiendum videtur, unum scilicet & idem, quod cæteris omnibus, ut desperent, se id, quod conatur consequi posse; primum omnium, me ipsum vigilare, adesse, providere reip. deinde magnos animos esse in bonis viris, magnam concordiam, maximam multitudinem, magnas præterea copias militum: deos denique immortales huic invicto populo, clarissimo imperio, pulcherrimæ urbi contra tantam vim sceleris præsentis auxilium esse laturos; quod si jam sint id, quod cum summo furore cupiunt, adepti; num illi in cinere urbis, & sanguine civium, quæ mente conscelerata, ac nefaria concupierunt, se consules, aut dictatores, aut etiam reges sperant futuros? non vident se cupere id, quod si adepti fuerint, fugitivo alioui, aut gladiatori concedi sit necesse? Tertium genus est ætate jam confectum, sed tamen exercitatione robustum; quo ex genere iste est Manlius, cui nunc Catilina successit; hi sunt homines ex iis coloniis, quas Fesulis Sulla constituit: quas ego universas civium esse optimorum, & fortissimorum virorum sentio; sed tamen hi sunt coloni, qui se insperatis, repentinisque pecuniis sumptuosius, insolentiusque jactant; hi dum ædificant, tamquam beati; dum prædiis lectis, familiis magnis, conviviis apparatus delectantur, in tantum æs alienum inciderunt, ut, si salvi esse velint, Sulla sit iis ab inferis excitandus; qui etiam nonnullos agrestes, homines tenues, atque egentes, in eandem illam spem rapinarum veterum impulerunt; quos ego utrosque, Quirites, in eodem genere prædatorum, direptorumque pono; sed eos hoc moneo, desinant furere, ac proscriptiones, & dictaturas cogitare; tantus enim illorum temporum dolor inustus est civitati, ut jam ista non modo homines, sed nec pecudes quidem mihi passuræ esse videantur. Quartum genus est sane varium, & mixtum, & turbulentum: qui jampridem premuntur: qui nunquam emergent: qui partim inertia, partim male gerendo

gerendo negotio, partim etiam sumptibus in vetera aere alieno vacillant: qui vadimoniiis, iudiciis, proscriptionibus bonorum defatigati, permulti & ex urbe, & ex agris se in illa castra conferre dicuntur; hosce ego non tam milites acres, quam inficiatores lentos esse arbitror; qui homines primum, si stare non possunt, corruant, sed ita, ut non modo civitas, sed ne vicini quidem proximi sentiant; nam illud non intelligo, quomobrem, si vivere honeste non possunt, perire turpiter velint; aut euiusmodi dolore perituros se cum multis, quam si soli pereant, arbitrentur. Quantum genus est parricidarum, sicariorum, denique omnium facinorosorum, quos ego a Catilina non revoco; nam neque divelli ab eo possunt; & pereant sane in latrocinio, quoniam sunt ita multi, ut eos carcer capere non possit. Postremum autem genus est non solum numero, verum etiam genere ipso, atque vita, quod proprium est Catilinæ, de ejus delectu, immo vero de complexu ejus, ac sinu, quos pexo capillo nitidos, aut imberbes, aut bene barbatos videtis, manicatis, & talaribus tunicis, velis amictos, non togis: quorum omnis industria vitæ, & vigilandi labor in antelucanis cœnis expromitur; in his gregibus omnes aleatores, omnes adulteri, omnes impuri, impudicique versantur; hi pueri tam lepidi, ac delicati, non solum amare, & amari, neque cantare, & saltare, sed etiam fœas vibrare, & spargere vanæ didicerunt: qui nisi exeunt, nisi pereunt, etiam si Catilina perierit, scitote hoc in repub. seminarium Catilinarium futurum; verumtamen quid sibi isti miseri volunt? num suas secum mulierculas sunt in castra ducturi? quemadmodum autem illis carere poterunt, his præsertim jam noctibus? quod autem pasto illi Apenninum, atque illas pruinas, ac nives perferent? nisi idcirco se facilius hyemem toleraturos putant, quod in conviviis nudi saltare didicerunt; o bellum magnopere pertimescendum, cum hanc sit habiturus Catilina scortatorum cohortem prætoriam! Instruite nunc, Quirites, contra has tam præclaras Catilinæ copias vestra præsidia, vestreque exercitus: & primum gladiator illi confecto, & faucibus consulibus, imperatoresque vestros opponite: deinde contra illam naufragorum ejectam, ac debilitatam manum florem totius Italiæ, ac robur educite; jam vero urbes coloniarum, ac municipiorum respondebunt Catilinæ tumultibus silvestribus; neque vero cæteras copias, ornamenta, præsidia vestra cum illis latronis inopia, atque egestate debeo conferre; sed si, omissis his rebus omnibus, quibus nos suppeditamus, eget ille senatu, equitibus R., populo, urbe, ærario, vestigalibus, cuncta Italia, provinciiis omnibus, exteris nationibus; si, inquam, his rebus omissis, ipsas causas, quæ inter se configunt, contendere velimus: ex eo ipso, quam valde illi jaceant, intelligere possumus; ex hac enim parte pudor pugnat, illinc petulantia; hinc pudicitia, illinc stuprum; hinc fides, illinc fraudatio; hinc pietas, illinc scelus; hinc con-

stantia, illine furor; hinc honestas, illine turpitudine; hinc continentia, illine libido; hinc denique equitas, temperantia, fortitudo, prudentia, virtutes omnes certant cum iniquitate, cum luxuria; cum ignavia, cum temeritate, cum vitis omnibus: postremo copiz cum egestate, bona ratio cum perdita, meas sana cum amentia, bona denique spes cum omnium rerum desperatione configit; in hujusmodi certamine, ac praelio nonne, etiam si hominum studia deficiant, dii ipsi immortales cogent ab his præclarissimis virtutibus tet, & tanta vitia superari? Quam cum ita sint, Quirites, vos, quemadmodum jam antea dixi, vestra testa custodiis, vigiliisque defendite: mihi, ut urbi sine vestro motu, ac sine ullo tumultu satis esset prædiis, consultum, ac provisum est; coloni omnes, municipesque vestri certiores a me facti de hac nocturna excursionem Catilinæ, facile urbes suas, finesque defendent; gladiatores, quam sibi ille maximam manum, & certissimam fore putavit, quamquam meliore animo sunt, quam pars patriciorum, potestate tamen in vestra contrhebuntur. Q. Metellus, quem ego prospiciens hoc, in agrum Gallicanum, Picenumque præmissi, aut opprimet hominem, aut omnes ejus motus, conatusque prohibebit; reliquis autem de rebus constituendis, maturandis, agendis jam ad senatum referemus, quem vocari videtis. Nunc illos, qui in urbe remanserunt, atque adeo qui contra urbis salutem, omniumque vestrum in urbe a Catilina relictis sunt, quamquam sunt hostes, tamen, quia nati sunt cives, monitos etiam atque etiam volo; mea lenitas adhuc si cui solutior visa est, hoc expectavit, ut id, quod latebat, erumperet; quod reliquum est, jam non possum oblivisci, meam hanc esse patriam, me horum esse consulem, mihi aut cum his vivendum, aut pro his esse moriendum; nullus est portæ custos, nullus insidiator viæ: si qui exire volunt, consulere sibi possunt: qui vero in urbe se commoverit, ejus ego non modo factum, sed inceptum illum, conatumve contra patriam deprehendero, sentiet in hac urbe esse consules vigilantes, esse egregios magistratus, esse fortem senatum, esse arma, esse carcerem, quem vindicem nefariorum, ac manifestorum scelerum majores nostri esse voluerunt; atque hæc omnia sic agentur, Quirites, ut res maximæ minimo motu, pericula summa nullo tumultu, bellum intestinum, ac domesticum, post hominum memoriam crudelissimum, & maximum, me uno togato duce, & imperatore, sedetur; quod ego sic administrabo, Quirites, ut si ullo modo fieri poterit, ne improbus quidem quisquam in hac urbe poenam sui sceleris sufferat; sed si vis manifestæ audaciæ, si impendens patriæ periculum me necessario de hac animi lenitate deduxerint: illud profecto perficiam, quod in tanto, & tam insidioso bello vix optandum videtur, ut neque bonus quisquam intereat, paucorumque poena vos omnes jam salvi esse possitis; quæ quidem ego neque mea pruden-

dentia, neque humanis consiliis fretus polliceor vobis, Quirites, sed multis, & non dubiis deorum immortalium significationibus: quibus ego ducibus in hanc spem, sententiamque sum ingressus: qui jam non procul, ut quondam solebant, ab extero hoste, atque longinquo, sed hic praesentes suo numine, atque auxilio sua templa, atque urbis testa defendunt: quos vos, Quirites, precari, venerari, atque implorare debetis, ut, quam urbem pulcherrimam, florentissimam, potentissimamque esse voluerunt, hanc, omnibus hostium copiis terra marique superatis, a perditissimorum civium nefario scelere defendant.

## M. TULLII CICERONIS

### ORATIO

## PRO A. LICINIO ARCHIA

### POETA.

### ARGUMENTUM.

*Quaestio est: An Archias sit segregandus a numero civium Romanorum: Accusator, Gracchus quidam, qui ei moverat hanc civitatis controversiam: Reus, Archias: Patronus, Cicero: Personae iudicii, Praetor cum Iudicibus. Habita est anno U. C. (sunt, qui velint) 691.*

**S**I quid est in me ingenii, iudices, quod sentio, quam sit exiguum: aut si qua exercitatio dicendi, in qua me non inficior mediocriter esse versatum; aut si huiusce rei ratio aliqua, ab optimarum artium studiis, & disciplina profecta, a qua ego nullum confiteor ætatis meæ tempus abhorruisse: earum rerum omnium vel in primis hic A. Licinius fructum a me repetere prope suo jure debet; nam quod longissime potest mens mea respicere spatium præteriti temporis, & pueritiæ memoriam recordari ultimam, inde usque repetens, hunc video mihi principem & ad suscipiendam, & ad ingrediendam rationem horum studiorum extitisse; quod si hæc vox hujus hortatu, præceptis conformata, nonnullis aliquando saluti fuit: a quo id accepimus, quo cæteris opitulari, & alios servare possemus, huic profecto ipsi, quantum est situm in nobis, & opem, & salutem ferre debemus. Ac ne quis a nobis hoc ita dici forte miretur, quod alia quædam in hoc facultas sit ingenii, neque hæc dicendi ratio, aut disciplina: nec nos quidem huic cuncti studio penitus unquam dediti fuimus; etenim

omnes

omnes artes, quæ ad humanitatem pertinent, habent quoddam commune vinculum, & quasi cognatione quadam inter se continentur. Sed, ne cui vestrum mirum esse videatur, me in questione legitima, & in iudicio publico, cum res agatur apud prætorem populi R. lectissimum virum; & apud severissimos iudices, tanto conventu hominum, ac frequentia, hoc uti genere dicendi, quod non modo a consuetudine iudiciorum, verum etiam a foren. si sermone abhorreat: quæso a vobis, ut in hac causa mihi detis hanc veniam, accommodatam huic reo, vobis, quem admodum spero, non molestat, ut me, pro summo poeta, atque eruditissimo homine dicentem, hoc concursu hominum litteratissimorum, hac vestra humanitate, hoc denique prætore exercente iudicium, patiamini de studiis humanitatis, ac litterarum paulo loqui liberius, & in ejusmodi persona, quæ propter otium, ac studium minime in judiciis, periculisque tractata est, uti prope novo quodam, & inusitato genere dicendi; quod si mihi a vobis tribui, concedique sentiam, perficiam profecto, ut hunc A. Licinium non modo non segregandum, cum sit civis, a numero civium, verum etiam, si non esset, putetis adsciscendum fuisse. Nam, ut primum ex pueris excessit Archias, atque ab iis artibus, quibus ætas puerilis ad humanitatem informari solet, se ad scribendi studium contulit: primum Antiochiæ (nam ibi natus est, loco nobili, & celebri quondam urbe, & copiosa, atque eruditissimis hominibus, liberalissimisque studiis affluenti) celeriter antecellere omnibus ingenii gloria contigit: post in cæteris Asiæ partibus, cunctaque Græcia sic ejus adventus celebrabatur, ut famam ingenii expectatio hominis, expectationem ipsius adventus, admiratioque superaret; erat Italia tunc plena Græcarum artium, ac disciplinarum; studiaque hæc & in Latio vehementius tum colebantur, quam nunc iisdem in oppidis; & hic Romæ propter tranquillitatem reip. non negligebantur; itaque hunc & Tarentini, & Rhegini, & Neapolitani civitate, cæterisque præmiis donarunt; & omnes, qui aliquid de ingeniis poterant judicare, cognitione, atque hospitio dignum existimarunt; hac tanta celebritate famæ cum esset jam absentibus notus, Romam venit Mario consule, & Catulo; nactus est primum consules eos, quorum alter res ad scribendum maximas, alter cum res gestas, tum etiam studium, atque aures adhibere posset; statim Luculli, cum prætextatus etiam tum Archias esset, eum domum suam receperunt; sed enim hoc non solum ingenii, ac litterarum, verum etiam naturæ, atque virtutis fuit, ut domus, quæ hujus adolescentiæ prima fuerit, eadem esset familiarissima senectuti; erat temporibus illis jucundus Q. Metello illi Numidico, & ejus Pio filio: audiebatur a M. Æmilio: vivebat cum Q. Catulo & patre, & filio: a L. Crasso colebatur. Lucullos vero, & Drusum, & Octavios, & Catonem, & totam Hortensiorum domum devinctam consuetudine cum tenebat, afficiebatur sum-

summo honore, quod eum non solum colebant, qui aliquid percipere, atque audire studebant, verum etiam si qui forte simulabant. Interim, satis longo intervallo, cum esset cum L. Lucullo in Ciliciam profectus; & cum ex ea provincia cum eodem Lucullo decederet; venit Heracleam: quæ cum esset civitas æquissimo jure, ac fœdere, adscribi se in eam civitatem voluit; idque, cum ipse per se dignus putaretur, tum auctoritate, & gratia Luculli ab Heraclicensibus impetravit. Data est civitas Silvani lege, & Carbonis; si qui fœderatis civitatibus adscripti fuissent; si tum, cum lex ferebatur, in Italia domicilium habuissent; & si sexaginta diebus apud prætorem essent professi; cum hic domicilium Romæ multos jam annos haberet, professus est apud prætorem Q. Metellum, familiarissimum suum. Si nihil aliud, nisi de civitate, ac lege dicimus; nihil dico amplius; causa dicta est; quid enim horum infirmari, Gracche, potest? Heracleam ne esse eum adscriptum negabis? adest vir summa auctoritate, & religione, & fide, L. Lucullus, qui se non opinari, sed scire; non audisse, sed vidisse; non interfuisse, sed egisse dicit; adfuit Heraclicenses legati, nobilissimi homines; qui hujus judicii causa cum mandatis, & cum publico testimonio venerunt, qui hunc adscriptum Heraclicensem dicunt. Hic tu tabulas desideras Heraclicensium publicas, quas Italico bello, incendio tabulario, interivisse scimus omnes. Est ridiculum ad ea, quæ habemus, nihil dicere; querere, quæ habere non possumus; & de hominum memoria tacere, literarum memoriam flagitare; & cum habeas amplissimi viri religionem, integerrimi municipii jusjurandum, fidemque, ea, quæ depravari nullo modo possunt, repudiare; tabulas, quas idem dicis solere corrumpi, desiderare. At domicilium Romæ non habuit: is, qui tot annis ante civitatem datam, sedem omnium rerum, ac fortunarum suarum Romæ collocavit. At non est professus. Immo vero iis tabulis professus, quæ solæ ex illa professione, collegioque prætorum obtinent publicarum tabularum auctoritatem; nam, cum Appii tabulæ negligentius asservatæ dicerentur; Gabinii, quamdiu incolumis fuit, levitas, post damnationem calamitas omnem tabularum fidem resignasset; Metellus, homo sanctissimus, modestissimusque omnium, tanta diligentia fuit, ut ad L. Lentulum prætorem, & ad judices venerit, & unius nominis litura se commotum esse dixerit. His igitur tabulis nullam lituram in nomine A. Licinii videtis; quæ cum ita sint; quid est, quod de ejus civitate dubitetis? præsertim cum aliis quoque in civitatibus fuerit adscriptus; etenim cum mediocribus multis, & aut nulla, aut humili aliqua arte præditis gratuito civitatem in Græciâ homines impertiebantur; Rheginos credo, aut Locrenses, aut Neapolitanos, aut Tarentinos, quod scenis artificibus largiri solebant, id huic, summa ingenii præditi gloriæ, noluisse; quid? cum ceteri non modo post civitatem datam, sed

etiam

etiam post legem Papiam aliquo modo in eorum municipiorum tabulas irrepperint; hic, qui ne utitur quidem illi, in quibus est scriptus, quod semper se Heracliensem esse voluit, rejicietur? Census nostros requiris scilicet; est enim obscurum proximis censoribus hunc cum clarissimo imperatore L. Lucullo apud exercitum fuisse, superioribus cum eodem quaestore fuisse in Asia, primis Julio, & Crasso, nullam populi partem esse censam; sed, quoniam census non jus civitatis confirmat, at tantummodo indicat eum, qui sit census, ita se jam tum gessisse pro civitate: iis temporibus, quæ tu criminaris, ne ipsius quidem iudicio eum in civium R. jure esse versatur: & testamentum sæpe fecit nostris legibus, & adiit hereditates cum R. & in beneficiis ad ætariam delatus est a L. Lucullo prætor, & consule; quære argumenta, si qua potes; numquam enim hic neque suo, neque amicorum iudicio revinctur. Quæres a nobis, Gracche, cur tantopere hoc hominem delectemur? quia suppeditat nobis, ubi & animus ex hoc forensi strepitu reficiatur; & aures, convicio defessæ, conquiescant; an tu existimas, aut suppetere nobis posse, quod quotidie dicamus in tanta varietate rerum, nisi animos nostros doctrina excolamus: aut ferre animos tantam posse contentionem, nisi eos doctrina eadem relaxemus? ego vero fateor me his studiis esse deditum; ceteros pudeat, si qui in se literis abdiderunt, ut nihil possint ex his neque ad communem asferre fructum, neque in adspæctum, lucemque proferre; me autem quid pudeat, qui tot annos ita vivo, iudices, ut ab illis nullo me umquam tempore aut commodum, aut otium meum abstraxerit, aut voluptas avocarit, aut denique somnus retardarit? quare quis tandem me reprehendat, aut quis mihi jure succenseat, si, quantum ceteris ad suas res obeundas, quantum ad festos dies ludorum celebrandos, quantum ad alias voluptates, & ad ipsam requiem animi, & corporis conceditur temporis, quantum alii tribuunt intempestivis conviviis, quantum denique aleæ, quantum pilæ, tantum mihi egomet ad hæc studia recolenda sumptero? atque hoc eo mihi concedendum est magis, quod ex his studiis hæc quoque crescit oratio, & facultas; quæ quantacumque in me est, nunquam amicorum periculis defuit. Quæ si cui levior videtur; illa quidem certe, quæ summa sunt, ex quo fonte hauriam, sentio; nam, nisi multorum præceptis, multisque literis mihi ab adolescentia suavissem, nihil esse in vita magnopere expetendum, nisi laudem, atque honestatem; in ea autem persequenda omnes cruciatus corporis, omnia pericula mortis, atque exilii parvi esse dicenda: nunquam me pro salute vestra in tot, ac tantas dimicationes, atque in hos præligatorum hominum quotidianos impetus objecissem; sed pleni omnes sunt libri, plene sapientum voces, plena exemplorum vetustas: quæ jacerent in tenebris omnia, nisi literarum lumen accederet; quam multas nobis imagines, non solum ad intueundum;

verum etiam ad imitandum, fortissimorum virorum expressas, scriptores & Græci, & Latini reliquerunt? quas ego mihi semper in administranda rep. proponens, animum, & mentem meam ipsa cogitatione hominum excellentium conformabam. Quæret quispiam, quid? illi ipsi summi viri, quorum virtutes literis proditæ sunt, ista ne doctrina, quam tu laudibus effers, eruditi fuerunt? difficile est hoc de omnibus confirmare: sed tamen est certum, quid respondeam; ego multos homines excellenti animo, ac virtute fuisse, & sine doctrina, naturæ ipsius habitu prope divino, per se ipsos & moderatos, & graves extitisse fateor: etiam illud adjungo, sæpius ad laudem, atque virtutem naturam sine doctrina, quam sine natura valuisse doctrinam; atque idem ego contendo, cum ad naturam eximiam, atque illustrem accesserit ratio quædam, conformatiæque doctrinæ, tum illud nescio quid præclarum, ac singulare solere existere; ex hoc esse hunc numero, quem patres nostri viderunt, divinum hominem, Africanum; ex hoc C. Lælium, L. Furium, modestissimos homines, & continentissimos: ex hoc fortissimum virum, & illis temporibus doctissimum M. Catonem illum senem: qui profecto si nihil ad percipiendam, colendamque virtutem litteris adjuvarentur, nunquam se ad earum studium contulissent; quod si non hic tantus fructus ostenderetur; & si ex his studiis delectatio sola peteretur: tamen, ut opinor, hanc animi remissionem humanissimam, ac liberalissimam judicaretis; nam cæteræ neque temporum sunt, neque ætatum omnium, neque locorum: hæc studia adolescentiam alunt, senectutem oblectant, secundas res ornant, adversis perfugium, ac solatium præbent, delectant domi, non impediunt foris, pernoctant nobiscum, peregrinantur, rusticantur. Quod si ipsi hæc neque attingere, neque sensu nostro gustare possemus; tamen ea mirari deberemus, etiam cum in aliis videremus. Quis nostrum tam animo agresti, ac duro fuit, ut Roscii morte nuper non commoveretur? qui cum esset senex mortuus, tamen propter excellentem artem, ac venustatem, videbatur omnino mori non debuisse; ergo ille corporis motu tantum amorem sibi conciliarat a nobis omnibus: nos animorum incredibiles motus, celeritatemque ingeniorum negligemus? Quoties ego hunc Archiam vidi, iudices, (utar enim vestra benignitate, quoniam me in hoc novo genere dicendi tam diligenter attenditis) quoties ego hunc vidi, cum literam scripsisset nullam, magnum numerum optimorum versuum de iis ipsis rebus, quæ tum agerentur, dicere ex tempore? quoties revocatum eandem rem dicere commutatis verbis, atque sententiis? quæ vero accurate, cogitateque scripsisset, ea sic vidi probati, ut ad veterum scriptorum laudem pervenirent. Hunc ego non diligam? non admirer? non omni ratione defendendum putem? atque sic a summis hominibus, eruditissimisque accepimus, cæterarum rerum studia &



dia & doctrina, & præceptis, & arte constare; poetam natura ipsa valere, & mentis viribus excitari, & quasi divino quodam spiritu afflari; quare suo jure noster ille Ennius sanctos appellat poetas; quod quasi deorum aliquo dono, atque munere commendati nobis esse videantur. Sit igitur, judices, sanctum apud vos, humanissimos homines, hoc poetæ nomen, quod nulla umquam barbaria violavit; saxa, & solitudines voci respondent; bestiae sæpe immanes cantu flectuntur, atque consistunt: nos instituti rebus optimis non poetarum voce moveamur? Homerum Colophonii civem esse dicunt suum, Chii suum vendicant, Salaminii repetunt, Smyrni vero suum esse confirmant; itaque etiam delubrum ejus in oppido dedicaverunt: permulti alii præterea pugnant inter se, atque contendunt; ergo illi alienum, quia poeta fuit, post mortem etiam expetunt: nos hunc vivum, qui & voluntate, & legibus noster est, repudiabimus? præsertim cum olim studium, atque omne ingenium contulerit Archias ad populi R. gloriam, laudemque celebrandam, nam & Cimbricas res adolescens attigit; & ipsi illi C. Mario, qui durior ad hæc studia videbatur, jucundus fuit; neque enim quisquam est tam aversus a musis, qui non mandari versibus æternum suorum laborum facile præconium patiatur. Themistoclem illum, summum Athenis virum, dixisse ajunt, cum ex eo quæreretur, quod acroama, aut cujus vocem libentissime audiret; ejus, a quo sua virtus optime prædicaretur; itaque ille Marius item eximie L. Plotium dilexit, cujus ingenio putabat ea, quæ gesserat, posse celebrari, Mithridaticum vero bellum, magnum, atque difficile, & in multa varietate terra, marique versatum, totum ab hoc expressum est: qui libri non modo L. Lucullum, fortissimum, & clarissimum virum, verum etiam populi R. nomen illustrent; populus enim R. aperuit, Lucullo imperante, Pontum, & regis quondam opibus, & ipsa natura regionis vallatum; populi R. exercitus, eodem duce, non maxima manu, innumerabiles Armeniorum copias fudit: populi R. laus est, urbem amicissimam Cyzicenorum ejusdem consilio ex omni impetu regio, ac totius belli ore, ac faucibus ereptam esse, atque conservatam: nostra semper feretur, & prædicabitur. L. Lucullo dimicante, cum interfectis ducebus depressa hostium classis, & incredibilis apud Tenedum pugna illa navalis: nostra sunt trophæa, nostra monumenta, nostri triumphus; quare, quorum ingeniis hæc feruntur, ab iis populi R. fama celebratur: carus fuit Africano superiori noster Ennius: itaque etiam in sepulcro Scipionum putatur is esse constitutus e marmore; at iis laudibus certe non solum ipsi, qui laudantur, sed etiam populi R. nomen ornatur, in cælum hujus proavus Cato tollitur: magnus honos populi R. rebus adjungitur: omnes denique illi Maximi, Marcelli, Fulvii non sine communi omnium nostrum laude decorantur; ergo illum, qui hæc fecerat, Rudium hominem majores nostri in ci-

vitationem receperunt: nos hunc Heractienſem, a multis ci-  
 vitatibus expetitur, in hac autem legibus conſtitutum,  
 de noſtra civitate ejiciemus? Nam ſi quis minorem glo-  
 riæ fructum putat ex Græcis verſibus percipi, quam ex  
 Latinis, vehementer errat: propterea quod Græca legun-  
 tur in omnibus ſere gentibus, Latina ſuis finibus, exiguis  
 ſane, continentur; quare, ſi res eæ, quas geſſimus, or-  
 bis terræ regionibus definiuntur; cupere debemus, quo  
 manuum noſtrarum tela pervenerint, eodem gloriam,  
 tamamque penetrare: quod, cum ipſis populis, de quo-  
 rum rebus ſcribitur, hæc ampla ſunt; tum iis certe, qui  
 de vita, gloriæ cauſa, dimicant, hoc maximum & peri-  
 culorum incitamentum eſt, & laborum. Quam multos  
 ſcriptores rerum ſuarum magnus ille Alexander ſecum ha-  
 buiſſe dicitur atque is tamen, cum in Sigæo ad Achillis  
 tumulum adſitiſſet, O fortunate, inquit, adoleſcens,  
 qui tuæ virtutis Homerum præconem inveneris; & verè:  
 nam niſi Ilias extitiſſet illa, idem tumulus, qui corpus  
 ejus contexerat nomen etiam obruiſſet. Quid noſter hic  
 Magnus, qui cum virtute fortunam adæquavit? nonne  
 Theophanem M tylenſem, ſcriptorem rerum ſuarum, in  
 concione militum, civitate donavit; & noſtri illi fortes  
 viri, ſed ruſtici, ac milites, dulcedine quadam gloriæ  
 commoti, quaſi participes ejusdem laudis, magno illud  
 elaimore approbaverunt? itaque, credo, ſi civis R. Ar-  
 chias legibus non eſſet, ut ab aliquo imperatore civitate  
 dñaretur, perficere non potuit. Sulla, cum Hiſpanos,  
 & Gallos donaret, credo, hunc petentem repudiaſſet:  
 quem nos in concione vidimus, cum ei libellum malus  
 poeta de populo ſubjeciſſet, quod epigramma in eum fe-  
 ciſſet tantummodo alternis verſibus longiuſculis, ſtatim  
 ex iis rebus, quaſtunc vendebat, jubere ei præmium tri-  
 bui, ſub ea conditione, ne quid poſtea ſcriberet; qui ſe-  
 dulitatem mali poetæ duxerit aliquo tamen præmio di-  
 gnæ, hujus ingenium, & virtutem in ſcribendo, & co-  
 piam non expetiſſet? Quid? a Q. Metello Pio, familia-  
 riſſimo ſuo, qui civitate multos donavit, neque per ſe,  
 neque per Lucullos impetraviſſet? qui præſertim uſque eo  
 de ſuis rebus ſcribi cuperet, ut etiam Cordubæ natis poe-  
 tis, pingue quiddam ſonantibus, atque peregrinum, ta-  
 men aures ſuas dederet, neque enim eſt hoc diſſimulan-  
 dum, quod obſcurari non poteſt, ſed præ nobis feren-  
 dum; trahimur omnes laudis ſtudio, & optimus quiſque  
 maxime gloria ducitur; ipſi illi philoſophi, etiam in illis  
 libellis, quos de contemnenda gloria ſcribunt, nomen  
 ſuum inſcribunt: in eo ipſo, in quo prædicationem, no-  
 bilitatemque deſpiciunt, prædicari ſe, ac nominari volunt.  
 Decius quidem Brutus, ſummus ille vir, & imperator,  
 Attii, amiſſimi ſui, carminibus templorum, ac monu-  
 mentorum adiuſus exornavit ſuorum. Jam vero ille, qui  
 cum Ætolis, Ennio comite, bellavit, Fulvius, non du-  
 bitavit Martis manubias Muſis conſecrare. Quare in qua  
 urbe imperatores prope armati poetarum nomen, & Mu-  
 ſarum

farum delubra coluerunt, in ea non debent rogati iudices a Musarum honore, & a poetarum salute abhorre-  
re. Atque, ut id libentius faciatis, jam me vobis, iudices, indicabo, & de meo quodam amore gloriæ, nimis agri fortasse, verumtamen honesto, vobis confitebor; nam, quas res nos in consulatu nostro vobiscum simul pro salute hujus urbis, atque imperii, & pro vita civium, proque universa rep. gessimus, attigit hic versibus, atque inchoavit: quibus auditis, quod mihi magna res & jucunda visa est, hunc ad perficiendum hortatus sum; nullam enim virtus aliam mercedem laborum, periculorumque desiderat, præter hanc laudis, & gloriæ: quæ quidem detracta, iudices, quid est, quod in hoc tam exiguo vitæ curriculo, & tam brevi, tantis nos in laboribus exerceamus? certe, si nihil animus præsentiret in posterum; & si, quibus regionibus vitæ spatium circumscriptum est, eisdem omnes cogitationes terminaret suas: nec tantis se laboribus frangeret, neque tot curis, vigiliisque angeretur, nec toties de vita ipsa dimicaret; nunc insidet quædam in optimo quoque virtus, quæ noctes, & dies animum gloriæ stimulis concitat, atque admonet, non cum vitæ tempore esse dimetiendam commemorationem nominis nostri, sed cum omni posteritate adæquandam; an vero tam parvi animi videamur esse omnes, qui in rep. atque in his vitæ periculis, laboribusque versamur, ut, cum usque ad extremum spatium nullum tranquillum, atque otiosum spiritum duxerimus, nobiscum moritura omnia arbitremur? an, cum statuas, & imagines, non animorum simulacra, sed corporum, studiose multi summi homines reliquerint; consiliorum relinquere, ac virtutum nostrarum effigiem nonne multo malle debemus, summis ingeniis expressam, & politam? ego veso omnia, quæ gerebam, jam tum in gerendo spargere me, ac diffeminare arbitrabar in orbis terræ memoriam sempiternam; hæc vero sive a meo sensu post mortem absorta sunt, sive, ut sapientissimi homines putaverunt, ad aliquam animi mei partem pertinebunt, nunc quidem certe cogitatione quadam, speque delector. Quare conservate, iudices, hominem pudore eo, quem amicorum studiis videtis comprobati, tum dignitate, tum etiam venustate; ingenio autem tanto, quantum id convenit existimari, quod summorum hominum ingeniis expetitur esse videtis; causa vero ejusmodi, quæ beneficio legis, auctoritate municipii, testimonio Luculli, tabulis Metelli comprobetur. Quæ cum ita sint, petimus a vobis iudices, si qua non modo humana, verum etiam divina in tantis negotiis commendatio debet esse, ut eum, qui vos, qui vestros imperatores, qui populi R. res gestas semper ornavit, qui etiam his recentibus nostris, vestrisque domesticis periculis æternum se testimonium laudum daturum esse profitetur, quique est eo hominum numero, qui semper apud omnes sancti sunt habiti, atque dicti, sic in vestram accipiat fidem, ut humanitate vestra levatus po-  
tius,

tius, quam acerbitate violatus esse videatur. Quæ de causa pro mea consuetudine breviter, simpliciterque dixi, iudices, ea confido probata esse omnibus: quæ non fori, neque judiciali consuetudine, & de hominis ingenio, & communiter de ipsius studio locutus sum, ea, iudices, a vobis spero esse in bonam partem accepta: ab eo, qui iudicium exercet, certe scio.

# M. TULLII CICERONIS

## O R A T I O .

### POST REDITUM

### AD QUIRITES.

### A R G U M E N T U M .

*Cicero, anno ætatis suæ 49. rogatione Clodii Tr. plebis iussus fuerat exulare. Post exilium sexdecim (scribunt alii, decem) mensium, ex S. C. & lege restitutus in Patriam, reversusque Romam pridie Non. Sept. hac oratione Civibus Romanis gratias agit, commemorans beneficii magnitudinem, & reditus honorem; & omnia grati animi officia erga pop. Romanum pollicitetur. Habita est a no U. C. 696. Quidam suspicantur scriptam, non habitam.*

**Q**UOD præcatus a Jove optimo maximo, cæterisque diis immortalibus sum, Quirites, eo tempore, cum me, fortunaſque meas pro vestra incolumitate, otio, concordiaque devovi, ut, si meas rationes unquam vestræ saluti anteposuissem, sempiternam poenam sustinerem mea voluntate susceptam: sin & ea, quæ ante gesseram, conservandæ civitatis causa gessissem, & illam miseram profectionem vestræ salutis gratia suscepissem, ut, quod odium scelerati homines, & audaces in rempubl. & in omnes bonos conseptum jamdiu continerent, id in me unum potius, quam in optimum quemque, & in universam rempubl. defluerent: hoc si animo in vos, liberosque vestros fuisset, ut aliquando vos, patres conscriptos, Italiamque universam memoria mei, inſericordia, desideriumque teneret: ejus devotionis me esse convictum iudicio deorum immortalium, testimonio senatus, consensu Italiæ, confessione inimicorum, beneficio divino, immortalique vestro, maxime lætor, Quirites. Et si homini nihil est magis optandum, quam prospera, æquabilis, perpetuaque fortuna, secundo vitæ sine ulla offensione cursu: tamen, si mihi tranquilla, & placata omnia fuissent, incredibili quadam, & pæ-

ne divina, quam nunc, vestro beneficio, fruor, lætitiæ voluptate caruissem. Quid dulcius hominum generi a natura datum est, quam sui cuique liberi? mihi vero, & propter indulgentiam meam, & propter excellens eorum ingenium, vita sunt mea cariores; tamen non tanta voluptate erant suscepti, quanta nunc sunt restituti. Nihil cuiquam fuit umquam jucundius, quam mihi meus frater; non tam id sentiebam, cum truebar, quam tunc, cum carebam, & posteaquam vos me illi, & mihi eum reddidistis. Res familiaris sua quemque delectat: reliquæ meæ fortunæ recuperatæ plus mihi nunc voluptatis afferunt, quam tunc incolumi afferebant. Amicitie, consuetudines, vicinitates, clientelæ, ludi denique, & dies festi quid haberent voluptatis, carendo magis intellexi, quam fruendo. Jam vero honos, dignitas, locus, ordo, beneficia vestra, quamquam mihi semper clarissima visa sunt, tamen ea nunc renovata illustriora videntur, quam si obscurata non essent: Ipsa autem patria, dii immortales, dici vix potest, quid caritatis, quid voluptatis habet? quæ species Italiæ! quæ celebritas oppidum! quæ forma regionum! qui agri! quæ fruges! quæ pulchritudo urbis! quæ huminitas civium! quæ reip. dignitas! quæ vestra majestas! quibus ego omnibus antea rebus sic truebar, ut nemo magis; sed, tamquam bona valetudo jucundior est eis, qui e gravi morbo recreati sunt, quam qui numquam ægro corpore fuerunt: sic ea omnia desiderata magis, quam assidue percepta, delectant. Quorsum igitur hæc disputo? quorsum? ut intelligere possitis, neminem unquam tanta eloquentia fuisse, neque tam divino, atque incredibili genere dicendi, qui vestrorum magnitudinem, multitudinemque beneficiorum, quæ in me, fratremque meum, liberosque nostros contulistis, non modo augere, aut ornare oratione, sed enumerare, aut consequi possit. A parentibus, id quod necesse erat, parvus sum procreatus, a vobis natus sum consularis; illi mihi fratrem incognitum, qualis futurus esset, dederunt; vos spectaculum, & incredibili pietate cognitum reddidistis; temp. illis accepi temporibus eam, quæ pœne amissa est; a vobis eam recuperavi, quam aliquando omnes unius opere servatam judicaverunt; dii immortales mihi liberos dederunt, vos reddidistis; multa præterea a diis immortalibus optata consecuti sumus; nisi vestra voluntas fuisset, omnibus divinis muneribus caruissemus; vestros denique honores, quos eramus gradatim singulos affecti, nunc a vobis universos habemus: ut, quantum antea parentibus, quantum diis immortalibus, quantum vobismet ipsis, tantum hoc tempore universo cuncta populo R. debeamus; nam cum in ipso beneficio vestro tanta magnitudo est, ut eam complecti oratione non possim: tum in studiis vestris tanta animorum declarata est voluntas, ut non solum calamitatem mihi detraxisse, sed etiam dignitatem auxisse videamini. Non enim pro meo reditu, ut pro P. Popillii, nobilissimi hominis, adolescentes filii, &

multi præterea cognati, atque affines, deprecati sunt; non, ut pro Q. Metello, clarissimo viro, jam spectata ætate filius; non L. Dalmaticus consularis, summa auctoritate vir; non Q. Metellus censorius; non eorum liberi; non Q. Metellus Nepos, qui tum consulatum petebat; non sororum filii Luculli, Servilii, Scipiones: permulti enim tum Metelli, aut Metellarum liberi pro Q. Metelli reditu vobis, ac patribus vestris supplicaverunt; quod si ipse summa dignitas, maximæque res gestæ non satis valerent: tamen filii pietas, propinquorum preces, adolescentium squalor, majorum natu lacrymarum populum R. movere potuerunt; nam C. Marii, qui post illos veteres clarissimos consulares, vestra, patrumque memoria, tertius ante me consularis, subiit indignissimam fortunam præstantissima sua gloria, dissimilis fuit ratio; non enim ille deprecatione rediit, sed in dissensu civium, exercitu se, armisque revocavit. Me autem nudum a propinquis, nulla cognatione munitum, nullo armorum, ac tumultus metu, C. Pisonis, generi mei, divina quædam, & inaudita auctoritas, atque virtus, fratrisque mei miserrimi, atque optimi quotidianæ lacrymæ, sordesque lugubres a vobis deprecatæ sunt; frater erat unus, qui suo squalore vestros oculos inflecteret, qui suo fletu desiderium mei, memoriamque renovaret; qui statuerat, Quirites, si vos me sibi non reddidissetis, eandem subire fortunam: & tanto in me amore extitit, ut negaret fas esse non modo domicilio, sed ne sepulchro quidem se a me esse se junctum; pro me præsentē senatus, hominumque præterea viginti millia vestem mutaverunt: per eodem me absente unius squalorem, sordesque vidistis; unus hic, qui domi, qui in foro posset esse, mihi pietate filius inventus est, beneficio parens, amore idem, qui semper fuit, frater; nam conjugis miseræ squalor, & luctus, atque optimæ filiæ mœror assiduus, filique parvi desiderium mei, lacrymæque pueriles aut itineribus necessariis, aut magna parte testis, ac tenebris continebantur. Quare hoc majus est vestrum in nos promeritum, quod non multitudinī propinquorum, sed nobismet ipsis nos reddidistis; sed quoniam ad deprecandam calamitatem meam non assuerunt: sic illud, quod mea virtus præstare debuit, adjutores, auctores, hortatoresque ad me restituendum ita multi fuerunt, ut longe superiores omnes hac dignitate, copiaque superiorem. Numquam de P. Popillio, clarissimo, atque fortissimo viro, numquam de Q. Metello, nobilissimo, & constantissimo cive, numquam de C. Mario, custode civitatis, atque imperii vestri, in senatu mentio facta est; tribuniciis superiores illi rogationibus, nulla auctoritate senatus sunt restituti. Marius vero non modo non a senatu, sed etiam oppresso senatu est restitutus; nec rerum gestarum memoria in reditu C. Marii, sed exercitus, atque arma valuerunt; at de me, ut valeret, semper senatus flagitavit: ut aliquan-

do perficeretur, cum primum licuit, frequentia, atque auctoritate perfecit. Nullus in eorum reditu motus municipiorum, & coloniarum factus est: at me in patriam ter suis decretis Italia cuncta revocavit. Illi inimicis interfectis, magna civium cæde facta, reducti sunt: ego iis, a quibus ejectus sum, provincias obtinentibus, inimico autem optimo viro, & mitissimo, altero consule referente, reductus sum: cum is inimicus, qui ad meam perniciem vocem suam communibus hostibus præbisset, spiritu dumtaxat viveret, re quidem infra omnes mortuos amandatus esset. Numquam de P. Popillio L. Optimus, fortissimus consul, numquam de Q. Metello, non modo C. Marius, qui erat inimicus, sed ne is quidem, qui secutus est, M. Antonius, homo eloquentissimus, cum A. Albino collega senatum, aut populum est cohortatus; at pro me superiores consules semper, ut referrent, efflagitati sunt: sed veriti sunt, ne gratiæ causa fasces viderentur, quod alter mihi affinis erat, alterius causam capitis receperam: qui provinciarum fœdere irretiti, totum illum annum, querelas senatus, luctum bonorum, Italiæ gemitum pertulerunt. Kalendis vero Jan. posteaquam orba resp. consulis fidem, tanquam legitimi tutoris, imploravit, P. Lentulus consul, parens, deus, salus nostræ vitæ, fortunæ, memoriæ, nominis, simul ac de solemni religione retulit, nihil humanarum rerum sibi prius, quam de me, agendum iudicavit; atque eo die confecta res esset, nisi is tribunus pl. quem ego maximis beneficiis quaestorem consul ornaveram, cum & cunctus ordo, & multi eum summi viri orarent, & Cn. Oppius socer, optimus vir, ad pedes ejus flens jaceret, noctem sibi ad deliberandum postulasset: quæ deliberatio non in reddenda, quemadmodum nonnulli arbitrabantur, sed ut patefactum est, in augenda mercede consumpta est; postea res acta est in senatu alia nulla: & cum variis rationibus impediretur, voluntate tamen perspecta senatus, causa ad vos mense Jan. deferrebat; hic tantum interfuit inter me, & inimicos meos: ego cum homines in tribunali Aurelio palam conscribi, centuriarique vidissem: cum intelligerem veteres ad spem cædis Catilinæ copias esse revocatas; cum viderem ex ea parte homines, cujus partis nos vel principes numerabamur, partim quod mihi inviderent, partim quod sibi timerent, aut proditores esse, aut desertores salutis meæ; cum duo consules, empti pactione provinciarum, auctores se inimicis reip. tradidissent; cum egestatem, avaritiam, libidines suas viderent expleri non posse, nisi me constrictum domesticis hostibus dedissent; cum senatus, equitesque R. flere pro me, ac mutata veste vobis supplicare, edictis, atque imperiis vetarentur; cum omnium provinciarum pactiones, cum omnia cum omnibus fœdera, reconciliationes gratularum sanguine meo sancirentur; cum omnes boni non recusarent, quin vel pro me, vel mecum perirent: armis decertare pro mea salute nolui, quod

& vincere, & vinci luctuosum reip. fore putavi; at inimici mei mense Jan. cum de me ageretur, corporibus civium trucidatis, flumine sanguinis meum reditum intercludendum putaverunt. Itaque, cum ego abfui, eam remp. habuistis, ut æque me, atque illam restituendam putaretis; ego autem, in qua civitate nihil valeret senatus, omnis esset impunitas; nulla judicia, vis, & ferum in foro versarentur; cum privati se parietum præsidio, non legum, tuerentur: tribuni pl. vobis inspectantibus, vulnerarentur, ad magistratuum domos cum ferro, & facibus iretur; consulis sacces frangerentur; deorum immortalium templa incenderentur: remp. nullam esse putavi; itaque neque, rep. exterminata, mihi locum in hac urbe esse duxi; nec, si illa restitueretur, dubitavi, quin me secum ipsa reduceret. An ego, cum mihi esset exploratissimum, P. Lentulum proximo anno consulem futurum, qui, illis ipsis reip. periculosis temporibus, ædilis curulis, me consule omnium meorum consiliorum particeps, periculorumque socius fuisset, dubitarem, quin is me, confectum consularibus vulneribus, consulari medicina ad salutem reduceret? hoc duce, collega autem ejus, clementissimo, atque optimo viro, primo non adversante, post etiam adjuvante, reliqui magistratus pæne omnes fuerunt defensores salutis meæ: ex quibus excellenti animo, virtute, auctoritate, præsidio T. Annius, & P. Sextius, præstanti in me benevolentia, & divino studio extiterunt: eodemque P. Lentulo auctore, & pariter referente collega, frequentissimus senatus, uno dissentiente, nullo intercedente, dignitatem meam quibus potuit verbis amplissimis oravit, salutem vobis, municipiis, coloniisque omnibus commendavit; ita me nudum a propinquis, nulla cognatione munitum, consules, prætores, tribuni pl., senatus, Italia cuncta semper a vobis deprecata est: denique omnes, qui vestris maximis beneficiis, honoribusque sunt ornati, producti ad vos ab eodem, non solum ad me conservandum vos cohortati sunt, sed etiam rerum mearum gestarum auctores, testes, laudatoresque fuerunt; quorum princeps ad cohortandos vos, & ad rogandos fuit Cn. Pompejus, vir, omnium, qui sunt, fuerunt, erunt virtute, sapientia, ac gloria princeps: qui mihi unus uni privato amico eadem omnia dedit, quæ universæ reip. salutem, otium, dignitatem; cujus oratio fuit, quemadmodum accepi, tripartita; primum vos docuit, meis consiliis remp. esse servatam; causamque meam cum communi salute conjunxit; hortatusque est, ut auctoritatem senatus, statum civitatis, fortunas civis bene meriti defenderetis; tum in perorando posuit; vos rogari a senatu, rogari ab equitibus Rom. rogari ab Italia cuncta: denique ipse ad extremum pro mea vos salute non rogavit solum, verum etiam obsecravit; huic ego homini, Quirites, tantum debeo, quantum hominem homini debere vix fas est; hujus consilia, P. Lentuli sententiam, senatus auctoritatem



vos secuti, in eo me loco, in quo vestris beneficiis fueram, iisdem centuriis, quibus collocaratis, reposuistis; eodem tempore audistis eodem ex loco summos viros, ornatissimos, atque amplissimos homines, principes civitatis, omnes consulares, omnes prætorios eadem dicere, ut omnium testimonio, per me unum remp. conservatam esse, constaret; itaque, cum P. Servilius, gravissimus vir, & ornatissimus civis dixisset, opera mea remp. incolumem magistratibus deinceps traditam; dixerunt in eadem sententiam cæteri; sed audistis eo tempore clarissimi viri non solum auctoritatem, sed etiam testimonium L. Cællii: qui, quia suam classem attentatam magno cum suo periculo pene sensit, dixit in concione vestra, si ego consul, cum fui, non fuisset, remp. fuditus interituram fuisse. En ego tot testimoniis, Quirites, hac auctoritate senatus, tanta consensione Italiz, tanto studio bonorum omnium, agente P. Lentulo, consentientibus cæteris magistratibus, deprecante Cn. Pompejo, omnibus hominibus faventibus, diis denique immortalibus frugum ubertate, copia, vilitate reditum meum comprobantibus, mihi, meis, reip. restitutus, tantum vobis, quantum facere possum, Quirites, polliceor: primum, qua sanctissimi homines pietate erga deos immortales esse solent, eadem me erga populum Rom. semper fore, numenque vestrum æque mihi grave, & sanctum, ac deorum immortalium, in omni vita futurum: deinde, quoniam me in civitatem resp. ipsa reduxit, nullo me loco reip. defuturum. Quod si quis existimat, me aut voluntate esse mutata, aut debilitata virtute, aut animo fracto, vehementer errat. Mihi, quod potuit vis, & injuria, & sceleratorum hominum furor detrahere, eripuit, abstulit, dissipavit: quod viro forti adimi non potest, id manet, & permanebit; vidi ego fortunissimum virum, municipem meum, C. Marium, quoniam nobis quasi aliqua fatali necessitate non solum cum iis, qui hæc delere voluissent, sed etiam cum fortuna belligerandum fuit; cum tamen vidi, cum esset summa senectute, non modo non infracto animo propter magnitudinem calamitatis, sed confirmato, atque renovato; quem egomet dicere audivi, tum se fuisse miserum, cum careret patria, quam obsidione liberavisset; cum sua bona possideri ab inimicis, ac diripi audiret; cum adolescentem filium videret ejusdem socium calamitatis; cum in paludibus demersus, concursu, ac misericordia Minturnensium corpus ac vitam suam conservasset; cum parva navicula trajectus in Africam, quibus regna ipse dederat, ad eos inops, supplexque venisset: recuperata vero sua dignitate, se non commissurum, ut cum ea, quam amiserat, sibi restituta essent, virtutem animi non haberet, quam numquam perdidisset; sed hoc inter me, atque illum interest, quod ille, qua re plurimum potuit, ea ipsa re inimicos suos ultus est, armis; ego, qua consuevi, utar pietate: quoniam illi arti in bello, ac seditione locus est; huic in

pace, atque otio; quamquam ille animo irato nihil, nisi de inimicis ulciscendis, agebat: ego de ipsis inimicis tantum, quantum mihi resp. permittet, cogitabo. Denique, Quirites, quoniam me quatuor omnino genera hominum violarunt; unum eorum, qui odio resp. quod eam ipsis iniuris conservatam, mihi inimicissimi fuerunt; alterum, qui per simulationem amicitie nefarie prodiderunt; tertium, qui cum propter inertiam suam eadem assequi non possent, inviderunt laudi; & dignitati meae; quartum, qui cum custodes reipub. esse debuerunt, salutem meam, statum civitatis, dignitatem ejus imperii, quod erat pene ipsos, vendiderunt: sic ulciscar genera singula, quemadmodum a quibusque sum provocatus; malos cives, resp. bene gerendo; perfidos amicos, nihil credendo, atque omnia cavendo; invidos, virtuti & gloriae serviendo; mercatores provinciarum, revocando domum, atque ab iis provinciarum rationem repetendo. Quamquam mihi majori curae est, quemadmodum quidem vobis, qui de me estis optime meriti, gratiam referam, quam quemadmodum inimicorum injurias, crudelitatemque persequar; etenim ulciscendae injuriae facilius ratio est, quam beneficii remunerandi: propterea quod superiorem esse contra improbos, minor est negotii, quam bonis exaequari: tum etiam nec tam necessarium quidem est, male meritis, quam optime meritis, referre, quod debeas; odium vel precibus mitigari potest, vel temporibus resp. communique utilitate deponi, vel difficultate ulciscendi teneri, vel vetustate sedari: benemeritis quincolas, neque exorari fas est, neque id resp. repetere utcumque necesse est, neque est excusatio difficultatis, neque æquum est tempore, & die memoriam beneficii definitæ; postremo, qui in ulciscendo remissior fuit, mox aperte laudatur: at gravissime vituperatur, qui in tantis beneficiis, quanta vos in me contulistis, remunerandis est tardior; neque solum ingratus, quod ipsum grave est, verum etiam impius appelletur, necesse est; atqui in officio persolvendo dissimilis est ratio, & pecunia debita: propterea quod pecuniam qui retinet, non dissolvit; qui reddidit, non habet: gratiam & qui retulit, habet; & qui habet, dissolvit. Quapropter memoriam vestri beneficii colam benevolentia sempiterna, non solum dum anima spirabo mea, sed etiam cum mortuo monumenta vestri in me beneficii permanebunt; in referenda autem gratia hoc vobis repromitto, semperque præstabo, mihi neque in consiliis de repub. capiendis diligentiam, neque in periculis a repub. propulsandis animum, neque in sententia simpliciter referenda fidem, neque in hominum voluntatibus pro repub. ludentis libertatem, nec in perferendo labore industriam, nec in vestris commodis augendis gratam animi benevolentiam defuturam; atque hæc cura, Quirites, erit infixa animo meo sempiterna, ut cum vobis, qui apud deorum immortalium vim, & numen tenetis, tum posteris

vestris, cunctisque gentibus dignissimus ea civitate videretur, quæ suam dignitatem non posse tenere se, nisi me recuperasset; cunctis suffragiis iudicavit,

## M. TULLII CICERONIS

## O R A T I O

## P O S T R E D I T U M

## I N S E N A T U.

## A R G U M E N T U M.

*Ab exilio in Patriam Cicero restitutus, sicut superiore Oratione Populo, ita hac Senatui gratias agit; ubi commemorat, & amplificat ejus ordinis erga se merita; laudat Coss. P. Lentulum, & Q. Metellum: Tribunos plebis octo, & in iis præcipue Milonem, & Sextium septem Praetores, & Cn. Pompejum: postremo pollicetur studium suum erga Remp. Habita est eadem anno U. C. 696. Non. Septemb.*

**S**I, P. C. pro vestris immortalibus in me, fratremque meum, liberosque nostros meritis parum vobis cumulate gratias egero, quaeso, obtestorque, ne meæ naturæ potius, quam magnitudini vestrorum beneficiorum id tribuendum putetis; quæ enim tanta potest existere ubertas ingenii, quæ tanta dicendi copia, quod tam divinum, atque incredibile genus orationis, quo qui quam possit vestra in nos universa promerita, non dicam complecti orando, sed percensere numerando? qui mihi fratrem optatissimum, me fratri amantissimo, liberis nostris parentes, nobis liberos, qui dignitatem, qui ordinem, qui fortunas, qui amplissimam rempub. qui patriam, qua nihil potest esse jucundius, qui denique nosmetipsos nobis reddidistis; quod si parentes carissimos habere debemus, quod ab iis nobis vita, patrimonium, libertas, civitas tradita est; si deos immortales, quorum beneficio & hæc tenuimus, & cæteris rebus aucti sumus; si populum Rom., cujus honoribus in amplissimo consilio, & in altissimo gradu dignitatis, atque in hac omnium terrarum arce collocati sumus; si hunc ipsum ordinem, a quo sæpe magnificentissimis decretis sumus honestati: immensum quiddam, & infinitum est, quod vobis debeamus, qui vestro singulari studio, atque consensu, parentem beneficia, deorum immortalium munera, populi Rom. honores, vestra de me multa judicia, nobis omnia uno tempore reddidistis: ut cum multa vobis, magna populo &

innumerable parentibus, omnia diis immortalibus debeamus, hæc antea singula per illos habuerimus, nunc universa per vos recuperaverimus. Itaque, P. C. quod ne optandum quidem est homini, immortalitatem quandam per vos adepti videmur; quod enim tempus erit unquam, quo vestrorum in nos beneficiorum memoria, ac fama moriatur? qui illo ipso tempore, cum vi, ferro, metu, minis obsessi teneremini, non multo post discessum meum universi me revocavistis, referente L. Mummio, fortissimo, atque optimo viro: quem habuit ille pestifer annus & maxime fidelem, & minime timidum, si dimicare placuisset, defensorem salutis meæ; posteaquam vobis potestas decernendi non est permessa per eum tribunum plebis, qui cum per se rempubl. lacerare non posset, sub alieno scelere delituit: nunquam de me siluistis, nunquam meam salutem non ab iis consulibus, qui vendiderant, flagitavistis; itaque vestro studio, atque auctoritate perfectum est, ut ille ipse annus, quem ego mihi, quam patriæ malueram esse fatalem, octo tribunos haberet, qui promulgarent de salute mea, & ad vos sæpenumero referrent, nam consules modesti, legumque metuentes, impediabantur lege, non ea, quæ de me, sed ea, quæ de ipsis lata erat; cum meus inimicus promulgavit, ut, si revixissent ii, qui hæc pæne deleverunt, tum ego redirem; quo factu utrumque confessus est, & se illorum vitam desiderare, & magno in periculo rep. futuram, si aut hostes, atque interfectores reip. revixissent, aut ego non revertissem. Itaque illo ipso anno, cum ego cessissem; principes autem civitatis, non legum præsidio, sed parietum, vitam suam tuerentur; respubl. sine consulibus esset; neque solum parentibus perpetuis, verum etiam tutoribus annuis esset orbata; sententias dicere prohiberemini; caput meum proscRIPTIONIS recitaretur; nunquam dubitastis meam salutem cum communi salute conjungere, postea vero quam singulari, & præstantissima virtute P. Lentuli consulis ex superioris anni caligine, & tenebris lucem in rep. Kalendis Jan. respicere cœpistis; cum Q. Metelli, nobilissimi hominis, atque optimi viri, summa dignitas, cum prætorum, tribunorum pl. pæpe omnium virtus, & fides reip. subvenisset; cum virtute, gloria, rebus gestis, Cn. Pompejus, omnium gentium, omnium sæculorum, omnis memoriæ facile princeps, tuto se in senatum venire arbitraretur: tantus vester consensus de salute mea fuit, ut, licet corpus abesset meum, dignitas jam in patriam revertisset; quo quidem mense, quid inter me, & meos inimicos interesset, existimare potuistis; ego meam salutem deserui, ne propter me civium vulneribus resp. cruentaretur: illi meum reditum non populi Rom. suffragiis, sed flumine sanguinis intercludendum putaverunt. Itaque postea nihil vos civibus, nihil sociis, nihil regibus respondi: nihil iudices sententiis, nihil populus suffragiis, nihil hic ordo auctoritate declaravit: mutum forum, elinguem curiam, tacitam, & fractam civitatem videbatis;

quo quidem tempore cum is excessisset, qui cædi, & flammæ vobis auctoribus restiterat, eum ferro, & facibus homines tota urbe volitantes, magistratuum tecta oppugnata, deorum templa inflammata, summi viri, & clarissimi consulis fasces fractos, fortissimi, atque optimi viri tribuni pleb. sanctissimum corpus non solum tactum, ac violatum manu, sed vulneratum ferro, confectumque vidistis; qua strage nonnulli permoti magistratus, partim metu mortis, partim desperatione reipubl. paulum a mea causa recesserunt: reliqui fuerunt, quos nec terror, nec vis, nec spes, nec metus, nec promissa, nec minæ, nec tela, nec facès a vestra auctoritate, a populi R. dignitate, a mea salute depellerent. Princeps P. Lentulus, parens, ac deus nostræ vitæ, fortunæ, memoriæ, nominis, hoc specimen virtutis, hoc indicium animi, hoc lumen consulatus sui fore putavit, si me mihi, si meis, si vobis, si reipubl. reddidisset; qui, ut est designatus, nunquam dubitavit sententiam de salute mea se, & rep. dignam dicere; cum a tribuno pl. vetaretur; cum præclarum caput recitaretur, ne quis ad vos referret, ne quis decerneret, ne disputaret, ne loqueretur, ne pedibus iret, ne scribendo adesset; totam illam clausulam, ut ante dixi, proscriptionem, non legem, putavit, quæ civis optime de rep. meritis, nominatim, sine iudicio, una cum senatu reip. esset creptus; ut vero iniit magistratum, non dicam quid egerit prius, sed quid omnino egitaliud, nisi ut, me conservato; vestram in posterum dignitatem, auctoritatemque sanciret? dii immortales, quantum mihi beneficium dedisse videmini, quod hoc anno P. Lentulus consul fuit? quanto majus dedissetis, si superiore anno fuisset? nec enim eguissim medicina consulari, nisi consulari vulnere concidissim; audieram ex sapientissimo homine, atque optimo cive, & viro, Q. Catulo, non sæpe unum consulem improbum, duos vero nunquam, excepto illo Cinnano tempore, fuisse; quare meam causam semper fore firmissimam dicere solebat, dum vel unus in republ. esset consul; quod vere dixerat, si illud de duobus consulibus, quod ante in republ. non fuerat, perenne, ac proprium manere potuisset; quod si Q. Metellus illo tempore consul fuisset unicus; dubitatis, quo animo fuerit in me conservando futurus, cum in restituendo auctorem fuisse, adscriptoremque videatis? Sed fuerunt duo consules, quorum mentes angustæ, humiles, pravæ, oppletæ tenebris, ac sordibus, nomen ipsum consulatus, splendorem illius honoris, magnitudinem tanti imperii nec intueri, nec sustinere, nec capere potuerunt: non consules, sed mercatores provinciarum, ac venditores vestræ dignitatis: quorum alter a me Catilinam, amatorem suum, multis audientibus, alter Cethegum, consobrinum suum, reposcebat; qui me duo sceleratissimi post hominum memoriam non consules, sed latrones, non modo deseruerunt, in causa præsertim publica, & consulari, sed prodiderunt, oppugnarunt, omni auxilio non solum suo, sed etiam vestro,

si o, cæterorumque ordinum spoliatum esse voluerunt; quorum alter tamen neque me, neque quemquam fecerit; quis enim ullam ullius boni spem haberet in eo, cuius primum tempus ætatis palam fuisset ad omnes libidines divulgatum? qui ne a sanctissima quidem parte corporis potuisset hominum impuram intemperantiam propulsare? qui cum suam rem non minus strenue, quam postea publicam, consecisset, egestatem, & luxuriam domestico lenocinio sustentavit? qui nisi in aram tribunatus confugisset, neque vim prætoris, nec multitudinem creditorum, nec bonorum proscriptionem effugere potuisset? quo in magistratu nisi rogationem de piratico bello tulisset, profecto & egestate, & improbitate coactus piraticam ipse fecisset, ac minore quidem cum reip. detrimento, quam quod intra mœnia nefarius hostis, prædoque versatus est; quo inspectante, ac sedente, legem trib. pl. tulit, ne auspiciis obtemperaretur, ne obnunciare concilio, aut comitiis, ne legi intercedere liceret, ut lex Ælia, & Fusia ne valerent; quæ nostri majores certissima subsidia reip. contra tribunitios furores esse voluerunt; idemque postea, cum innumerabilis multitudo bonorum de Capitolio supplex ad eum sordidata venisset; cumque adolescentes nobilissimi, cunctique equites R. se ad lenonis impurissimi pedes abiecerint; quo vultu cincinnatus ganeo non solum civium lacrymas, verum etiam patriæ preces repudiavit? neque eo contentus fuit, sed etiam in concionem ascendit, eaque dixit, quæ, si ejus vir Catilina revixisset, dicere non esset ausus; se Nonarum Dec. quæ me consule fuissent, clivique Capitolini pœnas ab equitibus R. esse repetiturum; neque solum id dixit, sed, quos ei commodum fuit, compellavit. L. vero Lamiam, equitem R. præstanti dignitate hominem, & saluti meæ pro familiaritate, reip. pro fortunis suis amicissimum, consul imperiosus exire urbe iussit: & cum vos vestem mutandam censuissetis, cunctique mutassetis, atque idem omnes boni jam ante fecissent, ille unguentis oblitus, cum toga prætexta, quam omnes prætores, ædilesque tum abjecerant, irrisit squalorem vestrum & luctum gravissimæ civitatis; fecitque, quod nemo umquam tyrannus, ut, quo minus occulte vestrum malum gerneretis, nihil diceret; ne aperte incommoda patriæ lugeretis, ediceret. Cum vero in circo Flaminio non a tribuno pl. consul in concionem, sed a latrone archipirata productus esset; primum processit, qua auctoritate viri! vini, somni, stupri plenus, madenti coma, composito capillo, gravibus oculis, fluentibus buccis, pressa voce, & temulenta: quod in cives indempnatos esset animadversum, id sibi dixit, gravis auctor, vehementissime displicere; ubi nobis hæc auctoritas tamdiu tanta latuit? cur in lustris, & belluationibus hujus calamistræ saltatoris tam eximia virtus tamdiu cessavit? nam ille alter Cæsonius Calventius ab adolescentia versatus est in foro, cum cum, præter simulatam, versatamque tristitia-  
 tiam,

tiam, nulla res commendaret, non consilium, non dicendi facultas, non scientia rei militaris, non cognoscendorum hominum studium, non liberalitas: quem præteriens cum incultum, horridum, mœstumque vidisset, etiam si agrestem, & inhumanum existimares, tamen libidinosum, & peditum non putares; cum hoc homine, aut cum stipite Æthiope si in foro constitisses, nihil crederes interesset: sine sensu, sine sapore, elinguem, tardum, inhumanum, neglectum, Cappadocem modo abruptum de grege venalium diceres. Idem domi quam libidinosus, quam impurus, quam intemperans, non janua receptis, sed pseudothyro intromissis voluptatibus? cum vero etiam literas studere incipit, & belluo immanis cum Græculis philosophari, tum est Epicureus, non penitus illi disciplinæ, quæcumque est, deditus, sed captus uno verbo voluptatis; habet autem magistros non ex istis ineptis, qui dies totos de officio, ac de virtute differunt, qui ad laborem, ad industriam, ad pericula pro patria subeunda adhortantur; sed eos, qui disputent, horam nullam vacuum voluptate esse debere, in omni parte corporis semper oportere aliquod gaudium, delectationemque versari; his utitur quasi præfectis libidinum suarum: hi voluptates omnes vestigant, atque odorantur: hi sunt conditores, instructoresque convivii: iidem expendunt, atque æstimant voluptates, sententiamque dicunt, & iudicant, quantum cuique libidini tribuendum esse videatur; horum ille artibus eruditus, ita contempsit hanc prudentissimam civitatem, ut omnes suas libidines, omnia flagitia latere posse arbitrantur, si modo vultum importunum in forum detulisset; is non me (quamquam equidem non cognoram cum propter Pisonum affinitatem, quam longe hinc ab hoc genere cognatio materna transalpini sanguinis abstulisset) sed vos, populumque R. non consilio, neque eloquentia, quod in multis sæpe accidit, sed rugis, supercilioque decepit. L. Piso, tu non ausus es isto oculo, non dicam isto animo, ista fronte, non vita, tanto supercilio, non enim possum dicere tantis rebus gestis, cum A. Gabinio consociare consilia pestis meæ? non te illius unguentorum odor, non vini anhelitus, non frons calamistræ notata vestigiis in eam cognitionem adducebat, ut, cum illius re similis fuisset, frontis tibi integumento ad occultanda tanta flagitia diutius uti non liceret? cum hoc coire ausus es, ut consularem dignitatem, ut reip. statum, ut senatus auctoritatem, ut civis optime meriti fortunas provinciarum fœdere addiceres? te consule, tuis edictis, & imperiis, senatui, populoque R. non est licitum non modo sententiis, atque auctoritate sua, sed ne lactu quidem, ac vestitu reip. subvenire. Capuæ ne te putabas, in qua urbe domicilium quondam superbiæ fuit, consulem esse, sicut eras eo tempore, an Romæ, in qua civitate omnes ante vos consules senatui paruerunt? tu es ausus in circo Plaminio, productus

cum tuo illo pari dicere, te semper misericordem fuisse? quo verbo senatum, atque omnes bonos tum, cum a patria pestem expellerent, crudeles demonstrabas fuisse; tu misericors me, affinem tuum, quem comitiis prerogativae primum custodem praefeceras, quem Kalendis Jan. tertio loco sententiam rogaras, constrictum inimicis reip. tradidisti; tu meum generum, propinquum tuum, tu affinem tuam meam filiam, superbissimis, & crudelissimis verbis a genibus tuis repulisti: idemque tu clementia, ac misericordia singulari, cum ego una rep. non tribunicio, sed consulari istu concidissem, tanto scelere, tantaque iotemperantia fuisti, ut ne unam quidem horam interesse patere inter meam pestem, & tuam praedam, saltem dum conticeret illa lamentatio, & gemitus urbis; nondum palam factum erat concidisse rep. cum tibi arbitria funeris solvebantur; non, eodemque tempore domus mea diripiebatur, ardebat: bona ad vicinum consulem de Palatio, de Tusculano ad item vicinum alterum consulem deferabantur: cum, iisdem operis suffragium ferentibus, eodem gladiatore latore, vacuo non modo a bonis, sed etiam a liberis, atque inani foro, ignaro populo R. quid ageretur, senatu vere oppresso, & afflicto, duobus impiis, nefariisque consulibus avarum, provinciae, legiones, imperia donabantur. Horum consulum ruinas vos consules vestra virtute fulsisistis, summa tribunorum pl. praetorumque fide, & diligentia sublevastis. Quid ego de praestantissimo viro T. Annio dicam? aut quis de tali cive satis digne unquam loquetur? qui cum videret, sceleratum civem, aut domesticum potius hostem; si legibus uti liceret, iudicio esse frangendum; si ipsa iudicia vis impediret ac tolleretur, audaciam virtute, furorem fortitudine, temeritatem consilio, manum manu, vim vi esse superandam: primo de vi postulavit: posteaquam ab eodem iudicia sublata esse vidit, ne ille omnia vi posset efficere, curavit: qui docuit, neque testa, neque templa, neque forum, neque curiam sine summa virtute, ac maximis copiis, & copiis ab intestino latrocinio posse defendi: qui primus post meum discessum metum bonis, timorem huic ordini, servitutem depulit civitati. Quem rationem pari virtute, animo, fide P. Sextius secutus, pro mea salute, pro vestra auctoritate, pro statu civitatis nullas sibi inimicitias, nullam vim, nullos impetus, nullum vitae discrimen vitandum unquam putavit: qui causam senatus, exagitata concionibus improborum, sic sua diligentia multitudini commendavit, ut nihil tam popolare, quam vestrum nomen, nihil tam omnibus carum aliquando, quam vestra auctoritas, videretur; qui me cum omnibus rebus, quibus tribunus pl. potuit, defendit, tum reliquis officiis, juxta ac si meus frater esset, sustentavit: cujus ego clientibus, libertis, familia, copiis, literis ita sum sustentatus, ut meae calamitatis non adiutor solum, verum etiam socius videretur. Jam ceterorum officia, sua-



diæque vidistis: quam cupidus mei C. Sextilius, quam studiosus vestri, quam non varius fuerit in causa. Quid M. Celsius? cui ego ipsi, parenti, fratrique ejus sentio quantum debeam: qui, cum a me voluntas eorum in privato judicio esset offensa, publici mei beneficii memoria privatam offensionem obliteraverunt. Jam T. Fadius, qui mihi quaestor fuit, M. Curtius, cujus ego patri quaestor fui, studio, amore, animo huic necessitudini non defuerunt. Multa de me C. Messinius & amicitiam, & reip. causa dixit: legem separatim initio de salute mea promulgavit. Q. Fabricius si quæ de me agere conatus est, ea contra vim, & ferrum perficere potuisset, mense Januario nostrum statum recuperassemus: quem ad salutem meam voluntas impulit, vis retardavit, auctoritas vestra revocavit. Jam vero prætores quo animo in me fuerat, vos existimare potuistis, cum L. Cæcilius privatim me suis omnibus copiis studuerit sustentare; publice promulgarit de salute mea cum collegis pene omnibus; direptoribus autem bonorum meorum in jus adeundi potestatem non fecerit. M. autem Calidius, statim designatus, sententia sua, quam esset, cara sibi mea salus, declaravit. Omnia officia C. Septimii, Q. Valerii, P. Crassi, Sex. Quinctilii, & C. Cornuti summa & in me, & in rep. constiterunt. Quæ cum libenter commemoro, tum non invitus nonnullorum in me nefarie commissa prætereo; non est mei temporis, injurias meminisse: quas ego, etiamsi ulcisci possem, tamen oblivisci mallem; alio transferenda mea tota vita est, ut bene de me meritis referam gratiam, cum apertis hostibus bellum geram, timidis amicis ignoscam, proditores meos non indicem, dolorem prosecutionis meæ reditus dignitate consoles; quod si mihi nullum aliud esset officium in omni vita reliquum, nisi ut erga duces ipsos, & principes, atque auctores salutis meæ satis gratus judicaret; tamen exiguum reliquæ vitæ tempus non modo ad referendam, verum etiam ad commemorandam gratiam mihi relictum putarem; quando enim ego huic homini, ac liberis ejus, quando omnes mei gratiam referent? quæ memoria, quæ vis ingenii, quæ magnitudo observantiæ tot, tantisque beneficiis respondere poterit? qui mihi primus afflicto, & jacenti consularem fidem, dexteramque porrexit: qui me a morte ad vitam, a desperatione ad spem, ab exitio ad salutem revocavit: qui tanto amore in me, studio in rep. fuit, ut excogitaret, quemadmodum calamitatem meam non modo levaret, sed etiam honestaret; quid enim magnificentius, quid præclarius mihi accidere potuit, quam, quod illo petente vos decrevistis, ut cuncti ex omni Italia, qui rep. salvam velent, ad me unum, hominem fractum, & prope dissipatum, restituendum, & defendendum venirent? ut, qua voce ter omnino post Romam conditam consul usus esset pro universa rep. apud eos solum, qui ejus vocem exaudire possent, eadem voce senatus omnibus agris, vicis,

atque

atque oppidis cives, totamque Italiam ad unius salutem defendendam excitaret. Quid ego gloriosius meis posteris potui relinquere, quam hoc, senatum judicasse, qui civis me non defendisset, eum rempub. salvam noluisse? Itaque tantum vestra eustoritas, tantum eximia consulis dignitas valuit, ut omne is flagitium se committere putaret, si quis non veniret. Idemque consul, cum illa incredibilis multitudo Romam, & pæne Italia ipsa venisset, vos frequentissimos in Capitolium convocavit; quo tempore quantam vim vera bonitas haberet, aut vera nobilitas, intelligere potuistis; nam Q. Metellos, & inimicus, & frater inimici, perspecta vestra voluntate, omnia privata odia deposuit: quem P. Servilius, vir cum clarissimus, tum vero optimus, mihiq. amicissimus, & auctoritatis, & orationis suæ divina quadam gravitate ad sui generis, communisque sanguinis facta, virtutesque revocavit: ut haberet in consilio & fratrem ab inferis, socium rerum mearum, & omnes Metellos, præstantissimos cives, pæne ex Acheronte excitatos: in quibus Numidicum illum, cujus quondam de patria discessus honestus ipsi, bonis omnibus luctuosus tandem visus est; itaque fuit is non modo salutis defensor; qui ante hoc unum beneficium fuerat inimicus, verum etiam adscriptor dignitatis meæ: quo quidem die cum CCCCXVII. senatores essetis, magistratusque omnes adessent, discessit unus, is, qui sua lege conjuratos etiam ab inferis excitandos putarat; atque illo die, quo rempub. meis consiliis conservatam gravissimis verbis, & plurimis judicassetis, idem consul curavit, ut eadem a principibus civitatis in concione postero die dicerentur: cum quidem ipse egit ornatissime causam meam, perfecitque, adstante, atque audiente Italia tota, ut nemo cuiusquam conducti, aut perditii vocem acerbam, atque inimicam bonis posset audire. Ad hæc non modo adjumenta salutis, sed etiam ornamenta dignitatis meæ reliqua vos iidem addidistis: decrevistis, ne quis ulla ratione rem impediret: qui id impedisset, graviter, molesteque laturos; illum contra rempub. salutemque bonorum, concordiamque civium facturum; & ut ad vos ea statim referrentur: meque etiam, si diutius calumniarentur, redire iussistis. Quid? ut iis agerentur gratiæ, qui e municipiis venissent? quid? ut ad illam diem res cum redissent, rogarentur, ut pari studio convenirent? quid denique illo die, quem P. Lentulus mihi, fratrique meo, liberisque nostris natalem constituit, non modo ad nostram, verum etiam ad sempiterni memoriam temporis: quo die nos comitiis centuriatis, quæ maxime majores iusta dici, haberi que voluerunt, arcessivit in patriam: ut eadem centuriæ, quæ me consulem fecerant, consulatum meum comprobarent; quo die quis civis fuit, qui fas esse putaret, quacumque aut ætate, aut valetudine esset, non se de salute meâ sententiam ferre? quando tantam frequen-

tiam

tiam in campo, tantum splendorem Italiam tollit, ordinumque omnium, quando illa dignitate tot rogatores, diribitores, custodesque vidistis? itaque P. Lentuli beneficio excellenti, atque divino non solum reducti sumus in patriam, sicuti nonnulli clarissimi viri, sed equis insignibus, & curru eurato reportati. Possum ego satis in Cn. Pompejum umquam gratus videri? qui non solum apud vos, qui omnes idem sentiebatis, sed etiam apud universum pop. R. salutem reip. & conservatam per me, & conjunctam esse cum mea dixerit: qui causam meam prudentibus commendavit, imperitos edocuerit, eodemque tempore improbos auctoritate sua compresserit, bonos excitavit: qui pop. R. pro me, tamquam pro fratre, aut pro parente, non solum hortatus sit, verum etiam obsecravit: qui ipse cum propter metum dimicationis, & sanguinis domo se teneret, etiam a superioribus tribunis petierit, ut de salute mea & promulgarent, & referrent: qui, in colonia nuper constituta cum ipse gererent magistratum, in qua nemo erat emptus intercessorum, vim, & crudelitatem privilegii auctoritate honestissimorum hominum, & publicis literis consignavit, princepsque Italiam totius praesidium ad nostram salutem implorandam putavit: qui, cum ipse mihi semper amicissimus fuisset, etiam ut suos necessarios amicos mihi redderet, elaboravit. Quibus autem officii T. Annii beneficia remunerabor? cujus omnis actio, ratio, cogitatio, totus denique tribunatus nihil aliud fuit, nisi constans, perpetua, fortis, invita defensio salutis meae. Quid de P. Sextio loquar? qui suam erga me benevolentiam, & fidem non solum animi dolore, sed etiam corporis vulneribus ostendit. Vobis vero, P. C. singulis & egi, & agam gratias universis; egi initio, quantum potui; satis ornate agere nullo modo possum; & quamquam sunt in me praecipua merita multorum, quae fileri nullo modo possunt; tamen hujus temporis, ac timoris mei non est conari commemorare beneficia in me singulorum; nam difficile est non aliquem, nefas quemquam praeterire; ego vos universos, P. C. decorum numero colere debeo; sed ut in ipsis diis immortalibus non semper eosdem, atque alios alias solemus & venerari, & precari; sic in hominibus de me divinitus meritis omnis erit aetas mini ad eorum erga me merita praedicanda, atque recolenda; hodierno autem die nominem a me magistratibus statui gratias esse agendas, & de privatis uni, qui pro salute mea municipia, coloniasque adisset, pop. R. supplex obsecrasset, sententiam dixisset eam, quam vos secuti, mihi dignitatem meam reddidistis. Vos me florentem semper ornastis: laborantem, mutatione vestis, & prope luctu vestro, quod licuit, defendistis; nostra memoria senatores ne in suis quidem periculis mutare vestem solebant: in meo periculo senatus veste mutata fuit, quoad licuit per eorum edicta, qui mea pericula non modo suo praesidio, sed etiam vestra depre-

catione nudarunt. Quibus ego rebus objectis, cum mihi privato configendum viderem cum eodem exercitu, quem consul non armis, sed vestra auctoritate superaram; multa mecum ipse reputavi. Dixerat in concione consul, se clivi Capitolini poenas ab equitibus R. repetiturum; nominatim alii compellabantur, alii citabantur, alii relegabantur: aditus templorum erant non solum praesidiis, & manu, verum etiam demolitione sublati. Alter consul; ut me, & remp. non modo desererent, sed etiam hostibus reip. proderent, factionibus eos suorum praemiorum obligarat. Erat alius ad portas cum imperio in multos annos, magnoque exercitu: quem ego inimicum mihi fuisse non dico; tacuisse, cum diceretur esse inimicus, scio. Duæ partes esse in rep. cum putarentur; altera me deposcere propter inimicitias, altera timide defendere propter suspicionem cædis putabatur; qui autem me deposcere videbantur, in hoc auxerunt dimicationis metum, quod nunquam, inficiando, suspicionem hominum, curamque minuerunt. Quare, cum viderem senatum ducibus orbatum, me a magistratibus partim oppugnatum, partim proditum, partim derelictum, servos simulatione collegiorum nominatim esse conscriptos, copias omnes Catilinæ pene iisdem ducibus ad spem cædis, & incendiorum esse revocatas, equites R. proscriptionis, municipia vastitatis, omnes cædis metu esse permotos; potui, potui, P. C. multis auctoribus fortissimis viris, me vi, armisque defendere: nec mihi ipse ille animus idem meus, vobis non incognitus, defuit; sed videbam, si vicissem præsentem adversarium, nimium multos mihi alios esse vincendos; si victus essem, multis bonis & pro me, & mecum etiam post me esse pereundum; tribunitique sanguinis ultores esse præsentem, meæ mortis poenas iudicio, & posteritati reservari. Nolui, cum consul communem salutem sine ferro defendissem, meam privatus armis defendere: bonosque viros legere malui meas fortunas, quam suis desperare; ac si solus essem interfectus, mihi turpe, si cum multis, reip. funestum fore videbatur; quod si mihi æternam esse propositam ærumnam arbitrarer; morte me ipse potius, quam sempiterno dolore multassem; sed, cum viderem me non diutius, quam ipsam remp. ex hac urbe abfuturum: neque ego, illa exterminata, mihi remanendum putavi; & illa, simul atque revocata est, me secum pariter reportavit; mecum leges, mecum quæstiones, mecum jura magistratuum, mecum senatus auctoritas, mecum libertas, mecum etiam frugum ubertas, meum deorum, & hominum sanctitates omnes, & religiones abfuerunt; quæ si semper abessent, magis vestras fortunas lugerem, quam desiderarem meas; sin aliquando revocarentur, intelligebam, mihi cum illis una esse redeundum; cuius mei sensus certissimus testis est hic idem, qui custos capitis fuit, Cn. Plancius; qui, omnibus provincialibus ornamentis, commodisque depositis, totam suam quaesturam

ram in me sustentando, & conservando collocavit; qui si mihi quæstor imperatori fuisset, in filii loco fuisset; nunc certe erit in parentis, cum fuerit quæstor non imperii, sed doloris mei. Quapropter, P. C. quoniam in remp. sum pariter cum rep. restitutus, non modo in ea defendenda nihil minuat de libertate mea pristina, sed etiam adaugebo; etenim, si eam tum defendebam, cum aliquid mihi illa debebat; quid nunc me facere oportet, cum ego illi plurimum debeo? nam quid est, quod animum meum frangere, aut debilitare possit; cuius ipsam calamitatem non modo nullius delicti, sed etiam divinorum in remp. beneficiorum testem esse videatis? nam & importata est, quia defenderam civitatem; & mea voluntate suscepta est, ne a me defensa resp. per eundem me extremum in discrimen vocaretur. Pro me non, ut pro P. Popillio, nobilissimo homine, adolescentes filii, non propinquorum multitudo populum R. est deprecata; non, ut pro Q. Metello, summo, & clarissimo viro, spectata iam adolescentia filius, non L. & C. Metelli consulares, non eorum liberi, non Q. Metellus Nepos, qui tum consulum petebat; non Luculli, Servilii, Scipiones, Metellorum filii, flentes, ac sordidati populo R. supplicaverunt; sed unus frater, qui in me pietate filius, consiliis parens, amore, ut erat, frater inventus est, squalore, & lacrymis, & quotidianis precibus desiderium mei nominis renovari, & rerum gestarum memoriam usurpari, coegit; qui cum statuisset, nisi per vos me recuperasset, eandem subire fortunam, atque idem sibi domicilium & vitæ, & mortis deposceret: nunquam nec magnitudinem negotii, nec vim inimicorum, ac tela pertimuit. Alter fuit propugnator mearum fortunarum, & defensor assiduus, summa virtute, & pietate C. Piso gener; qui minas inimicorum meorum, qui inimicitias affinis mei, propinqui sui, consulis, qui Pontum, & Bithyniam quæstor pro mea salute neglexit. Nihil umquam senatus de P. Popillio decrevit; nunquam in hoc ordine Q. Metelli mentio facta est; tribunitiis sunt illi rogationibus, interfectis inimicis, denique nulla auctoritate senatus restituti, cum alter eorum senatui paruisset, alter vim, eademque fugisset. Nam C. quidem Marius, qui hac hominum memoria tertius ante me consularis tempestate civili expulsus est, non modo a senatu non est restitutus, sed reditu suo senatum cunctum pene delevit. Nulla de illis magistratuum consensio, nulla ad remp. defendendam populi R. convocatio, nullus Italiæ motus, nulla decreta municipiorum, & coloniarum extiterunt. Quare, cum me vestra auctoritas arceserit, populus R. revocarit, resp. implorarit, Italia cuncta pene suis humeris reportarit; non committam, P. C. ut, cum ea mihi sint restituta, quæ in potestate mea non fuerunt, ea non habeam, quæ ipse præstare possim, præsertim cum illa amissa recuperarim, virtutem, & fidem nunquam amiserim.

## M. TULLII CICERONIS

## O R A T I O

P R O D O M O S U A  
A D P O N T I F I C E S .

## A R G U M E N T U M .

*Pulso Ciccone in exilium lege Clodii, fuerat eadem lege publicata, & eversa domus ejus; deinde, ne profana unquam fieret, Libertati consecrata. Restitutus in patriam Cicero, hanc Orationem ad Pontifices habuit; in qua ostendit, domum suam neque publicari, neque consecrari potuisse. Primum tamen respondet extra causam convitiis Clodii, qui ea vituperaverat, quæ per eos dies Cicero in Senatu de Repub. senserat, idest de Cn. Pompejo rei frumentariæ præficiendo. Habita est anno U. C. 696. pridie Kal. Octobr. Domus autem recuperata.*

**C**UM multa divinitus, Pontifices, a majoribus nostris inventa, atque instituta sunt, tum nihil præclarius, quam quod vos eisdem & religionibus deorum immortalium, & summæ reip. præesse voverunt: ut amplissimi, & clarissimi cives reip. bene gerendo, religiones sapienter interpretando, reip. conservarent; quod si ullo tempore magna causa in sacerdotum pop. R. judicio, ac potestate versata est, hæc profecto tanta est, ut omnis reip. dignitas, omnium civium salus, vita, libertas, aræ, foci, dii penates, bona, fortunæ, domicilia vestræ sapientiæ, fidel, potestatique commissa, creditaque esse videantur. Vobis hodierno die constituendum est, utrum posthac amentes, ac perditos prægistratus improborum, ac sceleratorum civium præsidio nudare, an etiam deorum immortalium religione armare malitis. Nam si illa labe, ac flamma reip. suum illum pestiferum, & funestum tribunatum, quem æquitate humana tueri non potest, divina religione defenderit: alim ceremoniæ nobis erunt, alii antistites deorum immortalium, alii interpretes religionum requirendi; sin autem vestra auctoritate, sapientiæque, Pontifices, ea, quæ furor improborum in rep. ab aliis oppressa, ab aliis deferta, ab aliis prodita, gesta sunt, rescinduntur: erit causa, cur consilium majorum in amplissimis viris ad sacerdotia deligendis jure, ac merito laudare possimus. Sed quoniam ille demens, si ea, quæ ego per hos dies in senatu de rep. sensi, vituperasset, aliquem se aditum ad aures vestras esse habiturum putavit: omittam ordinem dicendi meum: respondebo hominis furiosi non oratione, qua ille  
uti

utl non potest, sed convicio, ejus exercitationem cum intolerabili petulantia, tum etiam diuturna importunitate munivit. Ac primum illud a te homine vesano, ac furioso requiro, quæ te tanta poena tuorum scelerum, flagitiorumque veret, ut hos tales viros, qui non solum consiliis suis, sed etiam specie ipsa dignitatem reip. sustinent, quod ego in sententiâ dicendo salutem civium tum honore Cn. Pompeji conjunxerim, mihi esse iratos, & aliud de summa hoc tempore religione sensuros, ac me absente senserint, arbitrere. Fuiſti tu, inquit, apud pontifices superior: sed jam, quoniam te ad populum contulisti, sis inferior, necesse est. Ita ne vero? quod in imperita multitudine est vitiosissimum, varietas, & inconstantia, & crebra, tamquam tempeſtatum, ſic ſententiarum commutatio, hoc tu ad hos transferas, quos ab inconstantia gravitas, a libidinosa ſententia certum, & definitum jus religionum, vetuſtas exemplorum, auctoritas literarum, monumentorumque deterret? Tu ne es ille, inquit, quo ſenatus carere non potuit? quem boni luxerunt? quem reſp. deſideravit? quo reſtituto, ſenatus auctoritatem reſtitutam putabamus, quam primum adveniens prodidiſti? Nondum de mea ſententia dico; impudentiæ primum respondebo tuæ. Hunc igitur, funeſta reip. peſtis, hunc tu civem ferro, & armis, & exercitus terrore, & conſulum ſcelere, & audaciſſimorum hominum minis, ſervorum deſectu, obſeſſione templorum, occupatione fori, oppreſſione curiæ e domo, & patria, necum improbis boni ferro dimicarent, cedere curati, quem a ſenatu, quem a bonis omnibus, quem a cuncta Italia deſideratum, arceſſitum, revocatum conſervandæ reip. cauſa conſiteris? At enim in ſenatum venire, in Capitolium intrare turbulento illo die non debuisti. Ego verb neque veni: & domi me tenui, quamdiu turbulentum tempus fuit, cum ſervos tuos, a te jampridem ad bonorum eadem paratos, cum illa tua conſceleratum, ac perditorum manu, armatos in Capitolium tecum veniſſe conſtabat; quod cum mihi nunciaretur, ſcio me domi manſiſſe, & tibi, & gladiatoribus tuis inſtaurandæ cædis poteſtatem non feciſſe; poſteaquam mihi nunciatum eſt, populum R. in Capitolium propter metum, atque inopiam rei frumentariæ conveniſſe, miniſtras autem ſclerum tuorum perterritos, partim amiſiſſis gladiis, partim ereptis, diſſugiſſe: veni non ſolum ſine ullis copiis, ac manu, verum etiam cum paucis amicis. An ego, cum P. Lentulus conſul, optime de me, ac de repub. meritis, cum Q. Metellus, qui, cum meus inimicus eſſet, frater tuus, & diſſenſioni noſtræ, & precibus tuis ſalutem, ac dignitatem meam prætuliffet, me arceſſerent in ſenatum; cum tanta multitudo civium, tam recenti officio ſuo me ad referendam gratiam nominatim vocarent, non venirem, cum præſertim te jam illinc cum tua fugitivorum manu diſceſſiſſe conſtaret? Hic tu me etiam cuſtodem, deſenſoremque

remque Capitolii, templorumque omnium, hostem Capitolinum appellare ausus es, quod, cum in Capitolio senatum duo consules haberent, eo venire? Utrum ne est tempus aliquod, quo in senatum venisse turpe sit? an res illa talis erat, de qua agebatur, ut rem ipsam repudiare, & eos, qui agebant, condemnare deberem? primum dico, senatoris esse boni, semper in senatum venire: nec cum iis sentio, qui statuunt minus bonis temporibus in senatum ipsi non venire, non intelligentes, hanc suam nimiam perseverantiam vehementer iis, quorum animum offendere voluerunt, gratam, & jucundam fuisse. At enim nonnulli propter timorem, quod se in senatu tuto non esse arbitrabantur, discesserunt. Non reprehendo, nec quaero, fueritne aliquid pertimescendum: puto, suo quemque arbitrio timere oportere: cur ego non timuerim, quaeris? quia te illinc abiisse constabat; cur, cum viri boni nonnulli putarent tuto se in senatu esse non posse, ego non idem senserim? cur cum ego me existimarem tuto omnino in civitate esse non posse, illi non item? an aliis licet, & recte licet, in meo metu sibi nihil timere: mihi uni necesse erit, & meam, & aliorum vicem pertimescere? An, quia non condemnavi sententia mea duos consules, sum reprehendus? eos igitur ego potissimum damnare debui, quorum lege perfectum est, ne ego indemnatus, atque optime de rep. meritis, damnatorum poenam sustinerem? quorum etiam delicta, propter eorum egregiam in me conservando voluntatem, non modo me, sed omnes bonos ferre oporteret, eorum optimum consilium ego potissimum, per eos in meam pristinam dignitatem restitutus, consilio repudiarem meo? At quam sententiam dixi? primum eam, quam populi sermo in animis nostris jam ante defixerat: deinde eam, quae erat superioribus diebus agitata in senatu: deinde eam, quam senatus frequens tum, cum mihi est assensus, secutus est: ut neque allata sit a me res inopinata, ac recens; nec si quod in sententia vitium est, magis sit ejus, qui dixerit, quam omnium, qui probarint. At enim liberum senatus iudicium propter metum non fuit. Si timuisse eos facis, qui discesserunt: concede non timuisse eos, qui remanserunt; si autem sine iis, qui tum abfuerunt, nihil decerni libere potuit: cum omnes adessent, coeptum est referri de inducendo S. C. Ab universo senatu reclamatum est. Sed quaero, in ipsa sententia, quoniam princeps ego sum ejus, atque auctor, quid reprehendatur; utrum causa capiendi novi consilii non fuit, an meae partes in ea causa non praecipuae fuerunt, an alio potius confugiendum fuit? Quae vis, quae causa major esse, quam fames, potuit? quam seditio? quam consilia tua, tuorumque qui, facultate oblata ad imperiorum animos incitandos, renovatorum te tua illa funesta latrocinia ob annonae causam putarunt; frumentum provinciae frumentariae partim non habebant, partim in alias terras, credo, propter varietatem vendi-



venditorum, miserant, parim, quo gratus esset tum, cum in ipsa fame subvenissent; custodiis suis clausum continebant, ut subito novum mitterent; res erat non in opinione dubia, sed in presenti, atque ante oculos propositi periculo; neque id conjectura prospiciebamus, sed jam experti videbamus: nam, cum ingravesceret annona, ut jam plane inopia, ac fames, non caritas timeretur; concursus est ad templum Concordiæ factus, senatum illuc vocante Metello consule; qui si vernus fuit ex dolore hominum, & fame, certe consules causam suscipere, certe senatus aliquid consilii capere potuit; si in causa fuit annona, seditionis quidem stimulator, & concitator tu fuisti; nonne id agendum nobis omnibus fuit, ut materiem subtraheremus furori tuo? quid si utrumque fuit, & ut fames stimulare homines, & ut tu in hoc ulcere tamquam unguis existeres? nonne fuit eo major adhibenda medicina, quam & illud nativum, & hoc delatum malum sanare, posset? erat igitur & præfens caritas, & futura fames; inde saxi facta lapidatio est; si ex dolore plebeo, nullo invitante, & magnum malum; si P. Clodii impulsu, usitatum hominis facinorosi scelus; si utrumque, ut & res esset ea, quæ suam sponte multitudinis animos incitaret, & parati, atque armati seditionum duces: videtur ne ipsa resp. & consulis auxilium implorasse, & senatus fidem? atqui utrumque fuisse perspicuum est, difficultatem annonæ, summamque inopiam rei frumentariæ; ut homines non jam diuturnam caritatem, sed ut famem plane timerent, nemo negat; hinc istum otii, & pacis hostem causam arrepturum fuisse ad incendia, cædes, rapinas, nolo, Pontifices, suspicemini, nisi videritis. Qui sunt homines a Q. Metello, fratre tuo, consule in senatu palam nominati, a quibus ille sa lapidibus appetitum, & percussus esse dixit? L. Sergium, & M. Lollium nominavit; quis est iste Lollius? qui sine ferro ne nunc quidem tecum est; qui te tribunus pleb. nihil de me dicam, sed qui Cn. Pompejum interficiendum depoposcit; quis est Sergius? armiger Catilinæ, stipator tui corporis, signifer seditionis, concitator tabernariorum, damnatus injuriarum, percussor, lapidator, fori depopulator, obfessor curiæ. His, atque hujusmodi ducibus, cum tu in annonæ caritate in consul, in senatum, in bona fortunæque locupletum, per causam inopum, atque imperitorum, repentinos impetus comparares; cum tibi salus esse in otio nulla posset; cum desperatis ducibus decuriatos, ac descriptos haberes exercitus perditorum; nonne providendum senatui fuit, ne in hanc tantam materiem seditionis ista funesta fax adhæresceret? Fuit igitur causa capiendi novi consilii; vide te nunc, fuerint ne partes meæ pæne præcipuæ. Quem tum Sergius ille tuus, quem Lollius, quem cætera pæsses in lapidatione illa nominabant? quem annonam præstare oportere dicebant? nonne me? quid puerorum illa concursatio nocturna? non a te ipso instituta me frum-

mentum flagitabat? quasi vero ego aut rei frumentariae praesuissem; aut compressum aliquod frumentum tenerem; aut in isto genere omnino quidquam aut euratione, aut potestate valuissem. Sed homo ad eandem imminens, meum nomen operis ediderat, imperitis iniecerat; cum de mea dignitate in templo Iovis optimi maximi senatus frequentissimus, uno isto dissentiente, decrevisset; subito illo ipso die, carissimam annonam nec opinata vilitas consecuta est; erant, qui deos immortales (id quod ego sentio) numine suo reditum meum dicerent comprobasse; nonnulli autem illam rem ad illam rationem, conjecturamque revocabant, qui, quod in meo reditu spes otii, & concordiae sita videbatur, in discessu autem quotidianus seditionis timor, jam pene belli depulso metu, commutatam esse annonam dicebant: quae quia rursus in meo reditu facta erat durior, a me, cujus adventu fore vilitatem boni viri discitabant, annona flagitabatur. Ego denique non solum ab operis tuis impulsu tuo nominabar; sed etiam, depulsis, ac dissipatis tuis copiis, a populo Rom. universo, qui tum in Capitolium convenerat, cum illo die minus valerem, nominatim in senatum vocabar; veni expectatus; multis sententiis jam dictis, rogatus sum sententiam: dixi reip. saluberrimam, ac mihi necessariam; petebatur a me frumenti copia, annonae vilitas, quasi possem aliquid in ea re gerenda: non habebatur; flagitabar bonorum expostulatione: improborum convicia sustinere non poteram; delegavi amico locupletiori: non quo illi, ita de me merito, onus illud imponerem; (succubuissem enim potius ipse) sed quia videbam id, quod omnes, quod nos de Cn. Pompejo polliceremur, id illum fide, consilio, virtute, auctoritate, felicitate denique sua facillime perfecturum; itaque si hunc dii immortales fructum mei reditus populo Rom. tribuunt, ut quemadmodum discessu meo frugum inopia, fames, vastitas, caedes, incendia, rapinae, scelorum impunitas, fuga, formido, discordia fuisset, sic reditu meo ubertas agrorum, frugum copia, spes otii, tranquillitas animorum, judicia, leges, concordia populi, senatus auctoritas mecum simul reducta videantur; si ve egomet aliquid adventu meo, consilio, auctoritate, diligentia pro tanto beneficio populo Rom. praestare debui; praesto, promitto, spondeo: nihil dico amplius; hoc, quod satis est huic tempori, dico, rempubl. annonae nomine in id discrimen, quo vocabatur, non esse venturam. Num igitur in hoc officio, quod fuit praecipue meum, sententia mea reprehenditur? rem maximam eripui a peste summi periculi, non solum eam, sed etiam vos a caede, incendiis, vastitate: nemo negat, cum ad causam caritatis accederet iste speculator communium miserarium, qui semper in reipubl. malis sceleris sui faeces inflammavit. Negat oportuisse quidquam uni extra ordinem decerni. Non jam tibi sic respondebo, ut ceteris; Cn. Pompejo plurima, periculosissima, maxima terra,

mari.

marique bella extra ordinem esse commissa; quarum re-  
rum si quem poeniteat, eum victoris populi Rom. poe-  
nitere; non ita tecum ago; cum his hæc a me haberi  
oratio potest, qui ita disputant, se, si qua res ad unum  
deferenda sit, ad Cn. Pompejum delaturos potissimum;  
sed se extra ordinem nihil cuiquam dare; cum Pompejus  
datum sit, id se pro dignitate hominis ornare, ac tueri  
solere; horum ego sententiam ne laudem, impedior Cn.  
Pompeji triumphis: quibus ille, cum esset extra ordinem  
ad patriam defendendam vocatus, auxit nomen populæ  
Rom. imperiumque honestavit; constantiam probo: quam  
mihi quoque utendum fuit; quo ille auctore extra ordi-  
nem bellum cum Mithridate, Tigra neque gessit; sed cum  
illis tamen possum aliquid disputare: tua vero quæ tanta  
impudentia est, ut audeas dicere, extra ordinem dari ni-  
hil cuiquam oportere? qui cum lege nefaria Ptolemaum,  
regem Cypri, fratrem regis Alexandriæ, eodem jure re-  
gnantem, causa incognita, publicasset; populumque Romæ  
scelere obligasset; cum in ejus regnum, bona, fortunæ  
latrocinium hujus imperii immisisset, cujus cum patre,  
avo, majoribus societas nobis, & amicitia fuisset: hujus  
pecunie deportandæ, & si quis suum jus defenderet, bel-  
lo gerendo M. Catonem præfecisti; dices, quem virum?  
sanctissimum, prudentissimum, fortissimum, amicissimum  
reip. virtute, consilio, ratione vitam mirabili ad laudem,  
& prope singulari; sed quid ad te, qui negas esse juris,  
quemquam ulli rei extra ordinem præfici? Atque in hoc  
solum inconstantiam redarguo tuam, qui in ipso Catone,  
quem tu non pro illius dignitate produxeras, sed pro tua  
scelere subduxeras, quem tuis Sergiis, Lolliis, Titii,  
cæterisque cadis, & incendiorum ducibus objeceras, quem  
carnificem civium, quem indemnatorum necis principem,  
quem crudelitatis auctorem fuisse dixeras, ad hunc hono-  
rem, & imperium extra ordinem nominatione rogationem  
tua detulisti: & tanta fuisti intemperantia, ut illius tui  
sceleris rationem occultare non posses: literas in concio-  
ne recitasti, quas tibi a C. Cæsare missas diceris: CÆ-  
SAR PULCHRO. Cum etiam es argumentatus, amoris  
esse hoc signum, cum nominibus tantum uteretur, neque  
adscriberet, pro consule, aut, tribuno pl. deinde gratula-  
ri, quod idem in posterum M. Catonem tribunatu tuo  
removisses, & quod idem in posterum de extraordinariis  
potestatibus libertatem ademisses; quas aut numquam ti-  
bi ille literas misit; aut, si misit, in concione recitari  
noluit; aut, si ille misit, sive tu finxisti, certe consi-  
lium tuum de Catonis honore illarum literarum recitatio-  
ne patefactum est. Sed omitto Catonem, cujus eximia  
virtus, dignitas, & in eo negotio, quod gessit, fides, &  
continentia tegere videntur improbitatem & legis, & a-  
dmonitionis tuæ; quis provinciam homini post homines natos  
turpissimo, sceleratissimo, contaminatissimo, quis illam  
opimam, fertilemque Syriam, quis bellum pacatissimis  
gentibus, quis pecuniam ad emendos agros constitutam,

ereptam vi ex Cæsaris rebus actis, quis imperium infinitum dedit? cui quidem cum Ciliciam dedisses, mutasti pactionem, & Ciliciam ad prætorem item extra ordinem transtulisti: Gabinio, pretio amplificato, Syriam nominatim dedisti. Quid? homini teterrimo, crudelissimo, fallacissimo, omnium scelerum, libidinumque maculis notatissimo, L. Pisoni, nonne nominatim populos liberos, multos S. C. etiam recenti lege generi ipsius liberatos, victos, & constrictos tradidisti? nonne, cum ab eo merces tui beneficii, pretiumque provincie meo sanguine tibi esset persolutum, tamen ætarium cum eo partitus es? ita ne vero? ut provincias consulares, quas C. Gracchus, qui unus maxime popularis fuit, non modo non abstulit ab senatu, sed etiam ut necesse esset quotannis constitui per senatum decretas, lege sanxit: eas, lege Sempronius per senatum decretas, rescidisti? extra ordinem, sine sorte, nominatim dedisti, non consulibus, sed reip. pestibus: nos, quod nominatim rei maximæ, pene jam desperatæ, summum virum, sæpe ad extrema reip. discrimina deletum, præfecimus, a te reprehendemur? Quid tandem, si, quæ tum illis reipubl. tenebris, cæcisque nubibus, & procellis, cum Senatum a gubernaculis dejecisses, populum e navi exturbasses, ipse archipirata cum grege prædonum impurissimo plenissimis velis navigares, si quæ tum promulgasti, constituisti, promissisti, vendidisti, perficere potuisses; qui locus in orbe terrarum vacuus extraordinariis fascibus, atque imperio Clodiano fuisset? sed excitatus aliquando Cn. Pompeji (dicam, ipso audiente, quod sensi, & sentio, quoquo animo me auditurus est) excitatus, inquam, aliquando Cn. Pompeji nimium diu reconditus, & penitus abstrusus animi dolor subvenit subito reip. civitatemque fractam malis, mutam, debilitatam, abjectam metu, ad aliquam spem libertatis, & pristinae dignitatis erexit. Hic vir extra ordinem rei frumentariæ præficiendus non fuit? scilicet tu helluoni spurcissimo, prægustatori libidinum tuarum, homini egentissimo, & facinorosissimo, Sex. Clodio, socio tui sanguinis, qui sua lingua etiam sororem tuam a te abalienavit, omne frumentum privatum, & publicum, omnes provincias frumentarias, omnes manicipes, omnes horreorum claves lege tua tradidisti; qua ex re primum caritas nata est, deinde inopia: impendebat famines, incendia, cædes, direptio: imminebat tuus furor omnium fortunis, & bonis. Queritur etiam importuna pestis, ex ore impurissimo Sex. Clodii rem frumentariam esse ereptam; summisque in periculis ejus viri auxilium implorasse remp., a quo sæpe se & servatam, & amplificatam esse meminisset. Extra ordinem ferri nihil placet Clodio. Quid? de me quod tulisse te dicis, parricida, fratricida, sororicida, non ne extra ordinem tulisti? an de peste civis, quemadmodum omnes jam dii, atque homines judicarunt, conservatoris reip. quemadmodum autem tu te ipse confiteris, non modo indemnati, sed ne accusati, quidem, licuit tibi ferre non legem, sed nefarium privilegium,

legium, lugente senatu, merentibus bonis omnibus, totius Italiae precibus repudiatis, oppressa, captaque republica; mihi, populo R. implorante, senatu poscente, temporibus reip. flagitantibus, non licuit de salute populi R. sententiam dicere? Qua quidem in sententia, si Cn. Pompeji dignitas aucta est conjuncta cum utilitate communi, certe laudandus essem, si ejus dignitati suffragatus viderer, qui meae saluti operam, & auxilium tulisset; desinant, desinant homines iisdem machinis sperare me restitutum posse labefactari, quibus antea stantem perculerunt; quod enim par amicitiae consularis fuit umquam in hac civitate conjunctius, quam fuimus inter nos ego, & Cn. Pompejus? quis apud populum R. de illius dignitate illustrius; quis senatus saepius dixit? qui tantus fuit labor, quae simultas, quae contentio, quam ego non pro illius dignitate susceperim? qui ab illo in me honos, quae praedicatio de mea laude, quae remuneratio benevolentiae praetermissa est? hanc nostram conjunctionem, hanc conspirationem in rep. bene gerenda, hanc jucundissimam vitae, atque officiorum omnium societatem certi homines fictis sermonibus, & falsis criminibus diramerunt; cum iisdem ullum, ut me metueret, me sciret, monerent; iisdem apud me, mihi illum esse uni inimicissimum, dicerent; ut neque ego ab illo, quae mihi petenda essent, satis audacter petere possem; neque ille, tot suspicionibus certorum hominum, & scelere exulceratus, quae meum tempus postularet, satis prolixè mihi polliceretur; data merces est erroris mei magna, Pontifices; ut me non solum pigeat stultitiae meae, sed etiam pudeat; qui, cum me non repentinum aliquod meum tempus, sed veteres multo ante suscepti, & provisi labores cum viro fortissimo, & clarissimo conjunxissent, sim passus a tali amicitia distrahi, neque intellexerim, quibus aut ut apertis inimicis obfisterem, aut ut insidiosis amicis non crederem; proinde desinant aliquando me iisdem inflammare verbis. Quid sibi iste vult? nescit, quantum auctoritate valeat, quas res gesserit, qua dignitate sit restitutus; cur ornat eum, a quo desertus est? Ego vero neque me tum desertum puto, sed pene deditum; nec, quae sint in illa reip. flamma gesta contra me, neque quo modo, neque per quos, patefaciendum mihi esse arbitror; si utile reip. fuit, haurire me unum pro omnibus illam indignissimam calamitatem: etiam hoc utile sit, quorum id scelere constatum sit, me occultare, & tacere. Illud vero est ingrati hominis tacere, (itaque libentissimo predicabo) Cn. Pompejum studio, & auctoritate aequae, ut unumquemque vestrum, opibus, contentione, precibus, periculis denique praecipue pro salute mea laborasse; hic tuis, P. Lentule, cum tu nihil aliud dies & noctes, nisi de salute mea cogitares, consiliis omnibus interfuit, hic tibi gravissimus auctor ad instituendam, fidelissimus socius ad comparandam, fortissimus adjutor ad rem perficiendam fuit: hic municipia, coloniasque addit; hic Italiae totius auxilium

cupientis imploravit: hic in senatu princeps sententiam  
 fuit: idemque cum dixisset, tum etiam pro salute mea  
 populum R. obsecravit. Quare istam orationem, qua es  
 usus, omittas licet, post illam sententiam, quam dixe-  
 ram de annonâ, pontificum animos esse mutatos: perinde  
 quasi isti aut de Cn. Pompejo aliter, atque ego existimo,  
 sentiant; aut, quid mihi pro expectatione populi R. pro  
 Cn. Pompeji meritis erga me, pro ratione mei temporis  
 faciendum fuerit, ignorent; aut etiam, si ejus sententia  
 pontificis animum, quod certo scio aliter esse, mea sen-  
 tentia offendit, alio modo sit constituturus aut de religione  
 pontificum, aut de rep. quam sum aut ceremoniarum jus,  
 aut civitatis salus coegerit. Intelligo, pontifices, me plu-  
 ra extra causam dixisse, quam aut opinio tulerit, aut vo-  
 luntas mea: sed, cum me purgatum vobis esse cuperem,  
 sum etiam vestra in me attente audiendo benignitas pro-  
 movit orationem meam; sed hoc compensabo brevitate  
 ejus orationis, quæ pertinet ad ipsam cognitionem ve-  
 stram; quæ cum sit in jus religionis, & in jus reip. dis-  
 tributa; religionis partem, quæ multo est verbosior, præ-  
 termittens, de jure reip. dicam; quid est enim aut tam arro-  
 gans, quam de religione, de rebus divinis, ceremoniis,  
 sacris pontificum collegium docere conari: aut tam stul-  
 tum, quam, si quis quid in vestris libris invenerit, id  
 narrare vobis: aut tam curiosum, quam ea scire velle,  
 de quibus majores nostri vos solos & consuli, & scire vo-  
 luerunt? Nego potuisse jure publico, legibus iis, quibus  
 hæc civitas utitur, quemquam civem ullâ ejusmodi cala-  
 mitate affici, sine judicio; hoc juris in hac civitate etiam  
 tum, cum reges essent, dico fuisse, hoc nobis esse a ma-  
 joribus traditum, hoc esse denique proprium liberæ civi-  
 tatis, ut nihil de capite civis, aut de bonis sine judicio  
 senatus; aut populi, aut eorum, qui de quaque re con-  
 stituti judices sint, detrahi possit. Vides ne me non radi-  
 citus evellere omnes actiones tuas? neque illud agere,  
 quod apertum est, te omnino nihil gessisse jure, non fuisse  
 tribunum pl.? hoc dico esse parricidium: dico apud  
 pontifices: augures assunt: versor in medio jure publico.  
 Quod est, pontifices, jus adoptionis? nempe ut is ado-  
 ptes, qui neque procreare jam liberos possit, & cum  
 potuerit, sit expertus. Quæ deinde causa cuique sit ado-  
 ptionis, quæ ratio generum, ac dignitatis, quæ sacrorum,  
 quæ a pontificum collegio solet; quid est horum in ista  
 adoptione quaesitum? adoptat annos viginti natus, etiam  
 minor, senatorem: liberorum ne causa? at procreare pot-  
 est, habet uxorem, suscepit etiam liberos; exheredabit  
 igitur pater filium; quid? sacra Clodii gentis cur inter-  
 eunt, quod in te est? quæ omnis notio pontificum, cum  
 adoptaret, esse debuit; nisi forte ex te ita quaesitum est,  
 num perturbare remp. seditionibus velles; & ob eam cau-  
 sam adoptari, non ut filius esses, sed ut tribunus pl. fie-  
 res, & funditus everteres civitatem: respondisti, credo,  
 te ita velle; pontificibus bona causa visa est: approbave-  
 runt;

sunt; non ætas ejus, qui adoptabat, quaesita est, ut in Cn. Aufidio, M. Pupio: quorum uterque, nostra memoria, summa senectute, alter Orestem, alter Pisonem adoptavit: quas adoptiones, sicut alias innumerabiles, hæreditates nominis, personarum, sacrorum secutæ sunt; tu neque Fontejus es, qui esse debebas: neque patris hæres; neque, amissis sacris paternis, in hæc adoptiva venisti; ita, perturbatis sacris, contaminatis gentibus, & quam deseruisti, & quam polluisti, jure Quiritium legitimo tutelarum, & hæreditatum relicto, factus es ejus filius contra fas, cujus per ætatem pater esse potuisti. Dico apud pontifices: nego istam adoptionem pontificio jure esse factam: primum, quod ex vestrarum sit ætates, ut is, qui te adoptavit, vel tibi loco filii per ætatem esse potuerit: deinde, quod causa quaeri soleat adoptandi, ut & is adoptet, qui, quod natura jam assequi non potest, & legitima, & pontificio jure quærat; & ita adoptet, ut ne quid aut de dignitate generum, aut de sacrorum religione minuat; illud in primis, ne qua calumnia, ne qua fraus, ne quis dolus adhibeatur; ut hæc simulata adoptio filii quam maxime veritatem illam suscipiendorum liberorum imitata esse videatur; quæ major calumnia est, quam venire imberbem adolescentulum, bene valentem, ac maritum; dicere, filium senatorem populi R. sibi velle adoptare, id autem scire, & videre omnes, non ut ille filius institutur, sed ut e patriciis exeat, ut tribunus pl. fieri possit, idcirco adoptari? neque id obscurum: nam adoptatum emancipari statim, ne sit ejus filius, qui adoptarit; cur ergo adoptatur? probate genus adoptionis; jam omnium sacra interierint, quorum custodes vos esse debetis; jam patricius nemo relinquatur; cur enim quisquam vellet tribunum pl. se fieri non licere? angustiorum sibi esse petitionem consulatus? in sacerdotium cum possit venire, quia patricio non sit locus, non venire? ut cuique aliquid acciderit, quare commodius sit esse plebeum, simili ratione adoptabitur; itaque populus R. brevi tempore neque regem sacrorum, neque flamines, nec salios habebit, nec ex parte dimidia reliquos sacerdotes, neque auctores centuriarum, & curiatorum comitiorum: auspiciaque populi R. si magistratus patricii creati non sint, intereant necesse est; cum interrex nullus sit, quod & ipsum patricium esse, & a patricio prodi necesse est. Dixi apud pontifices, istam adoptionem nullo decreto hujus collegii probatam, contra omne pontificium jus factam, pro nihilo esse habendam: qua sublata, intelligis totum tribunatum tuum concidisse. Venio ad augures, quorum ego libros, si qui sunt reconditi, non scrutor: non sum in exquirendo jure augurum curiosus; hæc, quæ una cum populo didici, quæ sæpe in consionibus responsa sunt, novi: negant fas esse agi cum populo, cum de coelo servatum sit; quo die de te lex curiata lata esse dicatur, audes negare de coelo esse servatum? adest præsens, vir singulari virtute, constantia, gravitate præditus, M.

Bibulus; huic consulem illo ipso die contendo servasse de cœlo; infirma sunt igitur acta, tua sententia, C. Cæsaris, viri fortissimi? minime; neque enim mea jam quidquam interest, exceptis iis telis, quæ ex illius actionibus in meum corpus immissa sunt; sed hæc de auspiciis, quæ ego nunc perbreve attingo, acta sunt a te; tu, tuo præcipitante jam, & debilitato tribunatu, auspiciorum patronus subito extitisti: Tu M. Bibulum in concionem, tu augures produxisti: te interrogante, augures responderunt, cum de cœlo servatum sit, cum populo agi non posse: tibi M. Bibulus querenti, se de cœlo servasse, respondit; idemque in concione dixit, ab Appio, fratre tuo, productus, te omnino, quod contra auspicia adoptatus esses, tribunum pl. non fuisse: tua denique omnia actio posterioribus mensibus fuit: omnia, quæ C. Cæsar egisset, quæ contra auspicia essent acta, per senatum rescindi oportere: quod si heret, dicebat te tuis humeris me, custodem urbis, in urbem relaturum. Videte hominis amentiam, ubi per suum tribunatum Cæsaris actis alligatus teneretur. Si & sacrorum iure pontifices, & auspiciorum religione augures totum evertunt tribunatum tuum; quid queris amplius? an etiam apertius aliquod jus populi, atque legum? Hora fortasse sexta diei questus sum in iudicio, cum C. Antonium, collegam meum, defenderem, quædam de rep. quæ mihi visa sunt ad illius miseri causam pertinere: hæc homines improbi ad quosdam viros forte longe aliter, atque a me dicta erant, detulerunt: hora nona, illo ipso die, tu es adoptatus; si, quod in cæteris legibus trinum nundinum esse oportet, id in adoptione satis est trium esse horarum: nihil reprehendo; sin eadem observanda sunt; decrevit senatus, M. Drusi legibus, quæ contra legem Cæciliam, & Didiam latæ essent, populum non teneri. Jam intelligis omni genere juris, quod in sacris, quod in auspiciis, quod in legibus sit, te tribunum pl. non fuisse; atque ego hoc totum non sine causa reliqua; video enim quosdam clarissimos viros, principes civitatis, aliquot locis iudicasse, te cum plebe iure agere potuisse; qui etiam de ipso, cum tua rogatione funere elatam remp. esse dicerent, tamen id funus, etsi miserum, atque acerbum fuisset, iure indictum esse dicebant; quod de me cive, ac de rep. bene merito tulisses, funestum funus te indixisse reipub., quod salvis auspiciis tulisses, iure egisse dicebant; quare licebit, ut opinor, nobis eas actiones non infirmare, quibus illi actionibus constitutum tribunatum tuum comprobaverunt. Fueris sane tribunus pl. tam iure, tam lege, quam fuit hic ipse Rullus, vir omnibus rebus clarissimus, atque amplissimus; quo iure, quo more, quo exemplo legem nominatim de capite civis indemnati tulisti? vetant leges sacratæ, vetant XII. tabulæ, leges privatis hominibus irrogari: id est enim privilegium; nemo unquam tulit: nihil est crudelius, nihil perniciosius, nihil, quod minus hæc civitas ferre possit; proscriptionis miserimum nomen illud, & omnis acerbitas Sullani temporis quid habet, quod maxime sit insigne ad memoriam crudelitatis?



tatis? opinor, poenam in cives R. nominatim sine judicio constitutam; hanc vos igitur, Pontifices, judicio, atque auctoritate vestra tribuno pl. potestatem dabit, ut proscribere possit, quos velit? quero enim, quid sit aliud proscribere? Velitis, jubeatis, ut M. Tullius in civitate ne sit, bonaque ejus ut mea sint; ita enim fecit, etsi aliis verbis tulit; hoc plebiscitum est? hæc lex, hæc rogatio est, hoc vos pati potestis, hoc ferre civitas, ut singuli cives singulis versiculis e civitate tollantur? equidem jam perfunctus sum: nullam vim, nullum impetum metuo: explevi animos invidorum: placavi odia improborum: saturavi etiam perfidiam, & scelus proditorum: denique de mea causa, quæ videbatur perditis civibus ad invidiam esse proposita, jam omnes urbes, omnes ordines, omnes dii, atque homines judicaverunt; vobismet ipsis, Pontifices, & vestris liberis, cæterisque civibus pro vestra auctoritate, & sapientia consulere debetis: nam cum tam moderata judicia populi sint a majoribus constituta; primum, ut ne poena capitis cum pecunia conjungatur, deinde, ne nisi prædicta die quis accusetur: tertio, ut ter ante magistratus accuset intermissa die, quam multam itroget, aut judicet; quarta sit accusatio trinum nundinum, prædicta die, qua die judicium sit futurum; tum multa etiam ad placandum, atque ad misericordiam reis concessa sunt; deinde exorabilis populus, facilis suffragatio pro salute; denique etiam, si qua res illum diem aut auspiciis, aut excusatione sustulit, tota causa, judiciumque sublatum est. Hæc cum ita sint in re, ubi crimen est, ubi accusator, ubi testes: quid indignius, quam qui neque adesse sit iussus, neque citatus, neque accusatus, de ejus capite, liberis, fortunis omnibus conductos, & sicarios, egentes, & perditos suffragium ferre, & eam legem putare? at, si hoc de me potuit, quem honos, quem dignitas, quem causa, quem resp. tuebatur, cujus denique pecunia non expetebatur, cui nihil oberat præter conversionem status, & inclinationem communium temporum; quid tandem futurum est iis, quorum vita remota ab honore populari, & ab hac illustri gratia est, pecunie autem tantæ sunt, ut eas nimium multi egentes, sumptuosi, nobiles concupiscant? date hanc tribuno plebis licentiam, & intuemini paulisper animis juventutem, & eos maxime, qui imminere jam cupiditate videntur in tribunitiam potestatem: collegia medius fidiis tribunorum pl. tota reperientur, hoc jure firmato, quæ cocant de hominum locupletissimorum bonis, præda præsertim populari, & spe largitionis oblata. At quid tulit legum scriptor peritus, & callidus? Velitis, jubeatis, ut M. Tullio aqua, & igni interdicatur? crudele, nefarium, ne in sceleratissimo quidem cive ferendum sine judicio. Non tulit, ut interdicatur; quid ergo? ut interdictum sit. O coenum, o portentum, o scelus! hanc tibi legem Clodius scripsit spurciorem lingua sua, ut interdictum sit, cui non sit interdictum? Sexte noster, bona venia dic, quoniam jam

jam dialecticus es, & hoc quoque liguris: quod factum non est, ut sit factum, ferri ad populum, aut verbis ullis sanciri, aut suffragiis confirmari potest? hoc tu scriptore, hoc consiliario, hoc ministro, omnium non bipedum solum, sed etiam quadrupedum impurissimo, rempub. perdidisti; neque tu eras tam exors, tamque demens, ut nescires hunc Clodium esse, qui contra leges faceret, & alios esse, qui leges scribere solerent; sed neque eorum, neque cæterorum, in quibus esset aliquid modestiæ, cujusquam tibi potestas fuit; neque tu legum scriptoribus iisdem potuisti uti, quibus cæteri, neque operum architectis; neque pontificem adhibere, quem velles; postremo ne in prædæ quidem societate mancipem, aut prædæ socium, extra tuorum gladiatorum numerum; aut denique suffragii latorem in ista tua proscriptione quemquam, nisi furem, aut ficiarium, reperire potuisti. Itaque cum tu florens, ac potens per medium forum popularis volitares; amici illi tui te uno amico testis, & beati, qui se populo commiserant, ita repellebantur, ut etiam Palatinam tuam perderent; qui in iudicium venerant, sive accusatores erant, sive rei, te deprecante damnabantur; denique etiam ille novitius Ligur, venalis adscriptor, & subscriptor tuus, cum M. Papijii, sui fratris, esset testamento, & iudicio improbatus, mortem ejus se velle persequi dixit: nomen Sax. Propertii detulit; accusare alienæ damnationis, scelerisque socius, propter calumniæ metum non est ausus. De hac igitur lege dicimus, quæ jure rogata videatur: cujus quam quisque partem tetigit, digito, voce, præda, suffragio, quocumque venit, repudiatus, convictusque discessit. Quid, si iis verbis scripta est ista proscriptio, ut se ipsa dissolvat? est enim: *Quod M. Tullius falsum S. C. retuleris*. Si igitur retulit falsum S. C. tum est rogatio: si non retulit, nulla est; satis ne tibi videtur a senatu judicatum, me non modo non e mentium esse auctoritatem ejus ordinis, sed etiam unum post urbem conditam diligentissime senatui paruisse? quot modis doceo, legem istam quam vocas, non esse legem? Quid si etiam pluribus de rebus uno sortitu retulisti? tamen ne arbitraris, id quod M. Drusus in legibus suis plerisque, bonus ille vir M. Scaurus, & L. Crassus consularis non obtinuerint, id te posse, omnium facinorum, & stuprorum omnium Decumis, & Clodiis auctoribus obtinere? Tulisti de me, ne reciperer, non ut exirem; quem tu ipse non poteras dicere, non licere esse Romæ; qui enim diceres? damnatum? certe non; expulsum? qui liquit? sed tamen ne id quidem est scriptum, ut exirem; poena est, qui receperit; quam omnes neglexerunt; ejectio nusquam est; verum sit: quid? operum publicarum exactio? quid? nominis inscriptio tibi unum aliud videtur esse, ac meorum bonorum direptio? præterquamquod ne id quidem per legem Liciniam, ut ipse tibi curationem ferres, facere potuisti; quid hoc ipsum, quod nunc apud Pontifices agis, te meam domum conse-

consecrasset, te monumentum fecisset, in meis aedibus te  
signum dedicasset, eaque te ex una rogatione fecisset;  
unum, & idem videtur esse, atque id, quod de me ipso  
nominationem tulisti? tam hercule est unum, quam quod  
idem tu lege una tulisti: ut Cyprius rex, cujus majores  
huic populo socii, atque amici semper fuerunt, cum bo-  
nis omnibus sub pracone subiceretur, & exules Byzan-  
tium reducerentur. Eidem, inquit, utraque de re nego-  
tium dedi. Sed quid, si eidem negotium dedisses, ut in  
Asia cistophorum flagitaret, inde iret in Hispaniam; cum  
Roma decessisset, consulatum ei petere liceret; cum fa-  
ctus esset, provinciam Syriam obtineret? quoniam de uno  
homine scriberes, una res? quod si jam populus Romae  
de ista re consultus esset; & non omnia per servos, la-  
tronesque gessisses; nonne fieri poterat, ut populo de Cy-  
prio rege placeret, de exulibus Byzantinis displiceret? quae  
est quasi alia vis, quam sententia Caecilii legis, & Didii,  
nisi haec, ne populo necesse sit in conjunctis rebus com-  
pluribus aut id, quod nolit, accipere, aut id, quod ve-  
lit, repudiare? Quid, si per vim tulisti; tamen ne lex  
est; ut quidquam jure gestum videri potest, quod per  
vim gestum esse constet? an si ipsa latione tua, capta  
jam urbe, lapides jacti, si manus collata non est; idcirco  
tu ad illam labem, atque eluviem civitatis sine summa  
vi pervenire potuisti? cum in tribunali Aurelio conscribe-  
bas palam non modo liberos, sed etiam servos, ex omni-  
bus vicis concitatos; vim tum videlicet non parabas: cum  
edictis tuis tabernas claudi jubebas: non vim imperitiae  
multitudinis, sed hominum honestorum modestiam, pru-  
dentiamque quaerebas: cum arma in eodem Castoris com-  
portabas; nihil aliud, nisi tui ne quid per vim agi pos-  
set, machinabare: cum vero gradus Castoris convellisti,  
ac removisti: tum, ut modeste tibi agere liceret, homi-  
nes audaces ab ejus templi aditu, atque ascensu repuli-  
sti: cum eos, qui in conventu virorum bonorum verba  
de salute mea fecerant, adesse iussisti, eorumque advoca-  
tionem manibus, ferro, lapidibus disculisti; tum profe-  
cto ostendisti, vim tibi maxime displicere. Verum haec  
furiosa vis vesani trib. pl. facile superari, frangique po-  
tuit virorum bonorum virtute, vel multitudine; quid,  
cum Gabinio Syria dabatur, Macedonia Pisoni, utrique  
infinitum imperium, ingens pecunia, ut tibi omnis per-  
mitterent, te adjuvarent, tibi manum, copias, tibi suos  
paratos centuriones, tibi pecunias, tibi familias compa-  
rarent, te suis sceleratis concionibus sublevarent, senatus  
auctoritatem irriderent, equitibus R. mortem, proscriptio-  
nemque mimitarentur, me terrent minis, mihi caedem,  
& dimicationem denunciarent, meam domum refertam  
viris bonis per amicos suos complerent, proscriptionis  
metu me frequentia nudarent virorum bonorum, me pra-  
sidio spoliarent, senatum pro me non modo propugnare,  
amplissimum ordinem, sed etiam plorare, & supplicare  
mutata veste prohiberent: ne tum quidem vis erat? quid

igitur ego cessi? aut qui timor fuit? non dicam in me quidem: fac me timidum esse natura: quid illa tot viro- rum fortissimorum millia? quid illi equites R.? quid se- natus? quid denique omnes boni? si nulla vis erat, cur me fientes potius profecuti sunt, quam aut increpantes retinuerunt, aut irati reliquerunt? an hoc timebam, si mecum ageretur more, institutoque majorum, ut pos- sem præsens sustinere? utrum, si dies dicta esset, iudicium mihi fuit pertimescendum, an sine iudicio privilegium? iudicium in causa tam turpi? scilicet is homo sum, qui, etiamsi causa esset ignota, dicendo non possem explicare. An eam causam probare non poteram, cujus tanta boni- tas est, ut ea ipsa non modo se, sed etiam me absentem per se probarit? An senatus, an ordines, an ii, qui cun- cta ex Italia ad me revocandum convolaverunt, seniores me præsente ad me retinendum, & conservandum fuissent in ea causa, quam ipse jam parricida talem dicat fuisse, ut me ab omnibus ad meam pristinam dignitatem expe- litum, atque revocatum queratur? An vero in iudicio periculi nihil fuit; privilegium pertinui, ne, mihi præsenti si multa irrogaretur, nemo intercederet? tam inops aut ego eram ab amicis, aut tam nuda respub. a magi- stratibus? quid? si vocatæ tribus essent; proscriptionem, non dicam in me, ita de sua salute merito, sed omnino in ullo cive comprobavissent? An, si ego præsens fuis- sem, veteres illæ copiæ conjuratorum, tuique perditii mi- lites, atque egentes, & nova vis sceleratissimorum consu- lum corpori meo pepercissent? qui, cum eorum omnium crudelitati, scelerique cēssissem, ne absens quidem luctu meo mentes illorum satiare potui; quid enim vos uxor mea misera violaret? quam vexavistis, raptavistis, omni crudelitate laceravistis: quid mea? filia? cujus fletus as- fiduus, sordesque lugubres vobis erant jucundæ, cætero- rum omnium mentes, oculosque flecebant; quid parvus filius? quem, quamdiu absui, nemo nisi lacrymantem, confectumque vidit; quid fecerat, quod eum toties per in- fidias interficere voluistis? quid frater meus, qui cum ali- quanto post meum discessum ex provincia venisset, neque sibi vivendum, nisi me restituto, putaret, cum ejus mo- ror, squalor incredibilis, & inauditus omnibus mortalibus miserabilis videretur: quoties ex vestro ferro, ac manibus est elapsus? sed quid ego vestram crudelitatem expromo, quam in ipsum me, ac meos adhibuistis, qui parietibus, qui testis, qui columnis, ac postibus meis horribicum qued- dam, & nefarium omni imbutum odio bellum intulistis? non enim te arbitror, cum post meum discessum omnium locupletum fortunas, omnium provinciarum fructus, & tetrarcharum, ac regum bona spe, & avaritia devorasses, a- genti, & supellestilis meæ cupiditate esse cæcatum: non existimo Campanum illum consulem cum saltatore colle- ga, cum alteri totam Achajam, Thessajam, Bœotiam, Græciam, Macedoniam, omnemque barbariam, bona ci- vium R. condonasset, alteri Syriam, Babylonem, Persas, intē-

integerrimas, pacatissimasque gentes ad diripiendum tradidisses, illos tam cupidos luminum meorum, & columnarum, & valvarum fuisse; neque porro illa manus, copiarumque Catilinæ cæmentis, ac tignis meorum testorum se famem suam expleturas putaverunt: sed ut hostium urbes, nec omnium hostium, verum eorum, quibuscum acerbum bellum, intestinumque suscepimus, non præda adducti, sed odio solemus excidere, quod, in quos propter eorum crudelitatem inflammata mentes nostræ fuerunt, cum horum etiam testis, ac sedibus residere aliquod bellum semper videtur. Nihil erat latum de me; non adesse eram iussus: non citatus fueram: eram etiam tuo iudicio civis incolumis: cum domus in Palatio, villa in Tusculano, altera ad alterum consulem transferebatur: senatum consules vetabant; columnæ marmoreæ ex ædibus meis, inspectante populo R. ad socrum consulis portabantur; in fundum autem vicini consulis non modo instrumentum, aut ornamenta villæ, sed etiam arbores transferebantur; cum ipsa villa non prædæ cupiditate (quid enim erat prædæ?) sed odio, & crudelitate funditus everteretur; domus ardebat in Palatio, non fortuito, sed oblato incendio: consules epulabantur, & in conjuratorum gratulatione versabantur, cum alter se Catilinæ delicias, alter Cethegi confobrinum fuisse diceret. Hanc ego vim, Pontifices, hoc scelus, hunc furorem, meo corpore opposito, a bonorum omnium cervicibus populi, omnemque impetum discordiarum, omnem diu collectam vim improborum, quæ inveterata compresso odio, atque tacito jam erumpebat nata tam audaces duces, excepi meo corpore: in me uno consulares faces iactæ manibus tribuniciis; in me omnia, quæ ego quondam retuleram, conjurationis nefaria tela adhæserunt; quod si, ut multis fortissimis viris placuit, vi, & armis contra vim decertare voluissem: aut vicissem cum magna internecione improborum, sed tamen civium: aut interfectis bonis omnibus, quod illi optatissimum erat, una cum rep. concidissem; videbam, vivo senatu, populoque R. celerem mihi summa cum dignitate reditum: nec intelligebam fieri diutius posse, ut mihi non liceret esse in ea rep. quam ipse servassem; quod si non liceret, audieram, & legeram, clarissimos nostræ civitatis viros se in medios hostes ac perspicuam mortem pro salute exercitus injecisse: ego pro salute reip. universæ dubitarem? hoc meliore conditione, quam Decii, quod illi ne auditores quidem suæ gloriæ, ego etiam spectator meæ laudis esse potuissim. Itaque infractus furor tuus inanes faciebat impetus; omnem enim vim omnium sceleratorum acerbitas mei casus exceperat; non erat in tam immani injuria, tantisque ruinis novæ crudelitati locus. Cato fuerat proximus (quid ageres, non erat) ut qui modus omnibus moribus fuerat, idem esset injuriæ, quid posses? extrudere ad Cypriam pecuniam: præda perierit; alia non deerit: hunc modo amandandum esse; sic M. Cato ignisus, quasi per beneficium, Cyprum relegatur; ciji-

eiuntur duo, quos improbi videre non poterant, alter per honorem turpissimum, alter per honestissimam calamitatem. Atque ut sciatis non hominibus istum, sed virtutibus hostem semper fuisse, me expulso, Catone amandato, iam cum ipsum se convertit, quo auctore, quo adjutore, in concionibus ea, quæ gerebat, omnia, quæque gesserat, se fecisse, & facere dicebat. Cn. Pompejum, quem omnium iudicio longe principem esse civitatis videbat, diutius furori suo veniam daturum non arbitrabatur; quæ ejus custodia, per insidias, regis amici filium, hostem captivum furripuisset, & ea injuria virum fortissimum lacerasset, speravit iisdem se copiis cum illo posse confingere, quibuscum ego noluissem bonorum periculo dimicare; & primo quidem adiutoribus consulibus: postea fregit fœdus Gabinus: Piso tamen in fide mansit; quas iste tum cædes, quas lapidationes, quas fugas fecerit, quam facile ferro, quotidianisque insidiis, cum jam a firmissimo robore copiarum suarum relictus esset, Cn. Pompejum foro, curiaque privavit, domumque conjecerit, vidistis: ex quo judicare potestis, quanta vis illa fuerit oriens, & congregata, cum hæc Cn. Pompejum terrueris jam distracta, & extincta. Hoc vidit in sententia dicenda Kal. Jan. vir prudentissimus, & cum reip. tum mihi, tum etiam veritati amicissimus, L. Cotta, qui legem de meo reditu ferendam non censuit; qui me consuluisse reip., cessisse tempestati, amiciorum vobis, ceterisque civibus, quam mihi, ac meis extitisse, vi, armis, disensione hominum ad eandem instituta, novoque dominatu pulsum esse dixit; nihil de meo capite potuisse ferri, nihil esse inscriptum, aut posse valere; omnia contra leges, moremque majorum temere, turbulente, per vim, per furorem esse gesta: quod si illa lex esset, nec referre ad senatum consules, nec sententiam dicere sibi licere; quorum utrumque cum fieret, non oportere, ut de me lex ferretur, decerni, ne illa, quæ nulla esset, esse lex judicaretur; sententia verior, gravior, utilior, melior reip. nulla esse potuit; hominis enim scelere, & furoris notato, similis a rep. labe in posterum dimovebatur. Neque hoc Cn. Pompejus, qui ornatissimam de me sententiam dixit, vosque pontifices, qui me vestris sententiis, auctoritatibusque defendistis, non vidistis, illam esse nullam, atque esse potius flammam temporis, interdictum sceleris, vocem furoris: sed prospexistis, ne quæ popularis in nos aliquid invidia redundaret, si sine populi iudicio repositi videremur. Eodemque consilio M. Bibuli, fortissimi viri, senatus sententiam secutus est, ut vos de mea domo statueretis: non quod dubitaret: quin ab isto nihil legibus, nihil religionibus, nihil jure esset actum, sed ne quis exiretur aliquando in tanta ubertate improborum, qui id meis audibus aliquam religionem residere diceret; nam legem quidem istam nullam esse, quotiescumque de me senatus sententiam dixit, toties judicavit; quoniam quidem scripto illo istius sententiam dicere vetabatur; atque hæc rem per illud

illud simile, Piso, & Gabinius, vidit; homines legum, judiciorumque metuentes, cum frequentissimus senatus eos, ut de me referrent, quotidie flagitaret, non se rem improbare dicebant; sed lege istius impediri; erat hoc verum: nam impediabantur, verum ea lege, quam idem iste de Macedonia, Syriaque tulerat; hanc tu, P. Lentule, neque privatus, neque consul legem esse umquam putasti; nam tribb. pl. referentibus, sententiam de me designatus consul sæpe dixisti; ex Kal. Jan. quoad perfecta res est, de me retulisti: legem promulgasti: tulisti: quorum tibi, si esset illa lex, nihil liceret; ac etiam Q. Metellus, collega tuus, vir clarissimus, quam legem esse homines alienissimi a P. Clodio judicarent, Piso, & Gabinius, eam nullam esse frater P. Clodii, cum de me ad senatum tecum una retulit, judicavit. Sed isti, qui Clodii leges timuerunt, quemadmodum cæteras observarunt? senatus quidem, cujus est gravissimum judicium de jure legum, quotiescumque de me consultus est, toties eam nullam esse judicavit; quod idem tu, Lentule, vidisti in ea lege, quam de me tulisti: nam non est ita latum, ut mihi Romam venire liceret, sed ut venirem: non enim voluisti, id quod licebat, ferre, ut liceret; sed me ita esse in rep., magis ut arcessitus imperio populi R. viderer, quam ad administrandam civitatem restitutus. Hunc tu etiam, perniciose pestis, exulem appellare ausus es, cum t. n. is sceleribus esses, & factis notatus, ut omnem locum, quo adesses, exilii simillimum redderes? quid est enim exul? ipsum per se nomen calamitatis, non turpitudinis: quando igitur est turpe? re vera, quando est poena peccati; opinione autem hominum, etiam si est poena damna- ti; utrum igitur peccato meo exulis nomen subeo, an re judicata? peccato? jam neque tu id dicere audes, quem isti satellites tui felicem Catilinam nominant, neque quisquam eorum, qui solebant: non modo jam nemo est tam imperitus, qui ea, quæ gessi in consulatu, peccata esse dicat: sed nemo est tam inimicus patriæ, qui non meis consiliis patriam conservatam esse fateatur. Quod enim est in terris comune tantum, tantulumve consilium, quod non de meis rebus gestis ea, quæ mihi essent optatissima, & pulcherrima, judicavit? summum est populi Rom. populorumque, & gentium omnium, ac regum consilium senatus: decrevit, ut omnes, qui republ. salvam esse vellent, ad me unum defendendum venirent; ostenditque, nec stare potuisse rep. si ego non fuisset restitutus: nec futuram esse ullam, si non rediissem. Proximus est huic dignitati ordo equester: omnes omnium publicanorum societates de meo consulatu, ac de meis rebus gestis amplissima, atque ornatissima decreta fecerunt. Scribæ, qui nobiscum in rationibus, monumentisque publicis versantur, non obscurum de meis in rep. beneficiis suum judicium, decretumque esse voluerunt. Nullum est in hac urbe collegium, nulli pagani, aut montani, quoniam plebi quoque urbanæ majores nostri conventicula, & quasi concilia quædam esse voluit.

voluerunt, qui non amplissime non modo de salute mea, sed etiam de dignitate decreverint. Nam quid ego illa divina, atque immortalia municipiorum, & coloniarum, & totius Italiae decreta commemorem? quibus tamquam gradibus mihi videor in cœlum ascendisse, non solum in patriam revertisse. Ille vero dies quis fuit, cum te, P. Lentule, legem de me ferentem populus R. ipse vidit, sensitque, quantus, & quanta dignitate esses? constat enim, nullis unquam comitiis campum Martium tanta celebritate, tanto splendore omnis generis hominum, ætatum, ordinum floruisse. Omitto civitatum, nationum, provinciarum, regum, orbis denique terrarum de meis in omnes mortales meritis unum iudicium, unumque consensum. Adventus meus, atque introitus in urbem qui fuit? utrum me patria sic accepit, ut lucem, salutemque redditam sibi, ac restitutam accipere debuit, an ut crudelem tyrannum? quod vos, Catilinæ gregales, de me dicere solebatis; itaque ille unus dies, quo die me populus R. a porta in Capitolium, atque inde domum, sua celebritate, lætitiæque comitatum, honestavit, tantæ mihi jucunditati fuit, ut tua mihi conscelerata illa vis non modo non propulsanda, sed etiam emenda fuisse videatur. Quare illa calamitas ( si ita est appellanda ) excussit hoc genus totum maledicti, ne quisquam audeat jam reprehendere consulationem meam, tot, tantis, tam ornatis iudiciis, testimoniis, a floridatibus comprobatum; quod si in isto tuo maledicto prebrum non modo mihi nullum obiectas, sed etiam laudem illustras meam: quid te aut fieri, aut fingi dementius potest? uno enim maledicto bis a me patriam servatam esse concedis; semel, cum id feci, quod omnes non negent immortalitati, si fieri potest, mandandum, ut supplicio puniendum putasti; iterum, cum tuum, multorumque propter te inflammatum in bonos omnes impetum meo corpore excepi, ne eam civitatem, quam servassem inermis, armatus in discrimen adducerem. Esto: non fuit in me poena ulla peccati, at fuit iudicii: cuius? quis me unquam ulla lege interrogavit? quis postulavit? quis diem dixit? potest igitur damnati poenam sustinere indemnatus? hoc tribunitium est? hoc populare est? quamquam ubi tu te popularem, nisi cum pro populo fecisti, potes dicere? scilicet, cum hoc juris a maioribus proditum sit, ut nemo civis R. aut libertatem, aut civitatem possit amittere, nisi ipse auctor factus sit: quod tu ipse potuisti in tua causa discere; credo enim, quamquam in illa adoptione legitime factum est nihil, tamen te esse interrogatum, auctor ne esses, ut in te P. Fonteius vitæ, necisque potestatem haberet, ut in filium: quero, si aut negasses, aut tacuisses, si tamen id xxx. curiæ iussissent, num id iustum esset ratum? certe non; quid ita? quia jus a maioribus nostris, qui non fiste, & fallaciter populares, sed vere, & sapienter fuerunt, ita comparatum est, ut civis R. libertatem nemo posset invito amittere; quin etiam, si decemviri sacramentum in libertatem iniustum iudicassent, tamen quo-



Hæscumque vellet quis, hoc in genere solo rem judicatam  
 referre posse voluerunt; civitatem vero nemo unquam ul-  
 lo populi jussu amittere invitus: qui cives R. in colonias  
 Latinas proficiscebantur, fieri non poterant Latini, qui  
 non erant auctores facti, nomenque dederant; qui erant  
 rerum capitalium condemnati, non prius hanc civitatem  
 amittebant, quam erant in eam recepti, quo vertendi,  
 hoc est mutandi soli causa venerant; id autem ut esset  
 faciendum, non ademptione civitatis, sed testi, & aquæ,  
 & ignis interdictione faciebant: populus R. L. Sylla di-  
 ctatore ferente, comitis centuriatis municipiis civitatem  
 ademit, ademit iisdem agros; de agris ratum est; fuit  
 enim populi potestas: de civitate ne tandiu quidem va-  
 luit, quamdiu illa Syllani temporis arma valuerunt: an  
 vero Volaterranis, cum etiam tum essent in armis, L.  
 Sylla victor, rep. recuperata, comitis centuriatis, civita-  
 tem eripere non potuit: hodieque Volaterrani, non modo  
 cives, sed etiam optimi cives, fruuntur nobiscum simul  
 hac civitate; consulari homini P. Clodius, eversa rep.,  
 civitatem adimere potuit, consilio advocato, conductis  
 operis non solum agentium, sed etiam fervorum, Sedulio  
 principe, qui se illo die confirmavit Romæ non fuisse?  
 quod si non fuit; quid te audacius, qui in ejus nomen  
 incideris? quid desperatius, qui ne ementiendo quidem  
 potueris auctorem adumbrare meliorem? sin autem is pri-  
 mus scivit; quod facile potuit, propter inopiam testi in  
 foro pernoctans: cur non juret se Gadibus fuisse, cum tu  
 te fuisse Interamnæ probaveris? hoc tu igitur, homo po-  
 pularis, jure munitam civitatem, & libertatem nostram  
 putas esse oportere, ut si, tribuno pl. rogante, Velitis,  
 jubentis ne, Sedulii centum se velle, & jubere dixerint,  
 possit unusquisque nostrum amittere civitatem? tum igi-  
 tur majores nostri populares non fuerunt, qui de civitate,  
 & libertate ea jura sanxerunt, quæ nec vis temporum,  
 nec potentia magistratuum, nec res judicata, nec deni-  
 que universi populi R. potestas, quæ cæteris in rebus est  
 maxima, labefactare possit; at tu etiam, ereptor civita-  
 tis, legem de injuriis publicis tulisti Anagnino nescio cui  
 Menulæ per gratiam, qui tibi ob eam legem statuum in  
 meis ædibus posuit, ut locus ipse in tua tanta injuria le-  
 gem, & inscriptionem statuum refelleret, quæ res municipi-  
 bus Anagninis ornatissimis multo majori dolori fuit,  
 quam quæ idem ille gladiator scelera Anagninæ fecerat.  
 Quid, si ne scriptum quidem unquam est in ista ipsa ro-  
 gatione, quam se Sedulius negat scivisse; tu hujus, ut  
 acta tui præclari tribunatus hominis dignitate cohonestes,  
 auctoritatem amplecteris? sed tamen nihil de me tulisti,  
 quominus essem non modo in civium numero, sed etiam  
 in eo loco, in quo me honores populi R. collocaverunt:  
 tamen ne eum tua voce violabis, quem, post nefarium  
 scelus consultum superiorum, tot vides judiciis senatus,  
 populi R. totius Italiæ honestatum? quem ne tum qui-  
 dem, cum aberam, negare poteras esse tua lege senato-  
 rem?

rem? ubi enim tuleras, ut mihi aqua, & ignis interdiceretur? quod Gracchus de P. Popillio, Saturninus de Metello tulit; homines seditiosissimi de optimis ac fortissimis civibus; non, ut esset interdictum, quod ferri non poterat, tulerunt, sed ut interdiceretur; ubi cavisti, ne meo me loco censor in senatum legeret? quod de omnibus, etiam quibus damnatis interdictum est, scriptum est in legibus. Quære hoc ex Clodio, scriptore legum tuarum: jube adesse; latitat omnino: sed, si requiri jufferis, inveniant hominem agnâ sororem tuam, occultantem se capite demisso; sed, si patrem tuum, civem medius fidius egregium, dissimilemque vestri, nemo unquam sanus exulem appellavit, qui cum de eo tribunus pl. promulgasset, adesse propter iniquitatem illius Cinnani temporis noluit, eique imperium est abrogatum; si in illo pœna legitima turpitudinem non habuit propter vim temporum: in me, cui dies dicta nunquam est, qui reus non fui, qui nunquam sum a tribuno pl. citatus, damnati pœna esse potuit, ea præsertim, quæ ne in ipsa quidem rogatione per-scripta est? At vide, quid intersit inter illum iniquissimum patris tui casum, & hanc fortunam, conditionemque nostram; patrem tuum, civem optimum, clarissimi viri filium, qui si viveret, qua severitate fuit, tu profecto non viveres, L. Philippus censor, avunculum suum, præterit in recitando senatu; nihil enim poterat dicere, quare rata non essent, quæ erant. acta in ea rep., in qua se illis ipsis temporibus censorem esse voluisset; me L. Cotta, homo censorius, in senatu juratus dixit, se, si censor tum esset, cum ego aberam, meo loco senatorem recitaturum fuisse: quis in meum locum judicem subdidit? quis meorum amicorum testamentum discessu meo fecit, qui mihi non idem tribuerit, quod & si adessem? quis me non modo civis, sed socius recipere contra tuam legem, & juvare dubitavit? denique universus senatus multo ante, quam est lata lex, de me gratias agendas censuit civitatibus iis, quæ M. Tullium: tantum ne? immo etiam civem optime de rep. meritum recepissent; & tu unus, pestifer civis, eum restitutum negas esse civem, quem ejectum universus senatus non modo civem, sed etiam egregiam civem semper putavit? at vero, ut annales populi R. & monumenta vetustatis loquuntur, Cæso ille Quintius, & M. Furius Camillus, & M. Servilius Ahala cum essent optime de rep. meriti, tamen populi incitati vim, iracundiamque subierunt: damnatique comitiis centuriatis cum in exilium profugissent, rursus ab eodem populo placato sunt in suam pristinam dignitatem restituti; quod si, iis damnatis, non modo non imminuit calamitatis clarissimi nominis gloriam; sed etiam honestavit: (nam etsi optabilius est, cursum vitæ conficere sine dolore, & sine injuria, tamen ad immortalitatem gloriæ plus affert, desideratum esse a suis civibus, quam omnino nunquam esse violatum) mihi sine ullo judicio populi profecto, tum amplissimis omnium judiciis restituto, maledicti locum, aut crimi-

criminis obtinebit? fortis, & constans in optima ratione civis L. Popillius semper fuit: tamen ejus in omni vita nihil est ad laudem illustrius, quam calamitas ipsa; quis enim jam meminisset eum bene de rep. meritum, nisi & ab improbis expulsus esset, & per bonos restitutus? Q. Metelli præclarum imperium in re militari fuit, egregia censura, omnis vita plena gravitatis; tamen hujus viri laudem ad sempiternam memoriam temporis calamitas pro. pagavit; quod si & illis, qui expulsi sunt inique, sed tamen legibus reducti, inimicis interfectis, rogationibus tribuniciis, non auctoritate senatus, non comitiis centuriatis, non decretis Italiæ, non desiderio civitatis, inimicorum injuria probro non fuit; in me, qui profectus sum integer, abfui simul cum rep., redii cum maxima dignitate, te vivo, fratre tuo altero consule reducens, altero prælore patiente, tuum scelus meum probrum putas esse oportere? ac si me populus Rom. incitatus iracundia, aut invidia e civitate ejecisset; idemque postea mea in rempubl. beneficia recordatus se collegisset, temeritatem, atque injuriam suam restitutione mea reprehendisset: tamen profecto nemo esset tam amens, qui mihi populi tale judicium non dignitati potius, quam dedecori putaret esse oportere; nunc vero cum me in judicium populi nemo omnium vocarit; condemnari non potuerim, qui accusatus non sim: denique ne expulsus quidem ita sim, ut, si cōtenderem, superare non possem, contraque a populo R. semper sim defensus, amplificatus, ornatus: quid est, quare quisquam mihi se ipsa populari ratione anteponat? an tu populum R. esse illum puras, qui constat ex iis, qui mercede conducuntur? qui impelluntur, ut vim afferant magistratibus? ut obsideant senatum? optent quotidie eadem, incendia, rapinas? quem tu tamen populum, nisi tabernis clausis, frequentare non poteras: cui populo duces Lentidios, Lollios, Sergios præfeceras. O speciem, dignitatemque populi Rom. quam reges, quam nationes extræ, quam gentes ultimæ pertimescunt, multitudinem hominum ex servis conductis, ex facinorosis, ex egenibus congregatam! illa fuit pulchritudo populi Rom. illa forma, quam in campo vidisti tum, cum etiam tibi contra senatus, totiusque Italiæ auctoritatem, & studium dicendi potestas fuit: ille populus est dominus regum, victor, atque imperator omnium gentium, quem illo clarissimo dis, scelerate, vidisti tum, cum omnes principes civitatis, omnes ordinum, atque ætatum omnium suffragium se non de civis, sed de civitatis salute ferre consuebant: cum denique homines in campum, non tabernis, sed municipiis clausis, venerunt; hoc ego populo, si tum consules aut fuissent in rep. aut omnino non fuissent, nullo labore, tuo præcipiti furori, atque impio sceleri restituissem; sed publicam causam, contra vim armatam, sine populi præsidio suscipere nolui: non quo mihi P. Scipionis, fortissimi viri, vis intima, privati hominis, displiceret: sed Scipionis factum statim P. Mucius consul, qui in gerenda rep. puta-

putabatur fuisse legior, gesta, multis S.C. non modo defendit, sed etiam ornavit: mihi aut, te interfecto, cum consulibus, aut, te vivo, & tecum, & cum illis armis decertandum fuit: erant eo tempore multa etiam alia metuenda; ad servos medius fidius res pervenisset; tantum homines impios ex vetere illa conjuratione iustum nefastiis mentibus bonorum odium retinebat. Hic tu me etiam gloriari vetas: neques esse ferenda, quæ soleam de me prædicare; & homo faceris inducis etiam sermonem urbanum, ac venustum; me dicere solere, esse me Jovem, eundemque dictitare, Minervam esse sororem meam. Non tam insolens sum, qui Jovem esse me dicam; non tam ineruditus, qui Minervam, Jovis sororem, meam esse sororem existimem; sed tamen ego mihi sororem virginem adscisco: tu sororem tuam virginem esse non scivisti; sed vide, ne tu te debras Jovem dicere, quod tu jure eandem sororem, & uxorem appellare possis. Et, quoniam hoc reprehendis, quod solere me dicas de me ipso gloriosius prædicare: quis unquam audit, cum ego de me, nisi coactus, ac necessario, dicerem? nam si, cum mihi furta, largitiones, libidines obijciuntur, ego respondere soleo, meis consiliis, periculis, laboribus patriam esse conservatam, non tam sum existimandus de gestis rebus gloriari, quam de objectis non confiteri; sed si mihi ante hæc durissima reip. tempora nihil unquam aliud objectum est, nisi crudelitas illius temporis cum a patria perniciem depuli; quid? me huic maledicto utrum non respondere, an demisse respondere decuit? ego vero etiam reip. semper interesse putavi, me illius pulcherrimi facti, quod ex auctoritate senatus, consensu bonorum omnium, pro salute patriæ gessissem, splendorem verbis, dignitatemque retinere, præsertim cum mihi uni in hac republ. audiente pop. R. opera mea hanc urbem, & hanc temp. esse salvam, jurato dicere fas fuisset. Extinctum est jam illud maledictum crudelitatis, quod me non ut crudelem tyrannum, sed ut mitissimum parentem, omnium civium studiis desideratum, repetitum, arcessitum vident; aliud exortum est; obijcitur mihi meus ille discessus: cui ego crimini respondere sine mea maxima laude non possum; quid enim, pontifices, debeo dicere? peccati me conscientia profugisse? at id, quod mihi crimini dabatur, non modo peccatum non erat, sed erat res post natos homines pulcherrima; iudicium populi pertinuisse? at id nec propositum ullum fuit, &, si fuisset, duplicata gloria discessissem; bonorum mihi præsidium defuisse? falsum est; me mortem timuisse? turpe est; dicendum igitur est id, quod non dicerem, nisi coactus: nihil enim unquam de me dixi sublatius, adsciscendæ laudis causa potius, quam criminis depellendi; dico igitur, & quam possum maxima voce dico: cum omnium perditorum, & conjuratorum incitata vis duce tribuno pleb., consulibus auctoribus, afflicte senatu, perterritis equitibus R. suspensa, ac sollicita tota civitate, non tam in me impetum faceret, quam per me in omnes bonos; me vidisse,

se, si vicissem; tenues reipub. reliquias, si victus essem, nullas futuras; quod cum judicasset, descevi conjugis miseræ dissidium, liberorum carissimorum solitudinem, fratris absentis amantissimi, atque optimi casum, subitas fundatissimæ familiæ ruinas: sed hic omnibus rebus vitam anteposui mearum civium, remque publicam concidere unius discessu, quam omnium interitu occidere malui; speravi, id quod accidit, me jacentem posse a vivis viris fortibus excitari; si una cum bonis interiissem, nullo modo posse recreari; accepi, Pontifices, magnum, atque incredibilem dolorem; non nego, neque istam mihi adscisco sapientiam, quam nonnulli in me requirebant, qui me animo nimis fracto esse, atque afflicto loquebantur; an ego poteram, cum a tot rerum tanta varietate divellerer, (quas idcirco prætereo, quod me nunc quidem sine fletu commemorare possum) inficiari, me esse hominem, & communem naturæ sensum repudiare? tum vero neque illud meum factum laudabile, nec beneficium ullum a me in reip. profectum dicerem, si quidem ea reipub. causa reliquisset, quibus æquo animo carerem: eamque animi duritiam, sicut corporis, quod cum uritur, non sentit, suporem potius, quam virtutem putarem; suscipere tantos animi dolores, atque ea, quæ capta urbe accidunt victis, stante urbe unum perpeti, & jam se videre distrali e complexu suorum, disturbari testâ, diripi fortunas, patriæ denique causâ patriam ipsam amittere, spoliari populi Rom. beneficiis amplissimis, præcipitari ex altissimo dignitatis gradu, videre prætextatos inimicos, nondum morte complorata, arbitria petentes funeris, hæc omnia subire conservandorum civium causâ, atque ita, ut dolenter absis, non tam sapiens; quam ii, qui nihil curant; sed tam amans tuorum, ac tui, quam communis humanitas postulat, ea laus præclara, ac divina; nam qui ea, quæ nunquam cara, atque jucunda dixit, æquo animo reip. causa deserit, nullam benevolentiam insignem in reip. declarat: qui autem ea relinquit reip. causa, a quibus cum summo dolore divellitur, ei patria cara est, cujus salutem caritati anteponit suorum. Quare reip. (distrumpatur licet ista furia, atque audiat hæc ex me, quoniam laceffivit) bis servavi; ut consul togatus, armatos vicerim, privatus consulibus armatis cesserim; utriusque temporis fructum tuli maximum: superioris, quod ex senatus auctoritate & senatum, & omnes bonos, meæ salutis causâ, mutata veste vidi; posterioris, quod & senatus, & populus R. & omnes mortales & privatim & publice judicaverunt, sine meo reditu reipubl. salvam esse non posse; sed hic meus reditus, Pontifices, vestro iudicio continetur; nam, si vos me in meis ædibus collocatis, id quod in omni mea causâ semper studiis, consiliis, auctoritatibus, sententiisque fecistis; video me plane, ac sentio restitutum; sin mea domus non modo mihi non redditur, sed etiam monumentum præbet inimico doloris mei, sceleris sui, publicæ calamitatis; quis erit, qui hunc redi-

tum potius, quam poenam sempiternam putet? in conspectu præterea totius urbis domus est mea, Pontifices; in qua si manet illud non monumentum urbis, sed sepulcrum inimico nomine inscriptum, demigrandum potius aliquo est, quam habitandum in ea urbe, in qua trophæa & de me, & de rep. videam constituta: an ego tantam aut animi duritiam habere, aut oculorum impudentiam possum; ut, cujus orbis servatorem me esse senatus omnium assensu totius judicavit, in ea possim intueri domum meam everfam non ab inimico meo, sed ab hoste communi, & ab eodem extructam, & positam in oculis civitatis, ne unquam conquiescere possit fletus bonorum? Sp. Melii, regnum appetentis, domus est complanata; ecquid aliud? æquum accidisse Melio, populus R. judicavit; nomine ipso Æquimelii stultitiæ poena comprobata est. Sp. Cassii domus ob eandem causam everfa, atque in eodem loco ædes posita Telluris; in Vacci pratis domus fuit M. Vacci, quæ publicata est, & everfa, ut illius facinus memoria, & nomine loci notaretur. M. Manlius cum ab adfensu Capitolii Gallorum impetum repulisset, non fuit contentus beneficii sui gloria; regnum appetisse est judicatus: ergo ejus domum everfam, duobus lucis convestitam videtis; quam igitur majores nostri sceleratis, ac nefariis civibus maximam poenam constitui posse arbitrati sunt, eandem ego subibo, ac sustinebo, ut apud posteros nostros non extinctor conjurationis, & sceleris, sed auctor, & dux fuisse videar? hanc vero, Pontifices, labem turpitudinis, & inconstantiae poterit populi R. dignitas sustinere, vivo senatu, vobis principibus publici consilii, ut domus M. Tullii Ciceronis cum domo Fulvii Flacci ad memoriam poenæ publicæ constitutæ conjunctæ esse videatur? M. Flaccus, quia cum Græcho contra salutem reip. fecerat, & senatus sententia est interfectus, & ejus domus everfa, & publicata est: in qua porticum post aliquanto Q. Catulus de manubiis Cimbricis fecit; ista autem fax, ac furia patriæ, cum urbem, Pisone, & Gabinio ducibus, cepisset, occupasset, teneret, uno eodemque tempore & clarissimi viri mortui monumenta delebat, & meam domum cum M. Flacci domo conjungebat; ut, qua poena senatus affecerat everforem civitatis, eadem iste, oppresso senatu, afficeret eum, quem P. C. custodem patriæ judicassent. Hanc vero in Palatio, atque in pulcherrimo urbis loco porticum esse patiendum, furoris tribunicii, sceleris consularis, crudelitatis conjuratorum, calamitatis reipub. doloris mei defixum indicium ad memoriam omnium gentium sempiternam? quam porticum pro amo. re, quem habetis in rep. & semper habuistis, non modo sententiis, sed, si opus esset, manibus vestris disturbare cuperetis; nisi quem forte illius castissimi sacerdotis superstitiola dedicatio deterret; o rem, quam homines soluti, a cura liberati ridere non desinant, tristiores autem sine maximo dolore audire non possint! P. ne Clodius, qui ex Pontificis maximi domo religionem eripuit, is in  
meam

meam intulit? hunc, inquam, etiam vos, qui estis antistes ceremoniarum, & sacrorum; auctorem habetis, & magistrum publicæ religionis? o dii immortales (vos enim hæc audire cupio) P. Clodius vestra sacra curat? vestrum numen horret? res omnes humanas religione vestra contineri putat? hic non illudit auctoritati horum omnium, qui adsunt, summorum virorum? non vestra, Pontifices, gravitate abutitur? ex illo ore religionis verbum excidere, aut elabi potest? quam tu eodem ore, accusando senatum, quod severe de religione decerneret, impurissime, teterimeque violasti. Adspicite, Pontifices, hominem religiosum, &, si vobis videtur quod est honorum Pontificum, monete eum, modum quendam esse religionis, nimium esse superstitiosum non oportere; quid tibi necesse fuit, anili superstitione, homo fanaticæ, sacrificium, quod alienæ domi fieret, invisere? quem autem tanta mentis imbecillitas tenuit; ut non putares deos satis posse placari, nisi etiam muliebribus religionibus te implicuisses? quem unquam audisti malorum tuorum, qui & sacra privata voluerunt, & publicis sacerdotiis præfuerunt, cum sacrificium Bonæ deæ fieret, interfuisse? neminem, ne illum quidem, qui cæcus factus est; ex quo intelligitur, multa in vita falso homines opinari, cum ille, qui nihil viderat sciens, quod nefas esset, lumina amisit: istius, qui non solum adpectu, sed etiam incesto flagitio, & stupro polluit ceremonias, pœna omnis oculorum ad excitatem mentis est conversa; hoc auctore, tam casto, tam religioso, tam sancto, tam pio potestis, Pontifices, non commoveri, cum suis dicat se manibus domum civis optime evertisse, & eam iisdem manibus consecrasse? Quæ tua fuit consecratio? tuleram, inquit, ut mihi liceret; quid? non exceperas, ut, si quod ius non esset rogare, ne esset rogatum? ius igitur statuetis esse, uniuscujusque vestrum sedes, aras, focos, deos penates subjectos esse libidini tribunitiæ? in quem quisque per homines concitatos irruerit, quem impetu perculerit, huius domum non solum affligere, quod est præsentis infamiae, quasi tempestatibus repentinæ, sed etiam in posterum tempus religione sempiterna obligare? equidem sic accepti, Pontifices, in religionibus suscipiendis caput esse, interpretari, quæ voluntas deorum immortalium esse videatur: nec est ulla erga deos pietas, nisi honesta de numine eorum, ac mente opinio, cum expeti nihil ab his, quod sit injustum ac inhonestum, arbitrare: hominem invenire ista labes tum, cum omnia tenebat, neminem potui, cui aedes meas addiceret, cui traderet, cui donaret; ipse, cum loci illius, cum ædium cupiditate flagraret; ob eamque causam unam, una iusta illa rogatione sua, vir bonus dominum se in meis bonis esse voluisset; tamen illo ipso in furore suo non est ausus meam domum, cuius cupiditate inflammatus erat, possidere. Deos immortales existimatis, cuius labore, & consilio sua ipsi templa tenuerunt, in ejus domum afflicti, & eversam, per unius hominis sce-

sceleratissimi nefarium latrocinium, immigrare voluisse ?  
 civis est nemo in tanto populo extra contaminatam illam,  
 & cruentam P. Clodii manum, qui rem ullam de meis  
 bonis attigerit, qui non pro suis opibus in illa tempesta-  
 te defenderit; at qui aliqua se contagione prædæ societa-  
 tis, emptioni contaminaverunt, nullius neque privati,  
 neque publici judicii poenam effugere potuerunt: ex his  
 igitur bonis, quorum nemo rem ullam attigit, qui non  
 omnium judicia sceleratissimus haberetur, dii immorta-  
 les domum meam concupiverunt? ista tua pulchra liber-  
 tas deos penates, & familiares meos lares expulit, ut a  
 te ipsa tamquam in captivis sedibus collocaretur? quid  
 est sanctius, quid omni religione munitius, quam do-  
 mus uniuscujusque civium? hic aræ sunt, hic foci, hic  
 dii penates, hic sacræ religionis ceremoniæ continentur:  
 hoc perfugium est ita sanctum omnibus, ut inde abripi ne-  
 minem fas sit; quo magis est furor istius ab auribus vestris  
 repellendus, qui, quæ majores nostri religionibus tuta no-  
 bis, & sancta esse voluerunt, ea iste non solum contra  
 religionem labefactavit, sed etiam ipsius religionis nomine  
 evertit; at quæ dea est? Bonam esse oportet, quandoquidem  
 est abs te dedicata. Libertas, inquit, est; eam tu igitur  
 domi meæ collocasti, quam ex urbe tota sustulisti? tu,  
 cum collegas tuos, summa potestate præditos, negares li-  
 beros esse; cum in templum Castoris aditus esset apertus  
 memini, cum hunc clarissimum virum, summo genere na-  
 tum, summis populi beneficiis usum, pontificem, & con-  
 sularem, & singulari bonitate, ac modestia præditum,  
 quem quibus oculis adspicere audeas, satis mirari non  
 queo, audiente populo R. a pedisequis conculcari jube-  
 res; cum indemnatum exturbares, privilegiis tyrannicis  
 irrogatis; cum principem orbis terræ virum inclusum do-  
 mi contineres; cum forum armatis catervis perditorum  
 hominum possideres: Libertatis simulacrum in ea domo  
 collocabas, quæ domus erat ipsa indicio tui crudelissimi  
 dominatus, & miserrimæ populi R. servitutis? eum ne  
 potissimum Libertas domo suæ debuit pellere, qui nisi  
 fuisset, in servorum potestatem civitas tota venisset? at  
 unde inventa est ista Libertas? quæsi enim diligenter.  
 Tanagra quædam meretrix fuisse dicitur; ejus non lon-  
 ge a Tanagris simulacrum e marmore in sepulchro posi-  
 tum fuit; hoc quidem homo nobilis, non alienus ab hoc  
 religioso Libertatis sacerdote, ad ornatum ædilitatis suæ  
 deportavit; etenim cogitaret omnes superiores muneris  
 splendore superare; itaque omnia signa, tabulas, orna-  
 mentorum quod superfluit in faxis, & communibus locis,  
 tota e Græcia, atque insulis omnibus, honoris populi R.  
 causa, sane frugaliter domum suam deportavit; is postea-  
 quam intellexit, posse se, interversa ædilitate, a L. Piso-  
 ne consule prætorem renunciari, si modo eadem prima li-  
 tera competitorum habuisset aliquem, ædilitatem duobus  
 in locis partim in arca, partim in hortis suis collocavit,  
 signum de busto meretricis ablatum isti dedit, quod esset  
 signum



signum magis istorum, quam publicæ libertatis; hanc deam quisquam violare audeat, imaginem meretricis, ornamentum sepulchri, a furore sublatam, a sacrilego collocatam? hæc me domo mea pellet? hæc, ultrix afflictæ civitatis, reip. spoliis ornabitur? hæc erit in eo monumento, quod positum est, ut esset indicium oppressi senatus ad memoriam sempiternam turpitudinis? O Q. Catule (patrem ne appellem, an filium? recentior memoria filii est, & cum rebus meis gestis conjunctior), tantum ne te fefellit, cum mihi summa, & quotidie majora præmia in rep. fore putabas? negabas fas esse duos consules esse in hac civitate inimicos reip. duo sunt inventi, qui senatum tribuno furenti constrictum traderent, qui pro me patres conscriptos deprecari, & populo supplices esse, edictis, atque imperio vetarent, quibus spectantibus domus mea disturbaretur, diriperetur, qui denique ambustus fortunarum mearum reliquias suas in domos compositari juberent. Venio nunc ad patrem. Tu, Q. Catule, M. Fulvii domum, cum is fratris tui socer fuisset, monumentum tuarum manubiarum esse voluisti, ut ejus, qui perniciofa reip. consilia cepisset, omnis memoria funditus ex oculis hominum, ac mentibus tolleretur; hoc si quis tibi ædificanti illam porticum diceret, fore tempus, cum is tribunus pl. qui auctoritatem senatus, judicium bonorum omnium neglexisset, tuum monumentum, consiliibus non modo insipientibus, verum adjuvantibus, disturbareret, everteret, idque cum ejus civis, qui rempublicæ senatus auctoritate consul defendisses, domo conjungeret: nonne responderes, id, nisi eversa civitate, accidero non posse? at videte hominis intolerabilem audaciam cum projecta quadam, & effrenata cupiditate; monumentum iste nunquam, aut religionem ullam excogitavit: habitare laxè, & magnifice voluit, duasque & magnas, & nobiles domos eonjungere; eodem puncto temporis, quo meus discessus isti c. usam cædis eripuit, a Q. Sejo Posthumo contendit, ut sibi domum venderet; cum ille id negaret, primo se luminibus ejus esse obstruendum minabatur: affirmabat Posthumus, se vivo illam domum istius nunquam futuram; acutus adolescens ex ipsius sermone intellexit, quid fieri oporteret hominem veneno apertissime sustulit; mit domum litigatoribus defatigatis, prope dimidio carius, quam æstimabat. Quorsum igitur hæc oratio pertinet? domus mea illa prope tota vacua est: vix pars ædium mearum decima ad Catuli porticum accessit; causa fuit ambulatio, & monumentum, & ista Tanagræa, oppressa libertate, Libertas; in Palatio, pulcherrimo prospectu, porticum cum conclavibus pavimentatam trecentum pedum concupierat, amplissimum peristylum, cætera ejusmodi, facile ut omnium domos & laxitate, & dignitate superaret; & homo religiosus, cum ædes meas idem emeret, & venderet, tamen illis tantis tenebris non est ausus suum nomen emptioni illi adscribere; posuit scilicet Statonem illum, hominem sua virtute egentem, ut

is, qui in Marſis, ubi natus eſt, tectum, quo imbris vitandi cauſa ſuccederet, nullum haberet, ædes in Palatio nobiliſſimas eſſe ſe diceret; inferioreſ ædium partem assignavit non ſuæ genti Fonteje, ſed Clodij, quam reliquit: quem in numerum ex multis Clodij nemo nomen dedit, niſi aut egeſtate, aut ſcelere perditus. Hanc vos, Pontifices, tam variam, tam novam in omni genere voluntatem, impudentiam, audaciam, cupiditatem comprobabitis? Pontifex, inquit, adfuit. Non te pudet, cum apud pontifices res agatur, pontificem dicere, non collegium pontificum, aſuiſſe; præſertim cum tribunus pl. vel denunciare potueris, vel etiam cogere? Eſto: collegium non adhibuiſti: quid? de collegio quis tandem adfuit? poſuerat enim auctoritatem in uno, quæ eſt in his omnibus; ſed tamen auget & ætas, & honos dignitatem; opus erat etiam ſcientia: quam etſi omnes conſecuti ſunt, tamen certe peritiores vetuſtas facit. Quis ergo adfuit? Frater, inquit uxor ſem. Si auctoritatem quærimus: etſi id eſt ætatis, ut nondum conſecutus ſit; tamen, quanta eſt in adolescente auctoritas, ea propter tantam conjunctionem affinitatis minor eſt putanda; ſin autem ſcientia eſt quæſita, quis erat minus peritus, quam is, qui paucis illis diebus in collegium venerat? qui etiam tibi erat magis obſtrictus beneficio recenti, cum ſe, fratrem uxoris tuæ, fratri tuo germano antelatum videbat; etſi in eo providiſti, ne frater te accuſare poſſet; hanc tu igitur dedicationem appellas; ad quam non collegium, non honoribus populi R. ornatum pontificem, non denique adolescentem quemquam, cum haberes in collegio familiariffimos, adhibere potuiſti? adfuit is, ſi modo adfuit, quem tu impulſiſti: ſoror rogavit, mater coegit. Videte igitur, Pontifices, quid ſtatuatis in mea cauſa de omnium fortunis; verbo ne, Pontifices, putatis, ſi is poſtem tenuerit, & aliquid dixerit domum uniuſcujuſque conſecrare poſſe? an iſtæ dedicationes, & templorum, & delubrorum religiones ad honorem deorum immortalium ſine ulla civium calamitate a majoribus noſtris conſtitutæ ſunt? eſt inventus tribunus pl. qui conſularibus copiis inſtructus, omni impetu furoris in eum civem irruerit, quem percuſum ipſa reſp. ſuis manibus extolleret; quid, ſi quis ſimilis iſtius (neque enim jam deerunt, qui imitari velint) aliquem mei diſſimilem, cui reſp. non tantum debeat, per vim affixerit, domum ejus per pontificem dedicarit id vos iſta auctoritate conſtituetis ratum eſſe oportere? Dicis, quem reperiet pontificem? Quid? & tribunus pl. idem etſi non poteſt pontifex? M. Drufus ille, clariffimus vir, tribunus pl. pontifex fuit; ergo, ſi is Q. Cæpionis, inimici ſui, poſtem ædium tenuiſſet, & pauca verba feciſſet, ædes Cæpionis eſſent dedicatæ? Nihil loquor de pontificio jure, nihil de ipſis verbis dedicationis, nihil de religione, ceremoniis: non diſſimulo me nescire ea, quæ etiam ſi ſcirem, diſſimularem, ne aliis moleſtus, vobis etiam curioſus viderer: eviſſe effluunt multa ex vera diſciplina, quæ etiam

etiam ad nostras aures sæpe permanent; postem teneri in dedicatione oportere videor audisse templi; ibi enim postis est, ubi templi aditus est, & valvæ; ambulationis postes nemo unquam tenuit in dedicando; simulacrum autem aut aram si dedicasti, sine religione loco moveri potest; sed jam hoc dicere tibi non licebit, quoniam pontificem postem tenuisse dixisti. Quamquam quid ego de dedicatione loquar? aut quid de vestro jure, & religione, contra quam proposueram, disputabo? Ego vero si omnia solemnis verbis veteribus, & prisca institutis acta esse dicerem; tamen me reip. jure defenderem. An cum tu ejus civis discessu, cujus unius opera senatus, atque omnes boni civitatem esse incolumem toties judicassent, oppressam tetrissimo latrocinio cum duobus sceleratissimis consulibus temp. teneres; domum ejus, qui patriam a se servatam persuo suo nomine noluisse, per Pontificem aliquem dedicasse; posset recreata resp. sustinere? date de hac religione aditum, Pontifices: jam nullum fortunis communibus exitum reperietis; an si postem tenuerit pontifex, & verba ad religionem deorum immortalium composita ad perniciem civium transulerit, valebit ad injuriam nomen sanctissimum religionis: si tribunus pl. verbis non minus prisca, & pene solemnibus bona civis cujuscumque consecravit, non valebit? Atqui C. Atinius patrum memoria bona Q. Metelli, qui eum ex senatu censor ejecerat, avi tui, Q. Metelle, & tui, P. Servili, & proavi tui, P. Scipio, consecravit, foculo posito in rostris, adhibitoque tibicine: quidrum temporum exemplis; fraudi Metello fuit summo illi, & clarissimo viro? certo non fuit. Vidimus hoc idem Cn. Lentulo censori tribunum pl. facere; numquid igitur is bonum, inquam, capite velato, concione advocata, foculo posito, Persarumque donatas, consecrasti; quod si tum nihil est actum: quid in meis bonis agi potuit? si est ratum, cur ille gurgis belluarius tecum simul seip. sanguinem, ad coelum tamen extruxit villam in Tusculano visceribus terrarum? mihi meas ruinas, quarum ego similem totam urbem esse passus non sum, adspicere non licuit? Omitto Gabinium; quid? exemplo tuo bona tua nonne L. Mummius vir omnium fortissimus, atque optimus, consecravit? quod si, quia ad te pertinet, ratum esse negas oportere: ea jura constituisti in præclaro tribunatu tuo, quibus in te conversis reculares, alios everteres? si ista consecratio legitima est: quid est, quod profanum in tuis bonis esse possit? an consecratio nullum habet jus, dedicatio est religiosa? quid ergo illa tua tum obtestatio tibicinis? quid foculus? quid preces? quid prisca verba voluerunt? ementiri, fallere, abuti deorum immortalium numine ad hominum timorem voluisti? nam, si est illud ratum: mitto Gabinium; tua domus certe, & quidquid habes aliud, est Cereri consecratum; si ille ludus fuit; quid te impurius, qui religiones

omnes pollueris aut ementiendo, aut stuprando? Jam factor, inquit, in Gabinio me natarium fuisse. Quippe vides poenam illam, a te in alium institutam, in te ipsum esse conversam. Sed homo, omnium scelerum, flagitiorumque documentum, quod in Gabinio fateris, cuius impudicitiam pueritiæ, libidines adolescentiæ, dedecus, & egestatem reliquæ vitæ, latrocinium consulatus vidimus, cui ne ista quidem ipsa calamitas injuria potuit accidere, id in me infirmas, & gravior esse dicis, quod uno adolescente, quam quod concione tota teste effecisti? Dedicatio magnam, inquit, habet religionem. Nonne vobis Numa Pompilius videtur loqui? discite orationem, Pontifices, & vos flamines: etiam tu rex disce a gentili tuo: quamquam ille gentem istam reliquit; sed tamen disce ab homine religionibus dedito, iusto, tum omnium religionum perito. Quid? in dedicatione nonne & quis dicit, & quid, & quomodo, queritur? an tu hæc ita confundis, & perturbas, ut, quicumque velit, quod velit, quomodo velit, possit dedicare? quis eras tu, qui dedicabas? quo jure? qua lege? quo exemplo? qua potestate? ubi te isti rei populus R. præfecerat? video enim esse legem veterem tribunitiam, quæ vetet injussu plebis ædes, terram, aram consecrare; neque tum hoc ille Q. Papirius, qui hanc legem rogavit, sensit, neque suspicatus est fore periculum, ne domicilia, aut possessiones indemnatorum civium consecrarentur; neque enim id fieri fas erat, neque quisquam fecerat: neque erat causa, cur prohibendo non tam deterere videretur, quam admonere: sed quia consecrabantur ædes, non privatorum domicilia, sed quæ sacræ nominantur; consecrabantur agri, non ita ut nostra prædia, si quis vellet, sed ut imperator agros de hostibus captos consecraret; statuebantur aræ, quæ religionem afferrent, ipso si loco essent consecratæ: hæc nisi plebs jussisset, fieri vetuit: quæ si tu interpretaris de nostris ædibus, atque agris scripta esse, non repugno: sed quero, quæ lex lata sit, ut tu meas ædes consecrares; ubi tibi hæc potestas data sit; quo jure feceris; neque ego nunc de religione, sed de bonis omnium nostrum, nec de pontificio, sed de jure publico disputo. Lex Papiria vetat ædes injussu plebis consecrari: sit sane hoc de nostris ædibus, ac non de publicis templis; unum ostende verbum consecrationis in ipsa tua lege; si illa lex est, ac non vox sceleris, & crudelitatis tuæ; quod si tibi tum in illo reip. naufragio omnia in mentem venire potuissent, aut si tuus scriptor in illo incendio civitatis non syngraphas cum Byzantiis exulibus, & cum legatis regiis faceret, sed vacuo animo tibi ista non scita, sed portentosa conscriberet: esses omnia, si minus re, at verbis legitimis consecutus: sed uno tempore cautiones fiebant pecuniarum; fœdera seriebantur provinciarum; regum appellationes venales erant; servorum omnium vicatim celebratur tuta urbe descriptio; inimici in gratiam reconciliabantur; imperia adscribebantur novæ juventuti; Q. Sejo venenum misero parabatur; de Cn.

Pompejo, propugnatore, & custode imperii, interficiendo consilia inibantur; senatus ne quid esset, ut lugerent boni semper; ut capta resp. consulum prodicione, vi tribunitia teneretur; hæc cum tot, tantaque agerentur, non mirum est, præsertim in furore animi, & cæcitate, multa illum, & te sefellisse. At videte, quanta sit vis hujus Papiræ legis in re tali, non qualem tu assers sceleris plenam, & furoris. Q. Marcius censor signum Concordiæ fecerat, idque in publico collocarat; hoc signum C. Cassius censor cum in curiam transtulisset, collegium vestrum consuluit, numquid esse causæ videretur, quin id signum, curiamque Concordiæ dedicaret? Quæso, Pontifices, & hominem cum homine, & tempus cum tempore, & rem cum re comparete; ille erat summa modesta, & gravitate censor; hic tribunus pl. scelere, & audacia singulari; tempus illud erat tranquillum, & in libertate populi, & gubernatione positum senatus: tuum porro tempus libertate populi R. oppressa, senatus auctoritate deleta; res illa plena justitiæ, sapientiæ, dignitatis; censor enim, pænes quem majores nostri, id quod tu sustulisti, iudicium senatus de dignitate esse voluerunt, Concordiæ signum volebat in curia, curiamque ei deæ dedicare: Præclara voluntas, atque omni laude digna: præscribere enim se arbitrabatur, ut sine studiis dissensionis sententiæ dicerentur, si sedem ipsam, ac templum publici consilii religione Concordiæ devinxisset; tu, cum ferro, cum metu, cum edictis, cum privilegiis, cum præsentibus copiis perditorum, absentis exercitus terrore, & minis, consulum societate, & nefarie scedere, servitute oppressam civitatem teneres, Libertatis signum posuisti magis ad ludibrium impudentiæ, quam ad simulationem religionis; ille in curia, quæ poterat, sine cujusquam incommodo dedicabat: tu in civis optime de rep. meriti cruore, ac pene omnibus simulacrum non libertatis publicæ, sed licentiæ collocasti; atque ille tamen ad collegium retulit: tu ad quem retulisti? si quid deliberares, si quid tibi aut piandum, aut instituendum fuisset religione domestica: tamen instituto cæterorum vetere ad pontificem detulisses; novum delubrum cum in urbis clarissimo loco, nefando quodam, atque inaudito instituto inchoares, referendum ad sacerdotes publicos non putasti? at si collegium pontificum adhibendum non videbatur, nemo ne horum tibi idoneus visus est, qui ætate, honore, auctoritate antecellunt, ut cum eo dedicationem communicares? quorum quidem tu non contempsisti, sed pertimuisti dignitatem; an tu auderes quærere ex P. Servilio, aut ex M. Lucullo, quorum ego consilio, atque auctoritate remp. consul ex vestris manibus, ac faucibus eripui, quibusnam verbis, aut quo ritu, primum hoc dico, civis domum consecrares: deinde civis ejus, cui princeps senatus, cui etiam ordines omnes, deinde Italia tota, post cunctæ gentes testimonium hujus urbis, atque imperii conservati dedissent? quid diceres, o nefanda, & perniciofa labes civitatis? ades, ades, Lucu-

le, Servili, dum dedico domum Ciceronis, ut mihi præcatis, postemque teneatis; es tu quidem cum audacia, tum impudentia singulari: sed tibi tamen oculi, vultus, verba cecidissent, cum te viri, qui sua dignitate personam populi Rom. atque auctoritatem imperii sustinerent, verbis gravissimis perterruissent, neque sibi fas esse dixissent, furori interesse tuo, atque in patriæ parricidio, & scelere; quæ cum videres, tum te ad tuum affinem non delectum a te, sed relictum a cæteris contulisti: quem ego tamen credo, si est ortus ab illis, quos memoris proditum est; ab ipso Hercule, persuncto jam laboribus, sacra didicisse, in viri fortis ærumnis non ita crudelem fuisse, ut in vivi, & jam spirantis caput bustum suis manibus imponeret; qui aut nihil dixit, aut si fecit, omnino poenam hanc maternæ temeritatis tulit, ut mutuam in delicto personam, nomenque præberet: aut si dixit aliquid verbis hæsitantibus, postemque tremebunda manu tetigit, certe nihil rite, nihil caste, nihil more, institutoque perfecit: videfat ille Murnam, vitricum suum, consulem designatum, ad me consulem cum Allobrogibus communis exitii indicia asferre: audierat ex illo, se a me his salutem accepisse, separatim semel, iterum cum universis: quare quis est, qui existimare possit, huic novo pontifici primam hanc post sacerdotium initum religionem instituenti, vocem mittenti, non & linguam obmutuisse, & manum obtorpuisse, & mentem debilitatam metu concidisse? præsertim cum ex collegio tanto non regem, non flaminem, non pontificem videret, fierique particeps alieni sceleris invitus cogeretur, & gravissimas poenas affinitatis impurissimæ sustineret. Sed, ut revertar ad jus publicum vindicandum, quod ipsi pontifices semper non solum ad suas ceremonias, sed etiam ad populi iussa accommodaverunt; habetis in commentariis vestris, C. Cassium censorem de signo Concordiæ dedicando ad pontificum collegium retulisse, eique M. Æmilium pontificem maximum pro collegio respondisse, nisi cum populus R. nominatim præfecisset, atque ejus jussu faceret, non videri id recte posse judicari. Quid? cum Licinia, virgo Vestalis, summo loco nata, sanctissimo sacerdotio prædita, T. Flaminio, Q. Metello coff. aram, & ædiculam, & pulvinar sub saxo sacro dedicasset, non eam rem ex auctoritate senatus ad hoc collegium Sex. Julius prætor retulit? cum P. Scævola pontifex maximus pro collegio respondit, quod in loco publico Licinia C. F. injussu populi dedicasset, sacrum non videri esse; quam quidem rem quanta severitate, quantaque diligentia senatus sustulerit, ex ipso S. C. facile cognoscetis; recita S. C. Videtis ne prætori urbano negotium datum, ut curaret, ne id sacrum esset? & ut, si quæ essent incisæ, aut inscriptæ literæ, tollerentur? O tempora, o mores! tum censorem, hominem sanctissimum simulacrum Concordiæ dedicare pontifices in templo inaugurato prohibuerunt; post autem senatus in loco augusto consecratam eam aram tollendam ex auctoritate pontificum

cum censuit, neque ullum est passus ex ea dedicatione literarum extare monumentum: tu, procella patriæ, turbo, ac tempestas pacis, atque otii, quod in naufragio reip. tenebris offusis, demerso populo R., everso, atque ejecto senatu, dirueris, ædificaris, religione omni violata, reip. tantum nomine contaminaris, in civis hujusce ædibus, & in urbe, quam suis laboribus, & periculis conservasset, monumentum deletæ reip. collocari ad equitum notam, ad dolorem bonorum omnium, sublatoque Q. Catuli nomine incideris; id sperasti temp. diutius, quam, quod mecum simul expulsa careret his mœnibus, esse laturam? At si, Pontifices, neque is, cui licuit, neque id, quod fas fuit, dedicavit: quid me attinet jam illud tertium, quod proposueram, docere, non iis institutis, ac verbis, quibus cæremoniæ postulant, dedicasse? dixi a principio, nihil me de scientia vestra, nihil de sacris, nihil de abscondito jure pontificum dicturum; quæ sunt adhuc a me de jure dedicandi disputata, non sunt quæ sita occulto aliquo genere literarum, sed sumpta de medio, ex rebus palam per magistratus actis, ad collegiumque delatis, ex S.C. ex lege; illa interiora jam vestra sunt, quid dici, quid præcipere, quid tangi, quid teneri jus fuerit. Quæ si omnia ex Cæcilianii scientia, quin peritissimus pontifex fuisse dicitur, acta esse constarent; aut si M. Horatius ille Pulvillus, qui, cum ejus dedicationem multi propter invidiam fictis religionibus impedirent, resistit, & constantissima mente Capitolium dedicavit, hujusmodi alicui dedicationi præfuisset; tamen in scelere religio non valeret: nedum valeat id, quod imperitus adolescens, novus sacerdos, sororis precibus, matris minis adductus, ignarus, invitus, sine collegis, sine libris, sine auctore, sine scriptore, furtim, mente, ac lingua titubante fecisse dicatur: præsertim cum isto impurus, atque impius hostis omnium religionum, qui contra fas inter viros sæpe mulier, & inter mulieres vir fuisset, ageret illam rem ita raptim, & turbulente, ut neque mens, neque vox, neque lingua consisteret. Delatum tum est ad vos, Pontifices, & post omnium sermone celebratum, quemadmodum iste præposteris verbis, ominibus obscœnis, identidem se ipso revocando, dubitans, timens, hæsitans, omnia aliter, ac vos in monumentis habetis, & pronunciarit, & fecerit; quod quidem minime mirum est, in tanto scelere, tantaque dementia ne audaciæ quidem locum ad timorem comprimendum fuisse; etenim, si nemo umquam prædo tam barbarus, atque immanis fuit, qui cum sana spoliasset, deinde aram aliquam in litore deserto, somnis stimulatus, aut religione aliqua consecraret, non horreret animo, cum divinum numen scelere violatum placare precibus cogeretur; qua tandem istum perturbatione mentis, omnium templorum, atque tectorum, totiusque urbis prædonem fuisse censetis, cum pro detestatione tot scelerum unam aram nefarie consecraret? non poterat ullo modo (quamquam & insolentia dominatus extulerat animos, & erat incredibili armatus audacia), non in agen-

do ruere, ac sæpe peccare, præsertim illo pontifice & magistro, qui cogeretur docere, antequam ipse didicisset; magna vis est cum in deorum immortalium numine, tum vero in ipsa rep. dii immortales suorum templorum custodem, ac præsidem sceleratissime pulsum cum viderent, ex suis templis in ejus ædes immigrare nolebant; itaque istius vecordissimi mentem cura, metuque terrebant; res vero publica, quamquam erat exterminata mecum, tamen observabatur ante oculos exterminatoris sui; & ab istius inflammato, atque ignito furore jam tum me seque repetebat; quare, quid est mirum, si iste metu, si furore instinctus, scelere præceps, neque institutas ceremonias persequi, neque verbum ullum solenne potuit ef-  
fari? Quæ cum ita sint, Pontifices, revocare jam animos vestros ab hac subtili nostra disputatione ad universam reip. quam antea cum viris fortibus multis, in hac vero causa solis vestris cervicibus sustinetis; vobis universi senatus perpetua auctoritas, cui vosmetipsi præstantissimi semper in mea causa præfuis-  
tis; vobis Italiæ magnificentissimus ille motus, municipiorumque concursus: vobis campus, centuriarumque una vox omnium, quorum vos principes, atque auctores fuistis; vobis omnes societates, omnes ordines, omnes qui aut re, aut spe denique sunt boni, omne vobis erga meam dignitatem studium, & judicium non modo commissum, verum etiam commendatum esse arbitrantur; denique ipsi dii immortales, qui hanc urbem, atque hoc imperium tuentur, ut esset omnibus gentibus, posteritati-  
que perspicuum, divino me numine esse reip. redditum, idcirco mihi videntur fructum ipsum redditus, & gratulationis meæ ad suorum sacerdotum potestatem, judiciumque revocasse; hic est enim redditus, Pontifices, hæc restitutio, in domo, in sedibus, in aris, in focis, in diis penatibus recuperandis; quorum etsi iste suis sceleratissimis manibus testa, sedesque convellit; ducibusque consulibus, tamquam urbe capta, hanc unam domum quasi acerrimi propugnatoris, sibi delendam putavit: tamen illi dii penates, ac familiares mei per vos in meam domum mecum erunt restituti. Quocirca te, Capitoline, quem propter beneficia populus R. optimum, propter vim maximum nominavit; teque, Juno regina, & te, custos urbis, Minerva, quæ semper ad-  
jutrix consiliorum meorum, testis laborum extitisti, precor, ac quæso: vosque, qui maxime me repetistis, atque revocastis, quorum de sedibus hæc mihi proposita est contentio, patrii penates, familiaresque, qui huic urbi, & reip. præsidēs estis; vos confessor, quorum ego a templis ac delubris pestiferam illam, & nefariam flammam depuli: teque, Vesta mater, cujus castissimas sacerdotes ab hominum amentia, furore, & scelere defendi, cujusque ignem illum sempiternum non sum passus aut sanguine civium restingui, aut cum totius urbis incendio commisceri: ut, si in illo pene fato reip. objeci meum caput pro vestris ceremoniis, atque templis perditissimorum civium furor,

atque



atque ferro; & si iterum, cum ex mea contentione interitus bonorum omnium quæreretur, vos sum testatus, vobis me, ac meos commendavi, neque ac meum caput ex conditione devovi, ut, si & eo ipso tempore, & ante in consulatu meo, commodis meis omnibus, emolumentis, præmiis prætermisissis, cura, cogitatione, vigiliis omnibus, nihil rep. aliquando restituta liceret frui, si autem mea consilia patriæ non profuissent, ut perpetuum dolorem avulsus a meis sustinerem: hanc ego devotionem capitis mei, cum ero in sedes meas restitutus, tum denique convictam esse, & commissam putabo; nam nunc quidem, Pontifices, non solum domo, de qua cognoscitis; sed tota urbe careo, in quam videor esse restitutus; urbis enim celeberrimæ, & maximæ partes adversum illud non monumentum, sed vulnus patriæ contuentur: quem cum mihi conspectum morte magis vitandum, fugiendumque esse videatis; nolite, quæso, eum, cuius reditu restitutam rempubl. fore putastis, non solum dignitatis ornamentis, sed etiam urbis partibus velle esse privatum; non me bonorum direptio, non tectorum excisio, non depopulatio prædiorum, non præda consulum, ex meis fortunis crudelissime capta, permovet; caduca semper, & mobilia hæc esse duxi, non virtutis, atque ingenii, sed fortunæ, & temporum munera; quorum ego non tam facultatem unquam, & copiam expetendam putavi, quam & in utendo rationem, & in carendo patientiam; etenim ad nostrum usum propemodum jam est definita moderatio rei familiaris: liberis autem nostris satis amplum patrimonium paterni nominis, ac nostræ memoriæ relinquemus; domo per scelus erepta, per latrocinium occupata, per religionis vim sceleratius etiam ædificata, quam eversa, carere sine maxima ignominia reip., meo dedecore, ac dolore non possum. Quapropter, si diis immortalibus, si senatui, si populo R., si cunctæ Italiæ, si provinciis, si exteris nationibus, si vobismetipsis, qui in mea salute principem semper locum, auctoritatemque tenuistis, gratum, & jucundum meum reditum intelligitis esse; quæso obtestorque vos, Pontifices, ut me, quem auctoritate, studio, sententiis restitutus, nunc, quoniam senatus ita vult, manibus quoque vestris in sedibus meis collocetis.

plura pene, quam de re, reoque dixerunt; quamquam, judices, si quid est in ma ipso ita reprehensum, ut id ab hoc alienum sit, non me id magnopere conturbet; non enim timeo, ne, quia perraro grati homines reperiantur, idcirco cum me nimium gratum illi esse dicant, id mihi criminofum esse possit; quæ vero ita sunt agitata ab illis, ut aut merita Cn. Plancii erga me minora esse dicerent, quam a me ipso prædicarentur, aut, si essent summa, negarent ea tamen ita magni, ut ego putarem, ponderis apud vos esse debere: hæc mihi sunt tractanda, Judices, & modice, ne quid ipse offendam; & tum denique, cum respondero criminibus, ne non tam innocentia reus sua, quam recordatione meorum temporum defensus esse videatur. Sed mihi in causa facili, atque explicata perdifficilis, judices, & lubrica defensionis ratio proponitur; nam si tantummodo mihi necesse esset contra Laterensem dicere, tamen idipsum esset in tanto usu nostro, tantaque amicitia molestum; vetus enim est lex illa justæ, veræque amicitiae, quæ mihi cum illo jamdiu est, ut idem amici semper velint, neque est ullum certius amicitiae vinculum, quam consensus, & societas consiliorum, & voluntatem; mihi autem non est in hac re solum molestum; contra illum dicere, sed multo id magis, quod in ea causa contra dicendum est, in qua quædam hominum ipsorum videtur facienda esse contentio. Querit enim Laterensis, atque hoc uno maxime urget; quæ se virtute, quæ laude Plancius, quæ dignitati superarit; ita si cedo illius ornamentis, quæ multa, & magna sunt: non solum hujus dignitatis jactura facienda est, sed etiam largitionis recipienda suspicio est; sin hunc illi antepono; contumeliosa habenda est oratio, & dicendum est id, quod ille me flagitat, Laterensem a Plancio dignitate esse superatum; ita aut amicissimi hominis existimatio offendenda est, si illam accusationis conditionem sequar: aut optime de me meriti salus deferenda est. Sed ego, Laterensis, cæcum me, & precipitem ferri confiteor in causa, si te aut a Plancio, aut ab ullo dignitate potuisse superari dixerō; itaque discedam ab ea contentione, ad quam tu me vocas; & veniam ad illam, ad quam me causa ipsa deducit. Quid? tu non æquum dignitatis judicium putes esse populum? fortasse nonnunquam est; utinam vero emper esset! sed est perraro: & si quando est, in iis magistratibus est mandandis, quibus salutem suam committi putat; his levioribus comitiis, diligentia, & gratia petitorum honos paritur, non iis ornamentis, quæ esse in te videmus; nam quod ad populum pertinet, semper dignitatis iniquus judex est, qui aut invidet, aut favet; quamquam nihil potes in te, Laterensis, constituere, quod sit proprium laudis tue, quin id tibi sit commune cum Plancio; sed hoc totum agatur alio loco; nunc tantum disputo de jure populi, qui & potest, & solet nonnunquam dignos præterire; nec, si a populo præteritus est, quem non oportuit, a judicibus condemnandus est,

qui præteritus non est; nam, si ita esset; quod patres apud majores nostros tenere non potuerunt, ut reprehenses essent comitiorum, id haberent judices, vel quod multo etiam minus est ferendum; tum enim magistratum non gerebat is, qui ceperat, si patres auctores non erant facti: nunc postulatur a vobis, ut ejus exilio, qui creatus sit, judicium populi Rom. reprehendatis; itaque quamquam, qua nolui, janua sim ingressus in causam, sperare videor, tantum abfuturam esse orationem meam a minima suspitione offensionistæ, te ut potius ohjurgem, quod iniquum in discrimen adducas dignitatem tuam, quam ut ego eam ulla contumelia coner attingere. Tu continentiam, tu industriam, tu animum in rep., tu virtutem, tu innocentiam, tu fidem, tu labores tuos, quod ædilis non sis factus, fractos esse, & abjectos, & repudiatos putas? vide tandem, Laterensis, quantum a te dissentiam: si medius fidiis decem soli essent in civitate viri boni, sapientes, iusti, graves, qui te indignum ædilitate judicassent; gravius de te judicatum putarem; quam est hoc, quod tu metuis, ne a populo judicatum esse videatur; non enim comitiis judicat semper populus, sed movetur plerumque gratia; cedit precibus; facit eos, a quibus est maxime ambitus; denique si judicat, non delectu aliquo, aut sapientia ducitur ad judicandum, sed impetu nonnunquam, & quadam etiam temeritate; non est enim consilium in vulgo, non ratio, non discrimen, non diligentia semperque sapientes ea, quæ populus fecisset: ferenda, non semper laudanda duxerunt. Quare, cum te ædilem fieri oportuisse dicis, populi culpam, non competitoris, accusas. At fueris dignior, quam Plancius: de quo ita tecum contendam paulo post, ut conservem dignitatem tuam: sed ut fueris dignior, non competitor, a quo es victus, sed populus, a quo es præteritus, in culpa est: in quo primum illud debes putare, comitiis, præsertim ædilitiis, studium esse populi, non judicium; eblandita illa, non enucleata esse suffragia; eos, qui suffragium ferant, quid cuique ipsi debeant, considerare sæpius, quam quid cuique a rep. videatur deberi, sin autem malis esse judicium; non tibi id rescindendum est, sed ferendum; male judicavit populus: ut judicavit; non debuit; at potuit; non fero; at multi clarissimi, & sapientissimi cives tulerunt; est enim conditio liberorum populorum, præcipueque hujus principis populi, & omnium gentium domini, atque victoris, posse suffragiis vel dare, vel detrahare, quod velit, cuique; nostrum autem est, qui in hac tempestate populi jactemur ac fluctibus, ferre modice populi voluntates, allicere alienas, retinere paratas, placare turbatas; honores si magni non putemus, non servire populo; sin eos expectamus, non defatigari supplicando. Venio jam ad ipsius populi partes: ut illius contra te oratione potius, quam mea, disputem; qui si tecum congrediatur, & si una voce loqui possit, hæc dicat; Ego tibi, Laterensis, Plancium non anteposui; sed,

cum

cum essetis æque boni viri, meum beneficium potius ad eum detuli, qui a me contemderat, quam ad eum, qui mihi non nimis submisit supplicarat. Respondebis, credo, te, splendore, & vetustate familie fretum, non valde ambiendum putasse; at vero te ille ad sua instituta, suorumque majorum exempla revocabit; semper se dicet rogari voluisse, semper placuisse; M. Sejum, qui ne equestrem quidem splendorem incolumem a calamitate iudicii retinere potuisse, homini nobilissimo, innocentissimo, eloquentissimo, M. Pisoni prætulisse; præposuisse se Q. Catulo, in summa familia nato, sapientissimo, & sanctissimo viro, non dico C. Serenum, subtilissimum hominem (fuit enim & animi satis magni, & consilii) sed Cn. Manlium, non solum ignobilem, verum sine virtute, sine ingenio, vita etiam contempta, ac sordida. Desiderarunt te, inquit, oculi mei, cum tu esses Cyrenis; me enim, quam socios, tua frui virtute malebam; & quo plus intererat, eo plus aberas a me: certe non videbam; deinde sitientem me virtutis tue deferuisti, ac dereliquisti: coeperas cum petere tribunatum pl. temporibus iis, quæ istam eloquentiam, & virtutem requirebant; quam petitionem cum reliquisses, si hoc iudicasti, tanta in tempestate te gubernare non posse, de virtute tua dubitavi: si nolle, de voluntate: sin, quod magis intelligo, temporibus te aliis reservaſti, ego quoque, inquam, & resp. ad ea te tempora revocavi: ad quæ tu te ipse servaras. Pete igitur eum magistratum, in quo mihi magnæ utilitati esse possis; ædiles quicunque erunt, idem mihi, quod ostenderas: aut si, quod mea minus interest, id te magis forte delectat, reddam tibi istam ædilitatem etiam negligenter petenti; sed amplissimos honores ut pro dignitate tua consequare, condiscas censeo, mihi paulo ante diligentius supplicare. Hæc populi oratio est; mea vero, Laterensis, hæc: quare victus sis, non debere iudicem quærere, modo ne largitione sis victus; nam si quotiescunque præteritus erit is, qui non debuerit præteriri, toties oportebit eum, qui factus erit, condemnari; nihil jam est quod populo supplicetur, nihil, quod direptio, nihil, quod supplicatio magistratuum, renunciatio suffragiorum expectetur, simul ut qui sunt professi, video quid dicam: hic familia consulari est, ille prætorii, reliquos video esse ex equestri loco; sunt omnes sine macula, sunt æque boni viri, atque integri: sed servari necesse est gradum; cedit consulari generi prætorium, nec contendat cum prætorio equester locus; sublata sunt studia, extinctæ suffragationes, nullæ contentiones, nulla libertas populi in mandandis magistratibus, nulla expectatio suffragiorum: nihil, ut plerumque evenit, præter opinionem accidet: nulla erit posthac varietas comitiorum; sin hoc persæpe accidit, ut & factos aliquos, & non factos esse miremur, si campus, atque illæ undæ comitiorum, ut mare profundum, & immensum, sic effervescent quodam quasi æstu, ut ad alios accedant, ab aliis autem recedant; in tanto nos impetu studiorum, & motu

& motu temeritatis modum aliquem, & consilium, & rationem requiramus? Quare noli me jam ad contentionem vestram revocare, Laterensis; etenim si populo grata est tabella, quæ frontes aperit hominum, mentes tegit; datque eam libertatem, ut, quod velint, faciant, promittant autem, quod rogentur: cur tu in iudicio exprimis, quod non sit in campo? hic, quam ille, dignior, perquam grave est dictu; quomodo igitur est æquum? sic credo (quod agitur, quod satis est iudicii) hic factus est; cur iste potius, quam ego? vel nescio, vel non dico, vel denique, quod mihi gravissimum esset dicere, sed impune tamen deberem dicere, non recte: nam quid assequer, si illa extrema defensione uerer, populum, quod voluisset, fecisse, non quod debuisset? quid si populi quoque factum defendo, Laterensis, & doceo, Cn. Plancium non obrepisse ad honorem, sed eo venisse cursu, qui semper patuerit omnibus hoc nostro equestri loco? possum ne eripere orationi tuæ contentionem vestram, quæ tractari sine contumelia non potest, & te ad causam, crimenque deducere? si, quod equitis Rom. filius est, inferior esse debuit; omnes tecum equitum R. filii petiverunt; nihil dico amplius; hoc tamen miror, cur tu huic potissimum irascere, qui longissime a te absuit; equidem si quando, ut sit, iactor in turba, non illum accuso, qui est in summa Sacra via, cum ego ad Fabianum fornicem impellor; sed eum, qui in me ipsum incurrit, atque incidit; tu neque Q. Pedio, forti viro, suscentes, neque huic A. Plotio, ornatissimo homini, familiari meo: & ab eo, qui hos dimovit, potius, quam ab iis, qui in te ipsum incubuerunt, te depulsum putas; sed tamen hæc tibi est prima cum Plancio generis vestri, familiarque contentio, qua abs te vincitur; cur enim non consteat, quod necesse est? sed non hic magis, quam ego a meis competitoribus & alias, & in consulatus petitione vincebar; sed vide; ne hæc ipsa, quæ despicias, huic suffragata sint; sic enim conferamus. Est tuum nomen utraque familia consulare: num dubitas igitur, quin omnes, qui favent nobilitati, qui id putant esse pulcherrimum, qui imaginibus, qui nominibus vestris duruntur, te ædilem fecerint? equidem non dubito; sed si parum multi sunt, qui nobilitatem ament: num ista est nostra culpa? etenim ad caput, & ad fontem utriusque generis veniamus. Tu es ex municipio antiquissimo Tusculano, ex quo plurimæ familiæ sunt consulares, in quibus est etiam Juventia, quot e reliquis municipiis omnibus non sunt: hic est e præfectura Atinati, non tam prisca, non tam honorata, non tam suburbana; quantum interesse vis ad rationem petendi? primum, utrum magis favere putas Atinates, an Tusculanos suis? alteri (scire enim hoc propter vicinitatem facile possum) cum hujus ornatissimi, atque optimi viri, Cn. Saturnini patrem ædilem, cum prætorem viderunt, quod primus ille non modo in eam familiam, sed etiam in præfecturam illam sellam curulem attulisset, mirandum

in modum lartati sunt: alteros (credo, quia refertum est municipium consularibus: nam malevolos non esse certo scio) nunquam intellexi vehementius hospitum suorum honore lartari; habemus hoc nos, habent nostra municipia; quid ego de me, de fratre meo loquar? quorum honoribus agri prope dicam ipsi, montesque faverunt; num aliquando vides Tusculanum aliquem de M. Catone illo, in omni virtute principe, num de Ti. Coruncanio munice suo, num de tot Fabiis gloriari? verbum nemo facit; at in quemcumque Arpinatem incideris, etiam si nolis, erit tamen tibi, fortasse de nobis aliquid, aliquid & de C. Mario audiendum. Primum igitur hic habuit studia suorum ardentia: tu tanta, quanta in hominibus jam saturatis honoribus esse potuerunt; deinde tui municipes sunt illi quidem splendidissimi homines, sed tamen pauci, si quidem cum Atinatibus conferantur; hujus praefectura plena virorum fortissimorum, sic, ut nulla tota Italia frequentior dici possit. Quam quidem nunc multitudinem videtis, iudices, in squalore, & luctu supplicem vobis; hi tot equites R. tot tribuni aerarii (nam plebem a iudicio dimisimus, quae cuncta comitiis adfuit) quid roboris, quid dignitatis hujus petitioni attulerunt? non enim tribum Terentinam, de qua dicam alio loco, sed dignitatem, sed oculorum conspectum, sed solidam, & robustam, & assiduam frequentiam praebuerunt; jam municipia conjunctione etiam vicinatis vehementer moventur; omnia, quae dico de Plancio, dico expertus in nobis: sumus enim finitimi Atinatis: laudanda est, vel etiam amanda vicinitas retinens veterem illum officii morem, non insulcata malevolentia, non assueta mendaciis; non luctata, non fallax, non erudita artificio simulationis vel subdano, vel etiam urbano; nemo Arpinas non Plancio studuit, nemo Soranus, nemo Casinas, nemo Aquinas: totus ille tractus celeberrimus Venetranus, Alifanus, tota denique nostra illa aspera, & montuosa, at fidelis, & simplex & faultrix suorum regio se hujus honore ornari, se augeri dignitate arbitrabatur: iidemque nunc a municipiis adfunt equites R. publice cum legationis testimonio; nec minore nunc sunt solitudine, quam tum erant studio; etenim est gravius spoliari fortune, quam non augeri dignitate. Ergo, ut alia in te erant illustriora, Laterensis, quae tibi majores tui reliquerant: sic te Plancius hoc non solum municipii, verum etiam vicinitas genere vincebat; nisi forte te Lavicana, aut Covillana, aut Gabina vicinitas adjuvabat: quibus e municipiis vix jam, qui carnem Latinis petant, inveniuntur. Adjungam, si vis, id quod tu etiam huic obesse putas, patrem publicanum; qui ordo quanto adiumento sit in honore, quis nescit? hos enim equitum Romi, ornamentum civitatis, firmamentum reip. publicanorum ordine continetur; quis est ergo, qui neget, ordinis ejus studium fuisse in honore Plancii singulare? neque injuria: vel quod erat pater is, qui est princeps jamdiu publicanorum; vel quod is ab sociis unice dili-

diligebatur : vel quod diligentissime rogabat : vel quia pro filio supplicabat : vel quia hujus ipsius in illum ordinem summa officia quæsturæ, tribunatusque constabant : vel quod illi in hoc ordinando ordinem se ornare, & consulere liberis suis arbitrabantur. Aliquid præterea ; timide dico, sed tamen dicendum est : non enim opibus, non invidiosa gratia, non potentia vix ferenda ; sed commemoratio- ne beneficii, sed misericordia, sed precibus aliquid attuli- mus etiam nos ; appellavi populum, tribubus submisi me, & supplicavi ; ultro mehercules se mihi etiam offerentes, ultro pollicentes rogavi ; valuit causa rogandi, non gratia ; nec si vir amplissimus, cui nihil est, quod roganti conce- di non jure possit, de aliquo, ut dicis, non impetravit, ego sum arrogans, quod me valuisse dico : nam, ut omi- tam illud, quod ego pro eo laborabam, qui valebat ipse per sese, rogatio ipsa semper est gratiosissima, quæ est of- ficio necessitudinis conjuncta maxime ; neque ego sic roga- bam, ut petere viderer, quia familiaris esset meus, quia vicinus, quia hujus parente semper plurimum esset usus, sed ut quasi parenti, & custodi meo ; non potentia mea, sed causa rogationis fuit gratiosa ; nemo mea restitutione lætatus est, nemo injuria doluit, cui non hujus in me misericordia grata fuerit ; etenim, si ante reditum meum Cn. Plancio se, vulgo viri boni, cum hic tribunatum pe- teret, ultro offerebant : cui nomen meum honori fuisset, ei meas præsentis preces non putas profuisse ? an Mintur- nenses coloni, quod C. Marium ex civili errore, atque ex impiis manibus eripuerunt, quod testis receperunt, quod fessum inedia, fluctibusque recrearunt, quod viati- cum congesserunt, quod navigium dederunt, quod eum linquentem terram eam, quam servaverat, lacrymis, vo- tisque omnibus prosecuti sunt, æterna in laude versantur Plancio, quod me vel vi pulsum, vel ratione cedentem temporis receperit, juverit, custodierit, his, & senatui, populoque Rom. ut haberent quod reducerent, conservarit, honori hanc fidem, misericordiam, virtutem fuisse mira- ris ? Vitia mehercule res hæ Cn. Plancii, de quibus dixi, regere potuerunt ; ne an in ea vita, de qua jam dicam, tot, & tanta adjumenta huic honori fuisse mirere. Hic est enim, qui adolescentulus cum A. Torquato profectus in Africam, sic ab illo gravissimo, sanctissimo, atque omni laude, & honore dignissimo viro dilectus est, ut & contubernii necessitudo, & adolescentuli modestissimi pu- dor postulabat ; quod si adesset, non minus ille declara- ret, quam hic illius frater patruelis, & socer, T. Torqua- tus, illi omni virtute, & laude par : qui est quidem cum illo maximis vinculis & propinquitatis, & affinitatis con- junctus, sed ita magni amoris, ut illæ necessitudinis cau- sæ leves esse videantur. Fuit in Creta postea contuberna- lis Saturnini, propinqui sui, miles hujus Q. Metelli, quibus cum fuerit probatissimus, hodieque sit, omnibus esse probatum debet sperare. In ea provincia legatus fuit C. Sacerdos, qua virtute, qua constantia vir? L. Flac-  
cus.

cus, qui homo? quis civis? qualem hunc putent, assidue, testimonioque declarant. In Macedonia tribunus militum fuit: in eadem provincia postea quaestor; primum Macedonia sic eum diligit, ut indicant hi principes civitatum suarum: qui cum missi sint ob aliam causam, tamen hujus repentino periculo commoti huic assident, pro hoc laborant; huic si praesto fuerit, gratius se civitatibus suis facturos putant, quam si legationem, & mandata sua confecerint. L. vero Apulejus hunc tanti facit, ut morem illum majorum, qui praescribit in parentum loco quaestoribus suis praetores esse oportere, officiis, benevolentiaque superarit. Tribunus pl. fuit, non fortasse tam vehemens, quam isti, quos tu jure laudas, sed certe talis, quales si omnes semper fuissent, nunquam desideratus vehemens esset tribunus. Omitto illa, quae si minus necessaria sunt, at certe, cum sunt prolata, laudantur: ut vivat cum suis, primum cum parente, (nam meo judicio pietas fundamentum est omnium virtutum) quem veretur ut deum (neque enim multo secus parens liberis) amat vero, ut sodalem, ut fratrem, ut aequalem; quid dicam cum patruo? cum affinibus? cum propinquis? cum hoc Cn. Saturnino, ornatissimo viro? cujus quantam honoris hujus cupiditatem fuisse creditis, cum videatis luctus societatem? Quid de me dicam? qui mihi in hujus periculo reus esse videor. Quid de his tot viris talibus, quos videtis veste mutata? atqui haec sunt indicia solida, Judices, & expressa, haec signa probitatis, non fucata forensi specie, sed domesticis inusta nota veritatis; facilis est illa occuratio, & blanditio popularis; adspicitur, non attrectatur; procul apparet, non excutitur, non in manus sumitur. Omnibus igitur rebus ornatum hominem, tam externis, quam domesticis: nonnullis rebus inferiorem, quam te, generis & nominis dico; superiorum aliis, municipium, vicinorum, societatum studio, temporum meorum memoria: parem virtute, integritate, modestia adilem factum esse miraris? hunc tu vitae splendorem maculis aspergis istis? jactas adulteria, quae nemo non modo nomine, sed ne suspicione quidem possit agnoscere? maritum appellas, ut verbaingas, non solum crimina; ductum esse ab eo in provinciam aliquem dicis libidinis causa; quod non crimen est, sed impudicum in maledicto mendacium: raptam esse mimulam, quod dicitur Atinae factum a juvene, vetere quodam in scenicos jure, maximeque oppidano; o adolescentiam traductam eleganter, cui quidem cum, quod licuerit, objiciatur, tamen id ipsum falsum reperiatur! Emissus aliquis e carcere, & quidem emissus, ut cognostis, necessarii hominis, optimique adolescentis rogatu; idem postea praemandatis requisitus; atque haec, nec ulla alia, sunt conjecta maledicta in ejus vitam, de cuius vos pudore, religione, integritate dubitatis. Pater vero, inquit, etiam obesse filio debet. O vocem daram, atque dignam tua probitate, Laterensis! pater ut in judicio capitis, pater ut in dimicatione fortunarum, pater



ut apud tales viros obesse filio debeat? qui si esset turpissimus, sordidissimus, tamen ipso nomine patrio valeret apud clementes iudices, & misericordes, valeret, inquam, communi sensu omnium, & dulcissima commendatione naturæ; sed, cum sit Cn. Plancius is eques R. ea primum vetustate equestris ordinis, ut pater, ut avus, ut majores ejus omnes equites R. fuerint, summum in præfectura florentissima gradum tenuerint & dignitatis, & gratiæ; deinde, ut ipse in legionibus P. Crassi imperatoris inter ornatissimos homines, equites R. summo splendore fuerit; ut postea princeps inter suos, plurimarum rerum sanctissimus, & iustissimus iudex, maximarum societatum auctor, plurimarum magister: si non modo in eo nihil unquam reprehensum, sed laudata sunt omnia; tamen is ob-erit honestissimo filio pater, qui vel minus honestum, & alienum tueri vel auctoritate sua, vel gratia possit? Asperius, inquit, locutus est aliquid aliquando, immo fortasse liberius; at id ipsum, inquit, non est ferendum; ergo hi ferendi sunt, qui queruntur, libertatem equitis R. se ferre non posse? ubinam ille mos? ubi illa æquitas juris? ubi illa antiqua libertas, quæ malis oppressa civilibus extollere jam caput, & aliquando recreata se erigere debebat? equitum ego R. etiam in homines nobilissimos maledicta; publicanorum in Q. Scævola, virum omnibus ingenio, iustitia, integritate præstantem, asperere, & ferociter, & libere dicta commemorem? consuli P. Nasicum præco Granius medio in foro, cum ille, edicto iustitiæ, domum descendens rogasset Granium, quid tristis esset? an quod auctiones essent? immo vero, inquit, quod legiones; idem tribuno pl. potentissimo homini, M. Druso, sed multa in temp. molienti, cum ille eum salutasset, ut sit, dixissetque, quid agis, Grani? respondit, immo vero tu, Druse, quid agis? ille L. Crassi, ille M. Antonii voluntatem asperioribus facitiis sæpe perstrinxit impune; nunc usque eo oppressa vestra arrogantia civitas est, ut quæ fuit olim præconi in ridendo, nunc equiti R. in plorando non sit concessa libertas. Quæ enim unquam fuit Plancio vox contumeliæ potius, quam doloris? quid est autem unquam questus, nisi cum a sociis, & a se injuriam propulsaret? cum senatus impediretur, quominus, id quod hostibus semper erat tributum, responsum equitibus R. redderetur? omnibus illa injuria dolori publicanis fuit: sed cum ipsum dolorem hic tulit paulo apertius; communis ille sensus in aliis fortasse latuit; hic, quod cum cæteris animo sentiebat, id magis, quam cæteri, & vultu promptum habuit, & lingua; quamquam, iudices, (agnosco enim ex me) permulta in Plancium, quæ ab eo nunquam dicta sunt, conferuntur; ego, quia dico aliquid aliquando, non studio adductus, sed contentione dicendi, aut laesit: & quia, ut sit in multis, exit aliquando aliquid, si non perfacetum, attamen fortasse non rusticum; quod quisque dixit, me id dixisse dicunt. Ego autem, si quid est, quod mihi scitum esse videatur, & homi-

homine ingenuo dignum, atque docto; non aspernor; si-  
maehor vero, cum aliorum non me digna in me conle-  
runtur. Nam quod primus scivit legem de publicanis;  
tum, cum vir amplissimus consul id illi ordini per popu-  
lum dedit, quod per senatum, si licuisset, dedisset; si in  
eo crimen est, quia suffragium tulit; quis non tulit publi-  
canus? si, quia primus scivit; utrum id sortis esse vis, an  
ejus, qui illam legem ferebat? si sortis; nullum crimen  
est in casu: si consulis; splendor etiam Plancii, hunc a  
summo viro principem ordinis judicatum. Sed aliquando ve-  
niamus ad causam, in qua tu, nomine legis Liciniae, quae  
est de sodalitiis, omnes ambitus leges complexus es; ne-  
que enim quidquam aliud in hac lege, nisi edititios judi-  
ces es secutus; quod genus judiciorum si est æquum ulla  
in re, nisi hac tribuaria: non intellige, quamobrem sena-  
tus hoc uno in genere tribus edi voluerit ab accusatore,  
neque eandem editionem transtulerit in ceteras causas; de  
ipso denique ambitu, de reiectione fieri voluerit judi-  
cium alterorum; cumque nullum genus acerbitalis præter-  
mitteret, hoc tamen unum prætereundum putarit. Quid?  
hujus rei obscura causa est? an & agitata, cum ista—in  
senatu res agebatur; & disputata hesternæ die copiosius a  
Q. Hortensio? cui tum est senatus assensus; hoc igitur  
sensimus; cujuscumque tribus largitor esset, & per con-  
sensionem magistratum, quæ honeste sodalitas nominaretur,  
quam quisque tribum turpi largitione corrumpere, cum  
maxime iis hominibus, qui ejus tribus essent, esse  
notum; ita putavit senatus, cum reo tribus ederentur em,  
quas is largitione devinctas haberet; eosdem fore testes,  
& judices; acerbum omnino genus judicii: sed tamen, si  
vel sua, vel ea, quæ maxime esset cuique conjuncta, tri-  
bus ederetur, vix recusandum. Tu autem, Laterensis,  
quas tribus edidisti? Terentinam, credo; fuit certe id æ-  
quum, & certe expectatum est, & fuit dignum constan-  
tia tua; cujus tu tribus venditorem, & corruptorem, &  
sequestrem Plancium fuisse clamitas, eam tribum profe-  
cto, severissimorum præsertim hominum, & gravissima-  
rum, edere debuisti; aut Voltiniam; libet enim tibi ne-  
scio quid etiam de illa tribu criminari; hanc igitur ipsam  
cur non edidisti? quid Plancio cum Lemonia? quid cum  
Veientina? quid cum Crustumina? nam tertiam etiam,  
non quam judicaret, sed quam rejiceretur, esse voluisti. Du-  
bitatis igitur, judices, quin vos M. Laterensis suo judi-  
cio non ad sententiam legis, sed ad suam spem aliquam  
de civitate delegerit? dubitatis, quin eas tribus, in quibus  
magnas necessitudines habet Plancius, cum ille non  
ediderit, judicari officiis ab hoc observatas, non largitione?  
quid enim potest dicere, cur ista editio non summam  
habeat acerbitalatem, remota ratione ista, quam in decer-  
nendo secuti sumus? tu deligas ex omni populo aut ami-  
cos tuos, aut inimicos meos, aut denique eos, quos ine-  
xorabiles, quos inhumanos, quos crudeles existimes? tu,  
me ignaro, nec opinante, incio, notes & tuos, & tuo-  
rum

rum necessarios, vel iniquos meos, vel etiam defensorum meorum? eodemque adjungas, quos matura putes asperos, atque omnibus iniquos? deinde effundas repente, ut ante confesum eorum judicium videam, quam potuerim, qui essent futuri; suspicari? apud eosque me, ne quinque quidem rejectis, quod in proximo reo de consilii sententia constitutum est, cogas causam de fortunis omnibus dicere? non enim, si aut Plancius ita vixit, ut offenderet sciens neminem, aut tu ita errasti, ut eos ederes imprudens, ut nos, invito te, tamen ad iudices, non ad carifices veniremus, idcirco ista editio per se non acerba est; an vero nuper clarissimi dives nomen editi iudicis non tulerunt, cum ex cxxv. iudicibus, principibus equestris ordinis, quinque, & lxx. reus rejiceret, L. referret; omniaque potius permiscuerunt, quam ei legi, conditionique parerent: nos neque ex delectis iudicibus, sed ex omni populo; neque editos ad rejiciendum, sed ab accusatore constitutos iudices ita feremus, ut neminem rejiciamus? neque ego nunc legis iniquitatem queror, sed factum tuum a sententia legis doceo discrepare: & illud acerbum iudicium, si quemadmodum senatus censuit, populusque iussit, ita fecisses, ut in hunc & suam, & ab hoc observatas tribus ederes, non modo non quererer, sed hunc, iudicibus editis, qui testes iidem esse possent, absolutum putarem; neque nunc multo secus existimo; cum enim has tribus edidisti, ignotis te iudicibus uti malle, quam notis, iudicavisti; fugisti sententiam legis, æquitatem omnem rejecisti, in tenebris, quam in luce, causam versari maluisti. Voltinia tribus ab hoc corrupta Terentiam habuerat venialem; quid diceret apud Voltinienſes, aut tribules suos iudices? immo vero tu quid diceres? quem iudicem ex illis, aut tacitum testem haberes, aut vero etiam excitares? etenim, si reus tribus ederet, Voltiniam fortasse Plancius propter vicinitatem, ac necessitudinem suam non edidisset; &, si quæſitor edendus fuisset, quem tandem potius, quam hunc C. Alſium, quem habet, cui notissimus esse debet, vicinum, tribulem, gravissimum hominem, justissimumque edidisset? cuius quidem æquitas, & mea similis voluntas erga Cn. Plancii salutem, quam ille sine ulla cupiditatis suspitione præſert, facile declarat, non fuisse fugiendum tribulem huic iudicem, cui quæſitorem tribulem exoptandum fuisse videatis; neque ego nunc consilium reprehendo tuum, quod non eas tribus, quibus hic maxime notus erat, edideris: sed a te doceo consilium non servatum senatus; etenim quis te tum audiret illorum? aut quid diceres? sequestrem ne Plancium? respuerent aures, nemo agnosceret, repudiatur; an gratiosum? illi libenter audirent, nos non timide confiteremur; noli enim putare, Laterenensis, legibus istis, quas senatus de ambitu sancire voluerit, id esse actum, ut suffragatio, ut observantia, ut gratia tolleretur; semper fuerunt boni viri, qui apud tribules suos gratiosi esse velient; neque vero tam durus in plebem pater ordo

do fuit, ut eam coli nostra modica liberalitate noluerit; neque hoc liberis nostris interdicendum est, ne observent tribules suos, ne diligant, ne reficere necessariis suis suam tribum possint, ne par ab his munus in sua petitione respectent; hæc enim plena sunt officii, plena observantiam; plena etiam antiquitatis; isto in genere & fuimus ipsi, cum ambitionis nostræ tempora postulabant, & clarissimos viros esse vidimus, & hodie esse videmus quamplurimos gratiosos. Decuriatio tribulium, descriptio populi, suffragia largitione devincta severitatem senatus, & bonorum omnium vim, ac dolorem excitarunt; hæc doce, hæc profer, huc incumbe, Laterensis, decuriasse Plancium, conscripsisse, sequestrum fuisse, pronunciaisse, divisisse; tum mirabor te illis armis uti, quæ tibi lex dabat, noluisse; tribulibus enim iudicibus, non modo severitatem illorum, si ista vera sunt, sed ne vultus quidem ferre possumus. Hanc tu rationem cum fugeris; cumque eos iudices habere nolueris, quorum in huius delicto cum scientia certissima, tum dolor gravissimus esse debuerit: quid apud hos dices, qui ab te taciti requirunt, cur hoc tibi oneris imposueris, cur se potissimum delegeris, cur denique se dividere malueris, quam eos, qui scirent, iudicare? Ego Plancium, Laterensis, & ipsum gratiosum esse dico, & habuisse in petitione multos cupidos sui gratiosos, quos tu si sodales vocas, officiosam amicitiam nomine iniquas criminoso; sin, quia gratiosi sunt, accusandos puta; noli mirari, te id, quod tua dignitas postularit, repudiandis gratiosorum amicitiiis non esse assecutum. Jam ut ego doceo, gratiosum esse tribulibus Plancium, quod multis benigne tegerit; pro multis sponderit, in operas plurimos patris auctoritate, & gratia miserit, quod denique omnibus officiis per se, per partes, per majores suos totam Atinatem præfecturam comprehenderit: sic tu doce, sequestrum fuisse, largitum esse, conscripsisse, tribules decuriavisse; quod si non potes; noli tollere ex ordine nostro liberalitatem, noli maleficio putare esse gratiam, noli observantiam sancire poena; itaque hæsitantem te in hoc fodalitiorum tribuario crimine ad communem ambitus causam contulisti; in qua destinamus aliquando, si videtur, vulgari, & pervagata declamatione contendere; sic enim tecum ago; quam tibi commodum est, unam tribum delige tu; doce id, quod debes, per quem sequestrum, quo divisore corrupta sit: ego, si id facere non potueris, quod, ut opinio mea fert, ne incipies quidem, per quem tulerit, docebo; est ne hæc vera contentio? placet ne sic agi? non possum magis pedem conferre, ut ajunt, aut propius accedere; quid races? quid dissimulas? quid tergiversaris? etiam atque etiam insto, atque urgeo, infector, posco, atque adeo flagito crimen, quaecumque tribum, inquam, delegeris, quam tulerit Plancius; tu ostendito, si poteris, vitium; ego, qua ratione tulerit, docebo; nec erit hæc alia ratio Plancio, ac Laterensi; nam ut, quas tribus tu tulisti, si jam ex te requiram, possis,

possis, quorum studio tuleris, explicare: sic ego hoc con-  
tendo, me tibi ipsi adversario, cuiuscunque tribus ratio-  
nem poposceris, redditurum. Sed cur ego sic ago? quasi  
non comitiis jam superioribus sit Plancius designatus ædi-  
lis, quæ comitia primum habere cepit consul, tum omni-  
bus in rebus summa auctoritate, tum harum ipsarum le-  
gum ambitus auctor; deinde habere cepit subito, præter  
opinionem omnium; ut, ne si cogitasset quidem quispiam  
largiri, daretur spatium comparandi; vocatæ tribus, latum suf-  
fragium, descriptæ, renunciatæ; longe plurimum valuit Plan-  
cius; nulla largitionis nec fuit, nec esse potuit suspicio;  
an tandem una centuria prærogativa tantum habet aucto-  
ritatis, ut nemo unquam prior tulerit, quin renunciatus  
sit: tu aut his ipsis comitiis consularibus, aut certe in il-  
lum annum ædilem Plancium factum miraris, in quo non  
exigua pars populi, sed universus populus voluntatem suam  
declaravit, cujus in honore non unius tribus pars, sed comi-  
tia tota comitiis fuerint prærogata? quo quidem tempore  
si id, Laterensis, facere voluisses, aut si gravitatis esse  
putasses tuæ, quod multi nobiles sæpe fecerunt, ut, cum  
minus valuissent suffragiis, quam putassent, postea, pro-  
latis comitiis, prosternerent se se, & populo R. fracto a-  
nimo, atque humili supplicarent: non dubito, quin omnis  
ad te conversura se fuerit multitudo; nunquam enim no-  
bilitas, integra præsertim, atque innocens, a populo R.  
supplex repudiata fuit; sed, si tibi gravitas tua, & ma-  
gnitudo animi pluris fuit, sicut esse debuit, quem ædili-  
tas: noli, cum habeas id, quod malueris, desiderare id,  
quod minoris putaris; equidem primum, ut honore di-  
gnus essem, maxime semper laboravi: secundo, ut existi-  
marer: tertium mihi fuit illud, quod plerisque primum  
est, ipse honos: qui iis denique debet esse jucundus, quo-  
rum dignitati populus Rom. testimonium, non beneficium  
ambitioni dedit. Quæris etiam, Laterensis, quid imagini-  
bus tuis, quid ornatis, atque optimo viro, patri tuo  
respondeas mortuo? noli ista meditari, atque illud cave  
potius, ne tua ista querela, dolorque nimis ab illis sa-  
pientissimis viris reprehendatur; vidit enim pater tuus,  
Ap. Claudium, nobilissimum hominem, vivo patre suo,  
potentissimo, & clarissimo, C. Claudio, ædilem non  
esse factum, & eundem sine repulsa factum esse consulem;  
vidit, hominem sibi maxime conjunctum, egregium vi-  
rum, L. Volcatium: vidit M. Pisonem in ista ædilitate  
offensiuncula accepta, summos a populo Rom. esse hono-  
res adeptos; avus vero tuus & P. Nasica tibi ædilitatem  
prædicaret repulsam, quo civi neminem ego statuo in hac  
rep. fortiozem; & C. Marii, qui, duabus ædilitatis ac-  
ceptis repulsis, septies consul est factus; & L. Cæsaris, Cn.  
Octavii, M. Tullii, quos omnes scimus, ædilitate præte-  
ritos, consules esse factos. Sed quid ego ædilitas repulsas  
colligo? quæ sæpe ejusmodi habitæ sunt, ut iis, qui præ-  
teriti essent, benigne a populo factum videretur. Tribu-  
nus militum L. Philippus, summa nobilitate, & eloquem-

his, quæstor C. Cælius, clarissimus, ac fortissimus adolescens, tribuni pl. P. Rutilius Rufus, C. Fimbria, C. Cæsius, Cn. Orestes facti non sunt; quos tamen omnes consules factos scimus esse; quæ tibi ultro pater, & majores tui non consolandi tui gratia dicerent, neque vero quod te liberent aliqua culpa, quam tu vateris, ne a te suscepta videatur; sed ut te ad cursum istum tenendum, quem a prima ætate suscepisti, cohortentur; nihil est enim, mihi crede, Laterensis, de te detractum; detractum dico? si mehercules vere, quod accidit, interpretari velis, est aliquid etiam de virtute significatum tua; noli enim existimare, non magnum quendam motum fuisse illius petitionis tuæ, de qua ne aliquid jurares, destitisti; denunciasti homo adolescens, quid de summa reip. sentires, fortius tu quidem, quam nonnulli defuncti honoribus, sed apertius, quam vel ambitionis, vel ætatis tuæ ratio postulabat; quæmòbrem in dissentiente populo noli putare, nullos fuisse, quorum animos tuus ille fortis animus offenderet: qui te incautum fortasse nunc tuo loco dimovere potuerunt, providentem ante, & præcaventem nunquam certe movebunt. An te illa argumenta duxerunt? dubitabis, inquit, quin coitio facta sit cum tribus plebsque cum Plotio tolerit Plancius? an una fieri potuerunt, si una tribus non tulissent? At nonnullas punctis, pene totidem; quippe cum jam facti prope superioribus comitiis, declaratique venissent; quamquam ne id quidem suspicionem coitionis habuerit; neque enim umquam majores nostri sortitionem constituissent ædilitiam, nisi viderent accidere posse, ut competitores pares suffragiis essent. Et ais, prioribus comitiis Aniensem a Plotio, Terentinam a Plancio tibi esse concessam; nunc ab utroque eas avulsas, ne in angustum venirent. Quam convenit, nondum cognita populi voluntate, hos, quos jam conjunctos fuisset, dicis, jacturam suarum tribuum, quo vos adjuvaremisti, fecisse; eosdem, cum jam essent experti quid valerent, restrictos, & tenaces fuisse? etenim verebantur, credo, angustias: quasi res in contentionem, aut in discrimen aliquod posset venire; sed tamen tu an Plotium, virum ornatissimum, in idem crimen vocandum judicas? an dicis, eum te arripuisse, a quo non sis rogatus? Nam, quod questus es, plures te testes habere de Voltinia, quam quot in ea tribu puncta tuleris: indicas, aut eos testes te adducere, qui, quia nummos acceperint, te præterierint; aut te ne gratuita quidem eorum suffragia tulisse. Illud vero crimen de nummis, quos in circo Flaminio deprehensos esse dixisti, caluit te recenti, nunc in causa refrixit; neque enim, qui illi nummi fuerint, nec quæ tribus, nec qui divisor, ostenderis; atque is quidem, adductus ad consules, qui tum in crimen vocabatur, se inique a tuis jactatum, gravitor querebatur; qui si erat divisor, præsertim ejus, quem tu habebas reum: cur abs te reus non est factus? cur non ejus damnatione aliquid ad hoc judicium præjudicii comparasti? sed neque tu habes

bes hæc, neque eis confidis; alia te ratio, alia cogitatio ad spem hujus opprimendi excitavit; magnæ sunt in te opes; late patet gratia; multi amici, multi cupidi tui, multi fautores laudis tuæ; multi huic invident; multis etiam pater, optimus vir, uimium retinens equestris juris & libertatis videtur; multi etiam communes inimici reorum omnium: qui ita semper testimonium de ambitu dicunt, quasi aut moveant animos suis testimoniis, aut gratum populo R. sit, aut ab eo facilius ob eam causam dignitatem, quam volunt, consequantur; quibuscum me, judices, pugnantem meo more pristino non videbitis; non quod fas sit quidquam effugere, quod salus Plancii postulet; sed quia neque necesse est, me id persequi voce, quod vos mente videatis, & quod ita de me meriti sunt illi ipsi, quos ego testes video paratos, ut eorum reprehensionem vos vestræ prudentiæ assumere, & eæ modestiæ remittere debeatis; illud unum vos magnopere oro, atque obsecro, judices, cum hujus, quem defendo, tum communis periculi causa, ne fictis auditionibus, ne disseminato, disperseque sermoni fortunas innocentium subjiciendas putetis; multi amici accusatoris, nonnulli etiam nostri iniqui, multi communes obrectatores, atque omnium invidi multa fixerunt; nihil est autem iam volucre, quam maledictum; nihil facilius emittitur, nihil citius excipitur, nihil latius dissipatur; neque ego, si fontem maledicti reperietis, ut aut negligatis, aut dissimuletis, unquam postulabo: sed, si quid sine capite manabit, aut si quid erit ejusmodi, ut non extet auctor, qui audierit, aut ita negligens vobis esse videbitur, ut, unde audierit, oblitus sit, aut ita testem habeat auctorem, ut memoria dignum non putarit; hujus illa vox vulgaris, audivi, ne quid reo innocenti noceat, oramus. Sed venio jam ad L. Cassium, familiarem meum: cujus ex oratione ne illum quidem juvenium tecum exposulavi, quem ille, omni & virtute, & humanitate ornatus adolescens, primum de plebe ædilem curulem factum esse dixit; in quo, Cassi, si ita tibi respondeam, nescisse id populum R. neque fuisse, qui id nobis narraret, præsertim mortuo Longino, non, ut opinor, admirere: cum ego ipse, non abhorrens a studio antiquitatis, me dic id ex te primum audisse; confitear; & quoniam tua fuit perelegans, ac persubtilis oratio, digna equitis R. vel studio, vel pudore; quoniamque sic ab his es auditus, ut magnus honos & ingenio, & humanitati tuæ tribueretur; respondeo ad ea, quæ dixisti; quæ pleaque de ipso sine fuerunt; in quibus ipsi aculei, si quos habuisti in me reprehendendo, tamen mihi non ingrati acciderunt. Quæstisti utrum mihi putarem, equitis Rom. filio faciliorem fuisse ad adipiscendos honores viam, an futuram esse filio meo, qui esset familia consulari. Ego vero, quamquam illi omnia malo, quam mihi, tamen illi honorum aditus nunquam faciles optavi, quam mihi fuerunt: quin etiam, ne forte ille sibi me potius peperisse jam honores, quam iter demonstrasse adipiscendorum putet,

tet, hæc illi soleo præcipere, quamquam ad præcepta  
tas non est gnati, quæ ille a Jove ortus suis præcepit fi-  
liis: Vigilandum est semper: multæ insidiæ sunt bonis;  
nostis cætera; quæ nonne id, quod multi invident?  
quæ scripsit gravis ille, & ingeniosus poeta, scripsit, non  
ut illos regios pueros, qui jam nusquam erant, sed ut  
nos, & nostros liberos ad laborem, & laudem excitaret.  
Quæris, quid potuerit amplius assequi Plancius, si Cn-  
Scipionis fuisset filius? magis ædilis fieri non potuisset;  
sed hoc præstare, quod ei minus invideretur; etenim ho-  
norum gradus summis hominibus, & infimis sunt pares,  
gloriæ dispares; quis nostrum se dicit M. Curio, quis C.  
Fabricio, quis P. Duellio parem? quis Atilio Calatino?  
quis Cn. & P. Scipionibus? quis Africano, Marcello, Ma-  
ximo? eisdem sumus honorum gradus, quos illi, assecu-  
ti; est enim in virtute multis adscensus, uti is gloria ma-  
xime excellat, qui virtute plurimum præstet; honorum  
populi finis est consulatus: quem magistratum jam octin-  
genti fere consecuti sunt; horum, si diligenter quæras,  
vix decimam partem reperias gloria dignam; sed nemo  
unquam sic egit, ut tu: cur iste sit consul? quid potuit  
amplius, si L. Brutus esset, qui civitatem dominatu re-  
gio liberavit? honore nihil amplius, laude multum; sic  
igitur Plancius nihilominus quæstor est factus, & tribu-  
nus pl. & ædilis, quam si esset summo loco natus; sed  
hæc pari loco orti sunt innumerabiles alii consecuti. Pro-  
fers triumphos Ti. Gracchi, & C. Marii, & quæris, quid  
simile in Plancio. Quasi vero isti, quos commemoras,  
propterea magis laude fuerint digni, quod triumpharunt,  
& non quia commissi sunt iis magistratus, in quibus re-  
bene gesta triumpharent. Rogas, quæ castra viderit: quæ  
& miles in Creta, Metello hoc imperatore, & tribunus  
in Macedonia militum fuerit, & quæstor tantum ex re  
militari detraxerit temporis, quantum in me custodien-  
dum transferre maluerit. Quæris, num disertus. Immo,  
id quod secundum est, ne sibi quidem videtur. Num ju-  
risconsultus. Quasi quisquam sit, qui sibi nunc solum de  
jure respondisse dicat; omnes enim istiusmodi artes in iis  
reprehenduntur, qui, cum professi fuerint, satisfacere non  
possunt; non in iis, qui abfuisse se ab istis studiis confi-  
tentur; virtus, probitas, integritas in candidato, non  
linguæ volubilitas, non ars, non scientia, requiri solet;  
ut nos in mancipiis parandis, quamvis frugi hominem si  
pro fabro, aut pro textore emimus, ferre moleste sole-  
mus, si eas artes, quas in emendo secuti sumus, forte ne-  
sciverit; sin autem emimus, quem villicum imponeremus,  
quem pecori præficeremus, nihil in eo, nisi frugalitatem,  
laborem, vigilantiam esse curamus: sic populus Rom. de-  
ligit magistratus, quasi reip. villicos: in quibus si qua  
præterea est ars, facile patitur; sin minus, virtute eorum,  
& innocentia contentus est; quotus enim quisque disertus,  
quotus quisque juris peritus est, ut eos numeres, qui vo-  
lunt esse? quod si præterea honore dignus nemo: quidnam  
tor



ter optimis, & ornatissimis civibus est, futurum? Jubes Plancium de vitiis Laterensis dicere. Nihil potest: nisi cum nimis in se iracundum putabis fuisse. Idem effers Laterensem laudibus. Facile patior id te agere multis verbis, quod ad iudicium non pertineat; & id te accusantem tamdiu dicere, quod ego defensor sine periculo possim confiteri; atque non modo confiteor summa in Laterense ornamenta esse; sed te etiam reprehendo, quod ea non enumeres; alia quædam inania, & lævia conquiras. Præneste fecisse ludos; quid? alii quæstores nonne fecerunt? Cyrenis liberalem in publicanos, iustum in socios fuisse; quis negat? sed ita multa Romæ gerentur, ut vix ea, quæ sunt in provinciis, audiantur. Non vereor, ne mihi aliquid, iudices, videar arrogasse, si de quæstura mea dixerim; quamvis enim illa floruerit; tamen eum me postea fuisse in maximis rebus arbitror, ut non ita mihi multum sit ex quæsturæ laude repetendum; sed tamen non vereor, ne quis audeat dicere, ullius in Sicilia quæsturam aut gratiorem, aut clariorem fuisse; vere mehercules hoc dicam: sic tum existimabam, nihil homines unquam aliud Romæ, nisi de quæstura mea, loqui; frumenti in summa caritate maximum numerum miseram; negotiatoribus comis, mercatoribus iustus, municipibus liberalis, sociis abstinens, omnibus eram visus in omni officio diligentissimus; excogitati quidam erant a Siculis honores inauditi: itaque hac spe decebam, ut mihi populum Rom. ultro omnia delaturum putarem; at ego, cum casu diebus iis, itineris faciendi causa, decedens e provincia, Puteolos forte venissem, cum plurimi, & lautissimi solent esse in iis locis, concidi pene, iudices, cum ex me quidam quæsisset, quo die Roma exissem, & numquid in ea esset novi; cui cum respondissem, me e provincia decedere, etiam mehercules, inquit, ut opinor, ex Africa; huic ego jam stomachans lætidiose, immo ex Sicilia, inquam; tum quidam, quasi qui omnia sciret, quid? tu nescis, inquit, tunc Syraculis quæstorem fuisse? quid multa? destiti stomachari, & me unum ex iis feci, qui ad aquas venissent; sed ea res, iudices, haud scio, an plios mihi profuerit, quam si mihi tum essent omnes congratulati; nam posteaquam sensi pop. R. aures hebetiores, oculos acres, atque acutos habere: destiti, quid de me audituri essent homines cogitare? feci, ut postea quotidie me præsentem viderent: habitavi in oculis; pressi forum: neminem a congressu meo neque janitor meus, neque somnus absterruit: ecquid ego dicam de occupatis meis temporibus, cui fuerit ne otium quidem unquam otiosum? nam quas tu commemoras, Cassi, legere te solere orationes, cum otiosus sis; has ego scripsi ludis, & feriis, ne omnino unquam essem otiosus; etenim M. Catonis illud, quod in principio scripsit Originum suarum, semper magnificum, & præclarum putavi, clarorum virorum, atque magnorum non minus otii, quam negotii rationem extare oportere; ita, si quam habeo laudem, quæ, quanta sit, nescio; parva Romæ est, quæsitæ in foro; meaque privata consilia publici quoque casus compræ-  
bave.

baverunt, ut etiam summa respub. mihi domi fuerit gerenda, & urbs in urbe servanda. Eadem igitur, Cassi, via munita Laterensi est, idem virtutis cursus ad gloriam, hoc facilius fortasse, quod ego huc a me ortus, & per me nixus adscendi: istius egregia virtus adjuvabitur commendatione majorum. Sed, ut redeam ad Plancium; nunquam ex urbe absuit, nisi sorte, lege, necessitate, non valuit rebus iisdem, quibus fortasse nonnulli: at valuit assiduitate, at valuit observandis amicis, valuit liberalitate: fuit in oculis: petivit: ea est usus ratione, qua, minima invidia, novi homines plurimi eosdem honores consecuti sunt. Nam, quod ais, Cassi, non plus me Plancio debere, quam bonis omnibus, quod iis æque mea salus cara fuerit: ego me debere bonis omnibus fateor: sed etiam ii, quibus ego debeo, boni viri, & cives, ædilitiis comitiis, aliquid se meo nomine debere Plancio dicebant: verum fac me multis debere, & in his Plancio; utrum igitur me conturbare oportet, an cæteris, cum cujusque dies venerit, hoc nomen, quod urget nunc, cum petitur, dissolvere? Quamquam dissimilis est pecuniæ debitio, & gratiæ; nam qui pecuniam dissolvit, statim non habet id, quod reddidit; qui autem debet, is retinet alienum: gratiam autem & qui refert, habet; & qui habet, in eo ipso, quod habet, refert; neque ego nunc Plancio destinam debere, si hoc solvero, nec mihi ei redderem voluntate ipsa, si hoc molestiæ non accidisset. Queris a me, Cassi, quid pro fratre meo, qui mihi est carissimus, quid pro meis liberis, quibus nihil potest mihi esse jucundius, amplius, quam pro Plancio facio, facere possim; nec vides, istorum ipsorum caritate ad hujus salutem defendendam maxime stimulari me, atque excitari; nam neque illis hujus salute, a quo meam sciunt esse defensam, quidquam est optatius; & ego ipse nunquam illos adspicio, quin per hunc me his conservatum esse meminerim, huiusque meriti in me recorder. Opimium damnatum esse commemorares, servatorem ipsum reip. Calidum adjuvares, cujus lege Q. Metellus in civitatem sit restitutus; reprehendis meas pro Plancio preces, quod nec Opimius suo nomine libertatis sit, nec Q. Metelli Calidius. De Calidio tibi tantum respondeo, quod ipse vidi; Q. Metellum Pium consulem prætoris comitiis, petente Q. Calidio, populo R. supplicasse, cum quidem non dubitaret & consul, & homo nobilissimus, patronum illum esse suum, & familiæ suæ nobilissimus, dicere; quo loco quero ex te, num id in iudicio Calidii putes, quod ego in Plancii facio, aut Metellum Pium, si Romæ esse potuisset, aut patrem ejus, si vixisset, non fuisse facturum? nam Opimii quidem calamitas utinam ex hominum memoria posset evelli; vulnus illud respub. dedecus hujus imperii, turpitudine populi R. non iudicium putandum est; quam enim illi iudices, si iudices, & non parricide patris nominandi sunt graviores potuerunt reip. infligere securim, quam cum illum e civitate ejecerunt; qui prætor finitimo, consul

sui domestico bello rempub. liberarat? At enim nimis esse magnum beneficium Plancii facio, &, ut ais, id verbis exaggeo. Quasi vero me tuo arbitrato, & non meo gratum esse oporteat. Quod istius tantum meritum, inquit? an quia te non jugulavit? Immo vero, quia jugulari passus non est. Quo quidem tu loco, Cassi, etiam purgasti inimicos meos, meæque vitæ nullas ab illis insidias fuisse dixisti; posuit hoc idem Laterensis. Quamobrem de isto paulo post plura dicam: de te tantum requiro, utrum putes odium in me mediocre inimicorum fuisse; quod fuit ullorum tantum? requiro, utrum putes odium unquam barbarorum tam immane, ac tam crudele in hostem? an fuisse in iis aliquem aut famæ metum, aut poenæ, quorum vidisti toto illo anno ferrum in foro, flammam in delubris, vim in tota urbe versari? nisi existimas, eos idcirco vitæ meæ peperisse, quod de reditu meo non timerent; & quemquam putas fuisse tam exordem, qui, vivis his, stante urbe, & curia, rediturum me, si viverem, non putaret? quamobrem non debes, is homo, & is civis, prædicare vitam meam, quæ fidelitate amicorum conservata sit; inimicorum molestia non esse appetitam. Respondebo tibi nunc, Laterensis, minus fortasse vehementer, quam abs te sum provocatus, sed profecto nec considerate minus, nec minus amice. Nam primum illud fuit asperius, me, quæ de Plancio dicerem, mentiri, & temporis causa fingere; scilicet homo sapiens exco-gitavi, quamobrem viderer maximis beneficii vinculis obstrictus, cum liber essem, & solutus; quid enim? mihi ad defendendum Plancium parum multæ, parum justæ necessitudines erant familiaritatis, vicinitatis, patris amicitiae? quæ si non essent, vereor, credo, ne turpiter facerem, si hoc splendore, & hac dignitate hominem defenderem; fingenda fuit mihi, iudices, causa peracuta, ut ei, quem mihi debere oporteret, ego me omnia debere dicere; at id etiam gregarii milites faciunt inviti, ut coronam dent civicam, & se ab aliquo servatos esse fateantur: non quo turpe sit, protectum in acie, hostium manibus eripi; nam id accidere, nisi forti viro, & pugnantia cominus, non potest; sed onus beneficii reformidant, quod permagnum est alieno debere idem, quod parenti. Ego, cum ceteri vera beneficia etiam minora dissimulent, ne obligati esse videantur, eo me beneficio obstrictum esse e mentiar, cui ne referri quidem gratia posse videatur? an hoc tu, Laterensis ignoras? qui, cum mihi esses amicissimus; cum vel periculum vitæ tuæ mecum sociare voluisses: cum me in illo tristi, & acerbo luctu, atque discessu non lacrymis solum tuis, sed animo, corpore, copiis prosecutus esses; cum meos liberos, & uxorem, me absente, tuis opibus, auxilioque defendisses: sic mecum semper egisti, te mihi remittere atque concedere, ut omne studium meum in Cn. Plancii honorem consumere, quod ejus in me meritum tibi etiam gratum esse dicebas; nihil autem me novi, nihil temporis causa diceres

nonne etiam illa testis est oratio, quæ est a me prima habita in senatu? in qua, cum perpauca nominatim egissem gratias, quod omnes enumerari nullo modo possent, scilicet autem esset quemquam præteriri, statuissemque eos solum nominare; qui causæ nostræ duces, & quasi signiferi fuissent; in his Plancio gratias egi. Recitetur oratio, quæ, propter ejus magnitudinem, dicta de scripto est, in qua ego homo astutus ei me dedam, cui nihil magnopere debeam, & hujus tanti officii servitutem adstringam testimonio sempiterno; nolo cætera, quæ a me mandata sunt literis, recitare: prætermitto illa, me aut proferre videar ad tempus, aut eo genere uti literarum, quod meis studiis aptius, quam consuetudini judiciorum esse videatur; Atque etiam clamitas, Laterensis: Quousque ista dicis? nihil in Cispio profecisti: obsoletæ jam sunt preces tuæ. De Cispio mihi ne tu objicies, quem ego de me bene meritum, quia te teste cognoveram, te eodem auctore defendi? & ei dicis, Quousque, quem negas, quod pro Cispio contenderit, impetrare potuisse? nam istius verbi, Quousque, hæc poterat esse invidia; datus est tibi ille, condonatus ille, non facis finem: ferre non possumus ei quidem, qui pro uno laborarit, & ipsum id non obtinuerit, dici, Quousque, iridentis magis est, quam reprehendentis, nisi forte ego unus ita me gessi in judiciis; ita & cum his, & inter hos vixi; is in causis patronus, is in rep. civis & sum, & semper fui, solus ut a te constituar, qui nihil a iudicibus debeam unquam impetrare. Et mihi lacrymulam Cispiani iudicii objectas; sic enim dixisti; Vidi ego tuam lacrymulam. Vide, quam me verbi tui poniteat; non modo lacrymulam, sed multas lacrymas, & fletum cum singultu videre potuisti; an ego, qui meorum lacrymis, me absente, commotus, similitates, quas mecum habebat, deposuisset, meæque salutis non modo non oppugnator, ut inimici mei putarant, sed etiam defensor fuisset, hujus in periculo non dolorem meum significarem? tu autem, Laterensis, qui tum lacrymas meas gratas esse dicebas, nunc easdem vis invidiosas videri. Negas tribunatum Plancii quidquam attulisse adjumenti dignitati meæ, atque hoc loco, quod verissime facere potes, L. Racilii, fortissimi, & constantissimi viri, divina in me merita commemoras: cui quidem ego, sicut Plancio, nunquam dissimulavi me plurimum debere, semperque præ me feram; nullas enim sibi ille neque contentiones, neque inimicitias, neque vitæ dimicationes, nec pro rep. nec pro me defugiendas putavit; atque utinam, quam ego sum in illum gratus, tam licuisset per hominum vim, & injuriam populi R. ei gratiam referri. Sed, si non eadem contendit in Tribunatu Plancius, existimare debes, non huic voluntatem defuisse, sed me, cum jam Plancio deberem, Racilii beneficiis fuisse contentum. An vero putas, iudices idcirco minus mea causa facturos, quod me esse gratum criminaretis? An, cum populus R. illo S. C. quod in monumento Marii factum est, quo mea salus o-

meus est gentibus commendata, uni Cn. Plancio gratias egerit (unus enim fuit de magistratibus defensor salutis meae, cui senatus pro me gratias agendas putavit) ei ego a me referendam gratiam non putem? atqui, eum cum vides, quo me tandem animo in te putas esse, Laterensis? ullum esse tantum periculum, tantum laborem, tantam contentionem, quam ego non modo pro salute tua, sed etiam pro dignitate defugerem? quo quidem etiam magis sum, non dicam miser (nam hoc quidem abhorret a virtute verbum) sed certe exercitus; non quia multis debeo; (leve enim onus, beneficii gratia) sed quia saepe concurrat, propter aliquorum de me meritorum inter ipsos contentiones, ut, eodem tempore in omnes verear, ne vix possim gratus videri; sed ego hoc meis ponderibus examinabo, non solum quid cuique debeam, sed etiam quid cuiusque intersit, & quid a me cuiusque tempus poscat. Agitur studium tuum, vel etiam, si vis, existimatio, laus, aedilitas; at Cn. Plancii salus, patria, fortunae; saluum tu me esse cupisti: hic fecit etiam, ut esse possem; distineor tamen, & divellor dolore, & in causa dispari offendit te a me doleo: sed medius fidius multo citius meam salutem pro te objecero, quam Cn. Plancii salutem tradidero contentioni tuae; etenim, iudices, cum omnibus virtutibus me affectum esse cupiam, tamen nihil est, quod malim, quam me & gratum esse, & videri; haec est enim una virtus non solum maxima, sed etiam mater virtutum omnium reliquorum; quid est pietas, nisi voluntas grata in parentes? qui sunt boni cives? qui belli, qui domi de patria bene merentes, nisi qui patriae beneficia meminuerunt? qui sancti, qui religionum colantes, nisi qui meritis diis immortalibus gratiam iustis honoribus, & memori mente persolvunt; quae potest esse jucunditas vitae, sublati amicitiiis? quae porro amicitia potest esse inter ingratos? quis est nostrum liberaliter educatus, cui non educatores, cui non magistri sui, atque doctores, cui non locus ille mutus, ubi ipse altus, aut doctus est, cum grata recordatione in mente versetur? cujus opes tantae esse possunt, aut umquam fuerunt, quae sine multorum amicorum officiis stare possint? quae certe, sublata memoria, & gratia nulla extare possunt; equidem nil tam proprium hominis existimo, quam non modo beneficio, sed etiam benevolentiae significatione alligari; nihil porro tam inhumanum, tam immane, tam ferum, quam, committere, ut beneficio, non dicam indignus, sed victus esse videre. Quae cum ita sint, jam succumbam, Laterensis, isti tuae orationi: in eo ipso, in quo nihil potest esse nimium, quoniam ita tu vis, nimium me gratum esse concedam, petamque a vobis, iudices, ut eum beneficio complectamini, quem qui reprehenderit, in eo reprehendit, quod gratum praeter modum dicat esse. Neque enim ad negligendam meam gratiam debet valere, quod dixit idem, vos nec nocentes, nec litigiosos esse, quominus me apud vos valere oporteret: quasi vero in amicitia mea non haec praesidia, si qua sorte sunt in me, parata semper

ami-

amicis esse maluerim, quam necessaria; etenim ego de me tantum audeo dicere, amicitiam meam voluptati pluribus, quam praesidio fuisse: neque vehementer vitam meam poeniret, si in mea familiaritate locus esset nemini, nisi litigioso, aut nocenti; sed hoc nescio quo modo frequenter in me concessisti; saneque in eo creber fuisti, te idcirco in locos causam conicere noluisse, ne ego mea consuetudine aliquid de tuis misericordiae causa dicerem, quod in aliis iudiciis ante fecissem; non nihil egisti hoc loco: nam mihi eripuisti ornamentum orationis meae; deridebor, si mentionem tensorum fecero, cum tu id praedixeris; sine tensoris autem quid potero dicere? Hic etiam addidisti, me idcirco mea lege ex isto ambitu traxisse, ut miserabiliores epilogos possem elicere. Non vobis video cum aliquo declamatore, non causa laboris, & fori disputare? Rhodi enim, inquit, non fui; me vult fuisse; sed fui, inquit (putabam in Nicæis dicturum) bis in Bithynia. Si locus habet reprehensionis ansam aliquam; nescio, cur severiorem Nicæam putes, quam Rhodum; si spectanda causa est; & tu in Bithynia summa cum dignitate fuisti, & ego Rhodi non minore. Nam quod in eo me reprehendisti, quod nimium multos defenderim: utinam & tu, qui potes, & ceteri, qui defugiunt, vellent me labore hoc levare; sed sit vestra diligentia, qui in causis ponderandis omnes fere repudiatis, ut ad nos pleraque confluant, qui miseris, & laborantibus nihil negare possumus. Admonuisti etiam, quod in Creta fuisses, dictum aliquod in petitione tua dici potuisse, me id perdidisse. Uter igitur nostrum est cupidior dicti, ego ne, qui, quod dici potuit, non dixerim, an tu, qui etiam ipse in te dixeris? Te aiebas, de tuis rebus gestis nullas literas misisse, quod mihi meae, quas ad aliquem misissem, obsuissent; quas ego mihi obtuisse non intelligo, resp. video prodesse potuisse. Sed sunt haec leviora, illa vero graviora, atque magna, quod meum discessum, quem saepe deferas, nunc quasi reprehendere, & suba cusare voluisti; dixisti enim, non auxilium mihi, sed me auxilio defuisse. Ego vero fateor mehercule, quod viderim mihi auxilium non deesse, idcirco me illi auxilio pepercisse; quis enim status, quod discrimen, quae fuerit in rep. tempestas illa, quis nescit? tribunicius me terror, an consularis furor movit? decertare mihi ferro magnum fuit cum reliquiis eorum, quos ego florentes, atque integros sine ferro viceram? consules post hominum memoriam teterrimi, atque turpissimi, sicut & illa principia, & hi recentes rerum exitus declarant, quorum alter exercitum perdidit, alter vendidit; emptis provinciis, a senatu, a repub., a bonis omnibus desecerant; qui exercitibus, qui armis, qui opibus plurimum poterant, cum, quid sentirent, nesciretur: furialis illa vox, nefarius stupris, religiosis altaribus effoeminata, secum & illos, & consules facere, acerbissime personabat; egentes in locupletes, perdit in bonos, servi in dominos armabantur; aderat mecum senatus, & quidem velle mutata;

quod pro me uno post hominum memoriam publico consilio susceptum est; sed recordare, qui tum fuerint consultum nomine hostes; qui soli in hac urbe senatum senatui parere non siverint, edictoque suo non luctum patribus conscriptis, sed luctus indicia ademerint; aderat mecum cunctus equester ordo: quem quidem in concionibus saltator ille Catilinæ consul proscriptionis denunciatione terrebat; tota Italia convenerat; cui quidem belli intestini, & vastitatis metus inferebatur; hisce ego auxiliis studentibus, atque incitatis uti me, Laterensis, potuisse confiteor; sed erat non jure, non legibus, non disceptando decertandum: nam profecto, præsertim tam bona in causa, nunquam, quo cæteri abundarunt, id mihi ipsi auxilium meum defuisset: armis fuit; armis, inquam, fuit dimicandum: quibus a servis, atque a servorum ducibus eadem fieri senatus, & bonorum, reip. exitiosum fuisset: vinci autem improbos a bonis, fateor fuisse præclarum, si finem eum vincendi viderem, quem profecto non videbam; ubi enim præsto fuisset mihi aut tam fortis consul, quam L. Opimius, quam C. Marius, quam L. Flaccus, quibus ducibus improbos cives resp. vicit armatis; aut si minus fortes, attamen tam iusti, quam P. Mutius, qui arma, quæ privatus P. Scipio sumptu perat, ea, Ti. Graccho interempto, jure optimo sumpta esse defendit? esset igitur pugnandum cum consulibus; nihil amplius dico, nisi illud, victoriæ nostræ graves adversarios paratos, interitus nullos ultores esse videbam. Hisce ergo auxiliis salutis meæ si idcirco defui, quia nolui dimicare, fatebor, id quod vis, non mihi auxilium, sed me auxilio defuisse: sin autem, quo majora studia in me bonorum fuerunt, hoc iis magis consulendum, & parcendum putavi; tu id in me reprehendis, Quod Q. Metello laudi datum est, hodieque est, & semper erit maximæ gloriæ: quem, ut potes ex multis audire, qui tum affuerunt, invictissimis viris; constat bonis cecidisse, nec fuisse dubium, quin contentione, & armis superior posset esse; ergo ille cum suum, non cum senatus factum defenderet; cum perseverantiam sententiæ suæ, non salutem reip. retinisset; tamen ob illam constantiam, qua illud voluntarium vulnus accepit, iustissimos omnium Metellorum, & clarissimos triumphos gloriæ laude superavit; quod & illos ipsos improbissimos cives interfici noluit; & ne quis bonus interiret in eadem eade, providit: ego, tantis periculis propositis, cum, si victus essem, interitus reip., si vicissem, infinita dimicatio pararetur, committerem, ut idem perditior reip. nominarer, qui servator fuisset? Mortem me timuisse dicis. Ego vero ne immortalitatem quidem contra remp. accipiendam putarem, nedum emori cum perniciæ reip. vellem; nam qui pro rep. vitam reddiderunt (licet me desipere dicas) nunquam mehercule eos mortem potius, quam immortalitatem affectos putavi; ego vero si tum illorum impiorum ferro, ac manu concidissem, in perpetuum

tuum reip. civitate præsidium salutis suæ perdidisset; quia etiam, si me vis aliqua morbi, aut natura ipsa consumpsisset, tamen auxilia posteritatis essent imminuta, quod peremptum esset mea morte id exemplum, qualis futurus in me retinendo fuisset senatus, populusque R. An, si unquam in me vitæ cupiditas sufficit, ego mense Decembri mei consulatus omnium parricidarum tela commossem? quæ si viginti quiessem dies, in aliorum jugulum consulum recidissent. Quamobrem, si vitæ cupiditas contra temp. est turpis: certe multo mortis cupiditas mea turpior fuisset cum perniciæ civitatis. Nam quod te in rep. liberum esse gloriaris: id ego & fateor; & lætor, & tibi etiam in hoc gratulor: quod me autem negasti, in eo neque te, neque quemquam diutius patiar errare; nam, si quis idcirco aliquid de libertate mea diminutum putat, quod non ab omnibus eisdem, a quibus antea solitus sum dissentire, dissentiam: primum, si bene de me meritis gratum me præbeo, non desino incurrere in crimen hominis nimium memoris, nimiumque grati: sin autem sine ullo reip. detrimento respicio etiam aliquando salutem tuam, tum meorum, certe non modo non sum reprehendendus; sed etiam, si ruere vellem, boni viri, me ut id ne facerem, rogarent; res vero ipsa publica, si loqui posset, ageret mecum, ut, quoniam tibi servissem semper, nunquam mihi, fructus autem ex sese non, ut oportuisset, lætos, & uberes, sed magna acerbitate permittos tulissem: ut jam mihi servirem, consulere, meis; se non modo satis habere a me, sed etiam vereri, ne parum mihi pro eo, quod tum a me haberet, reddidisset. Quid, si horum ego nihil cogito, & idem sum in rep. qui fui semper: tamen ne tu libertatem requires meam? quam tu ponis in eo, si semper cum iis, quibuscum aliquando contendimus, depugnemus; quod est longe secus; stare enim omnes debemus tamquam in orbe aliquo reip., qui quoniam versetur, eam diligere partem debemus, ad quam nos illius utilitas, sa'usque coarverit. Ego autem Cn. Pompejum, non dico auctorem, ducem, defensorem salutis meæ (nam hæc privatim fortasse officiorum memoriam, & gratiam querunt) sed dico hoc, quod ad salutem reip. pertinet: ego cum non lucear, quem omnes in rep. principem esse concedunt? ego C. Cæsaris laudibus desin, quas primum populi R. nunc etiam senatus, cui me semper addixi, plurimis, atque amplissimis judiciis videam esse celebratas? tum hercule me confitear non iudicium aliquod habuisse de reip. utilitate, sed hominibus amicum, aut inimicum fuisse; an, cum videam navem secundis ventis cursum tenentem suum, si non eam petat portum, quem ego aliquando probavi, sed alium non minus tutum, atque tranquillum; cum tempestate pugnem periculose potius, quam illi, salute præsertim proposita, obtemperem, & paream? neque enim inconstantis puto, sententiam, tamquam aliquod navigium, atque cursum, ex reipublicæ tempestate moderari;



ego vero hæc didici, hæc vidi, quæ scripta legi; hæc de sapientissimis, & clarissimis viris & in hac republ. & in aliis civitatibus monumenta nobis literæ prodiderunt, non semper easdem sententias ab iisdem, sed quascumque reip. status, inclinatio temporum, ratio concordæ postularet, esse defendendas; quod ego & facio, Laterensis, & semper faciam, libertatemque, quam in me requiris, quam ego neque dimisi unquam, neque dimittam, non in pertinacia, sed in quadam moderatione positam putabo. Nunc venio ad illud extremum, quod dixisti, dum Plan-  
 cii in me meritum verbis extollerem, me arcem facere ex cloaca, lapidemque e sepulcro venerari pro deo; neque enim mihi insidiarum periculum ullum, neque mortis fuisse. Cujus ego temporis rationem explicabo brevi, neque invitus: nihil enim ex meis est temporibus, quod minus pervagatum, quodque minus aut mea commemoratione celebratum sit, aut hominibus auditum, atque notum. Ego enim, Laterensis, ex illo incendio legum, juris, senatus, bonorum omnium cedens, cum mea domus ardore suo deflagrationem urbi, atque Italix toti minaretur, nisi quievissem; Siciliam petivi animo: quæ & ipsa erat mihi, sicut domus una, conjuncta, & obtinebatur a C. Virgilio, quocum me uno vel maxime cum vetusta amicitia, tum mei fratris collegia, tum resp. sociarat; unde nunc caliginem temporum illorum, cum ipsa pene insula mihi sese obviam ferre vellet; prætor ille, ejusdem tribuni pleb. concionibus propter eandem reip. causam sæpe vexatus, nihil amplius dico, nisi, me in Siciliam venire noluit; quid dicam? C. Virgilio, tali civi, & viro, benevolentiam in me, memoriam communium temporum, pietatem, humanitatem, fidem defuisse? nihil videlicet est eorum, sed, quam tempestatem nos vobiscum non tulissemus, metuit, ut eam ipse non posset opibus suis sustinere, tum, consilio repente mutato, iter a Vibone Brundisium terra petere contendit; nam maritimos cursus præcludebat hyemis magnitudo; cum omnia illa municipia, quæ sunt a Vibone Brundisium, in fide mea, judices, essent, iter mihi tutum, multis minitantibus, magno cum suo metu præstiterunt. Brundisium veni, vel potius ad moenia accessi: urbem unam mihi amicissimam declinavi, quæ se vel potius excindi, quam e suo complexu ut eriperet, facile pateretur; in hortos me M. Lenii Flacci contuli: cui cum omnis metus, publicatio bonorum, exilium, mors proponeretur, hæc perpeti, si acciderent, maluit, quam custodiam mei capitis dimittere; hujus ego, & parentis ejus prudentissimi, atque optimi senis, & utriusque filiorum manibus in navi tuto, ac fidei collocatus, eorumque preces, & vota de meo reditu exaudiens, Dyrrhachium, quod erat in fide mea, petere contendit; quo cum venissem, cognovi, id quod audieram, resertam esse Græciam sceleratissimorum hominum, ac nefariorum, quorum impium ferrum, ignesque pestiferos meus ille consulatus e manibus extorserat; qui

antequam de meo adventu audire potuissent, cum tum, abessent, aliquorum dierum viam in Macedoniam, ad Planciumque perrexi; hic vero simul atque me mare transisse cognovit: audi, atque attende, Laterensis, ut scias, quid ego Plancio debeam, confiteareque aliquando quod faciam, me, & grate, & pie facere, huic, quæ pro salute mea fecerit, si minus profutura sint, obesse certe non oportere; nam simul ac me Dyrrhachium attigisse audivit, statim ad me, lictoribus dimissis, insignibus abjectis, veste mutata profectus est. O acerbam mihi, iudices, memoriam temporis illius, & loci! cum hic in me incidit, complexus est, conspersitque lacrymis, nec loqui præ mœrore potuit; o rem cum auditu crudelem, tum visu nefariam! o reliquos omnes dies, noctesque teas, quibus iste a me non recedens Thessalonicam me, in quaestoriumque perduxit! hic ego nunc de prætoræ Macedoniz nihil dicam amplius, nisi eum & civem optimum semper, & mihi amicum fuisse, sed eadem timuisse, quæ cæteros: Cn. Plancium fuisse unum, non qui minus timeret, sed, si acciderent ea, quæ timerentur, mecum ea subire, & perpeti vellet; qui, cum ad me L. Tubero, meus necessarius, qui fratri meo legatus fuisset, decedens ex Asia venisset, easque insidias, quas mihi paratas ab exulibus conjuratis audierat, animo amicissimo detulisset; in Asiam me ire, propter ejus provinciam metum, & cum meo fratre necis insidias comparatas non est passus, vi me, inquam, Plancius, & complexu suo retinuit, multosque menses a capite meo non discessit, abjecta quaestoria persona, comitisque sumpta. O excubias tuas, Cn. Planci, miseras, o flebiles vigilias, o noctes acerbæ, o custodiam etiam mei capitibus infelicem? siquidem ego tibi vivus non prosum, qui fortasse mortuus profuissim; memini enim, memini, neque unquam obliviscar noctis illius, cum tibi vigilantibus infelicem, mœrenti vana quædam miser, atque inania falsa spe inductus pollicebar; me, si essem in patriam restitutus, præsentem tibi gratiam relaturum, sin autem vitam mihi fors ademisset, aut vis aliqua major reditum peremisset; hos, hos (quos enim ego tum alios animo intuebar?) omnia tibi illorum laborum præmia pro me persoluturos; quid me adspicias? quid mea promissa repetis? quid meam fidem imploras? (nihil tibi ego tum de meis opibus pollicebar) sed horum erga me benevolentiam promittebam: hos pro me lugere, hos gemere, hos decertare pro meo capite, vel vitæ periculo velle videbam: de horum desiderio, luctu, quærelis quotidie aliquid tecum simul audiebam: nunc tui meo, ne nihil tibi præter lacrymas quam reddere, quas tu in meis acerbitatibus plurimis effudisti; quid enim possum aliud, nisi mœrere? nisi flere? nisi te cum mea salute complecti? salutem tibi idem dare possunt, qui mihi reddiderunt; huc exsurge tamen, quaeso; retinebo, & complectar, nec me solum deprecatores fortunarum

tuarum, sed comitem, sociumque profitebor: atque,  
 ut spero, nemo eris tam crudeli animo, tamque inhu-  
 mane, nec tam immemor meorum non dicam in bonos  
 in meorum, sed bonorum in me, qui a me mei servato-  
 capitis divellat, ac distrahat. Non ego meis orna-  
 in beneficiis a vobis deprecor, iudices, sed custodem  
 salutis meae: non opibus contendo, non auctoritate,  
 non gratia, sed precibus, sed lacrymis, sed misericor-  
 dia; mecumque vos simul miserimus, & optimus obte-  
 statur parens, & pro uno filio duo patres deprecamur;  
 nolite, iudices, per vos, per fortunas vestras, per li-  
 beros, inimicis meis, his praesertim, quos ego pro ve-  
 stra salute suscepi, dare laetitiam gloriantibus, vos jam  
 oblitos mei, salutisque ejus, a quo mea salus conserva-  
 ta est, hostes extitisse: nolite animum meum debilitare  
 tum luctu, tum etiam metu commutatae vestrae volunta-  
 tis erga me: sinite me, quod vobis fretus huic saepe pro-  
 misi, id a vobis ei persolvere. Teque, C. Flavi, oro, &  
 obtestor, qui meorum consiliorum in consulato socius,  
 periculorum particeps, rerum, quas gessi, adiutor fuisti,  
 meque non modo saluum semper, sed etiam ornatum,  
 florentemque esse voluisti; ut mihi per hos conserves eum,  
 per quem me tibi, & his conservatum vides. Plura ne  
 dicam, tunc me etiam lacrymae impediunt, vestraeque,  
 iudices, non solum meae: quibus ego, magno in metu  
 meo, subito inducor in spem, vos eisdem in hoc conser-  
 vando futuros, qui fueritis in me; quoniam istis vestris  
 lacrymis de illis recordor, quas pro me saepe, & multum  
 profudistis.



## M. TULLII CICERONIS

## O R A T I O

## IN L. CALPURNIUM

## PISONEM.

## A R G U M E N T U M.

*L. Calpurnius Piso e Macedonia revocatus Ciceronis sententia, de infectione ejus in senatu conquestus est, atque invehitus in eum. Pisoni respondet Cicero hac Oratio, ne, quae continet Pisonis vituperationem; cuius duae sunt partes; altera de flagitiis publicis in consulatu, habitu, & reditu Pisonis; altera de flagitiis privatis: ubi simul comparat Pisonis consulatum, habitum, & reditum cum suo; commemoratis sceleribus etiam Gabinii collega ejus, quo scelestiorem Pisonem demonstrat. Habita est in Senatu, anno Li. C. 698.*

**J**Amne vides, bellum, jamne sentis, quae sit hominum querela frontis tuae? nemo queritur, Syrum nescio quem de grege novitiorum factum esse consulem: non enim nos color iste servilis, non pilosae genae, non dentes putridi deceperunt; oculi, supercilia, frons, vultus denique totus, qui sermo quidam tacitus mentis est, hic in fraudem homines impulit, hic eos, quibus erat ignotus, decepit, fefellit, induxit; pauci ista tua lutulenta vitia noramus, pauci tarditatem ingenii, stuporem, debilitatemque linguam; nunquam erat audita vox in foro: nunquam periculum factum consilii; nullum non modo illustre, sed ne totum quidem factum aut militum, aut domi; obrepisti ad honores errore hominum, commendatione fumosarum imaginum; quarum simile habes nihil, praeter colorem. Is mihi etiam gloriabitur, se omnes magistratus sine repulsa affectum? mihi ista licet de me vera cum gloria praedicare; omnes enim honores populus R. mihi ipsi, homini novo derulit; nam tu quum quaestor es factus, etiam qui te nunquam viderant, tamen illum honorem nemini mandabant tuo; aedilis es factus; Piso est a populo R. factus, non iste Piso; praetura item majoribus delata est tuis; noti erant illi mortui; te vivum nondum noverat quisquam; me cum quaestorem in primis, aedilem priorem, praetorem primum cunctis suffragiis populus R. faciebat; homini iste honorem, non generi; moribus, non majoribus meis; virtuti perspectae, non auditae nobilitati deferebat. Nam quid ego de consulatu loquar? parto vis, an ne gesto? miserum me; cum hac me nunc peste, atque labe confero? sed nihil com-  
paran-

parandi causa loquar: ac tamen ea, quæ sunt longissimo disjuncta, comprehendam. Tu consul es renunciatus, (nihil dicam gravius, quam quod omnes fatentur) impeditis reipubl. temporibus, dissidentibus consulibus, Cæsare, & Bibulo, cum hoc non recusares, quin ii, a quibus dicebatur consul, te luce dignum non putarent, nisi sequier, quam Gabinus, extitisses, me cuncta Italia, me omnes ordines, me universa civitas non prius tabella, quam voce priorem consulem declaravit. Sed omitto, ut sit factus uterque nostrum: sit sane fors domina campi: magnificentius est dicere: quemadmodum gesserimus consulatum, quam quemadmodum ceperimus. Ego Kal. Jan. senatum, & bonos omnes legis agrariæ, maximarumque largitionum metu liberavi. Ego agrum Campanum, si dividi non oportuit, conservavi; si oportuit, melioribus auctoribus reservavi. Ego in C. Rabirio perduellionis reo, xl. annis ante me consulem interpositam senatus auctoritatem sustinui contra invidiam, atque defendi. Ego adolescentes bonos, & fortes, sed usos ea conditione fortunæ, ut, si essent magistratus adepti, reip. statum convulsuri viderentur, meis inimiciis, nulla senatus mala gratia, comitiorum ratione privavi. Ego Antonium collegam, cupidum provinciæ, multa in rep. molientem, patientia, atque obsequio meo mitigavi. Ego provinciam Galliam, senatus auctoritate, exercitu, & pecunia instruatam, & ornatam, quam cum Antonio communicavi, quod ita existimabam tempora reip. ferre, in concione deposui, reclamante populo Rom. Ego L. Catilinam, cædem senatus, interitum urbis non obscure, sed palam molientem, egredi ex urbe iussi, ut, a quo legibus non poteramus, mœnibus tuti esse possemus. Ego tela extremo mense consulatus mei, intenta jugulis civitatis de conjuratorum nclariis manibus extorsi. Ego facies, jam accensas ad hujus urbis incendium, comprehendendi, protuli, extinxi. Me Q. Catulus, princeps hujus ordinis, & auctor publici consilii, frequentissimo senatu parentem patriæ nominavit. Mihi hic vir clarissimus, qui propter te sedet, L. Gellius, his audientibus, civicam coronam deberi a rep. dixit. Mihi togato senatus non, ut multis bene gessem, sed ut, nemini conservatæ reip. singulari genere supplicationis deorum immortalium templa patefecit. Ego cum in concione abiens magistratu, dicere a tribuno pl. prohiberer ea, quæ constitueram; cumque is mihi tantummodo, ut jurarem, permitteret; sine ulla dubitatione juravi, temp. atque hanc urbem mea unius opera esse salvam; mihi populus R. universus illa in concione non unius diei gratulationem, sed æternitatem, immortalitatemque donavit, cum meum iusjurandum, tale, atque tantum, juratus ipse una voce, & consensu approbavit: quo quidem tempore is meus domum fuit e foro reditus, ut nemo, nisi qui mecum esset, civium esse in numero videretur. Atque ita est a me consulatus peractus, ut nihil hoc consilio senatus, nihil non approbante populo R. egerim;

rim, ut semper in rostris curiam, in senatu populum defenderim, ut multitudinem cum principibus, equestram ordinem cum senatu conjunxerim. Exposui breviter consulatum meum; aude nunc, o furia, de tuo dicere: cujus fuit initium ludi compitalitii, tum primum facti post L. Metellum, & Q. Marcium cons. contra auctoritatem hujus ordinis: quos Q. Metellus (facio injuriam fortissimo viro mortuo, qui illum, cujus paucos pares hæc civitas tulit, cum hac importuna bellua conferam) sed ille designatus consul, cum quidam tribunus pl. suo auxilio magnos ludos contra S. C. facere jussisset, privatus fieri vetuit: atque id, quod nondum potestate poterat, obtinuit auctoritate; tu, cum in Kal. Januar. compitalitiorum dies incidisses, Sex. Clodium, qui nunquam antea prætextatus fuisset, ludos facere, & prætextatum volitare passus es, hominem impurum, atque non modo facie, sed etiam oculo tuo dignissimum. Ego his fundamentis positus consolatus tui, triduo post, inspestante, & tacente te, a P. Clodio, fatali portento, prodigioque reipub. lex Ælia, & Fufia everfa est, propugnacula, murique tranquillitatis, atque otii: collegia, non ea solum, quæ senatus sustulerat, restituta sunt, sed innumerable quædam nova ex omni sæce urbis, ac servitio constituta; ab eodem homine, in stupris inauditis, nefariisque versato, vetus illa magistra ponderis, & modestiæ, s. veritas censoria sublata est: tum tu interim, bustum reip., qui te consulem cum Romæ dicis fuisse, verbo nunquam significaris sententiam tuam tantis in naufragiis civitatis. Nondum, quæ feceris, sed quæ fieri passus sis, dico; neque vero multum interest, præsertim in consule, utrum ipse perniciosus legibus, improbis concionibus reip. vexet, an alios vexare patiatur; an potest ulla esse excusatio, non dicam malum sentienti, sed sedenti, cunctanti, dormienti in maximo reipub. motu consuli? centum prope annos legem Æliam, & Fufiam tenueramus, quadringentos iudicium, notionemque censoriam: quas leges ausus est non nemo improbus, potuit quidem nemo unquam convellere; quam potestatem minuire, quominus de moribus nostris quinto quoque anno judicaretur, nemo tam effuse petulans conatus est; hæc sunt, o carnifex, in gremio sepulta consulatus tui; persequere connexos his funeribus dies. Pro Aurelio tribunali, ne connivente quidem te, quod ipsum esset solus, sed etiam hilarioribus oculis quam solitus eras, intuente, delictus servorum habebatur ad eo, qui nihil sibi unquam nec facere, nec pati turpe duxit: arma in templo Castoris, o profitor templorum omnium, vidente te, constituebantur ab eo latrone, cui templum illud fuit te consule arx civium perditorum, receptaculum veterum Catilinæ militum, castellum forensis latrocinii, bustum legum omnium, ac religionum; erat non solum domus mea, sed totum Palatium senatu, equitibus Romæ, civitate omni, Italia cuncta refectum, cum tu non modo ad eum

[Cicero-

Ciceronem (mitto enim domestica, quæ negari possunt; hæc commemoro, quæ sunt palam) non modo, inquam, ad eum, cui primam comitibus tuis dederas tabulam prærogativæ, quem in senatu sententiam rogabas tertium, nunquam adspirasti, sed omnibus consiliis, quæ ad me opprimendum parabantur, non interfuiſti ſolum, verum etiam crudeliſſime præſuiſti; mihi vero ipſi coram genere meo, propinquo tuo, quæ dicere auſus es? egere, ſoris eſſe Gabinium, ſine provincia ſtare non poſſe, ſpem habere a tribuno pl., ſi tua conſilia cum illo conjunxiſſes, a ſenatu quidem deſperaviſſe: hujus te cupiditati obſequi, ſicuti ego ſeciſſem in collega meo: nihil eſſe, quod præſidium conſulum implorarem, ſibi quemque conſulere oportere. Atque hæc dicere vix audeo; veror, ne qui ſit, qui iſtius inſignem nequitiam, frontis involutam integumentis, nondum cernat; dicam tamen; ipſe certe agnoſcit, & cum aliquo dolore ſtagitiorum ſuorum recordabitur. Meminiſti me, cenam, cum ad te quinta fere hora cum C. Piſone veniſſe, neſcio quo e gurguſtio te prodire, involuto capite, ſoleatum? & cum iſto ore ſordido teterrimam nobis popinam inhaſſes, excuſatione te uti valetudinis, quod dicere, vinolentis te quibuſdam medicaminibus ſolere curari? quam nos cauſam cum accepiſſemus, (quid enim facere poteramus?) pauliſper ſtetimus in illo ganearum tuarum nidore, atque fumo: unde tu nos, cum improbiſſime reſpondendo, tum turpiſſime eructando, ejeſiſti. Idem illo fere biduo productus in concionem ab eo, cui ſic æquatam præbebas conſulatum tuum, cum eſſes interrogatus, quid ſentires de conſulatu meo, gravis auctor, Calatinus, credo, aliquis, aut Africanus, aut Maximus, & non Cæſonius, ſemiplacentinus Calventius, reſpondeſ, altero ad frontem ſublato, altero ad mentum depreſſo ſuperpilio, crudelitatem tibi non placere. Hic te ille homo digniſſimus tuis laudibus collaudavit. Crudelitatis tu, furciſer, ſenatum conſul in concione condemnas? non enim me, qui ſenatui parui; nam relatio illa ſalutaris, & diſſiſſima fuit conſul, animadverſo quidem, & iudicium ſenatus; quæ cum reprehendis, oſtendis, qualis tu, ſi ita forte accidiſſet, fueris illo tempore conſul ſuturus; ſtipendio mehercule, & frumento Catilinam eſſe putaviſſes juvandum; quid enim interfuit inter Catilinam, & eum, cui tu ſenatus auctoritatem, ſalutem civitatis, totam rempubl. provincię præmio vendidiſti? Quæ enim L. Catilinam conantem conſul prohibui, ea P. Clodium facientem conſules adjuverunt; voluit ille ſenatum interficere, vos ſuſtulisti: leges incendere, vos abrogasti: interire patriam, vos adjuviſti; quid eſt vobis conſulibus gerum ſine a-mis? incendere illa conjuratorum manus voluit urbem, vos ejus domum, propter quem urbs incenſa non eſt; ac ne illi quidem, ſi habuiſſent veſtri ſimilem conſulem, de urbis incendio cogitaſſent; non enim ſe teſtis privare voluerunt, ſed, his ſtantibus, nullum domicilium ſceleri ſuo fore putaverunt; eodem illi ci-

vium, vos servitutem expetistis; hic vos etiam crudeliores; huic enim populo ita fuerat ante vos consules libertas insita, ut emori potius, quam servire præstaret. Illud vero geminum consiliis Catilinæ, & Lentuli, quod me domo mea expulistis; Cn. Pompejum domum suam compulistis; neque enim, me stante, & manente in urbis vigilia, neque resistente Cn. Pompejo, omnium gentium victore, unquam se illi reipubl. delere posse duxerunt; a me quidem etiam poenas expetistis, quibus conjuratorum manes mortuorum expiaretis; omne odium, inclusum nelariis sensibus impiorum, in me profudistis; quorum ego furori nisi cessissem; in Catilinæ busto vobis ducibus mactatus essem. Quod autem majus indicium expectatis, nihil inter vos, & Catilinam interfuisse, quam, quod eandem illam manum ex intermortuis Catilinæ reliquiis concitastis, quod omnes undique perditos collegistis; quod in me carcerem effudistis; quod conjuratos armastis, quod eorum ferro meum corpus, atque omnium bonorum vitam objicere voluistis? sed jam redeo ad præclaram illam concionem tuam. Tu es ille, cui crudelitas displicet? qui, cum senatus luctum, ac dolorem suum vestis mutatione declarandum censuisset, cum videres mœrore reipubl. amplissimi ordinis luctu, o noster misericors, quid facis? quod nulla in barbaria quisquam tyrannus; omitto enim illud, consulem edicere, ut senatus S. C. ne obtemperet: quo fœdus nec fieri, nec cogitari quidquam potest; ad misericordiam redeo ejus, cui nimis videtur senatus in conservanda patriæ fuisse crudelis. Edicere est ausus cum illo suo pari; quem tamen omnibus vitiis superare cupiebat, ut senatus contra quam ipse censuisset, ad vestitum rediret; quis hoc fecit ulla in Scythia tyrannus, ut eos, quos luctu afficeret, lugere non sineret? mœrorem relinquis; mœroris aufers insignia: eripis lacrymas non consolando, sed minando; quod si vestem non publico consilio patres conscripti, sed privato officio, aut misericordia mutavissent: tamen id iis non licere per interdictam crudelitatis tuæ, potestatis erat non ferendæ; cum vero id senatus frequens censuisset, ordines reliqui jam ante fecissent: tu ex tenebrosa popina consul extractus, cum illa saltatrice tonsa, senatum reipubl. occasum, atque interitum lugere vetuisti. At quærebat etiam paulo ante de me, quid suo mihi opus fuisset auxilio? cur non meis inimicis meis copiis resutissem? quasi vero non modo ego, qui multis sæpe auxilio fuissem, sed quisquam tam inops fuerit unquam, qui isto non modo propugnatore tutiorem se, sed advocato, aut adstipulatore paratiorem fore putaret; ego istius pecudis, ac putidæ canis consilio scilicet, aut præsidio miti volebam: ab hoc ejecto cadavere quidquam mihi aut opis, aut ornamenti expectabam. Consulem ego tum requirebam, consulem, inquam, non solum quidem, quem in hoc animali invenire non possem, qui tantam reipubl. causam



gravitate, & consilio suo tueretur, sed qui tanquam truncus, atque stipes, si stetisset modo, posset sustinere tam men titulum consulatus; cum enim esset omnis causa illa mea consularis, & senatoria, auxilio mihi opus fuerat & consulis, & senatus: quorum alterum etiam ad perniciem meam erat a vobis consulibus conversum, alterum reipubl. penitus ereptum. Attamen, si consilium exquiris meum, neque ego cessissem, & me ipsa suo complexu patria tenuisset, si mihi cum illo buxuario gladiatore, & tecum, & cum collega tuo decertandum fuisset; alia enim causa præstantissimi viri Q. Metelli fuit: quem ego civem, meo iudicio, cum deorum immortalium laude conjungo, qui C. illi Mario, fortissimo viro, & consuli, & sextum consuli, & ejus invictis legionibus, ne armis confingeret, cedendum esse duxit. Quod mihi igitur, certamen esset hujusmodi? cum C. Mario scilicet, aut cum aliquo pari, an cum altero barbato Epicuro, cum altero Catilinæ laternario? quos neque hercule ego, neque supercilium tuum, neque collegæ tui cymbala, ac crotala fugi: neque tam tui timidus, ut, qui in maximis turbinibus, ac fluctibus reipubl. navem gubernassem, salvamque in portu collocassem, frontis tuæ nubeculam, tum collegæ tui contaminatum spiritum pertimescerem; alios ego vidi ventos: alias prospexi animo procellas: aliis impendentibus tempestatibus non cessi, sed his unum me pro omnium salute obtuli; itaque discessu tum meo omnes illi nefarii gladii de manibus crudelissimis exciderunt: cum quidem tu, o vecors, & amens, cum omnes boni abditæ, inclusque mœrerent, templa gernerent, testæ ipsa urbis lugerent, complexus es illud funestum animal, ex nefariis stupris, ex civili cruore, ex omnium scelerum importunitate, & flagitiorum impunitate concretum; atque eodem in templo, eodem & loci vestigio, & temporis, arbitria non mei solum, sed patriæ funeris abstulisti. Quid ego illorum dierum epulas, quid lætitiæ, & gratulationem tuam, quid cum tuis sordidissimis gregibus intemperantissimas perperationes prædicem? quis te illis diebus sobrium, quis agentem aliquid, quod esset libero dignum, quis denique in publico vidit? cum collegæ tui domus cantu, & cymbalis personaret, cumque ipse nudus in convivio saltaret; in quo ne tu quidem dum illum suum saltatorium versaret orbem, fortunæ rotam pertimescebat. Hic autem, non tam continnus heluo, nec tam musicus, jacebat in suo Græcorum fœtore, atque vino; quod quidem istius in illis reip. luctibus quasi aliquod Lapitharum, aut Centaurorum convivium ferebatur: in quo, nemo potest dicere, utrum iste plus biberit, an vomuerit, an effunderit. Tu etiam mentionem facies consulatus tui, aut te fuisse Romæ consulem dicere audebis? quid? tu in listoribus, in toga, & prætexta esse consulatum putas? quæ ornamenta etiam in Sex. Clodio, te consule, esse voluisti; hujus tu Clodianæ canis insignibus consulatum declarari putas?

animò

animo consulem esse oportet, consilio, fide, gravitate, vigilantia, cura, toto denique munere consulatus; ego consulem esse putem, qui senatum esse in rep. non putavit? & sine eo consilio consulem numerum, sine quo Romæ ne reges quidem esse potuerunt? etenim illa jam omnino: cum servorum delectus haberetur in foro, arma in templum Castoris luce, & palam comportarentur; id autem templum, sublato aditu, revulsis gradibus a conjuratorum reliquiis, atque e Catilinæ prævaricatore quondam, tum ultore, armis teneretur; cum equites Romæ relegarentur, viri boni lapidibus e foro pellerentur, senatui non solum juvare remp. sed ne lugere quidem liceret: cum civis is, quem hic ordo, assentiente Italia, cunctisque gentibus, conservatorem patriæ judicaret, nullo iudicio, nulla lege, nullo more, servitio, atque armis pelleretur, non dicam auxilio vestro, quod vere licet dicere, sed certe silentio: tum Romæ fuisse consules, quisquam existimabit? qui latrones igitur, si quidem vos consules? qui præcones, qui hostes, qui proditores, qui tyranni nominabuntur? magnum nomen est, magna species, magna dignitas, magna majestas consulis: non capiunt angustie pectoris tui, non recipit levitas ista, non exestas animi, non infirmitas ingenii sustinet, non insolentia rerum secundarum tantam personam, tam gravem, tam severam. Seplasia mehercle, ut dixi audiebam, te ut primum adspexit, Campanum consulem repudiavit: audierat Decios, Magios, & de Tauræ illo Jubellio aliquid acceperat; in quibus si moderatio illa, quæ in nostris solet esse consulibus, non fuit, at fuit pompa, fuit species, fuit incessus saltem Seplasia dignus, & Capuæ. Gabinium denique si vidissent duumvirum vestri illi unguentarii, citius agnovissent; erant illi compti capilli, & madentes cinnamorum fimbriæ, & fluentes, cerussatæque buccæ, dignæ Capuæ, sed illa vetere; nam hæc quidem, quæ nunc est, splendidissimorum hominum fortissimorum virorum, optimorum civium, mihiq; amicissimorum: multitudine redundat: quorum Capuæ te prætextatum nemo adspexit, qui non gemeret desiderio mei, cujus consilio, cum universam remp. tum illam ipsam urbem meminerant esse servatam; me inaurata statua donarant: me patronum unum adsciverant: a me se habere vitam, fortunas, liberos arbitrabantur: me & præsentem contra latrocinium tuum suis decretis, legatisque defenderunt, & absentem, principe Cn. Pompejo referente, & de corpore reip. tuorum scelerum tela revellente, revocarunt. At tu eras consul, cum in Palatio mea domus ardebat, non casu aliquo, sed ignibus injectis, instigante te? ecquod in hac urbe majus unquam incendium fuit, cui non consul subvenerit? at tu illo ipso tempore, apud socrum tuam, prope a meis audibus, cujus domum ad meam exhauriendam patefeceras, sedebas non extingtor, sed auctor incendi, & ardentes faeces furiis Clodianis pene ipse consul ministrabas. An vero reliquo tempore consulem te quisquam ducit? quisquam

tibi paruit? quisquam in curiam venienti assurrexit? quisquam consulenti respondendum putavit? numerandus est ille annus denique in republ. cum obmutuisset senatus; judicia conticissent; mœrerent boni; vis latrocinii vestri tota urbe volitaret; neque civis unus ex civitate, sed ipsa civitas tuo, & Gabinii sceleri, furorique cessisset? Ac nunc tum quidem emerisisti, lutulente Cæsoniæ, ex miserrimis maturæ tuæ sordibus, cum expectata tandem virtus clarissimi viri celeriter & verum amicum, & optime meritum eivem, & suum pristinum morem, requisivit; neque est ille vir passus, in ea rep. quam ipse decoraret, atque auxerat, diutius vestrorum scelerum pestem morari: cum tamen ille, qualiscumque est, qui est ab uno te improbitate victus, Gabinius collegit ipse se vix, sed collegit tamen, & contra suum Clodium, primum simulate, deinde non libenter, ad extremum tamen, pro Cn. Pompejo vere, vehementerque pugnavit; quo quidem in spectaculo mira pop. R. æquitas erat: uter eorum perisset, tanquam lanista, in ejusdem pari lucrum fieri putabat; immortalē vero quæstum, si uterque cecidisset; sed ille tamen agebat aliquid, tuebatur auctoritatem summi viri: erat ipse sceleratus, erat gladiator, cum scelerato tamen, & cum pari gladiatore pugnabat; tu, scilicet homo religiosus, & sanctus, sœdus, quod meo sanguine in pactione provinciarum iceras, frangere noluisisti; caverat enim sibi ille sororius adulter, ut, si tibi provinciam, si exercitum, si pecuniam, ereptam ex reip. visceribus, dedisset, omnium suorum scelerum socium te, adiutoremque præberes; itaque in illo tumultu fracti fasces, ictus ipse: quotidie tela, lapides, fugæ: deprehensus denique cum ferro ad sanatum is, quem ad Cn. Pompejum intermittendum collocatum fuisse constabat. Ecquis audivit non modo actionem aliquam, aut relationem, sed vocem omnino, aut querelam tuam? consulem tu te fuisse putas, cujus in imperio, qui temp. senatus auctoritate seivarat, idemque in Italia, qui omnes omnium gentium partes tribus triumphis devinxerat, is se in publico tuto statuit esse non posse? An tum eratis consules, cum, quacumque de re verbum facere coeperatis; aut referre ad senatum, cunctus ordo reclamabat, ostendebatque nihil esse vos acturos, nisi prius de me retulissetis? cum vos, quamquam sœdere obstricti tenebamini, tamen cupere vos diceretis, sed lege impediri? quæ lex privatis hominibus esse lex non videbatur, iniusta per servos, incisa per vim, imposita per latrocinium, sublato senatu, pulsus e foro bonis omnibus, capta rep. contra omnes leges, nullo scripta more; hanc qui se metuere dicerent, consules, non dicam animi hominum, sed fasti ulli ferre possunt? nam si illam legem non putabatis, quæ erat contra omnes leges, indemnati civis, atque integri capitis, bonorumque tribunitia proscriptio, hæc tamen obstricti pactione tenebamini: quis vos non modo consules, sed liberos fuisse putet quorum mens fuerit oppressa præmio, lingua adstricta,

mercede? sin illam vos soli legem putabatis: quisquam vos consules tunc fuisse, aut nunc esse consulares putet, qui ejus civitatis, in qua in principium numero vultis esse, non leges, non instituta, non mores, non jura noritis? An, cum proficiscebamini paludati in provincias vel emptas, vel ereptas, consules vos quisquam putavit? Itaque, credo, si minus frequentia sua vestrum egressum orando, atque celebrando, at omnibus saltem bonis, ut consules, non tristissimis, ut hostes, aut proditores, prosequerentur. Tunc etiam, immanissimum, ac foedissimum monstrum, ausus es meum discessum illum, testem sceleris; & crudelitatis tue, maledicti, & contumeliam locopondere? quo quidem tempore cepi, P. C. fructum immortalem vestri in me & amoris, & iudicii; qui non admurmuratione, sed voce, & clamore abjecti hominis, & semivivi furorem, petulantiamque fregistis; tu luctum senatus, tu desiderium equestri ordinis, tu squalorem Italiam, tu curiam taciturnitatem annuam, tu silentium perpetuum iudiciorum, ac fori; tu cetera illa in maledicti loco pones, quae meus discessus reip. vulnera infixit? qui si calamitosissimus fuisset, tamen misericordia dignior, quam contumelia, & cum gloria potius esse conjunctus, quam cum probro, putaretur? atque ille dolor meus dumtaxat, vestrum quidem scelus, ac dedecus haberetur; cum vero (forsitan hoc, quod dicturus sum; mirabile auditu esse videatur: sed certo id dicam, quod sentio) cum tantis a vobis P. C. beneficiis affectus sim, tantis honoribus, non modo illam calamitatem esse non duco, sed si quid mihi potest a repub. esse se junctum, quod vix potest, privatim ad meum nomen augendum, optandam duco mihi fuisse illam, expetendamque fortunam. Atque ut tuum latissimum diem cum tristissimo meo conferam, utrum tandem bono viro, & sapienti optabilibus putas, sic exire a patria, ut omnes sui cives salutem, incolumitatem, reditum precentur, quod mihi accidit: an, quod tibi proficiscenti evenit, ut omnes execrarentur, male precarentur, unam tibi illam viam, & perpetuam esse vellent? mihi medius fidius in tanto omnium mortalium odio, iusto praesertim, & debito, quaevis fuga potius, quam ulla provincia, esset optatior. Sed perge porro: nam si illud meum turbulentissimum tempus protectionis tuae tranquillissimo praestat; quid conferam reliqua, quae in te dedecoris plena fuerunt, in me dignitatis? Me Kal. Jan. qui dies post obitum, occasumque nostrum reip. primus illuxit, frequentissimus senatus, concursu Italiae, referente clarissimo, atque fortissimo viro, P. Lentulo, consentiente populo Rom. atque una voce revocavit; me idem senatus exteris nationibus, me legatis, magistratibusque nostris auctoritate sua, consularibus litteris, non, ut tu nuper dicere ausus es, orbatum patria, sed, ut senatus illo ipso tempore appellavit, civem, servatoremque reipub. commendavit; ad meam unius salutem senatus auxilium omnium civium

civium cuncta ex Italia, qui temp. salvam esse vellent; consulis voce, & litteris implorandum putavit; mei capitis servandi causa Romam uno tempore, quasi signo dato, Italia tota convenit; de mea salute P. Lentuli, præstantissimi viri, atque optimi consulis Cn. Pompeji, clarissimi, atque invictissimi civis, cæterorumque principum civitatis celeberrimæ, & gravissimæ conciones fuerunt; de me senatus ita decrevit, Cn. Pompejo auctore, & ejus sententiæ principe, ut si quis impedisset reditum meum, in hostium numero putaretur; iisque verbis ea de me senatus auctoritas declarata est, ut nemini sit triumphus honorificentius, quam mihi salus, restitutioque perscripta; de me cum omnes magistratus promulgassent, præter unum prætorem, a quo non fuit postulandum, fratrem inimici mei, præterque duos, de lapide emptos, tribunos pl. legem comitibus centuriatis tulit P. Lentulus consul de collegæ Q. Metelli sententiâ, quem mecum eadem respubl. quæ in tribunatu ejus junxerat, in consulatu, virtute optimi, ac iustissimi viri, sapientiæque conjunxit; quæ lex quemadmodum accepta sit, quid me attinet dicere? ex vobis audio, nemini civi ullam, quominus adesset, satis iustam executionem esse visam, nullis comitiis unquam neque multitudinem hominum tantam, neque splendidiorem fuisse; hoc certe video, quod indicant tabulæ publicæ, vos rogatores, vos distributores, vos custodes fuisse tabularum, & quod in honoribus vestrorum propinquorum non facitis, vel ætatis excusatione, vel honoris, id in salute mea, nullo rogante, vos vestra sponte fecistis. Confer nunc, Epicure noster, ex hara producte, non ex schola, confer, si audes, absentiam tuam cum mea. Obtinuisti provinciam consularem finibus iis, quos lex cupiditatis tuæ, non quos lex generi tui pepigerat; nam lege Cæsaris iustissima, atque optima populi liberi plane, & vere erant liberi; lege autem ea, quam nemo legem, præter te, & collegam tuum, putavit, omnis erat tibi Achaja, Thessalia, Athenæ, cuncta Græcia addicta; habebas exercitum tantum, quantum tibi non senatus, aut populus R. dederat, sed quantum tua libido conscripserat, ærarium exhauseras. Quas res gessisti in imperio, exercitu, provincia consulari? quas res gesseris, quæro? qui ut venit statim, nondum commemoro rapinas, non exactas pecunias, non captas, non imperatas, non neces sociorum, non cædem hospitem, non perfidiam, non immanitatem, non scelera prædico: mox, si videbitur, ut cum fore, ut cum sacrilegio, ut cum sicario disputabo: nunc meam spoliatam fortunam conferam cum flore fortuna imperatoris. Quis unquam provinciam cum exercitu obtinuit, qui nullas ad senatum litteras miserit? tantam vero provinciam, cum tanto exercitu, Macedoniam præsertim, quæ tantis barbarorum gentibus attingitur, ut semper Macedonibus imperatoribus eisdem fines provincie fuerint, qui gladiatorum, atque pilorum: ex qua aliquot præ-

prætorio imperio, consulari quidem nemo rediit, qui incolumis fuerit, quin triumphabit; est hoc novum, multo illud magis. Appellatus est hic vulturius, illius provinciam, si diis placet, imperator: ne tum quidem, Paulus noster, tabulas Romam cum laurea mittere audebas? misit, inquit; quis unquam recitavit? quis, ut recitaretur, postulavit? nihil enim mea refert, utrum tu conscientia oppressus scelerum tuorum, nihil unquam ausus sis scribere ad eum ordinem, quem despexeras, quem affixeras, quem deleveras; an amici tui tabulas abdiderint, iidemque silentio suo temeritatem, atque audaciam tuam condemnarint; atque haud scio, an malim te videri nullo pudore fuisse in literis mittendis, an amicos tuos plus habuisse & pudoris, & consilii, quam aut te videri pudentiorum fuisse, quam soles, aut tuum factum non esse condemnatum iudicio amicorum; quod si non tuis nefariis in hunc ordinem contumeliis in perpetuum tibi curiam præclusisses; quid tandem erat actum, aut gestum in illa provincia, de quo ad senatum cum gratulatione aliqua scribi abs te oporteret? vexatio Macedoniae? an oppidorum turpis amissio? an sociorum direptio? an agrorum depopulatio? an munitio Thessalonitæ? an obsessio militaris viæ? an exercitus nostri interitus ferro, fame, frigore, pestilentia? tu vero, qui ad senatum nihil scripseris, ut in urbe nequior inventus es, quam Gabinus, sic in provincia paulo tamen, quam ille, demissior; nam ille gurgis, atque helluo, natus abdomini suo, non laudi, atque gloriæ, cum equites R. in provincia, cum publicanos nobiscum & voluntate, & dignitate conjunctos, omnes fortunis, multos fama, vitæque privasset; cum egisset aliud nihil in illo exercitu, nisi ut urbes depopularetur, agros vastaret, exhauriret domos; ausus est (quid enim ille non audeat?) a senatu supplicationem per literas postulare. O dii immortales! tu ne etiam, atque adeo vos, geminæ voragines, scopulique reip. vos meam fortunam deprimitis, vestram extollitis? cum de me ea S. C. absente facta sint, em conciones habitæ, is motus fuerit municipiorum, & coloniarum omnium, ea decreta publicanorum, ea collegiorum, ea denique generum, ordinumque omnium, quæ ego non modo optare nunquam audeo, sed cogitare non possem; vos autem sempiternas scdissimæ turpitudinis notas subieritis. An ego, si te, & Gabinium cruci suffixos viderem, majore afficerer læticia ex corporis vestri laceratione, quam afficio ex infamia? nullum est supplicium putandum, quo affici casu aliquo etiam boni viri, fortæque possunt; atque hoc quidem etiam isti tui dicunt voluptarii Græci; quos utinam ita audires, ut erant audiendi; nunquam te in tot flagitia ingurgitasses; verum audis in præsepibus, audis in stupris, audis in cibo, & vino; sed dicunt isti ipsi, qui mala dolore, bona voluptate definiunt, sapientem, etiam si in Phalaridis tauro inclusus, succensis ignibus torreatur, dicturum ta-

men,

men, suave illud esse, seque ne tantulum quidem commoveri; tantam virtutis vim esse voluerunt, ut non posset unquam esse vir bonus non beatus; quæ est igitur poena? quod supplicium? id mea sententia, quod accideret, nemini potest, nisi nocenti, suscepta fraus, impedita, & oppressa mens, bonorum omnium odium, nota iniuria a senatu, amissio dignitatis; nec mihi ille M. Regulus, quem Carthaginenses, resectis palpebris, illigatum in machina vigilando necaverunt, supplicio videtur affectus; nec C. Marius, quem Italia servata ab illo demersum in Minturnensium paludibus, Africa devicta ab eodem, expulsum, & naufragum vidit; fortunæ enim ista tela sunt, non culpæ; supplicium autem est poena peccati; neque vero ego, si unquam vobis mala precarer, quod sæpe feci, in quo dii immortales meas preces audiverunt, morbum, aut mortem, aut cruciatum precarer. Thyestea est ista execratio, poetæ vulgi animos, non sapientum moventis: *Ut tu naufragio expulsus, uspiam saxi fixus asperis, Evisceratus, latere penderes* (ut ait ille) *saxa spargens tabo, Sanie, & sanguine atro*; non ferrem omnino moleste, si ita accidisset; sed id tamen esset humanum. M. Marcellus, qui ter consul fuit, summa virtute, pietate, gloria militari, periit in mari: qui tamen ob virtutem gloria, & laude vivit; in fortuna quadam est illa mors, non in poena putanda. Quæ est igitur poena? quod supplicium? quæ saxa? quæ cruces? Esse duos duces in provinciis populi R., habere exercitus, appellari imperatores; horum alterum sic fuisse infirmatum conscientia scelerum, & fraudum suarum, ut ex qua provincia, quæ fuerit ex omnibus una maxime triumphalis, pullam sit ad senatum litteram mittere ausus; ex qua provincia modo, vir omni dignitate ornatissimus, L. Torquatus, magnis rebus gestis, me referente, abiens imperator est appellatus; unde his paucis annis Cn. Dolabella, C. Curionis, M. Luculli iustissimos triumphos vidimus; ex ea, te imperatore, nuncius ad senatum allatus est nullus. Ab altero allatæ litteræ, recitatæ; relatum ad senatum; dii immortales! id ne ego optarem, ut inimicus meus ea, qua nemo unquam, ignominia notaretur? ut senatus is, qui in eam jam benignitatis consuetudinem venit, ut eos, qui bene remp. gesserint, novis honoribus afficiat; & numero dierum, & genere verborum, huius unius litteris nunciantibus non crederet; postulanti denegaret? his ego rebus pascor, his delector, his perfruo; quod de vobis hic ordo opinatur non secus, ac de teterrimis hostibus; quod vos equites R. quod cæteri ordines, quod cuncta civitas odit; quod nemo bonus, nemo denique civis est, qui modo se civem esse meminerit, qui vos non oculis fugiat, auribus respiciat, animo aspernetur, recordatione denique ipsa consulatus vestri perhorrescat; hæc ego semper de vobis expectavi, hæc optavi, hæc precatus sum; plura etiam acciderunt, quam vellem; nam, ut amitteretis exercitum

nunquam mehercule optavi: illud etiam accidit, præ-  
 ter optatum meum, sed valde ex voluntate; mihi enim  
 non venerat in mentem, furorem, & insaniam optare vo-  
 bis, in quam incidistis; atqui fuit optandum: me tamen  
 fugerat deorum immortalium has esse, in impios, & con-  
 sceleratos poenas certissimas constitutas; nolite enim pu-  
 tare P. C. ut in scena videtis, homines consceleratos im-  
 pulsu deorum terri furiarum tædis ardentibus: sua quem-  
 que fraus, suum facinus, suum scelus, sua audacia de  
 sanitate, ac mente deturbat: hæ sunt impiorum furim,  
 hæ flammæ, hæ faces. Ego te non vecordem, non fu-  
 riosum, non mente captum, non tragico illo Oreste,  
 aut Athamante dementiorem putem, qui sis ausus pri-  
 mum facere (nam id est caput) deinde paulo ante Tor-  
 quato, gravissimo, & sanctissimo viro, premente, confite-  
 ri, te provinciam Macedoniam, in quam tantum exerci-  
 tum transportasses, sine ullo milite reliquisse? mitto de  
 amissa maxima parte exercitus; sit hoc infelicitatis tuæ;  
 dimittendi vero exercitus quam potes afferre causam?  
 quam potestatem habuisti? quam legem? quod S. C.?  
 quod jus? quod exemplum? quid est aliud furere, nisi  
 non cognoscere homines, non cognoscere leges, non se-  
 ratum, non civitatem, cruentare corpus suum? major  
 hæc est vitæ, famæ, salutis suæ vulneratio; si familiam  
 tuam dimisisses, quod ad neminem, nisi ad ipsum te,  
 pertineret, amici te tui constringendum putarent: præsi-  
 dium tu populi R., custodiam provinciarum, in jussu populi,  
 senatusque dimisisses, si tuæ mentis compos fuisses? Ecce  
 tibi alter, effusa jam maxima præda, quam ex fortunis  
 publicanorum, ex agris, urbibusque sociorum exhauserit,  
 cum partim ejus prædæ profundæ libidines devorassent,  
 partim nova quædam, & inaudita luxuries, partim et-  
 iam in illis locis, ubi omnia diripuit, emptiones, par-  
 tim permutationes ad hunc Tusculanum montem extruen-  
 dum, cum illa ejus immensa, & intolerabilis ædificatio  
 constitisset; se ipsum, fasces suos, exercitum populi R.,  
 numen, interdictumque deorum immortalium, responsa  
 sacerdotum, auctoritatem senatus, jussa populi, nomen,  
 ac dignitatem imperii Regi Ægyptio vendidit; cum fines  
 provinciarum tantos haberet, quantos voluerat, quantos opta-  
 verat, quantos pretio mei capitis emerat, his se tenere  
 non potuit: exercitum eduxit ex Syria. Qui liquit extra  
 provinciam? præbuit se mercenarium comitem Regi Ale-  
 xandrino; quid hoc turpius? in Ægyptum venit, signa  
 contulit cum Alexandrinis; quando hoc bellum aut hic  
 ordo, aut populus susceperat? cepit Alexandriam; quid  
 aliud expectamus a furore ejus, nisi ut ad senatum tantis  
 de rebus gestis litteras mittat? hic: si mentis effet suæ,  
 nisi poenas patriæ, diisque immortalibus eas, quæ gravis-  
 simæ sunt, furore, atque insaniam penderet, ausus esset,  
 mitto exire de provincia, educere exercitum, bellum sua  
 sponte gerere, in regnum in jussu populi, ac senatus ac-  
 cedere? quæ cum plurimæ leges veteres, tum lex Corne-



lia majestatis, Julia de pecuniis repetundis planissime vastant; sed hæc omitto: ille, si non acerrime fureret, auderet, quam provinciam P. Lentulus, amicitissimus hujus ordini, cum & auctoritate senatus, & sorte haberet, interposita religione, sine ulla dubitatione deposuisset, eam ubi tum adsciscere, cum etiam si religio non impediret, nos majorum tamen, & exempla, & gravissimæ legum pœnæ vetarent? Sed, quoniam fortunarum contentionem facere coepimus, de reditu Gabinii omittamus; quem etsi sibi ipse præcidit, ego tamen, os ut videam hominis, expecto; tuum, si placet, reditum cum meo conferamus. At meus quidem is fuit, ut a Brundisio usque Romam ægmen perpetuum totius Italiæ viderem: neque enim regio fuit ulla, neque municipium, neque præfectura, aut colonia, ex qua non ad me publice venerint gratulatum; quid dicam adventus meos? quid effusiones hominum ex oppidis? quid concursum ex agris patrumfamilias cum conjugibus, ac liberis? quid eos dies, qui, quasi deorum immortalium festi, atque solemnes, apud omnes sunt adventu meo, redituque celebrati? unus ille dies mihi quidem immortalitatis instar fuit, quo in patriam redii, cum senatum egressum vidi, populumque R. universum, cum mihi ipsa Roma, prope convulsa sedibus suis ad complectendum conservatorem suum progredi visa est; quæ me ita accepit, ut non modo omnium generum, ætatum, ordinum omnes viri, ac mulieres, omnis fortunæ, ac loci, sed etiam moenia ipsa viderentur, & festa urbis, ac templa lætari. Me consequentibus diebus in ea ipsa domo, qua tu me expuleras, quam expilaras, quam incenderas, pontifices, consules, prætores collocaverunt, mihiq; quod ante me nemini, pecunia publica ædificandam domum censuerunt.

Habes reditum meum; confer nunc vicissim tuum; quandoquidem, amisso exercitu, nihil incolume domum, præter os illud tuum pristinum retulisti; qui primum qua veneris cum laureatis tuis lictoribus, quis scit? quos tu mæandros, dum omnes solitudines persequeris, quæ diverticula, flexionesque quæristi? quod te municipium vidit? quis amicus invitavit? quis hospes adspexit? nonne tibi nox erat pro die? solitudo pro frequentia? caupona pro oppido? non ut redire ex Macedonia nobilis imperator, sed ut mortuus infamis referri videretur; Romam vero ipsam sœdavit adventus tuus; o familiæ non dicam Calpurniæ, sed Calventiæ, neque hujus urbis, sed Placentini municipii, neque paterni generis, sed brahcatæ cognationis dedecus, quemadmodum venisti? quis tibi, non dicam horum, aut civium cæterorum, sed tuorum legatorum obviam venit? mecum enim L. Flaccus, vir tua legatione indignissimus, atque iis consiliis, quibus mecum in consulatu meo conjunctus fuit, ad conservandam rempublicam dignior, mecum fuit tum, cum te quidam non longe a porta cum lictoribus errantem visum esse narrabat; scio item, virum fortem in primis belli, ac rei militaris peritum,

ritum, familiarem meum, Q. Marcium, quorum tu-  
 torum praelio imperator appellatus eras, cum longe ab-  
 fuisses, adventu isto tuo domi fuisse otiosum; sed quid  
 ego numero; qui tibi obviani non venerint? cui dico ve-  
 nisse pene neminem; ne de officiosissima quidem natione  
 candidatorum, cum vulgo essent, & illo ipso, & multis  
 ante diebus admoniti, & rogati; togulae lectoribus ad  
 portam praesto fuerunt; quibus illi acceptis sagula reje-  
 cerunt, aetervam imperatori suo novam, praebuerunt. Sic  
 iste a tanto exercitu, tanta provincia, triennio post,  
 Macedonicus imperator in urbem se intulit, ut nullius  
 negotiatoris obscurissimi reditus unquam fuerit desertior;  
 in quo me tamen, qui esset paratus ad se defenden-  
 dum, reprehendit: cum ego cum Caesimontana porta  
 introisse dixissem, sponsione me, ni Esquilina introis-  
 set, homo promptus laceessivit: quasi vero id aut ego  
 scire debuerim, aut vestrum quisquam audierit; aut  
 ad rem pertineat, qua tu porta introieris, modo ne  
 triumphali: quae porta Macedonicis semper proconsuli-  
 bus ante te patuit: tu inventus es, qui consulari imperio  
 praeditus ex Macedonia non triumphares. At audistis, P.  
 C. philosophi vocem; negavit se triumphi cupidum un-  
 quam fuisse; o scelus, o pestis, o labe! cum extingua-  
 bas senatum, vendebas auctoritatem hujus ordinis, addi-  
 cebas tribuno pl. consulatum tuum, remp. evertebas,  
 prodebas caput, & salutem meam mercede provinciam,  
 si triumphum non cupiebas, ejus tandem te rei cupidi-  
 tate arsisse defendes? Saepe enim vidi, qui & mihi, &  
 ceteris cupidiore provinciam viderentur, triumphi nomine  
 tegere, atque velare cupiditatem suam; hoc modo D. Si-  
 lanus consul in hoc ordine, hoc meus etiam collega dice-  
 bat; neque enim quisquam potest exercitum cupere, aper-  
 teque petere, ut non praetexat cupiditatem triumphi;  
 quod si te senatus populusque R., aut non appetentem,  
 aut etiam recusantem, bellum suscipere, exercitum du-  
 cere coegisset: tamen erat angusti animi, atque demissi,  
 iusti triumphi honorem, dignitatemque contemnere; nam  
 ut levitatis est inanem aucupari rumorem, & omnes um-  
 bras etiam falsae gloriae consectari; sic levis est animi,  
 lucem splendoremque fugientis, justam gloriam, qui est  
 fructus verae virtutis honestissimus, repudiare; cum vero  
 non modo non postulante, atque cogente, sed invito, at-  
 que oppresso senatu, non modo nullo populi R. studio,  
 sed nullo ferente suffragium libero, provincia tibi ista ma-  
 nupretium fuerit eversa per te, & perditae civitatis: cum-  
 que omnium tuorum scelerum haec pactio extiterit, ut,  
 si tu totam remp. nefariis latronibus tradidisses, Macedo-  
 nia tibi ob eam rem, quibus tu finibus velles, tradero-  
 tur; cum exhauriebas aerarium; cum orbabas Italiam ju-  
 ventute; cum mare vastissimum hyeme transibas; si trium-  
 phum contemnebas, quae te, praedo amantissime, nisi pra-  
 edae, ac rapinarum cupiditas tam caeca rapiebat? non est  
 integrum Cn. Pompejo, consilio jam uti tuo: erravit  
 enim:

enim: non gustarat istam tuam philosophiam; tunc jam homo stultus triumphavit. Crasse, pudet me tui: quid est, quod, confecto formidolosissimo bello, coronam illam lauream tibi tantopere decerni volueris a senatu? P. Servili, Q. Metelle, C. Curius, P. Aspicane, cur non hunc audistis tam doctum hominem, tam eruditum, priusquam in istum errorem induceremini? C. ipsi Pontinio, necessario meo, jam non est integrum; religionibus enim susceptis impeditur; o stultos Camillos, Curios, Fabricios, Calatinos, Scipiones, Marcellos, Maximos; o amentem Paullum, rusticum Marium: nullius consilii patres horum amborum consulum, qui triumpharunt! Sed quoniam præterita mutare non possumus, quid cessat hic homulus, ex argilla, & luto fictus Epicureus, dare hæc præclara præcepta sapientiæ clarissimo, & summo imperatori, genero suo? fertur ille vir, mihi crede, gloria: flagrat, ardet cupiditate iusti, & magni triumphi: non didicit eadem ista, quæ tu; mitte ad eum libellum: & si jam ipse coram concedi poteris, meditare; quibus verbis incensam illius cupiditatem comprimas, atque restringas; valebis apud hominem volitantem gloriæ cupiditate vir moderatus, & constans, apud indoctum eruditus, apud generum socer; dices enim, ut es homo sacetus, ad persuadendum concinnus, perfectus, politus & schola; Quid est, Cæsar, quod te supplicationes toties decretæ, tot dierum, tantopere delectent? in quibus homines errore ducuntur: quas dii negligunt; qui, ut noster divinus ille dixit Epicurus, neque propitii cuiquam esse solent, neque irati; non facies fidem, scilicet, cum hæc disputabis; tibi enim & esse, & fuisse Deos videbis iratos. Vertes te ad alteram scholam; differes de triumpho. Quid tandem habet iste currus? quid victi ante currum duces? quid simulacra oppidorum? quid aurum? quid argentum? quid legati in equis, & tribuni? quid clamor militum? quid tota illa pompa? inania sunt ista, mihi crede, delectamenta pene puerorum, captare plausus, vehi per urbem, conspici velle; quibus ex rebus nihil est, quod solidum tenere, nihil quod referre ad voluptatem corporis possis; quin tu me vides, qui, ex qua provincia T. Flaminius, L. Paullus, Q. Metellus, T. Didius, innumerales alii, levi cupiditate commoti, triumpharunt, ex ea sic redi, ut ad portam Esquilinam Macedonicam lauream conculcarim, ipse cum hominibus quindecim male vestitis ad portam Caelimontanam sitiens pervenerim: quo in loco mihi libertus, præclaro imperatori, domum ex hac die biduo ante conduxerat: quæ vacua si non fuisset, in campo Martio mihi tabernaculum collocassem; nummus interea mihi, Cæsar, neglectis ferculis triumphalibus, domi manet, & manebit, rationes ad ærarium continuo, sicut tua lex jubebat, detuli: neque alia ulla in re legi tuæ parui; quas rationes si cognovis, intelliges nemine plus, quam mihi, litteras profuisse; ita enim sunt proscriptæ scite, & litterate, ut scriba, ad ærarium, qui

eas retulit, perscriptis rationibus secum ipse, caput sinistra manu perficiens, commurmuratus sit. Ratio quidem herole apparet, argentum *ὀχρεται*: hac tu oratione, non dubito, quin illum jam adulescentem in currum revocare possis; o tenebræ, o lutum, o sordes, o paterni generis oblite, materni vix memor! ita nescio quid istud fratrum, humile, demissum, sordidum, inferius etiam est, quam ut Mediolanensi præcone, avo tuo, dignum esse videntur. L. Crassus, homo sapientissimus nostræ civitatis spiculis prope scrutatus est Alpes, ut, ubi hostis non erat, ibi triumphi causam aliquam quæreretur. Eadem cupiditate, vir summo ingenio præditus, C. Cotta, nullo certo hoste, flagravisset; eorum neuter triumphavit; quod alteri illum honorem collega, alteri mors ademit. Irrisa est abs te paulo ante M. Pisonis cupiditas triumphandi, a qua te longe dixisti abhorrere, qui etiam si minus magnum bellum gesserat, ut abs te dictum est; tamen istum honorem contemnendum non putavit; tu eruditior, quam Piso; prudentior, quam Cotta; abundantior consilio, ingenio, sapientia, quam Crassus, ea contemnens, quæ illi idiotæ, ut tu appellas, præclara duxerunt; quod si reprehendis, quod cupidi lauream fuerint, cum bella aut parva, aut nulla gessissent; tu, tantis nationibus subiectis, tantis rebus gestis, minime fructum laborum tuorum, præmia periculorum, virtutis insignia contemnere debuisti; neque vero contempsisti, sis licet Themista sapientior, sed os tuum ferreum senatus convicio verberari noluisse. Jam vides, quoniam quidem ita mihimet sui inimicus, ut tecum compararem, & digressum meum, & absentiam, & reditum ita longe tuo præstitisse, ut mihi illa omnia immortalem gloriam dederint, tibi sempiternam turpitudinem inflixerint; nunc etiam ipse hac quotidiana, assidua, urbanaque vita splendorem tuum, gratiam, celebritatem domesticam, operam forensensem, consilium, auxilium, auctoritatem, sententiam senatoriam nobis, aut, ut verius dicam, cuiquam es infimo, ac desperatissimo antelaturus? Age, senatus odit te, quod eum tu jacere jure concedis afflictorem, & proditorem non modo dignitatis, & auctoritatis, sed omnino ordinis, ac nominis sui: videre equites Rom. non possunt, quo ex ordine vir præstantissimus L. Ælius est, te consule, relegatus: plebs Romana perditum cupit, in cujus tu infamiam ea, quæ per latrones, & per servos de me egeras, contulisti: Italia cuncta execratur, ejus idem tu superbissime decreta, & preces repudiasti; fac hujus odii tanti, ac tam universi periculum, si audes; instant post hominum memoriam apparatissimi, magnificentissimique ludi; quales non modo nunquam fuerunt, sed ne quomodo fieri quidem posthac possint, possum ullo pacto suspicari; da te populo, committe ludis; sibilum metuis? ubi sunt vestræ scholæ? ne acclametur? ne id quidem est curare philosophi; manus tibi ne afferantur, times; dolor enim est malum, ut disputas: existimatio, dedecus, infamia,

turpitudine, verba atque ineptiæ; sed de hoc non dubito; non audebit accedere ad ludos; convivium publicum non dignitatis causa inibit; nisi forte ut cum P. Clodio, hoc est cum amatoribus suis cœnet; sed plane in disputationibus suis oculorum, & aurium delectationi abdominis voluptates anteferre; nam quod vobis iste tantummodo improbus, crudelis, olim furunculus, nunc vero etiam rapax, quod sordidus, quod contumax, quod superbus, quod fallax, quod perfidiosus, quod impudens, quod audax esse videatur; nihil scitote esse luxuriosius, nihil libidinosius, nihil protervius, nihil nequius; luxuriam autem nolite in isto hanc cogitare; est enim quædam, quamquam omnis est vitiosa, atque turpis, tamen ingenuus, ac libero dignior; nihil apud hunc lautum, nihil elegans, nihil exquisitum, (laudabo inimicum) ne magnopere quidem quidpiam, præter libidines, sumptuosum; toreuma nullum, maximi calices, & hi, ne contemnere suos videatur, Placentini; extructa mensa, non conchyliis, aut piscibus, sed multa carne subrancia: servi sordidati ministrant, nonnulli etiam feres: idem coquus, idem atriensis: pistor domi nullus, nulla cella, panis, & vinum a propolis, atque de cupa: Græci stipati, quoniam in lectulis, sæpe plures, ipse solus, bibitur usque eo dum de folio ministratur; ubi galli cantum audit, avum suum revixisse putat, mensam tolli jubet. Dicit aliquis, unde tibi hæc nota sunt? non, mehercules, contumeliæ causa describam quemquam, præsertim ingeniosum hominem, atque eruditum; cui generi esse ego iratus, ne si cupiam quidem, possum. Est quidem Græcus, qui cum isto vivit, homo, ut vere dicam, sic enim cognovi, humanus, sed tamdiu, quamdiu cum aliis est, aut ipse secum; is cum istum adolescentem jam tum cum hac diis irata fronte vidisset, non fastidivit ejus amicitiam, cum esset præsertim appetitus, dedit se in consuetudinem, sic, ut prorsus una viveret, nec fere ab istounquam discederet. Non apud indecitos, sed, ut ego arbitror in hominum eruditissimorum, & humanissimorum coetu loquor: audistis profecto dici, philosophos Epicureos omnes res, quæ sunt homini expetendæ, voluptati metiri; recte an secus, nihil ad nos: aut, si ad nos, nihil ad hoc tempus; sed tamen lubricum genus orationis, adolescenti non acriter intelligenti sæpe præceptus; itaque admisarius iste, simul atque audit a philosopho voluptatem tantopere laudari, nihil expiscatus est: sic suos sensus voluptarios omnes incitavit, sic ad illius hanc orationem adhinniit, ut non magistrum virtutis, sed auctorem libidinis a se illum inventum arbitraretur. Græcus primo distinguere, atque dividere illa, quemadmodum dicerentur: ille claudus, quomodo ajunt, pilam retinere; quod acceptat, testificari; tabulas obsignare velle, Epicurum disertum dicere: & tamen dictum opinor, se nullum bonum intelligere posse, de multis corporis voluptatibus; quid multa.

multa? Græcus facilis. & valde venustus, nimis pugna-  
 contra senatorem populi R. esse noluit; est autem hic, de  
 quo loquor, non philosophis solum, sed etiam cæteris stu-  
 diis, quæ fere cæteros Epicureos negligere dicunt, perpo-  
 litus; poema porro facit ita festivum, ita concinnum, ita  
 elegans, nihil ut fieri possit argutius; in quo reprehendat  
 eum licet, si qui vult, modo leviter, non ut improbum,  
 non ut audacem, non ut impurum, sed ut Græculum,  
 ut assentatorem, ut poetam; devenit, aut potius incidit  
 in istum eodem deceptus supercilio Græcus, atque adve-  
 na, quo tam sapiens, & tanta civitas; revocare se non  
 poterat familiaritate implicatus: & simul inconstantem fa-  
 mam verebatur; rogatus, invitatus, coactus, ita multa  
 ad istum de isto scripsit, ut omnes libidines, omnia stu-  
 pra, omnium cœnarum, conviviorumque genera, adulteria  
 denique ejus delicatissimis versibus expresse-  
 rit; in quibus, si quis vellent, possit istius, tamquam in speculo, vitam in-  
 tueri; ex quibus multa a multis lecta, & audita recita-  
 rem; nisi vereretur, ne hoc ipsum genus orationis, quo  
 nunc utor, ab hujus loci more abhorreret, & simul de  
 ipso, qui scripsit, detrahi nihil volo: qui si fuisset in di-  
 scipulo comparando meliorem fortuna, fortasse austerior, &  
 gravior esse potuisset: sed eum casus in hanc consuetudi-  
 nem scribendi induxit philosopho valde indignam; siqui-  
 dem philosophia, ut fertur, virtutis continet, & officii,  
 & bene vivendi disciplinam: quam qui proficetur, gravis-  
 simam sustinere mihi personam videtur; sed idem casus  
 illum, ignarum quis profiteretur, cum se philosophum  
 esse diceret, istius impurissimæ, ac intemperantissimæ pe-  
 cudis cœno, & sordibus inquinavit: qui modo res gestas  
 consulatus mei cum laudasset, quæ quidem laudatio ho-  
 minis turpissimi mihi ipsi erat pœne turpis; non ulla ti-  
 bi, inquit, invidia nocuit, sed versus tui. Nimis magna  
 pœna te consule constituta est: sive malo poetæ, sive  
 libe o. Scripsisti enim, Cedant arma togæ. Quid  
 tum? Hæc res tibi fluctus illos excitavit. At hoc nus-  
 quam opinor scriptum fuisse in illo elogio, quod te con-  
 sule in sepulcro reipub. incisum est; Velitis, jubetis, ut,  
 quod M. Cicero versum fecerit, sed quod vindicarit; ve-  
 runtamen quoniam te non Aristarchum, sed Phalarim  
 grammaticum habemus, qui non notam apponas ad ma-  
 lum versum, sed poetam armis persequare; scire cupio,  
 quid tandem isto in versu reprehendas, Cedant arma to-  
 gæ? Tuæ dicis, inquit, togæ summum imperatorem esse  
 cessurum. Quid nunc te, asine, litteras doceam? non  
 opus est verbis, sed fustibus: non dixi hanc togam, qua  
 sum amictus, nec arma, scutum, & gladium unius impe-  
 ratoris: sed quod pacis est insigne, & otii toga, contra  
 autem arma tumultus, atque belli; more poetarum locu-  
 tus, hoc intelligi volui, bellum, ac tumultum paci, at-  
 que otio concessurum; quære ex familiari tuo, Græco il-  
 lo poeta: probabit genus ipsum, & agnoscat; neque te  
 nihil sapere mirabitur. At in altero illo, inquit, hæres:

Concedat laurea laudi. Immo mihercule habeo tibi gratiam; hærerem enim, nisi tu me expedisses; nam cum tu timidus, ac tremens tuis ipse furacissimis manibus detractam e cruentis fascibus lauream ad portam Esquilinam abjecisti; indicasti non modo amplissimam, sed etiam minimam laudi lauream concessisse; atque ista ratione hoc tamen intelligi, (scelerate, vis Pompejum inimicum mihi isto versu esse factum; ut, si versus mihi nocuerit, ab eo, quem is versus offenderit, videatur mihi perniciosus esse quæsitæ; omisso, nihil istum versum pertinuisse ad illum; non fuisse meum, quem, quantum potuissim, multis sæpe orationibus, scriptisque decorassem, hunc uno violare versu; sed sit offensus: primo nonne compensabit cum uno versiculo tot mea volumina laudum suarum? quod si est commotus; ad perniciemne non dicam amicissimi, non ita de sua laude meriti, non ita de republ., non consularis, non senatoris, non civis, non liberi, in hominis caput ille tam crudelis propter versum fuisset? tu quidem, tu, apud quos, de quo dicas, intelligis? complecteris amplissimos viros ad tuum, & Gabinii scelus; neque id occulte: nam paulo ante dixisti, me cum ii configere, quos despicerem, non attingere eos, qui plus possent, quibus iratus esse deberem; quorum quidem (quis enim non intelligit, quos dicas?) quamquam non est una causa omnium, tamen est omnium mihi probata; me Cn. Pompejus: multis obsistentibus ejus erga me studio, atque amoris, semper dilexit, semper sua conjunctione dignissimum judicavit, semper non modo incolu- mem, sed etiam amplissimum, atque ornatissimum voluit esse; vestræ fraudes, vestrum scelus, vestræ criminationes insidiarum mearum, illius periculorum, nefarie fitear; simul eorum, qui, familiaritatis licentia, suorum improbißimorum sermonum domicilium in auribus ejus impulsu vestro collocaverunt, vestræ cupiditates provinciarum effecerunt, ut ego excluderem, omnesque, qui me, qui illius gloriam, qui remp. salvam esse cupiebant, sermone, atque aditu prohiberentur; quibus rebus est perfectum, ut illi plane suo stare judicio non liceret, eum certi homines non studium ejus a me alienassent, sed auxilium retardassent. Nonne ad te L. Lentulus, qui tum erat prætor, non Q. Sanga, non L. Torquatus pater, non M. Lucullus venit? qui omnes ad eum, multique mortales, oratum in Albanum, obsecratumque venerant, ne meas fortunas defereret, cum reipub. salute conjunctas? quos ille ad te, & ad tuum collegam remisit, ut causam publicam susciperetis, ut ad senatum referretis; se contra armatum tribunum pl. sine consilio publico decertare nolle; consulibus ex S. C. rempubl. defendentibus, se arma suscepturum. Ecquid infelix recordaris, quid responderis? in quo illi omnes quidem, sed Torquatus præter cæteros furebat contumacia responsi tui: te non esse tam fortem, quam ipse Torquatus in consulatione fuisset, aut ego: nihil opus esse armis, nihil con-

gentione: me posse iterum tempus servare, si cessidem; infinitam eadem fore, si restitisssem; deinde ad extremum, neque se, neque generum, neque collegam suum tribunum pl. defuturum. Hic tu, hostis, ac proditor aliis me inimiciorem, quam tibi, debere esse dicis? ego C. Cæsarem non eadem de rep. sensisse, quæ me, scio, sed tamen, quod jam de eo, his audientibus sæpe dixi, me ille sui totius consulatus, eorumque honorum, quos cum proximis communicavit, socium esse voluit, detulit, invitavit, rogavit; non sum ego propter nimiam fortasse constantiæ cupiditatem adductus ad causam: non postulabam, ut ei carissimus essem, cujus ego ne beneficiis quidem sententiam meam tradidisssem; adducta res in certamen te consule putabatur, utrum, quæ superiore anno ille gessisset, manerent, an rescinderentur; quid loquar plura? si tantum ille in me esse uno roboris, & virtutis putavit, ut ea, quæ ipsa gesserat, conciderent, si ego restitisssem: cur ei non ignoscam, si anteposuit suam salutem meæ, sed præterita omitto; me ut Cn. Pompejus omnibus suis studiis, laboribus, vitæ periculis complexus est, cum municipia pro me adiret, Italiæ fidem imploraret, P. Lentulo consuli, auctori salutis meæ, frequens affideret, sematui sententiam præstaret, in concionibus non modo se defensorem salutis meæ, sed etiam supplicem pro me profiteretur: hujus voluntatis eum, quem multum posse intelligebat, nihil non inimicum esse cognorat, socium sibi, & adiutorem C. Cæsarem adjunxit. Jam vides, me tibi non inimicum, sed hostem, illis, quos describis, non modo non iratum, sed etiam amicum esse debere, quarum alter, id quod meminero semper, æque mihi fuit amicus, ac sibi; alter, id quod obliviscar aliquando, sibi amicius, quam mihi; deinde hoc ita fit, ut viri fortes, etiamsi ferro inter se cominus decertarint, tamen illud contentionis odium simul cum ipsa pugna, armisque ponant; atque me ille odisse nunquam potuit, ne tum quidem, cum diffidebamus: habet hoc virtus, quam tu ne de facie quidem nosti, ut viros fortes species ejus, & pulchritudo etiam in hoste posita delectat. Equidem dicam ex animo, P. C., quod sentio, & quod, vobis audientibus, sæpe jam dixi, si mihi nunquam amicus C. Cæsar fuisset, sed semper iratus; si aspernaretur amicitiam meam, seque mihi implicabilem, inexpiabilemque præberet; tamen ei, cum tantas res gessisset, gereretque quotidie, non amicus esse non possem; cujus ego imperio non Alpium vallum contra adscensum, transgressum nemque Gallorum, non Rheni fossam, gurgilibus illis redundantem, Germanorum immanissimis gentibus obijcio, & oppono; perfecit ille, ut, si montes resedissent, amnes exaruiscent, non naturæ præsidio, sed victoria sua, rebusque gestis Italiam munitam haberemus; sed cum me expetat, diligat, omni laude dignum putet; tu me a tuis inimicitias ad similitudinem revocabis? sic tuis sceleribus seip. præterita fata refricabis; quod quidem tu, qui bo-



ne nosse conjunctionem meam, & Caesaris, eludebas, cum a me, trementibus omnino labris, sed tamen, cur tibi nomen non deferrem, requirebas; quamquam, quod ad me attinet, nunquam istam immensam curam inficiando tibi: tamen est mihi considerandum, quantum illi tantis reip. negotiis, tantoque bello impedito, ego homo amicissimus, sollicitudinis, atque oneris imponam; nec despero tamen, quamquam languet juvenus, ne perinde, atque debeat, in laudis, & gloriæ cupiditate versari, futuros aliquos, qui abjectum hoc cadaver consularibus spoliis nudare non nolint, præsertim tam afflicto, tam infirmo, tam enervato reo: qui te ita gesseris, ut timeres, ne indignus beneficio videreris, nisi ejus, a quo missus eras, similis extitisses. An vero tu parum putas investigatas esse a nobis labes imperii tui, stragesque provinciarum? quas quidem nos, non vestigiis adorantes ingressus tuos, sed totis volutationibus corporis, & cubilibus persecuti sumus. Notata a nobis sunt & prima illa scelera in adventu, cum accepta pecunia a Dyrrhachinis ob necem hospitis tui Platoris, ejus ipsius domum evernisti, cujus sanguinem addixeras; eumque, servis symphracis, & aliis muneribus acceptis, timentem, & multum subitantem confirmasti, & Thessalonicam fide tua venire iussisti; quem ne majorum quidem more supplicio afflicti, cum miser ille securibus hospitis tui cervices subicere gestiret: sed ei medico, quem tecum eduxeras, imperavisti, ut venas hominis incideret; tum quidem tibi etiam accessio fuit ad necem Platoris Pleuratus, ejus comes, quem necasti verberibus, summa senectute confectum. Idemque tu Rabocentum, Bessicarum gentis principem, cum tu trecentis talentis regi Cotto vendidisses, securi percussisti; cum ille ad te legatus in castra venisset, & tibi magna præsidia, & auxilia a Bessis peditum, equitumque polliceretur: neque eum solum, sed etiam cæteros legatos, qui simul venerant; quorum omnium capita regi Cotto vendidisti. Densaleti, quæ natio semper obediens huic imperio, etiam in illa omnium barbarorum defectione, Macedonica C. Sextum prætorem tutata est, nefarium bellum, & crudele intulisti: eisque cum fidelissimis sociis uti posses, hostibus uti acerrimis maluisti; ita perpetuos defensores Macedoniarum, vexatores, ac perditores efficisti; vestigialia nostra perturbavimus; urbes ceperunt; vastarunt agros; socios nostros in servitutem abduxerunt; familias arriperunt; pecus abegerunt; Thessalonicenses, cum oppido desperassent, munire arcem coegerunt. A te Jovis Velsuri sanum antiquissimum barbarorum, sanctissimum, quæ direptum est. Tu scelera dii immortales in nostros militum expiaverunt: qui cum uno genere morbi affigerentur, neque se recreare quisquam posset, qui semel incidi flet: dubitabat nemo, quin violati hospites, legati necati, pacati, atque socii nefario bello lacerati, sana vexata hanc tantam efficerent vastitatem. Cognoscis ex parvula parva scelerum, & crudelitatis tuæ genus universum.

sum. Quid avaritiæ, quæ criminibus infinitis implicata est, summam nunc explicem? generatim ea, quæ maxime nota sunt, dicam. Nonne sestertium centies, & octogies, quod, quasi vasarii nomine, in venditione mei capitis adscripseras, ex arario tibi attributum, Romæ in quaestu relinquisti? Nonne, cum CC. talenta tibi Apolloniata Romæ dedissent, ac pecunias creditas solverent, ultro Fusidium, equitem R. hominem ornatissimum, creditorem debitoribus suis addixisti? Nonne, hibernæ cum legato, præfectoque tradidisses, evertisti miseras funditus civitates? quæ non solum bonis sunt exhaustæ, sed etiam nefarias libidinum contumelias, turpitudinæque subierunt. Qui modus tibi fuit frumenti æstimandi, qui honorarii? si quidem potest, v, & metu extortum, honorarium nominari; quod cum peræque omnes, tum acerbissime Bœotii, & Byzantii, Cherronenses, Thessalonica sensit; unus tu dominus, unus æstimator, unus venditor tota in provincia per triennium frumenti omnis fuisti. Quod ego rerum capitalium quæstiones, reorum passionem, redemptiones, acerbissimas damnationes, libidinosissimas liberationes proferam? tantum locum aliquem cum mihi notum fenseris, tecum ipse licebit, quot in eo genere, & quanta sint crimina, recordere. Quid? illam armorum officinam æquid recordaris, cum, omni totius provinciæ pecore compulso, pellium nomine omnem quaestum illum domesticum, paternumque renovasti? videras enim grandis jam puer bello Italico repleri quaestu vestram domum, cum pater armis faciendis tuus præfuisset. Quid? vestigalem provinciam, singulis rebus, quæcumque venirent, certo portorio imposito, servis tuis publicanis a te factam esse meministi? Quid centuriatus palam vendit? Quid? per tuum servulum ordines assignatos? Quid? stipendium militibus per omnes annos a civitatibus, mensis palam propositis, esse numeratum? Quid illa in Pontum profectio, & conatus tuus? Quid debilitatio, atque abjectio animi tui, Macedonia prætoris nuntiata, cum tu, non soluta quod tibi succederetur, sed quod Gabinio non succederetur, exsanguis, & mortuus concidisti? Quid quaestor ædilitius reiectus, præpositus legatorum tuorum turpissimus, optimus ads te quisque violatus? tribuni m. itum non recepti? M. Bæbius, vir fortis, interfectus iussu tuo? Quid, quod tu toties, diffidens, ac desperans rebus tuis, in sordibus, lamentis, luctuque jacuisti? quod populari illi sacerdoti sexcertos ad bestias amicos, sociosque misisti? Quid, quod, cum sustentare vix posses mororem tuum, doloremque decessionis, Samothraciam te primum, inde Tharsum cum tuis teneris saltatoribus, & cum Anobulo, Athamante, & Timocle, formosis fratribus, contulisti? Quid, cum inde te recipiens, in villa Euchadiæ, quæ fuit uxor Exegisti, jacuisti moriens aliquot dies, atque inde obsoletus Thessaloniam, omnibus inscientibus, noctuque venisti? qui cum concursum plorantium, ac tempestatem querelarum ferre non posses, in oppidum de-

vium Beroeam perfugisti: quoniam oppido cum tibi spe falsa, quod Q. Ancharium non esse successurum putares, animos rumor inflasset, quo te modo ad tuam intemperantiam, scelerate, innovasti? Mitto aurum coronarium, quod te diutissime torfit, cum modo velles, modo nolles; lex enim generi tui & decerni, & accipere vetabat, nisi decreto triumpho; in quo tu, accepta tamen, & devorata pecunia Uinachorum, centum talenta evomere non poteras, vocabula tantum pecuniarum, & genera mutabas. Mitto diplomata tota in provinciam passim data; mitto numerum navium, summamque prædæ; mitto rationem exacti, imperatque frumenti: mitto ereptam libertatem populis, ac singulis, qui erant affecti præmiis nominatim: quorum nihil est, quod non sit lege Julia, ne fieri liceat, sanctum diligenter. Ætoliæ, quæ procul a barbaris disjuncta gentibus, in sinu pacis posita, medio fere Græciæ gremio continetur, o pœna, o furia sociorum, decedens miseram perdidisti. Arsinœam, Stratum, Naupactum, ut modo tute indicasti, nobiles urbes, atque plenas, fateris ab hostibus esse captas: quibus autem hostibus? nempe iis, quos tu Ambraciæ sedens, primo tuo adventu ex oppidis Agrinæarum, atque Dolopum demigrare, & aras, & focos relinquere coegisti. Hoc tu in exitu, præclare imperator, cum tibi ad pristinas clades accessio fuisset Ætoliæ repentinus interitus, exercitum dimidisti: neque ullam pœnam, quæ tanto facinori deberetur, non maluisti subire, quam numerum tuorum militum, reliquiasque cognoscere. Atque ut duorum Epicureorum similitudinem in re militari, imperioque videatis: Albutius, cum in Sardinia triumphasset, Romæ damnatus est: hic, cum similem exitum expectaret, in Macedonia trophæa posuit; eaque, quæ bellicæ laudis, victoriæque omnes gentes insignia, & monumenta esse voluerunt, noster hic præposterus imperator amissorum oppidorum, cæsarum legionum, provinciarum præsidio, & reliquis militibus orbatæ, ad sempiternum dedecus sui generis, & nominis, indicia constituit. Idemque, ut esset quod in basi trophæorum inscribi, invidique posset, Dyrrhachium ut venit, decedens obsessus est ab iis ipsis militibus, quos paulo ante Torquato respondit, beneficii causa ab se esse dimissos; quibus cum juratus affirmasset, se, quæ deberentur, postero die persoluturum, domum se absidit: inde nocte intempesta, crepidatus, veste servili, navem contraxit, & cumque vitavit, & ultimas Adriæ maris græs petivit; cum interim Dyrrhachii milites domum, in qua istum esse arbitrabantur, obsidere cœperunt, & cum latere hominem putarent, ignes circumdederunt, quo metu commoti Dyrrhachini, profugisse noctu crepidatum imperatorem indicaverunt; illi autem, statuam istius persimilem, quam stare celeberrimo in loco voluerat, ut suavis hominis memoria moreretur, deturbant, affligunt, comminuunt, dissipant; sic odium, quod in ipsum attulerant, id in ejus imaginem, ac simulacrum profuderunt.

sunt. Quæ cum ita sint, non dubito, quia, cum hæc, quæ excellent, me posse videas, non existimes, meam illam partem, & turbam flagitiorum tuorum mihi esse inauditam. Nihil est, quod me horrere; nihil est, quod invites: admoneri me satis est; admonere autem nemo alius, nisi reip. tempus: quod mihi quidem magis videtur, quam tu unquam arbitratus es, appropinquare; quid vides, ecquid sentis, lege judiciaria lata, quos post hæc iudices simus habituri? non æque legetur, quisquis voluerit; nec, quisquis noluerit, non legetur; nulli con-  
 ficientur in illum ordinem, nulli eximeatur; non ambitio ad gratiam, non iniquitas ad simulationem connite-  
 tur; iudices judicabunt illi, quod lex ipsa, non quos hominum libido delegerit; quod cum ita sit, mihi crede, neminem invitus invitabis: res ipsa, & reip. tempus aut me ipsum, quod nolim, aut alium quempiam aut invitabit, aut dehortabitur. Equidem, ut paulo ante dixi, non eadem supplicia esse in hominibus existimo, quæ fortasse plerique, damnationes, expulsiones, necesse; denique nullam mihi poenam videtur habere id, quod accidere innocentem, quod forti, quod sapienti, quod bono viro, & civi potest; damnatio ista, quæ in te flagitatur, obtigit P. Rutilio, quod specimen habuit hæc civitas innocentiam: major mihi iudicium, & reip. poena illa visa est, quam Rutilii. L. Optimus ejectus est e patria, is qui prætor, & consul maximis reip. periculis liberarat: non in eo, cui facta est injuria, sed in iis, qui fecerunt, scelere, ac conscientie poena remansit; ac contra bis Catilina absolutus; emissus etiam ille auctor tuus provinciarum, cum stuprum Bonæ Deæ pulvinaribus intulisset: quis fuit in tanta civitate, qui illum incesto liberatum, non eos, qui ita judicaverunt, pari scelere adstrictos arbitraretur? An ego expectem, dum de te quinque, & septuaginta tabellæ diribeantur? de quo jampridem omnes mortales omnium generum, ætatum, ordinum judicaverunt; quis enim te aditu, quis ullo honore, quis denique communi salutatione dignum putes? omnes memoriam consulatus tui, tacta, mores, faciem denique, ac nomen a rep. detestantur; legati, qui una fuere, alienati: tribuni militum inimici; centuriones, & si qui ex tanto exercitu reliqui milites existunt, non dimissi abs te, sed dissipati te oderunt, sibi pestem exoptant, te execrantur. Achaja exhausta, Thessalia vexata; laceratæ Athenæ, Dyrrhachium, & Apollonia exinanita, Ambracia direpta, Parthini, & Bullienses illusi, Epirus excisa, Locri, Phocii, Bæotii exhausti, Acarnania, Amphilochia, Perrhæbia, Athamanumque gens vendita, Macedonia condonata barbaris, Ætolia amissa; Dolopes, finitimique montani oppidis, atque agris exterminati, cives R. qui in iis locis negotiantur, te unum, solum, suum depeculatorum, vexatorem, prædonem, hostem venisse senserunt; ad horum omnium iudicia tot, atque tanta domesticum iudicium accessit sententia damnationis tuæ, occultus adventus, fur-

tivum iter per Italiam, introitus in urbem desertus ab amicis, nullæ ad senatum e provincia litteræ, nulla ex trinis æstivis gratulatio, nulla triumphi mentio: non modo, quid gesseris, sed ne quibus in lotis quidem fueris, dicere audes. Ex illo fonte, & seminario triumphorum cum arida folia læuræ retulisses, cum ea abjecta ad portam reliquisti, tum tu ipse de te, Fecisse videri, pronuntiasti; qui si nihil gesseras dignum honore, ubi exercitus? ubi sumptus? ubi imperium? ubi illa uberrima supplicationibus, triumphisque provincia? sin autem aliquid sperare volueras; si cogitaras id, quod imperatoris nomen, quod laureati fasces, quod illa trophæa, plena dedecoris, & risus, te commentatum esse declarant; quis te miserior, quis te damnatior, qui neque scribere ad senatum, a te bene remp. esse gestam, neque præsens dicere ausus es? An tu mihi, cui semper ita persuasum fuerit, non eventis, sed factis cuiusque fortunam ponderari, neque in tabellis paucorum iudicium, sed in sententiis omnium civium famam nostram, fortunamque pendere, te indemnatum videri putas? quem focii, quem fœderati, quem liberi populi, quem stipendiarii, quem negotiatores, quem publicani, quem universa civitas, quem legati, quem tribuni militares, quem reliqui milites, qui ferrum, qui famem, qui mortem effugerunt, omni cruciatu dignissimum putant: cui non apud Senatum, non apud ullum ordinem, non apud equites R., non in urbe, non in Italia maximorum scelerum venia ulla ad ignoscendum dari possit: qui se ipsum oderit: qui metuat omnes: qui suam causam nemini committere audeat: qui se ipsum condemnet. Nunquam ego sanguinem expetivi tuum, nunquam illud extremum, quod posset esse improbis, & probis commune supplicium legis, ac iudicii: sed abjectum, contemptum, despectum a cæteris, a te ipso desperatum, & relictum, circumspectantem omnia, quidquid increpuiisset, pertimescentem, diffidentem tuis rebus, sine voce, sine libertate, sine auctoritate, sine ulla specie consulari, horrentem, tremantem, adulantem omnibus, videre te volui; vidi; quare, si tibi evenerit, quod metuis, ne accidat; equidem non moleste feram; sin id tardius forte fiet; fruar tamen tua indignitate; nec minus libenter metuentem videbo, ne reus fias, quam reum; nec minus lætabor, cum te semper sordidum; quam si paulisper sordidatum viderem.

## M. TULLII CICERONIS

## O R A T I O

## PRO T. ANNIO MILONE.

## A R G U M E N T U M.

*Questio : An Clodius jure a Milone cæsus sit : Accusatores, Appius Major, M. Antonius, & P. Valerius Nepos : Reus, T. Annius Milo : Patronus Milonis, C. Cero. Acta est in foro ( ubi Pompejus cœs. disposuit milites, ipse eum præsidia id ærarium prædens ) anno U. C. 702. Milo actus in exilium, præbuitque causam damnationi ipse sue, qui huic de se judicio magno animo affuit, & nec comam, nec vestem reorum more mutavit.*

**E**T SI vereor, judices, ne turpe sit, pro fortissimo viro dicere incipientem, timere; minimeque deceat, cum T. Annius Milo ipse magis de reipubl. salute, quam de sua perturbaret, me ad ejus causam parem animi magnitudinem afferre non posse: tamen hæc novi judicii nova forma terret oculos, qui, quosunque inciderint, veterem consuetudinem fori, & pristinum morem judiciorum requirunt; non enim corona confessus vester cinctus est, ut solebat; non usitata frequentia stipati sumus; nam illa præsidia, quæ pro templis omnibus cernitis, etsi contra vim collocata sunt, non afferunt tamen oratori aliquid, ut in foro, & in judicio, quamquam prædiis salutaribus; & necessariis septi sumus, tamen ne non timere quidem sine aliquo timore possimus: quæ si opposita Miloni putarem, cederem tempori, judices, nec inter tantam vim armorum existimarem oratori locum esse; sed me recreat, & reficit Cn. Pompeji sapientissimi, & justissimi viri consilium; qui profecto nec justitiæ sum putaret esse, quem reum sententiis judicium tradidisset, eundem velis militum dedere; nec sapientiæ, temeritate concitate multitudinis auctoritate publica armare; quamobrem illa arma, centuriones, cohortes non periculum nobis, sed præsidium denunciant; neque solum ut quieto, sed etiam ut magno animo simus, hortantur; ac quæ auxilium modo defensionis meæ, verum etiam silentium pollicentur; reliqua vero multitudo, quæ quidem est civium, tota nostra est: neque eorum quisquam, quos undique intuentes ex hoc ipso loco cernitis, unde aliqua pars fori adspici potest, & hujus exitum judicii expectantes, non tum virtuti Milonis favet, tum de se, de liberis suis, de patria, de fortunis hodierno die decertari putat. Unum genus est adversum, infestumque nobis, eorum, quos P. Clodii furor rapinis, & incendiis, & omnibus exitiis publicis pavit; qui hesternæ etiam concione incitati sunt.

ti sunt, ut vobis voce præirent, quid judicaretis; quorum clamor, si quis forte fuerit, admonere vos debeat, ut cum civem retineatis, qui semper genus illud hominum, clamoresque maximos pro vestra salute neglexit. Quamobrem adesse animis, iudices, & timore, si quem habetis, deponite; nam si unquam de bonis, & fortibus viris, si unquam de bene meritis civibus potestas vobis iudicandi fuit; si denique unquam locus amplissimorum ordinum delectis viris datus est, ubi sua studia erga fortes, & bonos cives, quæ vultu, & verbis sæpe significassent, re, & sententiis declararent; hoc profecto tempore eam potestatem omnes vos habetis, ut statuatis, utrum nos, qui semper vestræ auctoritati dediti fuimus, semper miseri iugeamus; an, diu vexati a perditissimis civibus, aliquando per vos, ac vestram fidem, virtutem, sapientiamque recreemur. Quid enim nobis duobus, iudices, laboriosius? quid magis sollicitum, magis exercitum dici, aut fingi potest? qui spe amplissimorum præmiorum ad remp. adducti, metu crudelissimorum exitiorum carere non possumus; equidem cæteras tempestates, & procellas in illis dumtaxat fluctibus concionum semper putavi Miloni esse subeundas, quod semper pro bonis contra improbos senserat; in iudicio vero, & in eo consilio, in quo ex cunctis ordinibus amplissimi viri iudicarent, nunquam existimavi, spem ullam esse habituros Milonis inimicos ad ejus non salutem modo extinguendam, sed etiam gloriam per tales viros infringendam. Quamquam in hac causa, iudices, T. Annii tribunatu, rebus omnibus pro salute reip. gestis, ad hujus criminis defensionem non abutemur, nisi oculis videritis insidias Miloni a Clodio factas: nec deprecaturis sumus, ut crimen hoc nobis multa propter præclara in remp. merita condonetis: nec postulaturi, ut, si mors P. Clodii salus vestra fuerit, idcirco eam virtuti Milonis potius, quam populi R. felicitati assignetis: sed si illius insidiæ clariore hac luce fuerint, tum denique obsecrabo, obtestaborque vos, iudices, si cætera amisimus, hos saltem nobis ut relinquantur, ab inimicorum audacia, telisque vitam ut impune liceat defendere. Sed, antequam ad eam orationem venio, quæ est propria nostræ quæstionis, videntur ea esse refutanda, quæ in senatu sæpe ab inimicis, ab improbis sæpe facta sunt, & in concione etiam paulo ante ab accusatoribus: ut omni errore sublato, rem plane, quæ venit in iudicium, videre possitis. Negant intueri lucem fas esse ei, qui a se hominem occisum esse fateatur. In qua tandem urbe hoc homines stultissimi disputant? nempe in ea, quæ primum iudicium de capite vidit M. Horatii, fortissimi viri, qui nondum libera civitate, tamen populi R. comitiis liberatus est, cum sua manu sororem interfecit esse fateretur; an est quisquam, qui hoc ignoret, cum de homine occiso quæretur, aut negari solere omnino esse factum, aut, recte, ac jure factum esse, defendi? nisi vero existimatis dementem P. Africanum fuisse; qui cum a C. Carbone tribuno

pl. in concione deditiose interrogaretur, quid de Ti. Gracchi morte sentiret, respondit, jure casum videri; neque enim posset aut Ahala ille Servilius, aut P. Nasica, aut L. Opimius, aut C. Marius, aut me consule senatus non nefarius haberi, si sceleratos cives interfici nefas esset; itaque hoc, judices, non sine causa fictis fabulis doctissimi homines memorie prodiderunt, cum, qui patris ulciscendi causam matrem necavisset, variatis hominum sententiis, non solum humana, sed etiam deæ sapientissimæ sententia liberatum; quod si duodecim tabulæ nocturnum furem quoquo modo, diurnum autem, si se telo defenderit, interfici impune voluerunt; quis est, qui, quoquo modo quis interfectus sit, puniendum putet, cum videat aliquando gladium nobis ad occidendum hominem ab ipsis porrigi legibus? Atqui si tempus est ullum jure hominis necandi, quæ multa sunt, certe illud est non modo justum, verum etiam necessarium, cui vi vis illata defenditur. Pudicitiam cum eriperet militi tribunus mil. in exercitu C. Marij, propinquus ejus imperatoris, interfectus ab eo est, cum vim asserebat: facerem enim probus adolescens periculose, quam perpeti turpiter, maluit; atque hunc ille vir summus, scelere solum, periculo liberavit. Insidiatori vero, & latroni quæ potest affarri injusta nex? quid comitatus nostri, quid gladii volunt? quos habere certe non liceret, si uti illis nullo pacto liceret; est enim hæc, judices, non scripta, sed nata lex, quam non didicimus, accepimus, legimus, verum ex natura ipsa arripuimus, hausimus, expressimus, ad quam non docti, sed facti, non instituti, sed imbuti sumus; ut, si vita nostra in aliquas insidias, si in vim, si in tela aut latronum, aut inimicorum incidisset, omnis honesta ratio esset expediendæ salutis; silent enim leges inter arma, nec se expectari jubent, cum ei, qui expectare velit, ante injusta pœna luenda sit, quam justa repetenda; et si persapienter, & quodam modo tacite dat ipsa lex potestatem defendendi: quæ non modo hominem occidi, sed esse cum telo hominis occidendi causa vetat: ut, cum causa, non telum quæreretur, qui sui defendendi causa telo esset usus, non hominis occidendi causa habuisse telum judicaretur. Quapropter hæc maneat in causa, judices; non enim dubito, quin probaturus sim vobis defensionem meam, si id memineritis, quod oblivisci non potestis, insidiatorem jure interfici posse. Sequitur illud, quod a Milonis inimicis sæpissime dicitur, eadem, qua P. Clodius occisus est, senatum judicasse contra remp. esse factam. Illam vero senatus non sententiis suis solum, sed etiam studiis comprobavit; quoties enim est illa causa a nobis acta in senatu? quibus assensionibus universi ordinis? quam nec tacitis, nec occulti? quando enim frequentissimo senatu quatuor, ad summum quinque sunt inventi, qui Milonis causam non probarent? declarant hujus ambusti tribuni pleb. illæ intermortuæ conciones, quibus quotidie meam potentiam invidiose criminabatur, cum diceret; senatum,



natum, non quod sentiret, sed quod ego vellem, decernere; quæ quidem si potentia est appellanda potius, quam propter magna in rempubl. merita mediocris in bonis causis auctoritas, aut propter officiosos labores meos nonnulla apud bonos gratia; appelletur ita sane, dummodo ea nos utamur, pro salute bonorum contra amentiam perditorum. Hanc vero quæstionem, etsi non est iniqua, nunquam tamen senatus constituendam putavit; erant enim leges, erant quæstiones vel de cæde, vel de vi, nec tantum moerorem, ac luctum senatui mors P. Clodii afferebat, ut nova quæstio constitueretur; cujus enim senatui de illo incesto stupro iudicium decernendi potestas esset erepta, de ejus interitu quis potest credere, senatum iudicium novum constituendum putasse? Cur igitur incendium curiæ, oppugnationem ædium M. Lepidi, cædem hanc ipsam contra remp. senatus factam esse decrevit? quia nulla vis unquam est in libera civitate suscepta inter cives non contra remp. Nonne im est ulla defensio contra vim unquam optanda, sed nonnunquam est necessaria; nisi vero aut ille dies, in quo Ti. Gracchus est cæsus; aut ille, quo C. Julius, aut quo arma Saturnini oppressa sunt, etiamsi e rep., remp. tamen non vulnerarunt. Itaque ego ipse decrevi, cum cædem in Appia factam esse constaret, non eum, qui se defendisset, contra remp. fecisse; sed cum inesset in re vis, & insidiæ, crimen iudicio reservavi, rem notavi; quod si per furiosum illum tribunum Senatui, quod sentiebat, perficere licuisset; novam quæstionem nunc nullam haberemus; decernebat enim, ut veteribus legibus tantummodo extra ordinem quæreretur; divisa sententia est, postulante nescio quo; nihil enim necesse est omnium flagitia proferre; sic reliqua auctoritas senatus emptæ intercessionis sublata est. At enim Cn. Pompejus rogatione sua & de re, & de causa iudicavit: tulit enim de cæde, quæ in Appia via facta esset, in qua P. Clodius occisus fuit; quid ergo tulit? nempe, ut quæreretur; quid porro quærendum est; factum ne sit? at constat; a quo? at patet; vide, etiam in confessione facti, juris tamen defensionem suscipi posse; quod nisi vidisset, posse absolvi eum, qui fateretur: cum videret nos fateri, neque quæri unquam iussisset, nec vobis tam salutarem hanc in iudicando litteram, quam illam tristem, dedisset; mihi vero Cn. Pompejus non modo nihil gravius contra Milonem iudicasse, sed etiam statuisse videtur, quid vos in iudicando spectare oporteret; nam qui non pœnam confessioni, sed defensionem dedit, is causam interitus quærendam, non interitum, putavit. Jam illud dicet ipse profecto, quod sua sponte fecit, Publio ne Clodio tribuendum putet, an temporis? domi suæ nobilissimus vir, senatus propugnator, atque illis quidem temporibus pœne patronus, avunculus huius nostri iudicis, fortissimi viri, M. Catonis, tribunus pleb. M. Drusus occisus est; nihil de ejus morte populus consultus, nulla quæstio decreta a senatu est. Quantum luctum in hac urbe fuisse a nostris patri-

patribus accepimus, cum P. Africano, domi suæ quiescenti, illa nocturna vis esset illata? quis tum non gemit? quis non arsit dolore? quem immortalem, si fieri posset, omnes esse cuperent, ejus ne necessariam quidem expectatam esse mortem? num igitur ulla questio de Africani morte lata est? certe nulla; quid ita? quia non alio facinore clari homines, alio obscuri necantur, interfit inter vitæ dignitatem summorum, atque infimorum: mors quidem illata per scelus iisdem poenis teneatur, & legibus; nisi forte magis erit parricida, si quis consularem patrem, quam si quis humilem necaverit: aut eo mors atrocior erit P. Clodii; quod is in monumentis majorum suorum sit interfestus; hoc enim sæpe ab istis dicitur: preinde quasi Appius ille Cæcus viam munierit, non qua populus uteretur, sed ubi impune sui posterum latrocinentur. Itaque in eadem ista Appia via cum ornatissimum equitum R. M. Papirium occidisset, non fuit illud facinus puniendum; homo enim nobilis in suis monumentis equitem R. occiderat; nunc ejusdem Appiæ nomen quantas tragedias excitat? quæ cruentata antea cæde honestis, atque innocentis viri fitebatur, eadem nunc crebro usurpatur, posteaquam latronis, & parricide sanguine imbuta est. Sed quid ego illa commemoro? comprehensus est in templo Castoris servus P. Clodii, quem ille ad Cn. Pompejum interficiendum collocarat; extorta est confitenti sica de manibus, caruit foro postea Pompejus, caruit senatu, caruit publico: janua se, ac parietibus, non jure legum, judiciorumque textit; num quæ rogatio lata? num quæ nova questio decreta est? atqui si res, si v. r., si tempus ullum dignum fuit, certe hæc in illa causa summa omnia fuerunt; insidiator erat in foro collocatus, atque in vestibulo ipso senatus: ei viro autem mors parabatur, cujus in vita nitebatur salus civitatis: eo porro reipubl. tempore, quo si unus ille occidisset, non hæc solum civitatis, sed gentes omnes concidissent; nisi forte, quia perfecta res non est, non fuit punienda; perinde quasi exitus rerum, non hominum consilia, legibus vindicentur; minus dolendum fuit re non perfecta, sed puniendum certe nihilominus. Quoties ipse, judices, ex P. Clodii telis, & ex cruentis ejus manibus effugit ex quibus si me non mea, vel reip. fortuna servasset; quis tandem de interitu meo questionem tulisset? Sed stulti sumus, qui Drusum, qui Africanum, Pompejum, nosmetipsos cum P. Clodio conferre audeamus; tolerabilia fuerunt illa: P. Clodii mortem æquo animo nemo ferre potest; luget senatus; moeret equester ordo; tota civitas confecta senio est; squalent municipia; affliguntur colonie; agri denique ipsi tam beneficium, tam salutarem, tam manifestum civem desiderant. Non fuit ea causa, Judices, non fuit, cur sibi censeret Pompejus questionem fereandam: sed homo sapiens, & alta quadam mente præditus multa vidit; fuisse sibi illum inimicum, familiarem Milonem; in communi omnium læticia, si etiam

etiam ipse gauderet, timuit, ne videretur infirmior fides reconciliatæ gratiæ; multa etiam alia vidit, sed illud maxime, quamvis atrociter ipse tulisset, vos tamen fortiter iudicaturos; itaque delegit e florentissimis ordinibus ipsa lumina: neque vero, quod nonnulli dictitant, secrevit in iudicibus legendis amicos meos; neque enim hoc cogitavit vir iustissimus, neque in bonis viris legendis id assequi potuisset, etiam si eupisset; non enim mea gratia familiaritatibus continetur, quæ late patere non possunt; propterea quod consuetudines victus non possunt esse cum multis: sed, si quid possumus, ex eo possumus, quod resp. nos conjunxit cum multis, ex quibus ille cum optimos viros legeret, idque maxime ad fidem suam pertinere arbitraretur, non potuit legere non studiosos mei; quod vero te, L. Domiti, huic quæstioni præesse maxime voluit, nihil quæsit aliud, nisi iustitiam, gravitatem, humanitatem, fidem: tulit, ut consularem necesse esset; credo, quod principum munus esse ducebat, resistere & levitati multitudinis, & perditorum temeritati: & consularibus te creavit potissimum; dederas enim, quam contemneres populares insanias, jam ab adolescentia documenta maxima. Quamobrem, iudices, ut aliquando ad causam, crimenque veniamus, si neque omnis confessio facti est inusitata, neque de causa quidquam nostra aliter, ac nos vellemus, a senatu iudicatum est, & lator ipse legis, cum esset controversia nulla facti, juris tamen disceptationem esse voluit, & electi iudices, & isti præpositus quæstioni, qui hæc iuste, sapienterque disceptet: reliquum est, iudices, ut nihil jam aliud querere debeatis, nisi uter utri insidias facerit; quod quo facilius argumentis perspicere possitis, rem gestam vobis dum breviter expono, quæso diligenter attendite. P. Clodius cum statuisset omni scelere in prætura vexare remp., videretque ita tracta esse comitia anno superiore, ut non multos menses præturam gerere posset, qui non honoris gradum spectare, ut cæteri, sed & L. Paulum collegam effugere vellet singulari virtute civem, & annum integrum ad dilacerandam rempubl. quæreretur, subito reliquit annum suum, seque in annum proximum transtulit, non religione aliqua, sed ut haberet, quod ipse dicebat, ad præturam gerendam, hoc est ad evertendam rempubl. plenum annum, atque integrum; occurrebat mancam, ac debilem præturam suam futuram, consule Milone: eum porro summo consensu populi Rom. consulem fieri videbat: contulit se ad ejus competitores, sed ita, totam ut petitionem ipse solus, etiam invitis illis gubernarent, tota ut comitia suis, ut dictitabat, humeris sustineret: convocabat tribus: se interponebat; coloniam novam, deletum perditissimorum scribebat civium; quanto ille plura miscebat, tanto hic magis in dies convalescebat; ubi vidit homo ad omne facinus paratissimus fortissimum virum, inimicissimum suum, certissimum consulem, idque intellexit non solum sermonibus, sed etiam suffragiis populi

puli R. sæpe esse declaratum: palam agere cepit, & aperte dicere, occidendum Milonem: servos agresiles, & barbaros, quibus silvas publicas depopulatus erat, Hetruriamque vexarat, ex Apenino deduxerat, quos videbatis; res erat minime obscura: etenim palam dictitabat, consulatum Miloni eripi non posse, vitam posse; significavit hoc sæpe in senatu, dixit in concione; quin etiam Favonio, fortissimo viro, quærenti ex eo, qua spe fureret, Milone vivo, respondit, triduo illum, ad summum quatri-duo pertitutum; quam vocem ejus ad hunc M. Catonem statim Favonius detulit; interim cum sciret Clodius (neque enim erat difficile scire) iter solemne, legitimum, necessarium, ante diem XIII. Kal. Febr. Miloni esse Lanuvium ad flaminem prodendum, quod erat dictator Lanuvii Milo; Roma subito ipse profectus pridie est, ut ante suum fundum, quod re intellectum est, Miloni insidias collocaret: atque ita profectus est, ut concionem turbulentam, in qua ejus furor desideratus est, quam illo ipso die habita est, relinqueret; quam, nisi obire facinoris locum, tempusque voluisset, nunquam reliquisset. Milo autem, cum in senatu fuisset eo die, quoad senatus dimissus est, domum venit: calceos, & vestimenta mutavit: paulisper, dum se uxor, ut sit, comparat, commoratus est: deinde profectus est id temporis, cum jam Clodius, siquidem eo diem Romam venturus erat, redire potuisset; obviam sit ei Clodius expeditus in equo, nulla rheda, nullis impedimentis, nullis Græcis comitibus, ut solebat, sine uxore, quod nunquam fere: cum hic insidiator, qui iter illud ad eandem faciendam apparasset, cum uxore veheretur in rheda, penulatus, vulgi magno impedimento, ac muliebri, & delicato ancillarum, puero-rumque comitatu. Fit obviam Clodio ante fundum ejus hora fere undecima, aut non multo secus; statim complures cum telis in hunc faciunt de loco superiore impetum, adversi rhedarum occidunt; cum autem hic de rheda, rejecta penula, desiluisse, seque acri animo defenderet; illi, qui erant cum Clodio, gladiis eductis partim recurrere ad rhedam, ut a tergo Milonem adorirentur; partim, quod hunc jam interfectum putarent, cadere incipiunt ejus servos, qui post erant; ex quibus qui animo fideli in dominum erant, & præsentibus fuerunt, partim occisi sunt, partim, cum ad rhedam pugnari viderent, & domino succurere prohiberentur, Milonemque occisum etiam ex ipso Clodio audirent, & ita esse putarunt id servi Milonis (dicam enim non derivandi criminis causa, sed ut factum est) neque imperante, neque sciente, neque præ-sente domino, quod suos quisque servos in tali re facere voluisset. Hæc sicut exposui, ita gesta sunt, judices; insidiator superatus; vi victa vis, vel potius oppressa virtute audacia est; nihil dico, quid resp. consecuta sit; nihil, quid vos; nihil, quid optes boni: nihil sane id pro-sit Miloni, qui hoc fato natus est, ut ne se quidem servare potuerit, quin una rempubl. vosque servaret; si id jure

non posset, nihil habeo, quod defendam: sin hoc & ratio doctis, & necessitas barbaris, & mos gentibus, & feris natura ipsa præscripsit, ut omnem semper vim, quacumque ope possent, a corpore, a capite, a vita sua propulsarent: non potestis hoc facinus improbum judicare quin simul judicetis, omnibus, qui in latrones inciderint, aut illorum telis, aut vestris sententiis esse pereundum; quod si ita putasset, certe optabilius Miloni fuit dare jugulum P. Clodio, non semel ab illo, neque tum primum petitum, quam jugulari a vobis, quia se illi non jugulandum tradidisset; sin hoc nemo vestrum ita sentit: illud jam in judicium venit, non occisus ne sit, quod fatemur: sed jure, an injuria; quod multis antea in causis jam quæsitum est; insidias factas esse constet; & id est, quod senatus contra rempubl. factum judicavit: ab utro factæ sint, incertum est: de hoc igitur latum est, ut quæreretur; ita & senatus rem, non hominem, notavit: & Pompejus de jure, non de facto quæstionem tulit; numquid igitur aliud in judicium venit, nisi uter utri insidias fecerit? profecto nihil: si hic illi, ut ne sit impune; si ille huic, tum nos scelere solvamus. Quoniam igitur pacto probari potest, insidias Miloni fecisse Clodium? satis est quidem in illam tam audaci, tam nefaria bellua docere, magnam ei causam, magnam spem in Milonis morte propositam magnas utilitates fuisse; itaque illud Cassianum, Cui bono fuerit, in his personis valeat: etsi boni nullo emolumento impelluntur in fraudem, improbi sæpe parvo; atqui, Milone interfecto, Clodius hoc assequabatur, non modo ut prætor esset non eo consule, quo sceleris nihil facere posset; sed etiam ut iis consulibus prætor esset, quibus si non adjuvantibus, at conniventibus certe sperasset, se posse rempubl. eludere in illis suis cogitatis furoribus, cujus illi conatus, ut ille ratiocinabatur, nec si cuperent, reprimere possent, cum tantum beneficium ei se debere arbitrarentur, & si vel. lent, fortasse vix possent frangere hominis sceleratissimi corroboratam jam vetustate audaciam. An vero, judices, vos soli ignoratis, vos hospites in hac urbe versamini, vestræ peregrinantur aures, neque in hoc pervagato civitatis sermone versantur, quas ille leges (si leges nominandæ sunt, ac non facès urb. s, & pestes reipubl.) fuerit imposturus nobis omnibus, atque inustus? Exhibe, quæso, Sexte Clodi, exhibe librarium illud legum vestrarum, quod te ajunt eripuisse e domo, & ex mediis armis, turbaque nocturna, tamquam Palladium sustulisse, ut præclarum inde munus, ac instrumentum tribunatus ad aliquem, si nactus esses, qui tuo arbitrio tribunatum gegeret, deferre posses; & adspexit me quidem illis oculis, quibus tum solebat, cum omnia omnibus minabatur; movet me quippe lumen curiæ; quid? tu me iratum, Sexte, putas tibi? cujus tu inimicissimum multo crudelius etiam punitus es, quam erat humanitatis meæ postulare: tu P. Clodii cruentum cadaver ejecisti domo, tu in publicum ejecisti, tu spoliatum imaginibus, exequiis, pompa, laudatione,

tionē, infelicissimis lignis semiustulatum, nocturnis canibus dilaniandum reliquisti ; quam rem etsi necessario fecisti ; tamen, quoniam in meo inimico crudelitatem exprompisti tuam, laudare non possum, irasci certe non debeo. P. Clodii præturam non sine maximo rerum novarum metu proponi solitam esse videbatis, nisi esset is consul, qui eam auderet, possetque confringere ; eum Milonem esse cum sentiret universus populus R., quis dubitaret suffragio suo se metu, periculo rempubl. liberare ? at non, P. Clodio mortuo, usitatis jam rebus obtinendum est Miloni, ut tueatur dignitatem suam ; singularis illa huic uni concessa gloria ; quæ quotidie augebatur frangendis furoribus Clodianis, jam morte Clodii cecidit ; vos adepti estis, ne quem civem metueretis : hic exercitationem virtutis, suffragationem consulatus, fontem perennem gloriæ sum perdidit ; itaque Milonis consulatus, qui vivo Clodio labefactari non poterat, mortuo denique tentari coëptus est ; non modo igitur nihil prodest, sed obest etiam P. Clodii mors Miloni. At valuit odium, fecit iratus, fecit inimicus, fecit ultor injuriæ, punitor doloris sui. Quid, si hæc, non dico majora fuerunt in Clodio, quam in Milone, sed in illo maxima, nulla in hoc ? quid vultis amplius ? quid enim odisset Clodium Milo, segetem, ac materiam suæ gloriæ, præter hoc civile odium, quo omnes improbos odimus ? ille erat, ut odisset primum defensorem salutis meæ, deinde vexatorem furoris, domitorem armorum suorum, postremo etiam accusatorem suum ; reus equim Milonis lege Plotia fuit Clodius, quoad vixit ; quo tandem animo hoc tyrannum tulisse creditis ? quantum odium illius, & in homine injusto quam etiam justum esse ? Reliquum est, ut jam illum natura ipsius, consuetudoque defendat, hunc autem hæc eadem coarguant. Nihil per vim unquam Clodius, omnia per vim Milo ; quid ergo iudices ? cum, morientibus vobis, urbe cessi, non servos, non arma, non vim intentavit ? quæ fuisset igitur causa restituendi mei, nisi fuisset injusta ejiciendi ? diem mihi, credo, dixerat, multam irrogarat, actionem perduellionis intenderat ; & mihi, iudices, in causa aut vestra mala, aut mea præclarissima etiam iudicium timendum fuit ? servorum, & egentium civium, & facinorosorum armis meos e ves, meos consiliis, periculisque servatos, pro me objici nolui ; vidi enim, vidi hunc ipsum Q. Hortensium, lumen, & ornamentum reipubl. pene interfici servorum manu, cum mihi adesset : qua in turba C. Vibienus senator, vir optimus, cum hoc cum esset una, ita est multatus, ut vitam amiserit ; itaque quando illius postea fida illa, quam a Catilina acceperat, conquievit ? hæc intentata nobis est ; huic ego vos objici pro me non sum passus : hæc insidiata Pompejo est : hæc istam Appiam viam, monumentum sui nominis, nece Papirii cruentavit : hæc eadem longo intervallo conversa rursus est in me : nuper quidem, ut scitis, me ad regiam pæpe confecit. Quid simile Milonis ?

lonis? cuius vis omnis hæc semper fuit, ne P. Clodius, cum in iudicium detrahi non posset, vi oppressam civitatem teneret; quem si interficere voluisset, quantæ, quotius occasiones, quam præclaræ fuerunt? potuit ne, cum domum, ac deos penates suos illo oppugnante defenderet, jure se ulcisci? potuit ne cive egregio, & viro fortissimo, P. Sextio, collega suo, vulnerato? potuit ne Fabricio, viro optimo, cum de reditu meo legem ferret, pulso, crudelissima in foro cæde facta? potuit ne, L. Cæcilio, iustissimi, fortissimique prætoris oppugnata domo? potuit ne illo die, cum est lata lex de me, cum totius Italiæ concursus, quem mea salus concitavit, facti illius gloriæ libens agnovisset, ut, etiamsi id Milo fecisset, cuncta civitas eam laudem pro sua vindicaret? Atqui erat id temporis clarissimus, & fortissimus consul, inimicus Clodio, P. Lentulus, ultor sceleris illius, popugnator senatus, defensor vestræ voluntatis, patronus illius publici consensus, restitutor salutis meæ; septem prætores, octo tribuni pl. illius adversarii, defensorem mei; Cn. Pompeius, auctor, & dux mei reditus, illius hostis: cuius sententiam senatus omnis de salute mea gravissimam, & ornatissimam secutus est: qui populum Rom. cohortatus est: qui, cum de me decretum Capuæ fecisset, ipse cunctæ Italiæ cupienti, & ejus fidem imploranti signum dedit, ut ad me restituendum Romam concurrerent; omnia tum denique in illum odia civium ardebant desiderio mei: quem qui tum interemisset, non de impunitate ejus, sed de præmiis cogitaretur; tamen se Milo continuit, & P. Clodium ad iudicium bis, ad vim nunquam vocavit. Quid? privato Milone, & reo ad populum, accusante P. Clodio, cum in Cn. Pompejum pro Milone dicentem impetus factus est, quæ tum non modo occasio, sed etiam causa illius opprimendi fuit? Nuper vero, cum M. Antonius summam spem salutis bonis omnibus attulisset, gravissimamque adolescens nobilissimus reip. partem fortissime suscepisset, atque illam beluam, iudicii laqueos declinantem, jam irretitam teneret, quis locus, quod tempus illud, dii immortales, fuit? cum se ille fugiens in scararum tenebras abdidisset, magnum Miloni fuit conficere illam pestem nulla sua invidia, Antonii vero maxima gloria? Quid? comitiis in campo quoties potestas fuit? cum ille vi in septa irruisset, gladios distringendos, lapides jaciendos curasset, dein subito, vultu Milonis perterritus, fugeret ad Tyberim, vos & omnes boni vota faceretis, ut Miloni uti virtute sua liberet. Quem igitur cum omnium gratia noluit, hunc voluit cum aliquorum querela? quem jure, quem loco, quem tempore, quem impune non est ausus, hunc injuria, iniquo loco, alieno tempore, periculo capitis non dubitavit occidere? præsertim, iudices, cum honoris amplissimi contentio, & dies comitiorum subesset; quo quidem tempore (scio enim, quam timida sit ambitio, quantaque, & quam sollicita cupiditas consulatus) omnia, non modo quæ reprehendi

palam,

palam, sed etiam quæ obscure cogitari possunt, timemus  
 rumore, fabulam fictam, falsam perhorrescimus, ora  
 omnium, atque oculos intuemur: nihil enim est tam mol-  
 le, tam tenerum, tam aut fragile; aut flexibile, quam  
 voluntas erga nos, sensusque civium: qui non modo im-  
 probitati irascuntur candidatorum, sed etiam in recte fa-  
 ctis sæpe fastidiunt; hunc diem igitur campi speratum,  
 atque exoptatum sibi proponens Milo, cruentis manibus  
 scelus; & facinus præ se ferens, & confitens, ad illa au-  
 gusta centuriarum auspicia veniebat? quam hoc non cre-  
 dibile in hoc? quam idem in Clodio non dubitandum,  
 qui se, interfecto Milone, regnaturum putaret? Quid?  
 quod caput audaciæ est, iudices, quis ignoras maximam  
 illecebram esse peccandi impunitatis spem? in utro igitur  
 hæc fuit? in Milone, qui etiam nunc reus est facti  
 aut præclari, aut certe necessarii; an in Clodio, qui ita  
 iudicia, pœnamque contemnerat, ut cum nihil delecta-  
 ret, quod aut per naturam fas esset, aut per leges lice-  
 ret? Sed quid ego argumentor? quid plura disputo? te,  
 Q. Petilli, appello, optimam, & fortissimum civem; te,  
 M. Cato, testor; quos mihi divina quædam fors dedit ju-  
 dices; vos ex M. Favonio audistis, Clodium sibi dixisse,  
 & audistis vivo Clodio, periturum Milonem triduo: post  
 diem tertium gesta res est, quam dixerat; cum ille non  
 dubitaret aperire quid cogitaret, vos potestis dubitare,  
 quid fecerit? Quemadmodum igitur eum dies non fefellit?  
 dixi equidem modo; dictatoris Lanuvini stata sacrificia  
 nosse, negotiis nihil erat; vidit necesse esse Miloni profici-  
 sci Lanuvium illo ipso, quo profectus est, die, itaque an-  
 texertit; at quo die? quo, ut ante dixi, insanissima con-  
 cio ab ipsius mercenario tribuno pl. est concitata: quem  
 diem ille, quam concionem, quos clamores, nisi ad co-  
 gitatum facinus appropinquaret, nunquam reliquisset, ergo  
 illi ne causa quidem itineris, etiam causa manendi; Mi-  
 loni nulla facultas manendi, exeundi non causa solum,  
 sed etiam necessitas fuit. Quid si ut ille scivit, Milonem  
 fore eo die in via, sic Clodium Milo ne suspicari quidem  
 potuit? primum quæro, qui scire potuerit? quod vos idem  
 in Clodio quærere non potestis; ut enim neminem alium,  
 nisi T. Patinam, familiarissimum suum, rogasset, scire  
 potuit illo ipso die Lanuvii a dictatore Milone prodi fla-  
 minem necesse esse; sed erant permulti alii, ex quibus id  
 facillime scire posset, omnes scilicet Lanuvini. Milo de  
 Clodii reditu unde quæsit? quæsierit sane; videte, quid  
 vobis largiar; servum etiam, ut Arrius meus amicus di-  
 xit, corrumpere; legite testimonia testium vestrorum, di-  
 xit C. Cælinius, cognomento Schola, Interamnensis, fami-  
 liarissimus meus, & idem comes P. Clodii, ejus jam  
 pridem testimonio Clodius eadem hora Interamnæ fuerat,  
 & Romæ, P. Clodium illo die in Albano mansurum fuisse,  
 sed subito ei esse nunciatum, Cyrum architectum esse  
 mortuum; itaque Romam repente constituisse proficisci;  
 dixit hoc comes item P. Clodii, C. Clodius; videte, ju-  
 dices,



dices, quantæ res his testimoniis sint confectæ; primum certe liberatur Milo, non eo consilio profectus esse, ut insidiaretur in via Clodio, quippe qui ei obuius futurus omnino non erat; deinde (non enim video, cur non meum agam negotium) scitis, iudices, fuisse, qui in hac rogatione suadenda dicerent, Milonis manu cædem esse factam, consilio vero majoris alicujus; videlicet me latronem, ac ficiarium abjecti homines, & perditii describebant; jacent suis testibus ii, qui Clodium negant eo die Romam, nisi de Cyro auditum esset, reditum fuisse; respiravi: liberatus sum: non vereor, ne, quod ne suspicari quidem potuerim, videar id cogitasse. Nunc persequar cætera; nam occurrit illud; ne Clodius quidem de insidiis cogitavit, quoniam fuit in Albano mansurus, siquidem exiturus ad cædem e villa non fuisset; video enim illum, qui dicitur de Cyri morte nuntiasset, non id nuntiasset, sed Milonem appropinquare; nam quid de Cyro nuntiaret, quem Clodius Roma proficiscens reliquerat morientem? una sui, testamentum simul obsignavi cum Clodio: testamentum autem palam secrat; & illum hæredem, & me scripserat; quem pridie hora tertia animam afflatum reliquisset, cum mortuum postridie hora decima ei nunciabatur? Age, sit ita factum: quæ causa, cur Romam properaret? cur in nocte se conjiceret? quid afferebat festinationem? quod hæres erat? primum erat nihil, cur properato opus esset; deinde, si quid esset, quid tandem erat, quod ea nocte consequi posset, amitteret autem, si postridie mane Romam venisset? atque ut illi nocturnus ad urbem adventus vitandus potius, quam expetendus fuit: sic Miloni, cum insidiator esset, si illum ad urbem noctu accessurum sciebat, subsistendum, atque expectandum fuit; noctu, invidioso, & pleno latronum in loco occidisset; nemo ei neganti non credidisset, quem esse omnes saluum etiam consistentem volunt; sustinisset hoc crimen primum ipse ille latronum occultator, & receptator locus, dum neque muta solitudo indicasset, neque cæca nox ostendisset Milonem; deinde, ubi multi ab illo violati, spoliati, bonis expulsi, multi etiam hæc timentes in suspicionem caderent, tota denique rea citaretur Hetruria; atque illo die certe Aricia rediens divertit Clodius ad Albanum; quod nisi sciret illum Milo Ariciæ fuisse, suspicari tamen debuit, eum, etiam si Romam illo die reverti vellet, ad villam suam, quæ viam tangeret, diversurum; cur neque ante occurrit, ne in villa resideret: nec eo in loco subsedit, quo ille nocte venturus esset? Video adhuc constare omnia, iudices: Miloni etiam utile fuisse, Clodium vivere; illi ad ea, quæ concupierat, optatissimum interitum Milonis fuisse: odium illius in hunc acerbissimum, in illum hujus nullum, consuetudinem illius perpetuam in vi inferenda, hujus tantum in repellenda; mortem ab illo denunciata palam Miloni, & prædictam, nihil unquam auditum ex Milo.

Milone; professionis hujus diem illi notum, rectum illius huic ignotum fuisse; hujus iter necessarium, illius etiam potius alienum: hunc præ se tulisse, se illo die Roma exiturum; illum eo die se dissimulasse rediturum; hunc nullius rei mutasse consilium, ullam causam mutandi consilii finxisse; huic, si insidiaretur, nocte prope urbem expectandum, illi, etiamsi hunc non timeret, tamen accessum ad urbem nocturnum fuisse metuendum. Videamus nunc id, quod caput est, locus ad insidias ille ipse, ubi congressi sunt, utri tandem fuerit aptior; id vero iudices, etiam dubitandum, & diutius cogitandum est? ante fundum Clodii, quo in fundo propter insanas illas substructiones facile mille hominum versabatur valentium; atqui excelso loco superiorem se fore putabat Milo, & ob eam causam eum locum ad pugnam potissimum delegerat; an in eo loco potius expectandum ab eo, qui ipsius loci spe facere impetum cogitarat? res loquitur, iudices, ipsa; quæ semper valet plurimum; si hæc non gesta audiretis, sed picta videretis; tamen appareret, uter esset insidiator, uter nihil cogitaret mali: cum alter veheretur in rheda penulatus, una sederet uxor; quid horum non impeditissimum? vestitus, an vehiculum, an comes? quid minus promptum ad pugnam, cum penula irretitus, rheda impeditus, uxore pene confectus esset? Videte nunc illum, primum egredientem e villa subito; cur vesperi? quid necesse est tarde? quid convenit, præsertim id temporis? divertit in villam Pompei; Pompejum ut videret? sciebat in Alsiensi esse procul inde; villam ut perspiceret? millies in ea fuerat; quid ergo erat moræ, & tergiversationis? dum hic veniret, locum relinquere noluit. Age, nunc iter expediti latronis cum Milonis impedimentis comparate. Semper ille antea cum uxore, tum sine ea; nunquam non in rheda, tum in equo: comites Græculi, quocumque ibat, etiam cum in castra Hetrusca properabat; tum nugarum in comitatu nihil. Milo, qui nunquam, tum casu pueros symphoniacos uxoris ducebat, & ancillarum greges; ille, qui semper secum scorta, semper exoletos, semper lupas ducebat, tum neminem, nisi ut virum a viro lectum esse diceret. Cur igitur victus est? quia non semper viator a latrone, nonnunquam etiam latro a viatore occiditur; quia quamquam paratus in imparatos Clodius, tamen mulier inciderat in viros; nec vero si erat unquam non paratus Milo contra illum, ut non satis fere esset paratus; semper ille, & quantum interesset P. Clodii se perficere, & quanto illi odio esset, & quantum ille auderet, cogitabat; quamobrem vitam suam, quam maximis præmiis propositam, & pene addictam sciebat, nunquam in periculum sine præsidio, & sine custodia provehebat, adde casus, adde incertos exitus pugnarum, Martemque communem, qui sæpe spoliante jam, & exultantem evertit, & perculit ab abjecto; adde inscitam pransi, poti, oscitantis ducis; qui cum a tergo hostem interclusum

reliquisset, nihil de ejus extemis comitibus cogitavit; in quos incensos ira, vitamque domini desperantes cum incidisset, hæsit in iis pœnis, quas ab eo servi fideles pro domini vita expetiverunt. Cur igitur eos manumisit? metuebat scilicet ne indicaretur, ne dolorem perferre non possent, ne tormentis cogerentur, occisum esse a servis Milonis in Appia via P. Clodium, confiteri; quid opus est tortore? quid quæris? occiderit ne? occidit; jure, an injuria? nihil ad tortorem; facti enim in equuleo quæstio est, juris in judicio; quod igitur in causa quærendum est, id agamus: hoc, quod tormentis invenire vis, id fatemur; manu vero cur miserit, si id potius quæris, quam cur parum amplius affecerit præmiis, nescis inimici factum reprehendere; dixit enim hic idem, qui omnia semper constanter, & fortiter, M. Cato, dixitque in turbulenta concione; quæ tamen hujus auctoritate placata est: non libertate solum, sed etiam omnibus præmiis dignissimos fuisse, qui domini caput defendissent: quod enim præmium satis magnum est tam benevolis, tam bonis, tam fidelibus servis, propter quos vivit? etsi id quidem non tanti est, quam quod propter eosdem non sanguine, & vulnerebus suis crudelissimi inimici mentem, oculosque satiavit; quos nisi manumisisset, tormentis etiam dedendi fuisset conservatores domini, ultiores sceleris, defensores necis; hic vero nihil habet in his malis, quod minus moleste ferat, quam, etiamsi quid ipsi accidat, esse tamen illis meritum præmium persolutum. Sed quæstiones urgent Milonem, quæ sunt habitæ nunc in atrio Libertatis; quibusnam de servis? rogas? de P. Clodii; quis eos postulavit? Appius; quis produxit? Appius; unde? ab Appio; dii boni, quid potest agi severius? de servis nulla quæstio est in dominum, nisi de incestu, ut fuit in Clodium; proxime ad deos accessit Clodius, propius, quam tum, cum ad ipsos penetrarat, cujus de morte tamquam de ceremoniis violatis quæritur; sed tamen majores nostri in dominum de servo quæri noluerunt; non quia non posset verum inveniri, sed quia videbatur indignum esse, & domini morte ipsa tristius. In reum de servis accusatoris cum quæritur, verum inveniri potest? Age vero, quæ erat, aut qualis quæstio? heus ubi Ruscio, ubi Casca? Clodius insidias fecit Miloni? fecit; certa crux; nullas fecit: sperata libertas. Quid hac quæstione certius? subito arrepti in quæstionem, tamen separantur a cæteris, & in arca conjiciuntur, ne quis cum iis colloqui possit; hi centum dies penes accusatorem cum fuissent, ab eo ipso accusatore producti sunt; quid hac quæstione dici potest integrius? quid incorruptius? quod si nondum satis cernitis, cum res ipsa tot, tam clavis argumentis, signisque luceat, pura mente, atque integra Milonem, nullo scelere imbutum, nullo metu perterritum, nulla conscientia exanimatum, Romam revertisse: recordamini, per deos immortales, quæ fuerit celeritas reditus ejus, qui ingressus in forum audente cûria, quæ magnitudo ani-

mi, qui vultus, quæ oratio; neque vero se populo solum, sed etiam senatui tradidit; neque senatui modo, sed etiam publicis præfidiis, & armis, neque his tantum, verum etiam ejus potestati, cui senatus totam rempub., omnem Italiæ pubem, cuncta populi Rom. arma commiserat: cui se nunquam profecto tradidisset, nisi causæ sue consideret, præsertim omnia audienti, magna metuenti, multa suspicanti, nonnulla credenti. Magna vis est conscientiæ, judices, & magna in utramque partem; ut neque timeant, qui nihil commiserint, & poenam semper per ante oculos versari putent, qui peccarint. Neque vero sine ratione certa causa Milonis semper a senatu probata est; videbant enim sapientissimi homines facti rationem, præsentiam animi, defensionis constantiam. An vero obliti estis, judices, recenti illo nuncio necis Clodianæ non modo inimicorum Milonis sermones, & opiniones, sed nonnullorum etiam imperitorum, qui negabant eum Romam esse rediturum? siue enim illud animo irato, ac percito fecisset, ut incensus odio trucidaret inimicum; arbitrabantur eum tanti mortem P. Clodii putasse, ut æquo animo patria careret, cum sanguine inimici expleffet odium suum: siue etiam illius morte patriam liberare voluisset; non dubitaturum fortem virum, quin cum suo periculo salutem reip. attulisset, cederet æquo animo legibus, secum auferret gloriam sempiternam, nobis hæc fruenda relinqueret, quæ ipse servasset. Multi etiam Catilinam, atque illa portentosa loquebantur: erumpet, occupabit aliquem locum, bellum patriæ faciet: miseros interdum cives optime de repub. meritos: in quibus homines non modo res præclarissimas obliviscuntur, sed etiam nefarias suspicantur; ergo illa falsa fuerunt, quæ certe verà extitissent, si Milo admisisset aliquid, quod non posset honeste, vereque defendere. Quid? quæ postea sunt in eum congesta, quæ quamvis etiam mediocrium delictorum conscientiam percussissent, ut sustinuit, dii immortales? sustinuit? immo vero ut contempsit, ac pro nihilo putavit? quæ neque maximo animo nocens, neque innocens, nisi fortissimus vir, negligere potuisset. Scutorum, gladiatorum, frænorum, spærorum, pilorumque etiam multitudo deprehendi posse judicabatur: nullum in urbe vicum, nullum angiportum esse dicebant, in quo Miloni non esset conducta domus: arma in villam Otricianam deversa Tyberi: domus in clivo Capitolino scutis referta: plena omnia malleolorum ad urbis incendia comparatorum; hæc non delata solum, sed pœne credita: nec ante repudiata, quam quærita. Laudabam equidem incredibilem diligentiam Cn. Pompei; sed dicam, ut sentio, judices: nimis multa audire coguntur, neque alter facere possunt ii, quibus tota commissa est repub., quin etiam audiendus sit popa Licinius nescio quis de circo maximo; servos Milonis apud se ebrios factos, sibi confessos esse, de interficiendo Cn. Pompejo conjurasse; deinde postea se gladio percussum esse ab

uno de illis, ne indicaret. Pompejo in hortos nunciavit; arcessor in primis; de amicorum sententia rem deferat ad senatum; non poteram in illius mei, patriæque custodis tanta suspitione non metu examinari: sed mirabar tamen credi popæ, ebriorum confessionem servorum audiri, vulnus in latere, quod acu punctum videretur, pro ictu gladiatoris putari: verum etiam, ut intelligo, cavebat magis Pompejus, quam timebat, non ea solum, quæ timenda erant, sed omnino omnia, ne aliquid vos timeatis; oppugnata domus C. Cælaris, clarissimi, & fortissimi viri, per multas noctis horas nunciabatur; nemo audierat tam celebri loco, nemo senserat: tamen audiebatur; non poteram Cn. Pompejum, præstantissima virtute civem, timidum suspicari: diligentiam, tota rep. suscepta, nimiam nullam putabam. Frequentissimo senatu nuper in Capitolio senator inventus est, qui Milonem cum telo esse dicebat; nudavit se in sanctissimo templo; quoniam vita talis & civis, & viri fidem non faciebat, nisi, eo tacente, res ipsa loqueretur, omnia falsa, atque insidiosè ficta comperta sunt: quod si tamen metuitur etiam nunc Milo, non hoc jam Clodianum crimen timemus, sed tuas, Cn. Pompei, (te enim jam appello ea voce, ut me audire possis) tuas, inquam, suspiciones perhorrescimus; si Milonem times si hunc de tua vita nefarie aut nunc cogitare, au. molitum aliquando aliquid putas; si Italiæ delectus, ut nonnulli conquistores tui dictitant, si hæc arma, si Capitolinæ cohortes, si excubæ, si vigilæ, si delecta juvenus, quæ tuum corpus, domumque custodit, contra Milonis impetum armata est, atque illa omnia in hunc unum instituta, parata, intenta sunt: magna in hoc certe vis, & incredibilis animus, & non unius viri vires, atque opes indicantur; siquidem in hunc unum & præstantissimum dux electus, & tota resp. armata est; sed quis non intelligit, omnes tibi reip. partes ægras, & labantes, ut eas his armis sagares, & confirmares, esse commissas? Quod si Miloni locus datus esset, probasset profecto tibi ipsi, neminem unquam hominem homini cariorum fuisse, quam te sibi; nullum se unquam periculum pro tua dignitate fugisse; cum illa ipsa teterrima peste sapissime pro tua gloria contendisse; tribunatum suum ad salutem meam, quæ tibi carissima fuisset, consiliis tuis gubernatum; se a te postea defensum in periculo capitis, adjutum in petitione præturæ, duo se habere semper amicissimos sperasse, te tuo beneficio, me suo. Quæ si non probaret, si tibi ita penitus infidisset ista suspicio, nullo ut evelli modo posset; si denique Italia a delectu, urbs ab armis sine Milonis clade nunquam esset conquietura: ne iste haud dubians cessisset patria, is, qui ita natus est, & ita consuevit; te, Magne, tamen attestaretur, quod nunc etiam facit. Vide, quam sit varia vitæ, commutabilisque ratio, quam vaga, volubilisque fortuna, quantæ infidelitates in amicis, quam ad tempus aptæ simulationes, quantæ in periculis fugæ proximorum, quan-

quantæ timiditates; erit, erit illud profecto tempus, & illucescet aliquando ille dies, cum tu, salutaribus, ut spero, rebus tuis, sed fortasse motu aliquo communium temporum immutatis, qui, quam crebro accidat, experti debemus scire, & amicissimi benevolentiam, & gravissimi hominis fidem, & unius post homines natos fortissimi viri magnitudinem animi desideres; Quamquam quis hoc credat, Cn. Pompejum, juris publici, moris majorum, rei denique publicæ peritissimum, cum senatus ei commiserit, ut videret, ne quid resp. detrimenti caperet; quo uno versiculo satis armati semper consules fuerunt, etiam nullis armis datis, hunc exercitu, hunc dilectu dato, judicium expectaturum fuisse in ejus consiliis vendicandis, qui vel judicia ipsa tolleret? satis judicatum est a Pompejo, falso ista conferri in Milonem, qui legem tulit, qua, ut ego sentio, Milonem absolvi oporteret: ut omnes consentirent, liceret: quod vero in illo loco, atque in illis publicorum præsidiorum copiis circumfusus sedet, satis declarat, non se terrorem inferre vobis, (quid enim minus dignum, quam cogere, ut vos eum condemnentis, in quem animadvertere ipse & more majorum, & suo jure posset?) sed præsidio esse, ut intelligatis, contra hesternam concionem illam licere vobis, quod sentiat, libere judicare. Nec vero me, judices, Clodianum crimen movet, nec tam sum demens, tamque vestri sensus igoarus, atque expertus, ut nesciam, quid de morte Clodii sentiat; de qua si jam nollem ita diluere crimen, ut dilui, tamen impune Miloni palam clamare, atque mentiri gloriose liceret; Occidi, occidi, non Sp. Melium, qui annona levanda, jacturisque rei familiaris, quia nimis amplecti plebem putabatur, in suspicionem incidit regni appetendi; non Ti. Gracchum, qui collegæ magistratum per seditionem abrogavit; quorum interfectores implerunt orbem terrarum nominis sui gloria; sed eum (auderet enim dicere, eum patriam periculo suo liberasset) ejus nefarium adulterium in pulvinaribus sanctissimis nobilissimæ scæminæ comprehenderunt; eum, ejus supplicio senatus solennes religiones expiandas sæpe censuit; eum, quem cum sorore germana nefarium stuprum fecisse, L. Lucullus juratus se, quæstionibus habitis, dixit comperisse; eum, qui civem, quem senatus, quem populus, quem omnes gentes urbis, ac vitæ civium conservatorem judicabant, servorum armis exterminavit; eum, qui regna dedit, ademit, orbem terrarum quibuscum voluit, partitus est; eum, qui, pluribus cædibus in foro factis, singulari virtute, & gloria civem domum vi, & armis compulit; eum, cui nihil unquam nefas fuit nec in facinore, nec in libidine; eum, qui ædem Nympharum incendit, ut memoriam publicæ recensionis, tabulis publicis impressam, extingueret; eum denique, cui jam nulla lex erat, nullum civile jus, nulli possessionum termini; qui non calumnia litium, non injustis vindictis, ac sacramentis

alienos fundos, sed castris, exercitu, signis inferendis pe-  
tebat; qui non solum Hetruscos ( eos enim penitus con-  
temperat ) sed hunc Cn. Pompejum, virum fortissimum,  
atque optimum civem, judicem nostrum, pellere posses-  
sionibus, armis, castrisque conatus est; qui cum archite-  
ctis, & decempedis villas multorum, hortosque peragra-  
bat: qui Janiculo, & Alpibus spem possessionum termi-  
nabat suarum; qui, cum ab equite Rom. splendidissimo,  
& forti viro, T. Paconio non impetrasset, ut insulam in  
lacu Prelio venderet, repente lintribus in eam insulam  
materiam, calcem, coementa, atque arma convexit, do-  
minoque trans ripam inspectante, non dubitavit aedi-  
cium extruere in alieno; qui huic T. Furfanio, cui vtro  
dii immortales! ( quid enim de muliercula Sanctia, quid  
de adolescente Apronio dico? quorum utrique mortem  
est minitatus, nisi sibi hortorum possessione cessisset ) sed  
ausus est Furfanio dicere, si sibi pecuniam, quantam po-  
poscerat, non dedisset, mortuum se in domum ejus illa-  
turum; qua invidia huic effet tali viro conflagrandum;  
qui Appium fratrem, hominem mihi conjunctum fidelis-  
sima gratia, absentem de possessione fundi dejecit; qui  
parietem sic per vestibulum sororis instituit ducere, sic  
agere fundamenta, ut sororem non modo vestibulo priva-  
ret, sed omni aditu, & limine. Quamquam hæc quidem  
jam tolerabilia videbantur: etsi æquabiliter in remp., in  
privatos, in longinquos, in propinquos, in alienos, in  
suos irruebat; sed nescio quo modo jam usu obduruerat,  
& percalluerat civitatis incredibilis patientia; quæ vero  
aderant jam, & impendebant, quoniam modo ea aut de-  
pellere potuissetis, aut ferre imperium, si id ille nactus  
esset? omitto socios, exterarum nationes, reges, tetrarchas:  
vota enim feceratis, ut in eos se potius mitteret, quam  
in vestras possessiones, vestra tecta, vestras pecunias; pe-  
cunias dico? a liberis medius fidius, & conjugibus vestris  
nunquam ille effrænatas suas libidines cohibuisset; fingi  
hæc putatis, quæ patent, quæ nota sunt omnibus, quæ tenen-  
tur? servorum exercitus illum in urbe conscripturum fuis-  
se, per quos totam remp., resque privatas omnium pos-  
sideret. Quamobrem, si cruentum gladium tenens clama-  
ret T. Annius: Adeste, quæso, atque audite cives: P.  
Clodium interfeci: ejus furores, quos nullis jam legibus,  
nullis judiciis frænare poteramus, hoc ferro, & hac dex-  
tera a cervicibus vestris repuli: per me unum effectum est,  
ut jus, æquitas, leges, libertas, pudor, pudicitia in ci-  
vitate manerent; enimvero timendum, quoniam modo id  
factum ferret civitas; nunc enim quis est, qui non pro-  
bet? qui non laudet? qui non unum post hominum me-  
moriæ T. Annium plurimum reipub. profuisse, maxima  
lætitia populum Rom., cunctam Italiam, nationes omnes  
affecisse & dicat, & sentiat? Nequeo, vetera illa populi  
Rom. quanta fuerint gaudia, judicare: multas tamen jam  
summorum imperatorum clarissimas victorias ætas nostra  
vidit; quarum nulla neque tam diuturnam attulit læti-  
tiam.

tiam, nec tantam; mandate hoc memoriae, iudices; spero multa vos, liberosque vestros in repub. bona esse visuros; in his singulis ita semper existimabitis, vivo P. Clodio, nihil horum vos visuros fuisse; in spem maximam, & quemadmodum confido, verissimam adducti sumus, hunc ipsum annum, hoc summo viro consule, concussa hominum licentia, cupiditatibus fractis, legibus, & judiciis constitutis, salutarem civitati fore; num quis igitur est tam demens, qui hoc, P. Clodio vivo, contingere potuisse arbitretur? quid: ea, quae tenetis privata, atque vestra, dominante homine furioso, quod jus perpetuae possessionis habere potuissent? Non timeo, iudices, ne odio inimiziarum mearum inflammatus, libentius hæc in illum evomere videar, quam verius; etenim etsi præcipuum esse debebat; tamen ita communis erat omnium ille hostis, ut in communi odio pene æqualiter versaretur odium meum; non potest dici satis, ne cogitari quidem, quantum in illo scelere, quantum exitii fuerit; quin sic attendite, iudices; nempe hæc est quaestio de interitu P. Clodii; fingite animis: liberæ enim sunt cogitationes nostræ, & quæ volunt, sic intuentur, ut ea cernimus, quæ videmus; fingite igitur cogitatione imaginem hujus conditionis meæ, si possim efficere, ut Milonem absolvatis, sed ita; si P. Clodius revixerit. Quid vultu extimuisistis? quonam modo ille vos vivus afficeret, qui mortuus inani cogitatione percussit? Quid? si ipse Cn. Pompejus, qui ea virtute, ac fortuna est, ut ea potuerit semper, quæ nemo præter illum; si is, inquam, potuisset, ut quaestionem de morte P. Clodii ferre, sic ipsum ab inferis excitare, utrum putatis facturum fuisse? etiam si propter amicitiam vellet illum ab inferis revocare, propter remp. non fecisset. Ejus igitur mortis sedetis ultores, cujus vitam si putetis per vos restitui posse, nolitis: & de ejus nece lata quaestio est, qui si eadem lege reviviscere posset, ita lex nunquam esset. Hujus ergo inintersector non esset etiam confitendo ab iis impetraturus, ne poenam timeret, quos liberavisset? Græci homines deorum honores tribuunt iis viris, qui tyrannos necaverunt; quæ ego vidi Athenis? quæ aliis in urbibus Græciæ? quas res divinas talibus institutas viris? quos cantus? quæ carmina? prope ad immortalitatem, & religionem, & memoriam consecrantur; vos tanti conservatorem populi, tanti sceleris ultorem non modo honoribus nullis afficietis, sed ad supplicium rapi et am patiimini? Confiteretur, confiteretur, inquam, si fecisset, & magno animo, & libenter, se fecisse libertatis omnium causa: quod certe ei non confitendum modo fuisset, verum etiam prædicandum; etenim si id non negat, ex quo nihil petit, nisi ut ignoscatur; dubitaret id fateri, ex quo etiam præmia laudis esset petenda? nisi vero gratus putat esse vobis, sui se capitis, quam vestri ordinis, defensorem fuisse; cum præsertim in ea confessione, si grati esse velletis, honores assequeretur amplissimos; si factum vobis non probaretur, quamquam qui poterat



(a us sua cuique non probari?) sed tamen si minus fortis-  
 simi viri virtus civibus grata cecidisset, magno animo,  
 constantique cederet ex ingrata civitate; nam quid esset  
 ingratus, quam lætari cæteros, lugere eum solum, pro-  
 pter quem cæteri lætarentur? quamquam hoc animo sem-  
 per omnes fuimus in patriæ proditoribus opprimendis, ut  
 quoniam nostra futura esset gloria, periculum quoque, &  
 invidiam nostram putaremus; nam quæ mihi tribuenda  
 laus esset ipsi, cum tantum in consulatu meo pro vobis,  
 ac liberis vestris ausus essem, si id, quod conabar, sine  
 maximis dimicationibus meis me esse ausurum arbitrarer?  
 quæ mulier sceleratum, ac perniciosum civem occidere non  
 auderet, si periculum non timeret? proposita invidia, mor-  
 te, pœna, qui nihilo segnius temp. defendit, is vir vere  
 putandus est, Populi grati est. Præmiis afficere bene me-  
 ritos de rep. cives; viri fortis, ne suppliciis quidem move-  
 ri, ut fortiter fecisse pœniteat; quamobrem uteretur ea-  
 dem confessione T. Annius, qua Ahala, qua Nasica, qua  
 Opimius, qua Marius, qua nosmetipsi: & si grata resp.  
 esset, lætaretur; si ingrata, tamen in gravi fortuna con-  
 scientia sua niteretur: sed hujus beneficii gratiam, judices,  
 fortuna populi R., & vestra felicitas, & dii immortales  
 sibi debere putant. Nec vero quisquam aliter arbitrari pre-  
 test, nisi qui nullam vim coelestem existimat, numenve di-  
 vinum: quem neque imperii vestri magnitudo, neque sol  
 ille, neque coeli, & signorum motus, nec vicissitudines re-  
 rum, atque ordines movent, neque, id quod maximum  
 est, majorum sapientia, qui sacra, qui ceremonias, qui  
 auspicia & ipsi sanctissime coluerunt, & nobis suis posteris  
 tradiderunt. Est, est profecto illa vis; neque in his corpo-  
 ribus, atque in hac imbecillitate nostra inest quiddam,  
 quod vigeat, & sentiat, & non inest in hoc tacto naturæ  
 tam præclaro motu; nisi forte idcirco esse non putant,  
 qui non apparet, nec cernitur: perinde quasi nostram ip-  
 sam mentem, qua sapimus, qua providemus, qua hæc ipsa  
 agimus, ac dicimus, videre, aut plane, qualis, aut ubi sit,  
 sentire possimus; ea vis, ea est igitur, quæ sæpe incredibiles  
 huic urbi felicitates, atque opes attulit; quæ illam perniciem  
 extinxit, ac sustulit; cui primum mentem injecit, ut vi ir-  
 ritare, ferroque laceßere fortissimum virum auderet, vincere-  
 turque ab eo, quem si vicisset, habiturus esset impunitatem, &  
 licentiam sempiternam; non est humano consilio, ne me-  
 diocri quidem, judices, deorum immortalium cura res  
 illa perfecta: religiones mehercule ipsæ, aræque, cum i-  
 lam belluam cadere viderunt, commovisse se videntur, &  
 jus in illo suum retinuisse; vos enim Albani tumuli, at-  
 que luci, vos, inquam, imploro, atque obtestor, vosque  
 Albanorum obrutæ aræ sacrorum, populi R. sociæ, &  
 æquales, quas ille præceptis amentia, cæcis, prostratisque  
 sanctissimis lucis, substructionum insanis molibus oppres-  
 serat; vestræ tum aræ, vestræ religiones viguerunt; ve-  
 stra vis valuit, quam ille omni scelere polluerat: tuque  
 ex tua edito monte. Latialis sancte Jupiter, cujus ille  
 lacus,

facus, nēpora, sineque sæpe omni nefario stupro, & scelere macularat, aliquando ad eum puniendum oculos aperuisti; vobis illæ, vobis, vestro in conspectu, feræ, sed iustæ tamen, & debite pœnæ solutæ sunt; nisi forte hoc etiam casu factum esse dicimus, ut ante ipsum sacrarium Bonæ Deæ, quod est in fundo T. Sextii Galli, in primis honesti, & ornatî adolescentis, ante ipsam, inquam, Bonam Deam, eum prælium commisisset, primum illud vulnus acceperit, quo teterrimam mortem obiret; ut non absolutus iudicio illo nefario videretur, sed ad hanc insignem pœnam reservatus. Nec vero non eadem ira deorum hanc ejus satellitibus iniecit amentiam, ut sine imaginibus, sine cantu, sine ludis, sine exequiis, sine lamentis, sine laudationibus, sine funere, oblitus crupere, & luto, spoliatus illius supremi dñei celebritate, quam concedere etiam inimici solent, ambureretur etiam abjectus; non fuisse credo fas, clarissimorum virorum forma illi teterrimo parricidæ aliquid decoris asserere, neque ullo in loco potius mortem ejus lacerari, quam in quo vita esset damnata. Dura mihi medius fidius jam fortuna populi Rom. & crudelis videbatur, quæ tot annos illum in hanc remp. insultare videret, & pateretur; polluerat stupro sanctissimas religiones; senatus gravissima decreta perfregerat; pecunia se palam a iudicibus redemerat: verarat in tribunatu senatum: omnium ordinum consensu pro salute reip. gesta resciderat: me patria expulerat: bona diripuerat; domum incenderat; liberos, conjugem meam veraverat: Cn. Pompejo nefarium bellum indixerat; magistratum, privatorumque cædes effecerat; domum mei fratris incenderat; vastarat Hetruriam: multos sedibus, ac fortunis ejecebat: instabat, urgebat: capere ejus amentiam civitas, Italia, provinciæ regna non poterant: incidebantur jam domi leges, quæ nos nostris servis addicerent: nihil erat cuiusquam, quod quidem ille adamasset, quod non hoc anno suum fore putaret: obstabat ejus cogitationibus nemo, præter illum Milonem ipsum, qui poterat obstare & Cn. Pompejum novo reditu in gratiam quasi devinctum arbitrabatur; Cæsaris potentiam, suam potentiam esse dicebat: bonorum animos etiam in meo casu contempebat: Milo unus urgebat. Hic dii immortales, ut supra dixi, mentem dederunt illi perditio, ac furioso, ut huic faceret insidias; aliter perire pestis illa non potuit; nunquam illum resp. suo jure esset ulta, senatus, credo, prætorem eum circumscripsisset; ne cum solebat quidem id facere, in privato eodem hoc, aliquid profecerat; an consules in prætore coercendo fortes fuissent? primum, Milone occiso, habuisset suos consules: deinde, quis in eo prætore consul fortis esset, per quem tribunum virum consularem crudelissime necatum esse meminisset? omnia possideret, teneret: lege nova, quæ est inventa apud eum cum reliquis legibus Clodianis, servos nostros liberos

suos fecisset: postremo, nisi cum dii immortales in eam mentem impulissent; ut homo effœminatus fortissimum virum conaretur occidere, hodie temp. nullam haberetis. An ille prætor, ille vero consul, si modo hæc templa, atque ipsa mœnia stare eo vivo tamdiu, & consulum ejus expectare potuissent, ille denique vivus malè nihil fecisset, qui mortuus, uno ex suis satellitibus Sex. Clodio duce, curiam incenderit? quo quid miserius, quid acerbius, quid luctuosius vidimus? templum sanctitatis, amplitudinis, mentis, consilii publici, caput urbis aram sociorum, portum omnium gentium, sedem ab universo populo R. concessam uni ordini, inflammari, excindi, funestari; neque id fieri a multitudine imperita, quamquam esset miserum, id ipsum, sed ab uno, qui cum tantum ausus sit ultor pro mortuo, quid significet pro vivo non esset ausus? in curiam potissimum abiecit, ut eam mortuus incenderet, quam vivus everterat. Et sunt qui de via Appia querantur, taceant de curia? ecquando ab eo spirante forum potuisset defendi, cujus non resisterit cadaveri curia? Excitate, excitate eum, si potestis, ab inferis: frangetis impetum vivi, cujus vix sustinetis furias insepulti? nisi vero sustinueritis eos, qui cum facibus ad curiam cucurrerunt, cum falcebus ad Castoris, cum gladiis toto foro volitarunt; cædi viditis populum Rom., concionem gladiis disturbari, cum audiretur silentio M. Cœlius tribunus plebis vir fortissimus, & in suscepta causa firmissimus, & bonorum voluntati, & auctoritati senatus deditus, & in hac Milonis sive invidia, sive fortuna, singulari, divina, & incredibili fide. Sed jam satis multa de causa, extra causam etiam nimis fortasse multa, quid restat, nisi ut orem, obtestor quoque vos, judices, ut eam misericordiam tribuatis fortissimo viro, quam ipse non implorat, ego autem, repugnante hoc, & imploro, & exposco? nolite, si in nostro omnium fletu nullam lacrymam adspexistis Milonis, si vultum semper eundem, si vocem, si orationem stabilem, ac non mutam videtis, hoc minus ei parcere: atque haud scio, an multo etiam sit adjuvandus magis; etenim si in gladiatoriiis pugnis, & in infimi generis hominum conditione, atque fortuna timidos, & supplices, & ut vivere liceat, obsecrantes, etiam odisse solemus; fortes, & animosos, & se acriter ipsi morti offerentes servare cupimus; eorumque nos magis miseret, qui nostram misericordiam non requirunt, quam qui illam efflagitant: quanto hoc magis in fortissimis civibus facere debemus? me quidem, judices, examinant, & interimunt hæc voces Milonis, quas audio assidue, & quibus intersum quotidie. Valeant, inquit, valeant cives mei, sint incolumes, sint florentes, sint beati: stet hæc urbs præclara, mihi que patria carissima, quo modo merita de me erit: tranquilla republ. cives mei, quoniam mihi cum illis non licet, sine me ipsi, sed per me tamen, perfruantur; ego cedam, atque abibo; si mihi republ. bona frui non licuerit, at carebo mala; &

quam

quam primum terigero bene moratam, & liberam civitatem, in ea conquiescam. O frustra, inquit, suscepti mei labores! o spes fallaces! o cogitationes inanes meae! ego, cum tribunus pl. repub. oppressa, me senatui dedissem, quem extinctum acceperam; equitibus Rom. quorum vires erant debiles; bonis viris, qui omnem auctoritatem Clodianis armis abjecerant; mihi unquam bonorum praesidium defuturum putarem? ego cum te (mecum enim saepissime loquitur) patriae reddidissem, mihi non futurum in patria putarem locum, ubi nunc senatus est, quem secuti sumus? ubi equites Rom. illi, illi, inquit, tui? ubi studia municipiorum? ubi Italiae voces? ubi denique tuae, M. Tulli, quae plurimis fuit auxilio, vox, & defensio? mihi ne ea soli, qui pro te toties morti me obtuli, nihil potest opitulari? Nec vero haec, iudices, ut ego nunc, fletus, sed hos eodem loquitur vultu, quo videtis; negat enim se, negat ingratis civibus fecisse, quae fecit; timidis, & omnia circumspicientibus pericula, non negat. Flebam, & infamam multitudinem, quae P. Clodio duce fortunis vestris imminebat, eam, quo tutior esset vita vestra, se fecisse commemorat, ut non modo virtute flecteret; sed etiam tribus suis patrimoniis deliniret; nec timet, ne, cum plebem muneribus placarit, vos non conciliarit meritis in rebus singularibus: Senatus erga se benevolentiam temporibus his ipsis saepe esse perspectam, vestras vero, & vestrorum ordinum occurrantiones, studia, sermones, quemcumque casum fortuna dederit, secum se ablaturum esse dicit; meminit etiam sibi vocem praconis modo defuisse, quam minime desideravit; populi vero cunctis suffragiis, quod unum cupierit, se consulem declaratum; nunc denique, si haec arma contra se sint futura, sibi facinoris suspicionem, non facti crimen obstare. Addit haec, quae certe vera sunt, fortes, & sapientes viros non tam praemia sequi solere recte factorum, quam ipsa recte facta: se nihil in vita, nisi praeclarissime, fecisset: si quidem nihil sit praestabilius viro, quam periculis patriam liberare: beatos esse, quibus ea res honori fuerit a suis civibus; nec tamen eos miseros, qui beneficio cives suos vicerint: sed tamen ex omnibus praemiis virtutis, si esset habenda ratio praemiorum, amplissimum esse praemium gloriae; esse hanc unam, quae breviter vitam posteritatis memoria consolaretur; quae efficeret, ut absentes adessemus, mortui viveremus; hanc denique esse, ejus gradibus etiam homines in caelum videantur ascendere; de me, inquit, semper populus R., semper omnes gentes loquantur, nulla unquam obtumescit vetustas; quin hoc tempore ipso, cum omnes a suis inimicis faces invidiae meae subjiciantur, tamen omni in hominum coetu gratiis agendis, & gratulationibus habendis, & omni sermone celebramur. Omitto Hetruriae festos & actos, & institutos dies; centesima lux est haec ab interitu P. Clodii, &, opinor, ultra, quam fines imperii populi R. sunt, non solum fama jam de illo, sed etiam laetitia peragravit; quamobrem, ubi corpus hoc sit

fit, non, inquit, laboro; quoniam omnibus in terris & jam versatur, & semper habitabit nominis mei gloria. Hæc tu mecum sæpe, his absentibus; sed iisdem audientibus, hæc ego tecum Milo. Te quidem, quod isto animo es, satis laudare non possum: sed quo est ista magis divina virtus, eo maiore a te dolore divellor. Nec vero, si mihi eriperis, reliqua est illa. tamen ad consolandum querela, ut his irasci possim, a quibus tantum vulnus accepero; non enim inimici mei te mihi eripiant, sed amicissimi; non male aliquando de me meriti, sed semper optime. Nullum unquam, iudices, mihi tantum dolorem inuretis (et si quis potest esse tantus?) sed ne hunc quidem ipsum, ut obliviscat, quanti me semper feceritis; quæ si vos cepit oblivio, aut si in me aliquid ostendistis: cur non id meo capite potius luitur, quam Milonis? præclare enim vixero, si quid mihi acciderit prius, quam hoc tantum mali videro. Nunc me una consolatio sustentat, quod tibi, o T. Anni, nullum a me amoris, nullum studii, nullum pietatis officium defuit; ego inimicitias potentium pro te appetivi: ego meum sæpe corpus, & vitam objeci armis inimicorum tuorum: ego me plurimis pro te supplicem abjeci: bona, fortunas meas, ac liberorum meorum in commutationem tuorum temporum contuli: hæc denique ipso die, si qua vis est parata, si qua dimicatio capitis futura, depono; quid jam restat? quibus habeo, quod dicam, quod faciam pro tuis in me meritis, nisi ut eam fortunam, quæcunque erit tua, ducam meam: non recuso, non abnuo: vosque obsecro, iudices, ut vestra beneficia, quæ in me contulistis, aut in huius salute augeatis, aut in ejusdem exitio occasura esse jubeatis. His lacrymis non movetur Milo; est quodam incredibili robore animi septus: exilium ibi esse putat, ubi virtuti non sit locus; mortem naturæ finem esse, non pœnam. Sit hic ea mente, qua natus est: quid vos, iudices? quo tandem animo eritis? memoriam Milonis retinebitis, ipsum ejicietis; & erit dignior locus in terris ullus, qui hanc virtutem excipiat, quam hic, qui procreavit? Vos, vos appello, fortissimi viri, qui multum pro republ. sanguinem effudistis, vos in viri, & in civis invicti appello periculo, centuriones, vosque milites: vobis non modo insistentibus, sed etiam armatis, & huic judicio præsentibus, hæc tanta virtus ex hac urbe expelletur? exterminabitur? ejicietur? o me miserum, o infelicem! revocare tu me in patriam, Milo, potuisti per hos: ego te in patria per eosdem retinere non potero? quid respondebo liberis meis qui te parentem alterum putant? quid tibi, Q. frater, qui nunc abes, consorti mecum temporum illorum? me non potuisse Milonis salutem tueri per eosdem, per quos nostram ille servasset? at in qua causa non potuisse? quæ est grata gentibus; a quibus non potuisse? ab his, qui maxime P. Clodii morte acquieverunt; quo deprecante? me; Quodnam concepi tantum scelus, aut quod in me tantum facinus admisi, iudices, cum illa indicia communis exitii

indagavi, patefeci, protuli, extinxi? omnes in me, meos. que redundant ex illo fonte dolores; quid me reducem esse voluistis? an ut inspeſtante me expellerentur ii, per quos eſſem reſtitutus? nolite, obſecro vos, pati, mihi a. cerbiorem reſtitum eſſe, quam fuerit ille ipſe diſceſſus; nam qui poſſum putare, me reſtitutum eſſe, ſi diſtrahor ab iis, per quos reſtitutus ſum? Utinam dii immortales feciſſent, (pace tua, patria, dixerim; metuo enim, ne ſclerate dicam in te, quod pro Milone dicam) ut P. Clodius non modo viveret, ſed etiam prætor, conſul, dictator eſſet, antequam hoc ſpectaculum viderem. O dii immortales! ſortem, & a vobis, iudices, conſervandum virum! minime, minime, inquit: immo vero pœnas ille debitas luerit: nos ſubeamus, ſi ita neceſſe eſt, non debitas. Hiccinè vir patriæ natus, uſquam, niſi in patria, morietur? aut, ſi forte pro patria, huius vos animi monimenta retinebitis, corporis in Italia nullum ſepulchrum eſſe patiemini? hunc ſua quiſquam ſententia ex hac urbe expellet, quem omnes urbes, expulſum a vobis, ad ſe vocabunt? o terram illam beatam, quæ hunc virum exceperit; hanc ingratam, ſi eiecerit; miſeram, ſi amiſerit. Sed finis ſit: neque enim præ lacrymis jam loqui poſſum; & hic ſe lacrymis defendi vetat. Vos oro, obteſtorque, iudices, ut in ſententiis ferendis, quod ſentietis, id audeatis; veſtram virtutem, juſtitiam, fidem mihi credite, is maxime probabit, qui in iudiciis legendis optimum, & ſapientiſſimum quemque legit.

## M. TULLII CICERONIS

## O R A T I O

## PRO M. MARCELLO.

## A R G U M E N T U M.

*M. Claudius Marcellus & Caſari jam ante inimiciſſimum ſe oſtenderat, & civili bello Pompejanas partes ſequutus fuerat: nec victori Caſari ſupplex ire voluerat, ſed Miſylenas conceſſerat. Cum autem in ſenatu C. Marcellus frater ejus ad Caſaris pedes ſe abjeciſſet, cunctuſque ſenatus ſupplex acceſſiſſet, Caſar M. Marcello redeundi poteſtatem fecit. Cicero itaque, qui ſtatuerat in perpetuum tacere, hac Oratione Caſari gratias agit verbis ampliſſimis. Habita eſt anno U. C. 707. Ciceronis 61.*

**D**uturni ſilentii, P. C. quo eram his temporibus uſus, non timore aliquo, ſed partim dolore, partim verecundia, finem hodiernus dies attulit, idemque initium, quæ vellem, quæque ſentirem, meo priſtino more dicendi; tantam enim manuſuetudinem, tam iuſtitatam, inauditamque clementiam, tantum

tantum in summa potestate rerum omnium in dum, iam denique incredibilem sapientiam, ac pene divinam tacitus præterire nullo modo possum. M. enim Marcello vobis, P. C. reique publ. reddito, non solum illius, sed meam etiam vocem, & auctoritatem & vobis, & reipubl. conservatam, ac restitutam puto: Dolebam enim, P. C., ac vehementer angebar, cum viderem virum talem, qui in eadem causa, in qua ego, fuisset, non in eadem esse fortuna: nec mihi persuadere poteram, nec fas esse ducere, versari me in nostro veteri curriculo, illo æmulo, atque imitatore studiorum, ac laborum meorum, quasi quodam socio a me, & comite distracto. Ergo & mihi meæ pristinæ vitæ consuetudinem, C. Cæsar, interclusam aperuisti, & his omnibus ad bene de omni rep. sperandum quasi signum aliquod sustulisti; intellectum est enim mihi quidem in multis, & maxime in me ipso, sed paulo ante omnibus, cum M. Marcellum senatui, populoque R. & reip. concessisti, commemoratis præferim etiam offensionibus, te auctoritatem hujus ordinis, dignitatemque reip. tuis vel doloribus, vel suspicionibus anteferre; ille quidem fructum omnis antea vitæ hodierno die maximum cepit cum summo consensu senatus, tum præterea iudicio tuo gravissimo, & maximo; ex quo profecto intelligis, quanta in dato beneficio sit laus, cum in accepto tanta sit gloria. Est vero fortunatus ille, cujus ex salute non minor pene ad omnes, quam ad illum ventura sit, lætitia pervenerit; quod quidem ei merito, atque optimo jure contigit; quis enim est illo aut nobilitate aut probitate, aut optimarum artium studio, aut innocentia, aut ullo laudis genere præstantior? nullius tantum est fumen ingenii, nulla dicendi, aut scribendi tanta vis, tantaque copia, quæ non dicam exornare, sed enarrare, C. Cæsar, res tuas gestas possit: tamen hoc affirmo, & pace h. c. dicam tua, nullam in his esse laudem ampliorem, quam eam, quam hodierno die consecutus es. Soleo sæpe ante oculos ponere, idque libenter crebris usurpare sermonibus, omnes nostrorum imperatorum, omnes exterarum gentium potentissimorumque populorum, omnes clarissimorum regum res gestas cum tuis nec contentionum magnitudine, nec numero præliorum, nec varietate regionum, nec celeritate conficiendi, nec dissimilitudine bellorum posse conferri; nec vero disjunctissimas terras citius cujusquam passibus potuisse peragrari, quam tuis, non dicam cursibus, sed victoriis lustratæ sunt; quæ quidem ego nisi ita magna esse fatear, ut ea vix ejusque mens, aut cogitatio capere possit, amens sim: sed tamen sunt alia majora; nam bellicas laudes solent quidam extenuare verbis, easque detrahere ducibus, communicare cum militibus, ne propriæ sint imperatorum; & certe in armis militum virtus, locorum opportunitas, auxilia sociorum, classes, commeatus multum juvant: maximam vero partem quasi suo jure fortuna sibi vindicat, &, quidquid est prosperæ gestæ, id pene omne ducis sum. At vero

vero hujus gloriæ, C. Cæsar, quam ex paulo sancte adeptus, socium habes neminem: totum hoc, quantumcumque est, quod certe maximum est, totum est, inquam, tuum; nihil sibi ex ista laude centurio, nihil præfectus, nihil cohors, nihil turma decerpit; quin etiam illa ipsa rerum humanarum domina fortuna in istius societatem gloriæ se non offert, tibi concedit, tuam esse totam, & propriam fatetur; nunquam enim temeritas cum sapientia commiscetur, nec ad consilium casus admittitur, domuisti gentes immanitate barbaras, multitudine innumera- biles, locis infinitas, omni copiarum genere abundantes; ea tamen viciisti, quæ & naturam, & conditionem, ut vinci possent, habebant; nulla est enim tanta vis, tanta copia, quæ non ferro, ac viribus debilitari, frangique possit; verum animum vincere, iracundiam cohibere, victoriam temperare, adversarium nobilitate, ingenio, virtute præstantem non modo extollere jacentem, sed etiam amplificare ejus pristinam dignitatem, hæc qui facit, non ego eum cum summis viris comparo, sed simillimum Deo iudico. Itaque, C. Cæsar, bellicæ tuæ laudes celebrabuntur illæ quidem non solum nostris, sed pene omnium gentium litteris, atque linguis; neque ulla unquam ætas de tuis laudibus conticescet. Sed tamen ejusmodi res nescio quo modo, etiam dum audiuntur, aut dum leguntur, obstrepi clamore militum videntur, & tubarum sono; at vero cum aliquid clementer, mansuete, juste, moderate, sapienter factum, in iracundia præsertim, quæ est inimica consilio, & in victoria, quæ natura insolens, & superba est, aut audimus, aut legimus, quo studio incendimur non modo in gestis rebus, sed etiam in factis? ut eos sæpe, quos nunquam vidimus, diligamus; te vero, quem præsentem intuemur, cujus mentem, sensusque, & os cernimus, ut quidquid belli fortuna reliquum reip. fecerit, id esse salvum velis, quibus laudibus effereamus? quibus studiis prosequemur? qua benevolentia complectemur? parietes medius fidius, C. Cæsar, ut mihi videtur, hujus curiæ tibi gratias agere gestiunt, quod brevi tempore illa futura sit auctoritas in his majorum suorum, & suis sedibus. Equidem cum C. Marcelli, viri optimi, & commemorabili pietate, ac virtute præditi, lacrymas modo vobiscum viderem, omnium Marcellorum meum pectus memoria effodit; quibus tu etiam mortuis, M. Marcello conservato, dignitatem suam reddidisti, nobilissimamque familiam, jam ad paucos redactam, pene ab interitu vindicasti; hunc tu igitur diem tuis maximis, & innumerabilibus gratulationibus jure antepones; hæc enim res unius est propria Cæsaris: cæteræ, duce te, gestæ, magnæ illæ quidem, sed tamen multo, magnoque comitatu; hujus autem rei tu idem es dux, & comes; quæ quidem tanta est, ut trophæis, & monumentis tuis nonnulla nunquam allatura sit finem ætas; nihil enim est opere, aut manu factum, quod aliquando non conficiat, & consumat verustas: at vero hæc tua justitia, & lenitas ani-



mi floreſcet quotidie magis, ita ut, quantum operibus tuiſ diuturnitas detrahet, tantum afferat laudibus; & cæteros quædæ omnes victores bellorum civilium jam ante æquitate, & miſericordia vicerat; hodierno vero die te ipſum viciſti; vereor, ut hoc, quod dicam, non perinde intelligi auditu poſſit, atque ego ipſe cogitans ſentio; ipſam victoriam viciſſe videris, cum ea ipſa, quæ illa erat adeptâ, victis remiſiſti; nam cum ipſius victoriæ conditione jure omnes victi occidiſſemus; clementiæ tuæ judicio conſervati ſumus; recte igitur unus invictus es; a quo etiam ipſius victoriæ conditio, viſque deviſta eſt. Atque hoc C. Cæſaris judicium, P. C. quam late pateat, attendite. Omnes enim, qui ad illa arma fato ſumus neſcio quo reip. miſero, funeſtoque compulſi, eſi aliqua culpa tenemur erroris humani, a ſcelere certe liberati ſumus; nam cum M. Marcellum, deprecantibus vobis, reipubl. conſervavit, nemet mihi, & item reipubl. nullo deprecante; reliquos ampliſſimos viros & ſibi ipſis, & patriæ reddidit, quorum & frequentiam, & dignitatem hoc ipſo in conſenſu videtis: non ille hoſtes induxit in curiam, ſed judicavit a plerique ignoratione potius, & falſo, atque inani metu, quam cupiditate, aut crudelitate civile bellum eſſe ſuſceptum; quo quidem in bello ſemper de pace agendum, audiendumque eſſe putavi; ſemperque dolui, non modo pacem, ſed orationem etiam civium pacem eſſagitantium repudiari; neque enim ego illa, nec ulla unquam ſecutus ſum arma civilia: ſemperque mea conſilia pacis, & togæ ſocia, non belli, atque armorum fuerunt; hominem ſum ſecutus privato officio, non publico: tantumque apud me grati animi fidelis memoria valuit, ut nulla non modo cupiditate, ſed ne ſpe quidem prudens, & ſciens tamquam ad interitum ruerem voluntarium; quod quidem meum conſilium minime obſcurum fuit; nam & in hoc ordine, integra re, multa de pace dixi; & in ipſo bello eadem etiam cum capitis mei periculo ſenſi; ex quo nemo erit tam injuſtus rerum æſtimator, qui dubitet, quæ Cæſaris de bello voluntas fuerit, cum pacis auctores conſervandos ſtatim cenſuerit, cæteris fuerit iratior; atque id minus mirum videretur fortasſe tum, cum eſſet incertus exitus, & anceps fortuna belli; qui vero victor pacis auctores diligit, is proſecto declarat, maluiſſe ſe non dimicare, quam vincere; atque hujus quidem rei M. Marcello ſum teſtis; noſtri enim ſenſus, ut in pace ſemper, ſic tum etiam in bello congruebant; quoties ego eum, & quanto cum dolore vidi, cum inſolentiam certorum hominum, tum etiam ipſius victoriæ ferocitatem extimeſcentem? quo gratior tua liberalitas, C. Cæſar, nobis, qui illa vidimus, debet eſſe; non enim jam cauſæ ſunt inter ſe, ſed victoriæ comparandæ; vidimus tuam victoriam præliorum exitu terminatam, gladium vagina vacuum in urbe non vidimus; quos amiſimus cives, eos viſ Martiſ perculit, non ira victoriæ: ut dubitare debeat nemo, quin multos, ſi fieri poſſet, C. Cæſar ab inferis excitaret,

ret, quoniam ex eadem acie conservat, quos potest; alterius vero partis nihil amplius eo dicam, quam id quod omnes verebatur, nimis iracundam futuram fuisse victoriam: quidam enim non modo armatis, sed interdum etiam otiosis minabantur, nec, quid quisque sensisset, sed ubi fuisset, cogitandum esse dicebant: ut mihi quidem videantur dii immortales, etiam si poenas a populo R. ob aliquod delictum expetiverunt, qui civile bellum tantum, & tam luctuosum excitaverunt, vel placati jam, vel etiam satiati aliquando, omnem spem salutis ad clementiam victoris, & sapientiam contulisset. Quare gaude tuo isto tam excellenti bono: & fruiere cum fortuna, & gloria, tum etiam natura, & moribus tuis: ex quo quidem maximus est fructus, jucunditasque sapienti; cætera cum tua recordabere, etsi persæpe virtuti, tamen plerumque felicitati tuæ gratulabere: de nobis, quos in renip. tecum simul salvos esse voluisti, quoties cogitabis, toties de maximis tuis beneficiis, toties de incredibile liberalitate, toties de singulari sapientia tua cogitabis; quæ non modo summa bona, sed nimirum audebo vel sola dicere; tantus est enim splendor in laude vera, tanta in magnitudine animi, & consilii dignitas, ut hæc a virtute donata, cætera a fortuna commodata esse videantur; noli igitur in conservandis bonis viris defatigari, non cupiditate præsertim, aut pravitate aliqua lapsis, sed opinione officii, stulta fortasse, non improba certe, & specie quadam reip. non enim tua ulla culpa est, si te aliquid timuerunt; contraque summa laus, quod plerique minime timendum fuisse senserunt. Nunc venio ad gravissimam querelam, & atrocissimam suspicionem tuam: quæ non tibi ipsa magis, quam cum omnibus civibus, tum maxime nobis, qui a te conservati sumus, providenda est; quam etsi spero esse falsam nunquam tamen verbis extenuabo; tua enim cautio, nostra cautio est: ut, si in alterutro peccandum sit, malim videri nimis timidus, quam parum prudens. Sed quisnam est iste tam demens? de tuis ne? tametsi qui magis sunt tui, quam quibus tu salutem insperantibus reddidisti? an ex eo numero, qui una tecum fuerunt? non est credibilis tantus in ullo furor, ut, quo duce omnia summa sit adeptus, hujus vitam non anteponat suæ. At si tui nihil cogitant sceleris, cavendum est, ne quid inimici; qui? omnes enim qui fuerunt, aut sua pertinacia vitam amiserunt, aut tua misericordia retinuerunt: ut aut nulli supersint de inimicis, aut qui supersuerunt, amicissimi sint. Sed tamen cum in animis hominum tantæ latebræ sint, & tanti recessus, augeamus sane suspicionem tuam: simul enim augebimus & diligentiam; nam quis est omnium tam ignarus rerum, tam rudis in rep. tam nihil unquam nec de sua, nec de communi salute cogitans, qui non intelligat tua salute contineri suam, & ex unius tuæ vitam pendere omnium? e-quidem dies, noctesque de te, ut debeo, cogitans, casus dumtaxat humanos, & incertos eventus valetudinis, & natu-

naturæ communis fragilitatem extimesco; doleoque cum resp. immortalis esse debeat, eam in unius mortalis anima consistere; si vero ad humanos casus, incertosque eventus valetudinis sceleris etiam accedat, insidiarumque consensio: quem deum, etiam si cupiat, opitulari posse resp. credamus? omnia sunt excianda tibi, C. Cæsar, uni, quæ jacere sentis, belli ipsius impetu, quod necesse fuit, perculsa, atque prostrata: constituenda iudicia, revocanda fides, comprimendæ libidines, propaganda soboles: omnia, quæ dilapsa jam fluxerunt, severis legibus vincienda sunt; non fuit recusandum in tanto civili bello, tantoque animorum ardore, & armorum, quin quasi-fata resp. quicumque belli eventus fuisset, multa perderet & ornamenta dignitatis, & præsidia stabilitatis suæ; multaque uterque dux faceret armatus, quæ idem togatus fieri prohibuisset; quæ quidem nunc tibi omnia belli vulnera sananda sunt; quibus, præter te, mederi nemo potest. Itaque illam tuam præclarissimam, & sapientissimam vocem invitus audiui: satis diu vel naturæ vixi, vel gloriæ; satis, si ita vis, naturæ fortasse; addo etiam, si placet, gloriæ; at, quod maximum est, patriæ certe parum; quare omitte, quæso, istam doctorum hominum in contemnenda morte prudentiam: noli nostro periculo sapiens esse. Sæpe enim venit ad aures meas, te idem istud nimis crebro dicere, satis te tibi vixisse; credo; sed tum id audirem, si tibi soli videres, aut si tibi etiam soli natus esses: nunc, cum omnium salutem civium, cunctamque rep. res tuæ gestæ complexæ sint, tantum abesse a perfectione maximorum operum, ut fundamenta, quæ cogitas, nondum jeceris; hic tu modum tuæ vitæ non salute reipub. sed æquitate animi definies? Quid, si istud ne gloriæ quidem tuæ satis est? cujus te esse avidissimum, quamvis is sapiens, non negabis. Parum ne igitur, inquit, gloriam magnam relinquemus? immo vero aliis, quamvis multis, satis, tibi uni parum; quidquid enim est, quamvis amplum sit, id certe est parum tum, cum est aliquid amplius; quod si rerum tuarum immortalium, C. Cæsar, hic exitus futurus fuit, ut, devictis adversariis, rep. in eo statu relinqueres, in quo nunc est: vide quæso, ne tua divina virtus admirationis plus sit habitura, quam gloriæ: si quidem gloria est illustris: ac pervagata multorum, & magnorum vel in suos cives, vel in patriam, vel in omne genus hominum fama meritorum. Hæc igitur tibi reliqua pars est, hic restat actus, in hoc elaborandum est, ut rep. constituas: eaque tu in primis cum summa tranquillitate, & otio perfruare: tum te, si voles, cum & patriæ, quod debes, solveris, & naturam ipsam expleveris satietate vivendi, satis diu vixisse dicito; quid est enim omnino hoc ipsum diu, in quo est aliquid extremum? quod cum venerit, omnis voluptas præterita pro nihilo est, quia postea nulla futura sit; quamquam tuus iste animus nunquam his angustiis, quas natura nobis ad vivendum dedit, contentus fuit;

semper

semper immortalitatis amore flagitavit; nec vero hæc tua vita dicenda est, quæ corpore, & spiritu continetur: illa inquam, vita est tua, Cæsar, quæ vigeat memoria sæculorum omnium, quam posteritas alet, quam ipsa æternitas semper intuebitur; huic tu inservias, huic te ostentes oportet: quæ quidem, quæ miretur, jam pridem multa habet; nunc etiam quæ laudet, expectat; obstupescant p. sleri certe, imperia, provincias, Rhenum, Oceanum, Nilum, pugnas innumerabiles, incredibiles victorias, monumenta innumera, triumphos audientes, & legentes tuos: sed nisi hæc urbs stabilita tuis consiliis, & institutis erit, vagabitur modo nomen tuum longe, atque late, sedem quidem stabilem, & domicilium certum non habebit; erit inter eos etiam, qui nascentur, sicut inter nos fuit, magna dissensio; cum alii laudibus ad cælum res tuas gestas efferent, alii fortasse aliquid requirerent, idque vel maximum, nisi belli civilis incendium salute patriæ restinxis, ut illud sati videatur; hoc fuisse consilii. Servi igitur iis etiam iudiciis, qui multis post sæculis de te iudicabunt, & quidem haud scio, an incorruptius, quam nos: nam & sine amore, & sine cupiditate, & rursus sine odio, & sine invidia iudicabunt; id autem, etiamsi tunc ad te, ut quidam falso putant, non pertinebit, nunc certe pertinet, te esse talem, ut tuas laudes obscuratura nulla unquam sit oblivio. Diversæ voluntates civium fuerunt, distractæque sententiæ; non enim consilio solum, & studiis, sed armis etiam, & castris desidebamus; erat autem obscuritas quædam, erat certamen inter clarissimos duces: multi dubitabant, quid optimum esset; multi, quid sibi expediret; multi, quid deceret; nonnulli etiam quidliceret; perfuncta resp. est hoc misero, fatalique bello: vicit is, qui non fortuna inflammaret odium suum, sed bonitate leniret; neque omnes, quibus iratus esset, eosdem etiam exilio, aut morte dignos iudicaret; arma ab aliis posita, ab aliis erepta sunt; ingratus est, injustusque civis, qui armorum periculo liberatur, animum tamen retinet armatum, ut jam ille sit melior, qui in acie cecidit, quam qui in causa animam profudit; quæ enim pertinacia quibusdam est, eadem aliis constantia videri potest; sed quia jam omnis fracta dissensio est armis, & extincta æquitate victoris; restat, ut omnes unum velint, qui modo habent aliquod non solum sapientiæ, sed etiam saninitatis: quia, nisi te, C. Cæsar, salvo, & in ista sententia, qua cum antea, tum hodie vel maxime usus es, manente, salvi esse non possumus. Quare omnes te, qui hæc salva esse volumus, & hortamur, & obsecramus, ut vitæ tuæ, & saluti consulas: omnesque tibi, ut pro alius etiam loquar, quod de me ipse sentio; quoniam subesse aliquid putas, quod cavendum sit, non modo excubias, & custodias, sed etiam laterum nostrorum oppositus, & corporum pollicemur. Sed ut, unde est orsa, in eodem terminetur oratio mea; maximas tibi omnes gratias agimus,

C. Cæsar, majores etiam habemus; nam omnes idem sentiunt, quod ex omnium precibus, & lacrymis sentire potuisti: sed quia non est stantibus omnibus necesse dicere, a me certe dici volunt: cui necesse est quod modo, & quod volunt, & quod, M. Marcello a te huic ordini, populoque R. & reip. reddito, præcipue id a me fieri debere intelligo; nam lætari omnes, non ut de unius solum, sed ut de communi omnium salute, sentio; quod autem summæ benevolentiae est; quæ mea erga illum omnibus semper nota fuit, ut vix C. Marcello, optimo, & amantissimo fratri, præter eum quidem cederem nemini, cum id sollicitudine, cura, labore tandiu præstiterim, quandiu est de illius salute dubitatum: certe hoc tempore magnis curis, molestiis, doloribus liberatus præstare debeo; itaque, C. Cæsar, sic tibi gratias ago, ut omnibus me rebus a te non conservato solum, sed etiam ornato, tamen ad tua innumerabilia in me unum merita, quod fieri jam posse non arbitrabar, maximus hoc tuo facto cumulus accesserit.

## M. TULLII CICERONIS

### O R A T I O

#### PRO Q. LIGARIO.

#### A R G U M E N T U M.

*Orto bello civili inter Cæsarem, & Pompejum, P. Attius Varus missus fuerat cum imperio in Africam, ut succederet Q. Ligario, qui illi provincie præerat legatus. Ligarius non statim decedens, sed aliquandiu post adventum Attii ibidem moratus, Q. Tubercnem forte cum patre illuc advenientem, ut eam provinciam traderet Cæsari, ab ingressu prohibuit. Hac de re post finitum bellum accusatus apud Cæsarem a Q. Tuberone, a Cicerone defensus est hac Oratione, quæ fere tota Deprecatio.*

**N**ovum crimen, C. Cæsar, & ante hunc diem inauditum propinquus meus ad te Q. Tubero detulit, Q. Ligarium in Africa fuisse: idque C. Pansa, præstanti vir ingenio, fretus fortasse ea familiaritate, quæ est ei tecum, ausus est confiteri; itaque, quo me vertam, nescio; paratus enim veneram, cum tu id neque per te scires, neque audire aliunde potuisses, ut ignoratione tua ad hominis miseri salutem abuterer; sed quoniam diligentia inimici investigatum est, quod latebat: confitendum est, ut opinor; præsertim cum meus necessarius C. Pansa fecerit, ut id jam integrum non esset: omniaque controversia, omnis oratio ad misericordiam tuam conferenda est, qua plurimi sunt conservati

vati, cum a te non solum liberationem culpæ, sed errati veniam impetravissent. Habes igitur, Tubero, quod est accusatori maxime optandum, consistentem reum, sed tamen ita consistentem, se in ea parte fuisse, quæ te, Tubero, quæ virum omni laude dignum, patrem tuum; itaque prius de vestro delicto confiteamini, necesse est, quam Ligarii ullam culpam reprehendatis.

Q. igitur Ligarius, cum esset adhuc nulla belli suspicio, legatus in Africam cum proconsule C. Confidio profectus est: qua in legatione & civibus, & sociis ita se probavit, ut decedens Confidius provincia, satisfacere hominibus non posset, si quemquam alium provinciæ præfecisset; itaque Q. Ligarius, cum diu recusans nihil profecisset, provinciam accepit invitus; cui sic præfuit in pace, ut & civibus, & sociis gratissima esset ejus integritas, & fides; bellum subito exarlit; quod, qui erant in Africa, an e audierunt geri, quam parari; quo audito, partim cupiditate inconsiderata, partim cæco quodam timore, primo salutis causa, post etiam studii sui, querebant aliquem ducem; tum Ligarius domum spectans, & ad suos redire cupiens, nullo se implicari negotio passus est; interim P. Attius Varus, qui prætor Africam obtinuerat, Uticam venit; ad eum statim concursus est: atque ille non mediocri cupiditate arripuit imperium, si illud imperium esse potuit, quod ad privatum, clamore multitudinis imperitæ, nullo publico consilio deferabatur: itaque Ligarius, qui omne tale negotium cuperet effugere, paulum adventu Vari conquievit. Adhuc, C. Cæsar, Q. Ligarius omni culpa vacat; domo est egressus non modo nullum ad bellum, sed ne ad minimam quidem suspicionem belli: legatus in pace profectus, in provincia pacatissima ita se gessit, ut ei pacem esse expediret; profectio certe animum tuum non debet offendere: num igitur remansio? multo minus; nam profectio voluntatem habuit non turpem, remansio etiam necessitatem honestam; ergo hæc duo tempora carent crimine, unum, cum est legatus profectus; alterum, cum ellagitatus a provincia, præpositus Africæ est; tertium est tempus, quo post adventum Vari in Africa resistit; quod si est criminolum, necessitatis crimen est, non voluntatis; an ille, si potuisset illinc ullo modo evadere, Uticæ potius, quam Romæ, cum P. Attio, quam cum concordissimis fratribus, cum alienis esse, quam cum suis maluisset? cum ipsa legatio plena desiderii, ac sollicitudinis fuisset propter incredibilem quemdam fratrum amorem, hic æquo animo esse potuit belli dissidio distractus a fratribus? Nullum igitur habes, Cæsar, adhuc in Q. Ligario signum alienæ a te voluntatis; cujus ego causam, animadvertite, quæso, quæ sit defendam, cum prodo meam; o clementiam admirabilem, atque omni laude, prædicatione, literis, monumentisque decorandam! M. Cicero apud te defendit alium in ea voluntate non fuisse, in qua seipsum confiteretur fuisse; nec tuas tacitas cogitationes extinguit; nec, quid tibi, de alio audienti,

de seipſo occurrat, reformidat. Vide, quam non reformidem; vide quanta lux liberalitatis, & ſapientiæ tuæ mihi apud te dicenti oboriatur; quantum potero, voce contendam, ut hoc populus R. exaudiat. Suſcepto bello, Cæſar, geſto etiam ex magna parte, nulla vi coactus, iudicio meo, ac voluntate ad ea arma profeſtus ſum, quæ erant ſumpta contra te; apud quem igitur hoc dico? nempe apud eum, qui, cum hoc ſciret, tamen me, antequam vidit, reip. reddidit; qui ad me ex Ægypto litteras miſit, ut eſſem idem, qui fuiſſem; qui cum ipſe imperator in toto imperio populi Rom. unus eſſet, eſſe me alterum paſſus eſt: a quo hoc ipſo C. Panſa mihi nuncium perferente, conſeſſos ſaſces laureatos tenui, quoad tenendos putavi: qui mihi tum denique ſe ſalutem putavit reddere, ſi eam nullis ſpoliatam ornamentis redderet. Vide, quaſo Tubero, ut, qui de meo faſto non dubitem dicere, de Ligarii non audeam conſiteri. Atque hæc propterea de me dixi, ut mihi Tubero, cum de ſe eadem dicerem, ignoſceret; cujus ego indiſtriæ, gloriæque ſaveo, vel propter propinquam cognationem, vel quod ejus ingenio, ſtudiſque delector, vel quod laudem adoleſcentis propinqui exiſtimo etiam ad meum aliquem fructum redundare; ſed hoc quaero, quis putet eſſe crimen, fuiſſe in Africa Ligarium? nempe is, qui & ipſe in eadem Africa eſſe voluit, & prohibitum ſe a Ligario queritur, & certe contra ipſum Cæſarem eſt congreſſus armatus; quid enim, Tubero, tuus ille diſtriſtus in acie Pharaſica gladius agebat? cujus latus ille mucro petebat? qui ſenſus erat armorum tuorum? quæ tua mens? oculi? manus? ardor animi? quid cupiebas? quid optabas? nimis urgeo: commoveri videtur adoleſcens; ad me revertar; iſdem in armis fui; quid autem aliud egimus, Tubero, niſi ut, quod hic poteſt, nos poſſemus? Quorum igitur impunitas, Cæſar, tuæ clementiæ laus eſt; eorum ipſorum ad crudelitatem te acuet oratio? Atque in hac cauſa non nihil equidem, Tubero, etiam tuam, ſed inulto magis patris tui prudentiam deſidero, quod homo cum ingenio, tum etiam doctriſſima excellens, genus hoc cauſæ, quod eſſet, non viderit; nam ſi vididiſſet, quov.ſ profeſſe, quam iſto modo a te agi maluiffet; arguiſ ſatentem: non eſt ſatis; accuſas eum, qui cauſam habet, aut, ut ego dico, meliorem, quam tu, aut, ut tu vis, parem; hæc non modo mirabilia ſunt, ſed prodigiis ſimilia, quæ dicam; non habet eam vim iſta accuſatio, ut Q. Ligarius condemnetur, ſed ut necetur; hoc egit civis R. ante te nemo: externi iſti ſunt mores; uſque ad ſanguinem incitari ſolet odium aut levium Græcorum, aut immanium barbarorum; nam quid aliud agis? ut Romæ ne ſit? ut domo careat? ne cum optimis fratribus, ne cum hoc T. Brocho, avunculo ſuo, ne cum ejus filio conſobrino ſuo, ne nobiſcum vivat? ne ſit in patria? num in patria eſt? num poteſt magis carere his omnibus, quam caret? Italia prohibetur, exulat; non tu ergo hunc patriæ privare, quæ caret, ſed vita vis. At

istud ne apud eum quidem dictatorem, qui omnes, quos ode-  
rat, morte multabat, quisquam egit isto modo; ipse jube-  
bat occidi, nullo postulante: præmiis etiam invitabat; quæ  
tamen crudelitas ab hoc eodem aliquot annis post, quem tu  
nunc crudelem esse vis, vindicata est. Ego vero istud non  
postulo, inquires. Ita mehercule existimo, Tubero: novi  
enim te, novi patrem tuum, novi domum, nomenque ve-  
strum; studia denique generis, ac familiæ vestræ, virtutis,  
humanitatis, doctrinæ, plurimarum artium, atque opti-  
marum nota sunt mihi omnia; itaque certo scio, vos  
non petere sanguinem; sed parum attenditis: res enim  
eo spectat, ut ea cœna, in qua adhuc Q. Ligarius sit,  
non videamini esse contenti; quæ est igitur alia præter  
mortem? si enim in exilio est, sicuti est, quod amplius  
postulatis? an, ne ignoscatur? hoc vero multo acerbius,  
multoque est gravius; quod nos domi petimus precibus,  
& lacrymis prostrati ad pedes, non tam nostræ causæ fi-  
dentes, quam hujus humanitati, id ne impetremus, pu-  
gnabis? & in nostrum æctum irrumpes? & nos jacentes  
ad pedes supplicum voce prohibebis? si, cum hoc domi  
faceremus, quod & fecimus, & ut spero, non frustra  
fecimus, tu derepente irrupisses, & clamare cœpisses;  
C. Cæsar, cave credas, cave ignoscas, cave te fratrum  
pro fratris salute obsecrantium misereat: nonne omnem  
humanitatem exuisses? quanto hoc durius, quod nos do-  
mi petimus, id a te in foro oppugnari, & in tali mise-  
ria multorum perfugium misericordiæ tollere? Dicam pla-  
ne, C. Cæsar, quod sentio; si in hac tanta tua fortuna  
lenitas tanta non esset, quantam tu per te, per te, in-  
quam, obtines (intelligo, quid loquar) acerbissimo lu-  
ctu redundaret ista victoria; quam multi enim essent de-  
victoribus, qui te crudelem esse vellent, cum etiam de  
victis reperiantur? quam multi, qui, cum a te nemini  
ignosci vellent, impedirent clementiam tuam, cum et-  
iam ii, quibus ipse ignovisti, nolint te in alios esse mi-  
sericordem? Quod si probare Cæsari possemus, in Africa  
Ligarium omnino non fuisse; si honesto, & misericordi  
mendacio saluti civis calamitosi consultum esse vellemus;  
tamen hominis non esset in tanto discrimine, & pericu-  
lo civis resellere, & coarguere nostrum mendacium; & si  
esset alicujus, ejus certe non esset, qui in eadem causa,  
& fortuna fuisset; sed tamen aliud est, errare Cæsarem  
nolle, aliud nolle misereri; tum diceres, cave, Cæsar,  
credas; fuit in Africa Ligarius; tulit arma contra te:  
nunc quid dicis? cave ignoscas; hæc ne hominis, ne ad  
hominem vox est; qua qui apud te, C. Cæsar, utetur,  
suam citius abjiciet humanitatem, quam extorquebit  
tuam. At primus aditus, & postulatio Tiberonis hæc,  
ut opinor, fuit, velle se de Q. Ligarii scelere dicere:  
Non dubito, quin admiratus sis; vel quod de nullo alio  
quisquam; vel quod is, qui in eadem causa fuisset, vel  
quidnam novi facinoris afferret. Scelus tu illud vocas,  
Tubero; cur? isto enim nomine illa adhuc causa caruit;



alii errorem appellant, alii t. morem; qui durius, spem, cupiditatem, odium, pertinaciam; qui gravissime, temeritatem; scelus, præter te, adhuc nemo; ac mihi quidem, si proprium, & verum nomen nostri mali quaeratur, fatalis quædam calamitas incidisse videtur, & improvidas hominum mentes occupavisse, ut nemo mirari debeat, humana consilia divina necessitate esse superata; libeat esse miseros: quamquam hoc victore esse non possumus; sed non loquor de nobis; de illis loquor, qui occiderunt; fuerint cupidi, fuerint irati, fuerint pertinaces; sceleris vero crimine, furoris, parricidii liceat Cn. Pompejo mortuo, liceat multis aliis carere; quando hoc quisquam ex te, Cæsar, audivit? aut tua quid aliud arma voluerunt, nisi a te contumeliam propulsare? quid egit tuus ille invictus exercitus, nisi ut suum jus tueretur, & dignitatem tuam? Quid? tu cum pacem esse cupiebas, id ne agebas, ut tibi cum sceleratis, an ut cum bonis civibus conveniret? Mihi vero, Cæsar, tua in me maxima merita tanta certe non viderentur, si me ut sceleratum a te conservatum putarem; quomodo autem tu de rep. bene meritis esses, si tot sceleratos incolumi dignitate esse voluisses? Secessionem tu illam existimavisti, Cæsar, initio, non bellum, non hostile odium, sed civile dissidium, utrique supientibus republ. salvam, sed partim consiliis, partim studiis a communi utilitate aberrantibus; principum dignitas erat pœne par, non par fortasse eorum, qui sequebantur: causa tum dōbia; quod erat aliquid in utraque parte, quod probari posset: nunc melior certe ea iudicanda est, quam etiam dii adjuverunt; cognita vero clementia tua, qui non eam victoriam probet, in qua occiderit nemo, nisi armatus. Sed, ut omittam communem causam, veniamus ad nostram; utrum tandem existimas facilius fuisse, Tubero, Ligarium ex Africa exire, an vos in Africam non venire? poteramus ne, inquires, cum senatus censuisset? si me consulis nullo modo: sed tamen Ligarium senatus idem legaverat; atque ille eo tempore paruit, cum parere senatui necesse erat: vos tum parvisti, cum paruit nemo, qui noluit. Reprehendo igitur? minime vero; neque enim licuit aliter vestro generi, nomini, familiæ, disciplinæ; sed hoc non concedo, ut quibus rebus gloriemini in vobis, easdem in aliis reprehendatis. Tiberonis fors coniecta est ex S. C. cum ipse non adesset, morbo etiam impediretur: statuerat se excusare; hæc ego novi propter communes necessitudines, quæ mihi sunt cum L. Tubero: domi una eruditi, militiæ contubernales, post affectionem, in omni denique vita familiares: magnum etiam vinculum, quod fisdem semper studiis usi sumus. Scio igitur Tuberonem domi manere voluisse: sed ita quidam agebant, ita seip. sanctissimum nomen opponebant, ut, etiam si aliter sentiret, verborum tamen ipsorum pondus sustinere non posset: cessit auctoritati amplissimi viri, vel potius paruit: una est profectus cum iis, quorum erat una causa: tardius iter fecit: itaque in Africam venit jam occu-

patam; hinc in Ligarium crimen oritur, vel ira potius; nam si crimen est prohibere illum voluisse, non minus magnum est, vos Africam, omnium provinciarum arcem, natam ad bellum contra hanc urbem gerendum, obtinere voluisse, quam aliquem se imperatorem esse maluisse, atque is tamen aliquis Ligarius non fuit. Varus imperium se habere dicebat: fasces certe habebat. Sed quoquo modo sese illud habet, hæc querela vestra, Tubero, quid valet? recepti in provinciam non sumus; quid, si essetis? Cæsari ne eam tradituri fuissetis, an contra eum retenturi? Vide quid licentiæ, Cæsar, nobis tua liberalitas det, vel potius audaciæ. Si responderit Tubero, Africam, quo senatus eum forsque miserat, tibi patrem suum traditurum fuisse: non dubitabo apud ipsum te, cujus id eum facere interfuit, gravissimis verbis ejus consilium reprehendere; non enim si tibi ea res grata fuisset, esset etiam probata; sed jam hoc totum omitto non tam ut ne offendam tuas patientissimas aures, quam ne Tubero, quod nunquam cogitavit, facturus fuisse videatur. Veniebatis igitur in Africam, provinciam ex omnibus huic victoriæ maxime infestam: in qua erat rex potentissimus, inimicus huic causæ, aliena voluntas, conventus firmi, atque magi. Quæro, quid facturi fuissetis? quamquam, quid facturi fueritis, non dubitem, cum videam, quid feceritis. Prohibiti estis in provincia vestra pedem ponere, ut perhibetis, summa cum injuria; quo modo id tulistis? acceptæ injuriæ querelam ad quem detulistis? nempe ad eum, cujus auctoritatem secuti, in societatem belli veneratis; quod si Cæsaris causa in provinciam veniebatis; ad eum profecto exclusi provincia venissetis; venistis ad Pompejum; quæ est ego apud Cæsarem querela, cum eum accusetis, a quo queramini vos prohibitos contra Cæsarem bellum gerere? atque in hoc quidem vel cum mendacio, si vultis, gloriari per me licet, vos provinciam fuisse Cæsari tradituros, etiamsi a Varo, & quibusdam aliis prohibiti essetis: ego autem confitebor culpam esse Ligarii, qui vos tantæ laudis occasione privaverit; sed vide quæso, C. Cæsar, constantiam ornatissimi viri, L. Tiberonis: quam ego, quamvis ipse probarem, ut probo, tamen non commemorarem, nisi a te cognovissem in primis eam virtutem solere laudari; quæ fuit igitur unquam in ullo homine tanta constantia? constantiam dico? nescio, an melius patientiam possem dicere; quotus enim istud quisque fecisset, ut a quibus partibus in dissensione civili non esset receptus, essetque etiam cum crudelitate ejectus, ad eas ipsas rediret? magni cujusdam animi, atque ejus viri est, quem de suscepta causa, propositaque sententia nulla contumelia, nulla vis, nullum periculum posset depellere; ut enim cætera paria Tiberoni cum Varo fuisset, honos, nobilitas, splendor, ingenium, quæ nequaquam fuerunt; hoc certe præcipuum Tiberonis fuit, quod iusto cum imperio ex S. C. in provinciam suam venerat; hinc prohibitus,

non ad Cæsarem, ne iratus; non domum, ne iners; non aliquam in regionem, ne condemnare causam illam, quam secutus esset, videretur; in Macedoniam, in Cn. Pompeji castra venit, in eam ipsam causam, a qua erat rejectus cum injuria. Quid? cum ista res nihil commovisset ejus animum, ad quem veneratis: languidiore, credo, studio in causa fuistis; tantummodo in præsiidiis eratis, animi vero a causa abhorrebant; an, ut sit in civilibus bellis, nec in vobis magis, quam in reliquis, omnes vincendi studio tenebamur? pacis equidem semper auctor fui, sed tum sero: erat enim amentis, cum aciem videres, pacem cogitare; omnes, inquam, vincere volebamus; tu certe præcipue, qui in eum locum venisses, ubi tibi esset perendum; nisi vicisses; quamquam ut nunc se res habet, non dubito, quin hanc salutem anteponat illi victoriæ; hæc ego non dicerem, Tubero, si aut vos constantiæ vestræ, aut Cæsarem beneficii sui pœniteret. Nunc quæro, utrum vestras injurias, an reipublicæ persequamini; si reipublicæ, quid de vestra in ea causa perseverantia respondebitis; si vestras; videte ne errëtis, qui Cæsarem vestris inimicis iratum fore putetis, cum ignoveris suis; itaque cum tibi videor, Cæsar, in causa Ligarii occupatus esse? num de ejus facto dicere? quidquid dixi, ad unam summam referri volo, vel humanitatis, vel clementiæ, vel misericordiæ tuæ. Causas, Cæsar, egi multas, & quidem tecum, dum te in foro tenuit ratio honorum tuorum: certe nunquam hoc modo, Ignoscite, judices; erravit, lapsus est, non putavit, si nunquam posthac; ad parentem sic agi solet; ad judices, Non fecit, non cogitavit, falsi testes, fictum crimen. Dic te, Cæsar, de facto Ligarii judicem esse: quibus in præsiidiis fuerit, quære; taceo; ne hæc quidem colligo, quæ fortasse valerent etiam apud judicem; legatus ante bellum profectus, relictus in pace, bello oppressus, in eo non acerbus, tum etiam fuit totus animo, & studio tuus; ad judicem sic agi solet, sed ego ad parentem loquor; erravi, temere feci, pœnitet, ad clementiam tuam confugio, delicti veniam peto, ut ignoscas oro; si nemo impetravit, arroganter: si plurimi, tu idem ser opem, qui spem dedisti; an superandi Ligario causa non sit, cum mihi apud te sit locus etiam pro altero deprecandi? Quamquam neque in hac oratione spes est posita causæ, nec in eorum studiis, qui a te pro Ligario petunt, tui necessarii. Vidi enim, & cognovi, quid maxime spectares, cum pro alicujus salute multi laborarent, causas apud te rogantium gratiores esse, quam preces; neque spectare, quam tuus esset necessarius is, qui te oraret; sed quam illius, pro quo laboraret; itaque tribuis tu quidem tuis ita multa, ut mihi beaviores illi esse videantur interdum, qui ita liberaliter fruuntur, quam tu iple, qui illis tam multa concedis; sed video tamen apud te causas, ut dixi, rogantium valere plus, quam preces; ab hisque te moveri maxime, quorum iustissimum dolorem videas in petendo; in Q. Ligario conservando multis tu quidem gratum facies necessariis tuis:

sed hoc, quæso, considera, quod soles. Possum fortissimos viros Sabinos, tibi probatissimos, totumque agrum Sabinum, florem Italiae, robur reip. proponere; nostri optime homines; animadverte horum omnium mœstitiam, & dolorem; hujus T. Brochi, de quo non dubito quid existimes, lacrymas, squaloremque ipsius, & filii vides; quid de fratribus dicam? noli, Cæsar, putare de unius capite nos agere; aut tres Ligarii in civitate retinendi sunt, aut tres ex civitate exterminandi; quodvis exilium his est optatius, quam patia, quam domus, quam dii penates uno illo exulante. Si fraternæ, si piæ, si cum dolore faciunt; moveant te horum lacrymæ, moveat pietas, moveat germanitas; valeat tua vox illa, quæ vicit; te enim dicere audiebamus, nos omnes adversarios putare, nisi qui nobiscum essent; te omnes, qui contra te non essent, tuos. Vides ne igitur hunc splendorem, omnem hanc Brochorum domum, hunc L. Marcium, C. Cælestium, L. Cornificium, hosce omnes equites R. qui adsunt veste mutata, non solum notos tibi, verum etiam probatos viros, qui tecum fuerunt? atque his maxime irascebamur, & hos requirebamus, & his nonnulli etiam minabantur: conserva igitur tuis suos, ut, quemadmodum cætera, quæ dicta sunt a te, sic hoc verissimum reperiat; quod si penitus perspicere posses concordiam Ligariorum; omnes fratres tecum judicares fuisse. An potest quisquam dubitare, quin, si Q. Ligarius in Italia esse novisset, in eadem sententia futurus fuerit in qua fratres fuerunt? quis est, qui horum consensum conspirantem & pectus conflatum, in hac prope æqualitate fraterna non noverit? qui hoc non sentiat, quidvis prius futurum fuisse, quam ut hi fratres diversas sententias, fortunaque sequerentur? voluntate igitur omnes tecum fuerunt, tempestate abreptus est unus: qui, si consilio id fecisset, esset eorum similis, quos tu tamen salvos esse voluisti; sed ierit ad bellum; dissenserit non a te solum, verum etiam a fratribus; hi te orantur tui; equidem cum tuis omnibus negotiis interestem, memoria tengo, qualis tum T. Ligarius, quæstor urbanus, fuerit erga te, & dignitatem tuam; sed parum est me hoc meminisse: spero etiam te, qui oblipisci nihil soles, nisi injurias, quoniam hoc est animi, quoniam etiam ingenii tui, te aliquid de hujus quæstoris officio cogitantem, etiam de aliis quibusdam quæstoribus reminiscentem recordari; hic igitur T. Ligarius, qui tum nihil egit aliud (neque enim hæc divinabat) nisi ut tu eum studiosum, & bonum virum judicares, nunc a te supplex fratris salutem petit: quam hujus admonitus officio, cum utrisque his dederis, tres fratres optimos, & integerrimos non solum sibi ipsos, neque his tot, ac talibus viris, neque nobis necessariis suis, sed etiam reip. condonaveris; fac igitur, quod de homine nobilissimo, & clarissimo, M. Marcello restituto fecisti nuper in curia, nunc idem in foro de optimis, & huic omni frequentiae probatissimis fratribus; ut concessisti illum senatui; sic da hunc popu-

lo, ejus voluntatem carissimam semper habuisti: &, si ille dies tibi gloriosissimus, populo R. gratissimus fuit, noli, obsecro, dubitare, C. Cæsar, similem illi gloriæ laudem quam sæpissime quærere; nihil enim est tam popolare, quam bonitas: nulla de virtutibus tuis plurimis nec gravior, nec admirabilior misericordia est; homines enim ad deos nulla re propius accedunt, quam salutem hominibus dando; nihil habet nec fortuna tua majus, quam ut possis, nec natura tua melius, quam ut velis conservare quamplurimos. Longiorem orationem causa forsitan postulat, tua certe natura brevior; quare cum utilius esse arbitrer, te ipsum, quam aut me, aut quemquam, loqui tecum, finem jam faciam: tantum te admonebo, si illi absenti salutem dederis, præsentibus his omnibus te daturum.

# M. TULLII CICERONIS

## O R A T I O

### PRO REGE DEJOTARO.

#### A R G U M E N T U M.

*Dejotarus Rex Gallogræciæ, bello civili Pompeji partes secutus fuerat. Victo Pompejo cum discessisset ab armis, semper deinceps Cæsaris utilitatibus præsto fuit. Quocirca Cæsar ei placatus, conciliatusque, cum in eos partes venisset, & Regem eum appellavit, & hospitio ejus usus fuit. At nepos Dejotarum ex filia, Castor nomine, extitit, qui avum Dejotarum detulit insidiarum apud Cæsarem, quod is eum, cum domi ejus versaretur, occidere voluisset. Defensio Dejotarum delata ad Ciceronem, qui hanc Orationem privatim apud Cæsarem habuit.*

**C**UM in omnibus causis gravioribus, C. Cæsar, initio dicendi commoveri solemus vehementius, quam videtur vel usus, vel ætas mea postulare: tum in hac causa ita me multa perturbant, ut quantum mea fides studii mihi asserat ad salutem regis Dejotarum defendendam, tantum facultatis timor detrahat: primum dico pro capite, fortunisque regis: quod ipsum etsi non iniquum est, in tuo dumtaxat periculo; tamen est ita inusitatum, regem capitis reum esse, ut ante hoc tempus non sit auditum; deinde eum regem, quem orare antea cuncto cum senatu solebamus pro perpetuis ejus in nostram rempub. meritis, nunc contra atrocissimum crimen cogor defendere; accedit, ut accusatorum alterius crudelitate, alterius indignitate perturbet; crudelis Castor, ne dicam sceleratum, & impium, qui nepos  
avum

avum in discrimen capitis adduxerit, adolescentiæ suæ terrorem intulerit ei; cuius fenestutem tueri, & tegere debebat; commendationem ineuntis ætatis ab impietate, & scelere duxerit; avi servum, corruptum præmiis, ad accusandum dominum impulerit, & a legatorum pedibus abduxerit; fugitivi autem dominum accusantis, & dominum absentem, & dominum amissimum nostræ reip. cum os videbam, cum verba audiebam, non tam afflicta regiam conditionem dolebam, quam de fortunis communibus extimecebam; nam cum more majorum de servo in dominum ne tormentis quidem quæri liceat, in qua quæstione dolor veram vocem elicere possit etiam ab invito: exortus est servus, qui, quem in equuleo appellare non posset, eum accuset solutus. Perturbat me, C. Cæsar, etiam illud interdum, quod tamen, cum te penitus recognovi, timere desino; res enim iniquum est, sed tua sapientia fit æquissimum; nam dicere apud eum de facinore, contra cuius vitam consilium facinoris inisse arguere, si per se ipsum consideres, grave est; nemo enim fore est qui sui periculi iudex non sibi se æquiores, quam reo, præbeat; sed tu, C. Cæsar, præstans, singularisque natura hunc mihi metum minuit; non enim tam timeo, quid tu de rege Dejotaro, quam intelligo, quid de te cæteros velis judicare. Moveor etiam loci ipsius insolentia, quod tanta causam, quanta nulla unquam in disceptatione versata est, dico intra domesticos parietes, dico extra conventum, & eam frequentiam, in qua oratorum studia niti solent; in tuis oculis, in tuo ore, vultuque acquiesco: te unum intueor; ad te unum omnis mea spectat oratio; quæ mihi ad spem obtinendæ veritatis gravissima sunt, ad motum animi, & omnem impetum discendi, contentionemque leviora; hanc enim, C. Cæsar, causam si in foro dicerem eodem audiente, & disceptante te, quantam mihi aacritatem populi Rom. concursus afferret? quis enim civis ei regi non faveret, cuius omnem ætatem in populi R. bellis consumptam esse meminisset? spectarem curiam, intuerer forum, cælum denique testarer ipsum: sic, cum & decorem immortalium, & populi Rom., & senatus beneficia in regem Dejotarum recordarer, nullo modo mihi deesse posset oratio; quæ quoniam angustiora parietes faciunt, actioque causas maxime debilitatur loco: tuum est, Cæsar, qui pro multis sæpe dixisti, quid nunc mihi animi sit, ad te ipsum referre, quo facilius tum æquitas tua, tum audiendi diligentia minuat hanc perturbationem meam. Sed antequam de accusatione ipsa dico, de accusatorum spe pauca dicam: qui cum videantur neque ingenio neque usu atque exercitatione rerum valere, tamen ad hanc causam non sine aliqua spe, & cogitatione venerunt. Iratum te regi Dejotaro fuisse, non erant nesciri: affectum illum quibusdam incommodis, & detrimentis, propter offensionem animi tui, neminerant; teque cum huic iratum, tum sibi amicum cognoverant: cumque apud ipsum te de tuo periculo dicerent,

Tore putabant, ut in exulcerato animo facile fistum crimen inluderet; quamobrem hoc nos primum metu, C. Cæsar, per fidem, & constantiam, & clementiam tuam libera, ne residere in te ullam partem iracundiæ suspicemur; per dexteram te istam oro, quam regi Dejotaro hospes hospitii porrexisti; istam, inquam, dexteram, non tam in bellis, & in præliis, quam in promissis, & fide firmiorem. Tu illius domum inire, tu vetus hospitium renovare voluisti: te ejus dii penates acceperunt: te amicum, & placatum Dejotari regis aræ, focique viderunt; cum facile exorari, Cæsar, tum semelexorari soles; nemo unquam te placavit inimicus, qui ullam resedisse in te similitudinis reliquias senserit; quamquam cui sunt inauditiæ cum Dejotaro querelæ tuæ? nunquam tu illum accusavisti, ut hostem; sed ut amici officio parum functum, quod propensior in Cn. Pompeji amicitiam fuisset, quam in tuam; cui tamen ipsi rei veniam te daturum fuisse dicebas, si tum auxilia Pompejo, vel si etiam filium misisset, ipse tamen excusatione ætatis usus esset; itaque cum maximis eum rebus liberares, per parvam amicitiae culpam relinquebas; itaque non solum in eum non animadvertisti, sed omni metu liberavisti; hospitem agnovisti; regem reliquisti: neque enim ille odio tui progressus, sed errore communi lapsus est; is rex, quem senatus hoc nomine sæpe honorificentissimis decretis appellavisset, quique illum ordinem ab adolescentia gravissimum, sanctissimumque duxisset, iisdem rebus est perturbatus, homo longinquus, & alienigena, quibus nos, in media republ. nati, semperque versati. Cum audisset senatus consentientis auctoritate arma sumpta, consulibus, prætoribus, tribunis pl. nobis imperatoribus republ. dedendam datam; movebatur animo, & vir huic imperio amicissimus de salute populi Rom. extimescebat, in qua etiam suam inclusam esse videbat: in summo tamen timore quiescendum sibi esse arbitrabatur; maxime vero perturbatus est, ut audivit consules ex Italia profugisse, omnesque consulares (sic enim nunciabatur) cunctum senatum, totam Italiam esse effusam; talibus enim nunciis, & rumoribus patebat ad orientem via, nec ulli veri subsequabantur; nihil ille de conditionibus tuis, nihil de studio concordiae, & pacis, nihil de conspiratione audiebat certorum hominum contra dignitatem tuam; quæ cum i a essent, tamen usque eo se tenuit, quod a Cn. Pompejo ad eum legati, litteræque venerunt; ignosce, ignosce, Cæsar, si ejus viri auctoritati rex Dejotatus cessit, quem nos omnes secuti sumus; in quem cum dii, atque homines omnia ornamenta concessissent, tum tu ipse plurima, & maxima; neque enim, si tuæ res gestæ cæterum laudibus obscuritatem attulerunt, idcirco Cn. Pompeji memoriam amisimus; quantum nomen ejus fuerit, quantæ opes, quanta in omni genere bellorum gloria, quanti honores populi R., quanti senatus, quanti tui, quis ignorat? tanto ille superiores vicerat gloria, quanto

quanto tu omnibus præstitisti; itaque Cn. Pompeji bella, victorias, triumphos, consulatus admirantes numerabamus, tuos enumerare non possumus. Ad eum igitur rex Dejotarus venit hoc misero fatalique bello, quem ante iussis, hostilibusque bellis adjuverat, quocum erat non hospitio solum, verum etiam familiaritate conjunctus & venit vel rogatus, ut amicus; vel arcessitus, ut socius; vel evocatus, ut is, qui senatui parere didicisset; postremo venit ut ad fugientem, non ut ad insipientem, id est, ad periculi, non ad victoriæ societatem; itaque Pharsalico prælio facto, a Pompejo discessit: spem infinitam persequi noluit: vel officio, si quid debuerat; vel errori, si quid nescierat, satisfactum esse duxit: domum se contulit: teque Alexandrinum bellum gerente, utilitatibus tuis paruit; ille exercitum Cn. Domitii, amplissimi viri, suis testis, & copiis sustentavit: ille Ephelum ad eum, quem tu ex tuis fidelissimum, & probatissimum omnibus delegisti, pecuniam misit: ille iterum, ille tertio auctionibus factis, pecuniam dedit, qua ad bellum uteretur: ille corpus suum periculo objecit, tecumque in acie contra Pharnacem fuit, tuumque hostem esse duxit suum; quæ quidem a te in eam partem accepta sunt, C. Cæsar, ut eum amplissimo regis honore & nomine affeceris. Is igitur non modo a te periculo liberatus, sed etiam honore amplissimo ornatus arguitur, domi te suæ interficere voluisse: quod tu, nisi eum furiosissimum iudicas, suspicari profecto non potes. Ut enim, omittam, ejus tanti sceleris fuerit, in conspectu deorum penatium necare hospitem: ejus tantæ importunitatis, omnium gentium, atque omnis memoriæ clarissimum lumen extinguere; ejus tantæ ferocitatis victorem orbis terrarum non extimescere: ejus tam inhumani, & ingrati animi, a quo rex appellatus esset, in eum tyrannum inveniri, ut hæc omittam, ejus tanti furoris fuit, omnes reges, quorum multi erat finitimi, omnes liberos populos, omnes socios, omnes provincias, omnia denique omnium arma contra se unum excitare? quoniam ille modo cum regno, cum domo, cum conjuge, cum carissimo filio distractus esset, tanto scelere non modo perfecto, sed etiam cogitato? At, credo, hæc homo inconsultus, & temerarius non videbat; quis consideratior illo? quis rectior? quis prudentior? quamquam hoc loco Dejotarum non tam ingenio, & prudentia, quam fide, & religione vitæ defendendum puto; nota tibi est, C. Cæsar, hominis probitas, noti mores, nota constantia; cui potro, qui modo populi R. nomen audivit, Dejotari probitas, integritas, gravitas, virtus, fides non est audita? quod igitur facinus nec in hominem imprudentem cadere posset, propter metum præsentis exitii, nec in facinorosum, nisi esset idem amentissimus; id vos, & a viro optimo, & ab homine minime stulto cogitatum esse congingitis. At quem non modo non credibiliter, sed ne suspiciose quidem? Idum, inquit, in castellum Lucceium venisses, & domum



regis hospitis tui divertisses; locus erat quidam, in quo  
 erant ea composita, quibus rex te munere constituerat;  
 huc te e balneo, prius quam accumberes, ducere vole-  
 bat; ibi enim erant armati, qui te interficerent, in eo  
 ipso loco collocati. En crimen, en causa, cur regem su-  
 peritivus, dominum servus accuset. Ergo mehercule, C. Cæ-  
 sar, initio, cum est ad me ista causa delata, Philippum  
 medicum, servum regium, qui cum legatis missus esset,  
 ab isto ipso adolescente existimavi esse corruptum; hac  
 suspitione sum perculsus: medicum indicem sobornabit,  
 finget videlicet aliquod crimen veneni; etsi a veritate lon-  
 ge, tamen a consuetudine criminandi non multum res-  
 abhorrebat; quid ait medicus? nihil de veneno; at id  
 fieri potuit primo occultius in potione, vel in cibo: de-  
 inde etiam impudius fit, quod cum est factum, negari  
 potest; si palam te interemisset, omnium in se gentium  
 non solum odia, sed etiam arma convertisset: si veneno,  
 Jovis illius quidem hospitalis nomen unquam celare po-  
 tuisset, homines vero fortasse celavisset; quod igitur &  
 occultius conari, & efficere cautius potuit, id tibi, &  
 medico callido, & servo, ut putabat, fideli; non credi-  
 dit; de armis, de ferro, de insidiis celare te noloit? At  
 quam festivo crimen contexitur! tua te, inquit, eadem,  
 quæ semper, fortuna servavit; negavisti tum te inspicere  
 velle; quid postea? an Dejotarus, re illo tempore non  
 perfecta, continuo dimisit exercitum? nullus erat alius  
 insidiandi locus? at eodem te, cum cenavisses, reditu-  
 rum dixeras; itaque fecisti, horam unam, aut duas eo-  
 dem loco armatos, ut collocati fuerant, retinere magnum  
 fuit? cum in convivio comiter, & jucunde fuisses, tum  
 illuc ivisti, ut dixeras, quo in loco Dejotarum talem er-  
 ga te cognovisti, qualis rex Attalus in P. Africanum fuit:  
 cui magnificentissima dona, ut scriptum legimus, usque  
 ad Numantiam misit ex Asia, quæ Africanus inspectante  
 exercitu accepit; quod cum præsens Dejotarum regio &  
 animo, & more secisset, tu in cubiculum discessisti. Ob-  
 secro, C. Cæsar, repete temporis illius mentoriæ: pone  
 illum ante oculos diem: vultus hominum te intuentium,  
 atque admirantium recordare, num quæ trepidatio? num  
 qui tumultus? num quid, nisi moderate, nisi quiete, ni-  
 si ex hominis gravissimi, & sanctissimi disciplina? quid  
 igitur causæ excogitari potest, cur te lautum voluerit,  
 cenatum noluerit occidere? In posterum, inquit, diem  
 distulit, ut, cum in castellum Lucejum ventum esset,  
 ibi cogitata perficeret. Non video causam loci mutandi:  
 sed tamen acta res criminose est. Cum, inquit, vomere  
 post cenam velle te dixisses, in balneum te ducere co-  
 eperunt; ibi enim erant insidiæ; at te eadem tua fortuna  
 servavit, in cubiculum te ire malle dixisti. Dii te per-  
 dant, fugitive: ita non modo nequam, & improbus, sed  
 & fatuus, & amens es; quid? ille signa ænea in insidiis  
 posuerat, quæ e balneo in cubiculum transferri non pos-  
 sent? Habes crimina insidiarum; nihil enim dixit am-  
 plius.

plius. Horum, inquit, eram conscius; quid tum? ita demens ille erat, ut eum, quem conscius tanti sceleris habebat, a se dimitteret? Romam etiam mitteret, ubi & inimicissimum sciret esse nepotem suum, & C. Cæsarem, cui setisset insidias; præsertim cum is unus esset, qui posset de absente se vindicare? Et fratres meos, inquit, quod erant consci, in vincula conjecit. Cum igitur eos vinciret, quos secum habebat, te solum Romam mittebat, qui eadem scires, quæ illos scire dicis? Reliqua pars accusationis duplex fuit: una regem semper in speculis fuisse, cum a te animo esset alieno: altera, exercitum eum contra te magnum comparasse; de exercitu dicam breviter, ut cætera. Nunquam eas copias rex Dejotarus habuit, quibus inferre bellum populo R. posset, sed quibus fines suos ab excursionibus hostium, & latrociniiis tueretur, & imperatoribus nostris auxilia mitteret; atque antea quidem majores copias alere poterat, nunc exiguas vix tueri potest. At misit ad Cælium nescio quem, sed eos, quos misit, quod ire noluerunt, in vincula conjecit. Non quæro, quam verissimile sit, aut non habuisse regem, quos mitteret; aut eos, quos misisset, non paruisse; aut, qui dicto audientes in tanta re non fuissent, eos victos potius, quam necatos fuisse; sed tamen eum ad Cælium mittebat, utrum causam illam victam esse nesciebat, an Cælium istum magnum hominem putabat? quem profecto is, qui optime nostros homines novit, vel quia non nosset, vel si nosset, contemnere. Addidit etiam illud, equites non optimos misisse tibi; veteres, credo, Cæsar: nihil ad tuum equitatum; sed misit ex iis, quos habuit, electos. Ait nescio quem ex eo numero servum judicatum. Non arbitror: non audi: sed in eo, etiamsi accidisset, culpam regis nullam fuisse arbitrarer. Alieno autem a te animo fuit: quomodo? speravit, credo, difficiles tibi Alexandriae fore exitus propter regionis naturam, & fluminis; at eo ipso tempore pecunia dedit, exercitum aluit: quem Asia præferebat, ei nulla in re defuit: tibi victori non solum ad hospitium, sed ad periculum etiam, atque ad aciem præsto fuit; secutum est bellum Africanum: graves de te rumores sparsi, qui etiam furiosum illum Cælium excitaverunt; quo tum erga te rex animo fuit, qui auctionatus sit, seseque, & filium suum expoliare maluerit, quam tibi pecuniam non subministrare? At eo, inquit, tempore ipso Nicæam, Ephesumque mittebat, qui rumores Africanos exciperent, & celeriter ad te referrent. Itaque cum esset ei nunciatum, Domitium naufragio periisse, te in castello circumfideri; de Domitio dixit verum Græcum eadem sententia, qua etiam nos habemus Latinum: Pereant amici, dum una inimici intercendant; quod ille, si esset tibi inimicissimus, nunquam tamen dixisset: ipse enim mansuetus, versus immanis; qui autem Domitio poterat esse amicus, qui tibi esset inimicus? tibi porro inimicus cur esset, a quo, cum vel in-

Verſici belli lege potuiſſet, regem & ſe, & filium ſuum  
 conſtitutos eſſe meminifſet? Quid deinde ſurſiſer? quo  
 progreditur? ait tac. lætitia Dejotarum elatum, viſo ſe  
 obuiſſe, in convivioque nudum ſaltaviſſe. Quæ crux huic  
 fugitivo poteſt ſatis ſupplicii afferre? Dejotarum ſaltan-  
 tem quiſquam, aut ebrium vidit unquam? omnes ſunt  
 in illo regiæ virtutes, quod te, Cæſar, ignorare non ar-  
 bitror, ſed præcipue ſingularis, & admiranda frugalitas;  
 eſſi hoc verbo ſcio laudari reges non ſolere; frugi homi-  
 nem dici, non multum habet laudis in rege: ſortem, ju-  
 ſtum, ſeverum, gravem, magnanimum, largum, benefi-  
 cum, liberalem, hæc ſunt regiæ laudes; illa privata eſt;  
 ut votet, quiſque accipiat: ego tamen frugalitatem, id  
 eſt, modèſtiam, & temperantiam, virtutem eſſe maxi-  
 mam judico; hæc in illo eſt ab ineunte ætate tum a  
 cuncta Aſia, tum a magiſtratibus, legatiſque noſtris, tum  
 ab equitibus Rom. qui in Aſia negotiati ſunt, perſpecta,  
 & cognita; multis ille quidem gradibus officiorum er-  
 temp. noſtram ad hæc regium nomen aſcendit: ſed ta-  
 men quicquid a bellis populi R. vacabat, cum homini-  
 bus noſtris conſuetudines, amicitias, res, rationeſque jura-  
 gebat: ut non ſolum terra chæ nobis, ſed optimus pa-  
 terfamilias, & diligentiffimus agricola, & pecuarius ha-  
 beretur; qui igitur adoleſcens, nondum tanta gloria præ-  
 ditus, nihil unquam niſi ſeveriffime, & graviffime fece-  
 rit, is ea exiſtimatione, eaque ætate ſaltavit? Imitari  
 potius, Caſtor, avi tui mores, diſciplinamque debebas,  
 quam optimo, & clariſſimo viro fugitivi ore maledicere;  
 quod ſi ſaltatorem avum habuiſſes, neque eum virum,  
 unde pudoris, pudicitieque exempla peterentur: tamen  
 hoc maledictum minime in illam ætatem conveniret;  
 quibus ille ſtudiis ab ineunte ætate ſe imbuerat, non  
 ſalrandi, ſed bene ut armis, optime ut equis uteretur;  
 ea tamen illum cuncta, jam ætate exacta, deſecerat;  
 itaque Dejotarum cum plures in equum ſuſtuliffent, quod  
 hæcere in eo ſenex poſſet, admirari ſolebamus; hic vero  
 adoleſcens, qui meus in Cilicia miles, in Græcia com-  
 milito fuit, cum in illo noſtro exercitu equitaret cum  
 ſuis delectis equitibus, quos tunc cum eo ad Pompejum  
 pater miſerat, quos conſuſus facere ſolebat? quam ſe  
 iactare? quam oſtèntare? quam nemini in illa cauſa ſtu-  
 dio, & cupiditate concedere? cum vero, exercitu amiſ-  
 ſo, ego, qui pacis auctor ſemper fui, poſt Pharfalicum  
 artem prælium ſuaſor fuiſſem armorum non deponendo-  
 rum; ſed abjiciendorum, hunc ad meam auctoritatem  
 non potui adducere, quod & ipſe ardebat ſtudio ipſius  
 belli, & patri ſatiſfaciendum eſſe arbitrabatur; felix iſta  
 domus, quæ non impunitatem ſolum adepta ſit, ſed ha-  
 bet etiam accuſandi licentiam: calamitoſus Dejotarus,  
 qui ab eo, qui in iſſdem caſtris fuerit, non modo apud  
 te, ſed etiam a ſuis accuſetur; vos veſtra ſecunda ſor-  
 tuna, Caſtor, non poteſtis ſine propinquorum calamitate  
 eſſe contenti; ſint ſane inimicitie, quæ eſſe non debe-  
 bant.

bant; rex enim Dejotarus vestram familiam abjectam, & obscuram e tenebris in lucem vocavit; quis tuum patrem antea, qui esset, quam cujus gener esse, audivit? sed quamvis ingratus, & impie necessitudinis nomen repudiaretis; tamen inimicitias hominum more gerere poteratis, non scelus crimine infectari, non expetere vitam, non capitis arcedere. Esto; concedatur hæc quoque acerbitas, & omni magnitudo; adeo ne, ut etiam omnia vitæ, salutisque communis, atque etiam humanitatis jura violentur? servum sollicitare verbis, spe; præmiisque corrumpere, adducere domo, contra dominum armare, hoc est, non uni propinquo, sed omnibus familiis bellum nefarium indicere; nam ista corruptela servi si non modo impunita fuerit, sed etiam a tanta auctoritate approbata; nulli, nulli parietes nostram salutem, nullæ leges, nulla jura custodient; ubi enim id, quod intus est, atque nostrum, impune evolare potest, contraque nos pugnare; sit in dominatu servitus, in servitute dominatus. O tempo a, o mores! Cn. Domitius ille, quem nos pueri consulem, censorem, pontificem maximum vidimus; cum tribunus pleb. M. Scaurum, principem civitatis, in judicium populi vocavisset, Scaurique servus ad eum clam domum venisset, & crimina in dominum delaturum se esse dixisset, comprehendi hominem jussit, ad Scaurumque deduci; vide, quid intersit; etsi inique Cæsarem cum Domitio comparo; sed tamen ille inimico servum remisit, tu ab avo abduxisti; ille incorruptum audire noluit, tu corrupisti; ille adiutorem servum contra dominum repudiavit, tu etiam accusatorem adhibuisti. At semel iste est corruptus a vobis? nonne, cum esset productus testis, & cum tecum fuisset, refugit ad legatos? nonne etiam ad hunc Cn. Domitium venit? nonne, audiente hoc Ser. Sulpicio, clarissimo viro, qui tum casu apud Domitium cenabat, & hoc T. Torquato, optimo adolescente, se a te corruptum, tuis promissis in fraudem impulsum esse confessus est? quæ est ista tam impudens, tam crudelis, tam immoderata inhumanitas? idcirco in hanc urbem venisti, ut hujus utrisque jura, & exempla corrumpere, domesticaque tua inhumanitate nostræ civitatis humanitatem inquinare? At quam acute collecta crimina? Blefamius, inquit (ejus enim nomine, optimi hominis, nec tibi ignoti, maledicebat tibi) ad regem scribere solebat, te invidiose tyrannum existimari; statua inter reges posita, animos hominum vehementer offensos; plaudere tibi non solum. Nonne intelligis, Cæsar, ex urbanis malevolorum sermunculis hæc ab istis esse collecta? Blefamius tyrannum Cæsarem scriberet? multorum enim civium capita viderat: multos jussu Cæsaris vexatos, verberatos, necatos; multas afflictas, & everfas domos; armatis militibus refertum forum: quæ semper in civili victoria sensimus, ea te victore non vidimus; solus, inquam, es, C. Cæsar, cujus in victoria ceciderit nemo, nisi armatus; & quem nos liberi,

liberi, in summa reip. libertate nati, non modo non tyrannum, sed etiam clementissimum in victoria videmus ducem, is Blesamio, qui vivit in regno, tyrannus videri potest? nam de statu quis queritur, una praesertim, cum tam multas videat? valde enim invidendum est ejus statu, ejus trophaeis non invidemus. Nam si locus affert invidiam; nullus locus est ad statuam quidem Rostri clarior. De plausu autem quid respondeam? qui nec desideratus unquam a te est, & nonnunquam, obstupescitis hominibus ipsa admiratione, compressus est, & fortasse eo praetermissus, quia nihil vulgare te dignum videri potest. Nihil a me arbitror praetermissum, sed aliquid ad extremam causae partem reservatum; id autem aliquid est, te ut plane Dejotaro reconciliet oratio mea; non enim jam metuo, ne tu illi succenseas: illud vereor, ne tibi illum succensere aliquid suspicere; quod abest longissime, mihi crede, Caesar; quid enim retineat per te, meminit, non quid amiserit; neque se a te multatum arbitratur; sed, cum existimaret multis tibi multa esse tribuenda, quominus a se, qui in altera parte fuisset, ea sumeres, non reculavit; etenim, si Antiochus, magnus ille rex Asiae, cum, posteaquam a Scipione devictus est, Tauro tenuis regnare iussus esset, omnemque hanc Asiam, quae est nunc nostrae provincia, amisisset; dicere est solitus, benigne sibi a populo R. esse factum, quod nimis magna procuratione liberatus, modicis regni terminis uteretur; potest multo facilius se Dejotarus consolari; ille enim furoris multam sustinuerat, hic erroris; omnia tu Dejotaro, Caesar, tribuisti, cum & ipsi & filio nomen regium concessisti; hoc nomine retento, atque conservato, nullum beneficium populi Rom., nullum iudicium de se senatus imminutum putat: magno animo, & creatus est, nec unquam succumbet inimicis, ne fortunae quidem. Multa se arbitratur & peperisse antea factis, & habere in animo, atque virtute, quae nullo modo posset amittere; quae enim fortuna, aut quis casus, aut quae tanta possit injuria omnium imperatorum de Dejotaro decreta delere? ab omnibus enim est ornatus, qui, postquam in castris esse potuit per aetatem, in Asia, Cappadocia, Ponto, Cilicia, Syria bella gesserunt; senatus vero iudicia de illo tam multa, tamquam honorifica, quae publicis populi R. litteris, monumentisque consignata sunt, quae unquam vetustas obrueret, aut quae tanta delebit oblivio? Quid de virtute ejus dicam? quid de magnitudine animi, gravitate, constantia? quae omnes docti, atque sapientes summa, quidem etiam sola bona esse dixerunt, hisque non modo ad bene, sed etiam ad beate vivendum contentam virtutem esse; haec ille reputans, & dies, & noctes cogitans, non modo tibi non succenset (esset enim non solum ingratus, sed etiam amens) verum omnem tranquillitatem, & quietem senectutis acceptam refert clementiae tuae; quo quidem animo cum antea fuerit, tum non dubito, quin tuis litteris, quarum exemplum legi, quas ad

cum

cum Tarratone huic Blesamio dedisti, se magis etiam ex-  
erit, ab omniq[ue] solitudine abstraxerit; jubes enim  
eum bene sperare, & bono esse animo; quod scio te non  
frustra scribere solere; memini enim iisdem fere verbis ad  
me te scribere; meque tuis literis bene sperare non fru-  
stra esse iustum; laboro equidem regis Dejotari causa,  
quocum mihi amicitiam resp[ect]u consiliauit, hospitium vo-  
luntas utriusque conjunxit, familiaritatem consuetudo at-  
tulit, summam vero necessitudinem; magna ejus officia  
in me, & exercitum meum effecerunt; sed cum de illo la-  
boro, tum de multis amplissimis viris, quibus semel esse  
ignotum a te oportet, nec beneficium tuum in dubium  
vocari, nec hærere in animis hominum solitudinem sem-  
piternam, nec accidere, ut quisquam te timere incipiat  
eorum, qui semel a te sunt liberati timore. Non debeo,  
C. Cæsar, quod fieri solet in tantis periculis, tentare, quo-  
nam modo dicendo misericordiam tuam commovere possim;  
nihil opus est: occurrere ipsa solet supplicibus, & calamito-  
sis, nullius oratione evocata. Propone tibi duos reges; & id  
animo contemplare, quod oculis non potes; dabis profecto  
misericordiam, quod iracundiæ negavisti; multa sunt tuæ cle-  
mentiae monumenta; sed maxime eorum incolumitates, qui-  
bus salutem dedisti; quæ si in privatis gloriosa sunt, multo  
magis commemorabuntur in regibus; semper regum nomen  
in hac civitate sanctum fuit, sociorum vero regum, & ami-  
corum sanctissimum; quod nomen hi reges ne amitterent,  
te victore timuerunt; retentum vero, & a te confirmatum,  
posteris etiam suis tradituros esse confido; corpora vero sua  
pro salute regum suorum hi legati tibi regii tradunt, Hie-  
ras, & Blesamius, & Antigonus, tibi, nobisque omnibus  
jam diu noti, eademque fide, & virtute præditus Dorylaus,  
qui nuper cum Hiera legatus est ad te missus: tum regum  
amicissimi, tum tibi etiam, ut spero, probati; exquire  
de Blesamio, num quid ad regem contra dignitatem  
tuam scripserit. Hieras quidem causam omnem suscipit,  
& criminibus illis pro rege se supponit reum; memoriam  
tuam implorat, qua vales plurimum: negat unquam se  
a te in Dejotari tetrarchia pedem discessisse: in primis si-  
nibus tibi se præsto fuisse dicit, usque ad ultimos prose-  
cutum: cum e balneo exisses, tecum se fuisse: cum illa  
munera inspexisses cœnatus; cum in cubiculo recubui-  
sses, eandemque assiduitatem tibi se præbuisse postridie; quam-  
obrem, si quid eorum, quæ objecta sunt, cogitatum sit,  
non recusat, quin id facinus suum iudices. Quocirca, C.  
Cæsar, velim existimes, hodierno die sententiam tuam  
aut cum summo dedecore miserrimam pestem importatu-  
ram esse regibus, aut incolumem famam cum salute &  
quorum alterum optare, illorum crudelitatis est; alterum  
conservare, clementiæ tuæ.

M. TULLII CICERONIS  
IN M. ANTONIUM  
PHILIPPICA SECUNDA.

ARGUMENTUM.

*Offensus graviter libera Ciceronis Oratione M. Antonius, venit post aliquot dies in senatum, & de injuria Ciceronis conquestus, multis maledictis in eum invehit. Prohibitus Cicero amicis illo die respondere propter arma Antonii, respondit aliquanto posthac ornatissima Oratione, & quidem presenti in senatu: In qua primo obiecta crimina diluit, deinde infestatur vitam hominis; & per omnes gradus ætatis vitia colligens, criminosa commemorat, quæ ab illo unquam privatim, aut publice commissa fuerant.*

**Q**uoniam meo fato, P. C. fieri dicam, ut nemo his annis viginti re p. hostis fuerit, qui non bellum eodem tempore mihi quoque indixerit? nec vero necesse est a me quemquam nominari vobis, cum ipsi recordemini; mihi pœnarum illius plus, quam optarem, dederunt; te miror, Antoni, quorum facta imitere, eorum exitus non perhorrescere; atque hoc in aliis minus mirabar; nemo illorum mihi inimicus fuit voluntarius: omnes a me reip. causa laceffiti, tu ne verbo quidem violatus, ut audacior, quam Catilina, furiosior, quam Clodius, videre, ultro maledictis me laceffisti; tuamque a me alienationem, commendationem tibi ad impios cives fore putavisti. Quid putem? contemptum ne me? non video, nec in vita, nec in gratia, nec in rebus gestis, nec in hac mea mediocritate ingenti quid despiciere possit Antonius; an in senatu facile de me detrahi posse credidit? qui ordo clarissimis civibus bene gestæ reip. testimonium multis, mihi uni conservatæ dedit: an decertare mecum voluit contentione dicendi? hoc quidem beneficium est; quid enim plenius, quid uberius, quam mihi & pro me, & contra Antonium dicere? illud profecto est, non existimavit sui similibus probari posse, esse se hostem patriæ, nisi mihi esset inimicus. Cui prius quam de cæteris rebus respondeo: de amicitia, quam a me violatam esse criminatus est, quod ego gravissimum crimen iudico, pauca dicam. Contra rem suam me nescio quando venisse, questus est. An ego non venirem contra alienum pro familiari, & necessario meo? non venirem contra gratiam, non virtutis specie, sed ætatis flore collectam? non venirem contra injuriam, quam iste intercessoris, iniquissimi beneficio obtinuit, non jure prætorio? sed

rio? sed hoc idcirco commemoratum a te puto, ut te infimo ordini commendares, cum te omnes recordarentur libertini generum, & liberos tuos nepotes Q. Fadii, libertini hominis, fuisse. At enim te in discipulam meam tradideras (nam ita dixisti) domum meam ventitaras. Næ tu, si id fecisses, melius famæ, melius pudicitiae tuæ consulisses: sed nec fecisti, nec, si cuperes, tibi id per C. Curionem facere licuisset. Auguratus petitionem mihi te concessisse dixisti. O incredibilem audaciam! o impudentiam prædicandam! quo enim tempore me augurem a toto collegio expetitum, Cn. Pompejus, & Q. Hortensius nominaverunt (neque enim licebat a pluribus nominari) tu nec solvendo eras, nec te ullo modo, nisi eversa rep. fore incolumem putabas; poteras autem eo tempore auguratum petere, cum in Italia Curio non esset? aut tum, cum es factus, unam tribum sine Curione ferre potuisses? cujus etiam familiares de vi condemnati sunt, quod tui nimis studiosi fuissent. At beneficio sum usus tuo; quo? quamquam illud ipsum, quod commemoras, semper præ me tuli; malui me tibi debere confiteri, quam cuiquam minus prudenti non satis gratus videri; sed quo beneficio? quod me Brundisii non occideris? quem ipse victor, qui tibi, ut tute gloriari solebas, detulerat ex latronibus suis principatum, saluum esse voluisset, in Italiam ire iussisset, cum tu occideres? fac potuisse; quod est aliud, P. C., beneficium latronum, nisi ut commemorare possint, iis se dedisse vitam, quibus non ademerint? quod si esset beneficium, nunquam il, qui illum interfecerunt, a quo erant servati, quos tu ipse clarissimos viros appellare soles, tantam essent gloriam consecuti; quale autem beneficium est, quod te abstinueris nefario scelere? qua in re non tam jucundum videri mihi debuit, non interfectum a te; quam miserum, te id impune facere potuisse; sed sit beneficium; quandoquidem majus accipi a latrone nullum potuit; in quo potes me dicere ingratum? an de interitu reip. queri non debui, ne in te ingratus viderer? at illa quærela, misera quidem, & luctuosa, sed mihi pro hoc gradu, in quo me senatus, populusque R. collocavit, necessaria, quid est dictum a me cum contumelia? quid non moderate? quid non amice? & quidem cujus temperantiae fuit, de M. Antonio querentem abstinere maledicto? præsertim cum tu reliquias reip. dissipavisses: cum domi tuæ turpissimo mercatu omnia essent venalia: cum leges eas, quæ nunquam promulgatæ essent, & de te, & a te latas confiterere: cum auspicia augur, intercessionem consul sustulisses: cum esses foedissime stipatus armatis: cum omnes impuritates pudica in domo quotidie susciperes, vino, lustrisque confectus; at ego, tanquam mihi cum M. Crasso contentio esset, quocum multæ, & magnæ fuerunt, non cum uno gladiatore nequissimo, de rep. graviter querens, de homine nihil dixi; itaque hodie perficiam, ut intelligat, quantum a me beneficium tum acceperit. At  
etiam



quam litteras, quas me sibi misisse diceret, recitavit; homo & humanitatis expers, & vitæ communis ignarus; quis enim unquam, qui paululum modo bonorum consuetudinem nosset, litteras ad se ab amico missas, offensione aliqua interposita, in medium protulit, palamque recitavit? quid est aliud, tollere e vita vitæ societatem? tollere amicorum colloquia absentium? quam multa joca solent esse in epistolis, quæ, prolata si sint, inepta esse videantur? quam multa seria, neque tamen ullo modo divulganda? sit hoc inhumanitatis tuæ: stultitiam incredibilem videte. Quid habes, quod mihi opponas, homo diserte, ut Mussæ Tamisio, & Tironi Numisio videris? qui cum hoc ipso tempore stent cum gladiis in conspectu senatus; ego quoque te disertum putabo, si offenderis, quo modo sis eos inter sicarios defensurus; sed quid opponas tandem, si negem me unquam istas litteras ad te misisse? quo me teste convinces? an chirographo, in quo habes scientiam quæstuosam? qui possis? sunt enim librarii manu; jam invideo magistro tuo, qui te tanta mercede, quantam jam proferam, nihil sapere docuit; quid enim est minus, non dico oratoris, sed hominis, quam id obicere adversario, quod ille si verbo negarit, longius progredi non possit, qui objecerit? at ego non nego, teque in isto ipso convince non inhumanitatis solum, sed etiam amentiar; quod enim verbum in istis litteris est non plenum humanitatis, officii, benevolentiae? Omne autem crimen tuum est, quod de te in his litteris non male existimem: quod scribam tamquam ad civem, tamquam ad bonum virum, non tamquam ad sceleratum, & latronem. At ego tuas litteras, etsi jure poteram a te lecessitus, tamen non proferam: quibus petis, ut tibi per me liceat quendam de exilio reducere: adjurasque, id te invito me, non esse facturum: idque a me impetras; quid enim me interponerem audaciar tuæ, quem neque auctoritas hujus ordinis, neque existimatio populi Rom., neque leges ullæ possent coercere? Veruntamen quid erat, quod me rogares, si erat is, de quo rogabas, Cæsaris lege reductus? Sed videlicet meam gratiam voluit esse: in qua ne ipse quidem ulla esse poterat, lege lata. Sed cum mihi, P. C. & pro me aliquid, & in M. Antonium multa dicenda sint, alterum peto a vobis, ut me pro me dicentem benigne, alterum ipse efficiam, ut, contra illum cum dicam, attente audiat; simul illud oro, si meum cum in omni vita, tum in dicendo moderationem, modestiamque cognovistis, ne me hodie, cum isti, ut provocavit, respondebo, oblitum esse putetis mei; non tractabo ut consulem: ne ille quidem me ut consularem; etsi ille nullo modo consul, vel, quod ita vivit, vel quod ita rempub. gerit, vel quod ita factus est consul: ego sine ulla controversia consularis. Ut igitur intelligeretis, qualem ipse se consularem profiterentur, objecit mihi consulatum meum; qui consulatus verbo meus, P. C., re vestes fuit; quid enim ego constitui, quid gessi, quid egi, nisi ex hujus ordinis

consilio, auctoritate, sententia? hæc tu homo sapiens, non solum eloquens, apud eos, quorum consilio, sapientiaque gesta sunt, ausus es vituperare? quis autem meum consulatum, præter P. Clodium, qui vituperaret, inventus est? cujus quidem re satum, sicuti C. Curionem, manet; quoniam id domi tuæ est, quod fuit illorum utrique fatale: non placet M. Antonio consulatus meus: at placuit P. Servilio, ut eum primum nominem ex illius temporis consularibus, qui proxime est mortuus; placuit Q. Lutatio Catulo, cujus semper in hac repub. vivet auctoritas: placuit duobus Lucullis, M. Crasso, Q. Hortensio, C. Curioni, M. Lepido, C. Pisoni, M. Glabriori, L. Volcatio, C. Figulo, D. Silano, L. Murenæ, qui tunc erant consules designati: placuit idem, quod consularibus, M. Catoni: qui cum multa, vitæ excedens, providit, tam quod te consulem non vidit; maxime vero consulatum meum Cn. Pompejus probavit: qui, ut me primum decedens ex Syria vidit, complexus, & gratulans, meo beneficio patriam se visurum esse dixit. Sed quid singulos commemoro? frequentissimo senatui sic placuit, ut esset nemo, qui mihi non ut parenti gratias ageret, qui mihi non vitam suam, fortunas, liberos, remp. referret accegram; sed quoniam illis, quos nominavi, tot, & talibus viris respubl. orata est: veniamus ad eos, qui duos de consulari numero reliqui sunt. L. Cotta, vir summo ingenio, summaque prudentia, rebus iis gestis, quas tu reprehendis, supplicationem decrevit verbis amplissimis; eique illi ipsi, quos modo nominavi, consulares, senatusque cunctus assensus est; qui honos post conditam hanc urbem habitus est togato ante me nemini. L. Cæsar avunculus tuus, qua oratione, qua constantia, qua gravitate sententiam dixit: sororis tuæ virum, vitricum tuum? hunc tu cum auctorem, & præceptorem omnium consiliorum, totiusque vitæ debuisses habere, vitrici te similem, quam avunculi, esse mavisisti; hujus ego alienus consiliis consul usum: tu, sororis filius, ecquid ad eum unquam de republ. tulisti? at ad quos refert, dii immortales? ad eos festinet, quorum nobis etiam dies natales audiendi sunt; hodie non descendit Antonius: cur? dat natalitia in bruti: cui? neminem nominabo; putate tum Phormioni alicui, tum Gnathoni, tum etiam Callioni; o scditatem hominis flagitiosam! o impudentiam, nequitiam, libidinem non ferendam! tu, cum principem senatorem, civem singularem, tam propinquum habeas, ad eum de republ. nihil referas: referas ad eos, qui rem suam nullam habent, tuam exhauriant? Tuus videlicet salutaris consulatus, perniciosus meus; adeo ne pudorem cum pudicitia perdidisti, ut hoc in eo templo dicere ausus sis, in quo ego senatum illum, qui quondam florens orbis terrarum præsidebat, consulebam; tu homines perditissimos cum gladiis collocavisti? At etiam ausus es (quid autem est, quod tu non audeas?) clivum Capitolinum dicere me consule plenum fervorum, armatorum fuisse; ut illa, credo, nefaria S. C. tum.

tum fierent, vim affereram senatui; o miserum, siue illa tibi nota non sunt; nihil enim boni nosti; siue sunt, qui apud tales viros tam impudenter loquare; quis enim eques R. quis, præter te, adolescens nobilis, quis ullius ordinis, qui se civem esse meminisset, cum senatus in hoc templo esset, in clivo Capitolino non fuit? quis nomen non dedit? quamquam nec scribæ sufficere, nec tabulæ nomina illorum capere potuerunt; etenim cum homines nefarii de patriæ parricidio confiterentur, consciorum indicis, sua manu, voce pœne litterarum coacti, se urbem inflammare, cives trucidare, vastare Italiam, delere temp. consensisse; quis esset, qui ad salutem communem defendendam non excitaretur? præsertim cum senatus, populusque R. haberet ducem, qualis si qui nunc esset, tibi idem, quod illis accidit, contigisset. Ad sepulturam corpus vitrici sui negat a me datum; hoc vero ne P. quidem Clodius dixit unquam; quem, quia jure ei inimicus fui, doleo a te jam omnibus vitiis esse superatum. Qui autem tibi venit in mentem, redigere in memoriam nostram, te domi P. Lentuli esse educatum? an verebare, ne non putarem natura te potuisse tam improbum evadere, nisi accessisset etiam disciplina? tam autem eras excors, ut tota in oratione tua tecum ipse pugnares; ut non modo non coherrentia inter se diceres, sed maxime disjuncta, atque contraria: ut non tanta mecum, quanta tecum tibi esset contentio. Vitricum tuum fuisse in tanto scelere fatebare, pœna affectum querebare; ita, quod proprie meum est, laudasti; quod totum Senatus est, reprehendisti; nam comprehensio fontium mea, animadversio senatus fuit; homo disertus non intelligit, eum, quem contra dicit, laudari a se, eos, apud quos dicit, vituperari. Jam illud cujus est, non dico audaciæ, (cupit enim se audacem dici) sed, quod minime vult, stultitiæ, qua vincit omnes; clivi Capitolini mentionem facere, cum inter subsellia nostra versentur armati; cum in hac cella Concordiæ, odii immortales, in qua me consule salutare sententiæ dictæ sunt, quibus ad hanc diem vivimus, cum gladiis homines collocati sint? Accusa senatum: accusa equestrem ordinem, qui tam cum senatu copulatus fuit: accusa omnes ordines, omnes cives, dum confiteare, hunc ordinem hoc ipso tempore ab Ithyreis circumfideri; hæc tu non propter audaciam dicis tam impudenter, sed quia tantarum rerum repugnantiam non videas; nihil profecto sapis; quid est enim dementius, quam, cum reip. perniciose arma ipse ceperis, obijcere alteri salutaria? At etiam quodam loco facetus esse voluisti; quam id te, dii boni, non decebat! in quo est tua culpa nonnulla: aliquid enim fallis ab uxore mimæ trahere potuisti. Cessant arma togæ; quid? tum nonne cesserunt? at postea tuis armis cessit toga; queramus igitur, utrum melius fuerit, libertati populi R. sceleratorum arma, an libertatem nostram armis tuis cedere; nec vero tibi de versibus respondebo: tantum dicam breviter neque illos, neque ullas te omnino litte-

ras nosse : me nec reip. nec amicis unquam defuisse , & tamen omni genere monumentorum meorum perfecisse operis subsecivis ; ut meæ vigilæ , meæque literæ & juventuti utilitatis , & nomini R. laudis aliquid afferrent ; sed hæc non hujus temporis ; majora videamus . P. Clodius meo consilio interfectum esse dixisti ; quidnam homines putarent , si tum occisus esset , cum tu istum in foro , inspestante populo R. gladio stricto infecutus es , negotiumque transegressus , nisi se ille sub scalas tabernæ librarie coniecisset , hisque oppilatis impetum tuum compressisset ? sed quid ? ego saviſſe me tibi fateor , suaviſſe ne tu quidem dicis ; at Miloni ne favere quidem potui ; prius enim rem transegit , quam quisquam eum facturum id suspicaretur . At ego suaviſſe : scilicet is animus erat Milonis , ut prodesse reip. sine suatore non posset . At lætatus sum ; quid ergo ? in tanta lætitia cunctæ civitatis me unum tristem esse oportebat ? quamquam de morte P. Clodii fuit quæstio non satis prudenter illa quidem constituta ; quid enim attinebat nova lege quæri de eo , qui hominem occidisset , cum esset legibus quæstio constituta ? quæsitum est tamen ; quod ergo , cum res agebatur , nemo in me dixit , id tot annis post tu es inventus , qui diceres ? Quod vero dicere ausus es , idque multis verbis , opera mea Pompejum a Cæsaris amicitia esse disjunctum , ob eamque causam culpa mea civile bellum esse natum ; in eo non tu quidem tota re , sed quod maximum est , temporibus errasti . Ego M. Bibulo , præstantissimo cive , consule , nihil prætermisi , quantum facere . enimque potui , qui Pompejum a Cæsaris conjunctione avocarem ; in quo Cæsar fuit felicior : ipse enim Pompejum a mea familiaritate disjunctum ; postea vero quam se totum Pompejus Cæsari tradidit , quid ego illum ab eo distrahere conarer ? Stulti erat sperare , suadere impudentis ; duo tamen tempora inciderunt , quibus aliquid contra Cæsarem Pompejo suaserim ; ea velim reprehendas , si potes : unum , ne quinquenni imperium Cæsari prorogaretur : alterum , ne pateretur ferri , ut absentis ejus ratio haberetur , quorum si utrumvis persuavisssem , in has miseras nunquam incidissemus ; atque idem ego , cum jam detulisset , seroque ea sentire cœpisset , quæ ego inulto ante prævideram ; infestique patriæ bellum nefarium viderem ; pacis , concordie compositionis auctor esse non destiti : meaque illa vox est nota multis ? Usinam , Cn. Pompei , cum C. Cæsare societatem aut nunquam coisſes , aut nunquam diremisses ; fuit alterum gravitatis , alterum prudentiæ tuæ . Hæc mea , M. Antoni , semper & de Pompejo , & de rep. consilia fuerunt , quæ si valuissent , resp. flaret , tu tu s flagitiis , egestate , infamia concidisses . Sed hæc vetera : Illud vero recens , Cæsarem meo consilio interfectum , jam vereor , P. C. ne , quod turpissimum est , prævaricatorem mihi appuisse videar , qui me non solum meis laudibus ornaret , sed etiam oneraret alienis . Quis enim meum in ista so-

civitate gloriosissimi facti nomen audivit? cujus antequam, qui  
 in eo numero fuisset, nomen est occultatum? occultatum  
 dico? cujus non statim divulgatum? citius dixerim iactas-  
 se se aliquos, ut fuisset in ea societate viderentur, cum con-  
 scii non fuissent, quam ut quisquam celari vellet, qui fuisset;  
 quam verisimile porro est, in tot hominibus partim ob-  
 scuris, partim adolescentibus, neminem occultantibus, me-  
 um nomen latere potuisse? etenim si auctores ad liberandam  
 patriam desiderarentur illis auctoribus, Brutos ego impelle-  
 rem, quorum uterque L. Bruti imaginem quotidie videret,  
 alter etiam Abalæ? his igitur majoribus orti, ab alienis po-  
 tius consilium peteroat, quam a suis? & foris potius, quam  
 domo? Quid? C. Cassius, in ea familia natus, quæ non mo-  
 do dominatum, sed ne potentiam quidem cuiusquam ferre  
 potuit, me auctorem, credo, desideravit: qui etiam sine  
 his clarissimis viris hanc rem in Cilicia ad ostium fluminis  
 Cydri contempsisset, ut ille ad eam ripam, quam constituerat,  
 non ad contrariam, naves appulisset. Cn. Domitium non  
 patris interitus, clarissimi viri, non avunculi mors, non  
 spoliatio dignitatis ad recuperandam libertatem, sed mea  
 auctoritas excitavit? An C. Trebonio persuasi, cui me  
 suadere quidem ausus essem? quo etiam maiorem ei resp.  
 gratiam debet, qui libertatem populi Rom unius amici-  
 tiæ præposuit, depulsoque dominato, quam particeps,  
 esse maluit; an L. Tullius Cimber me est auctorem se-  
 cutus? quem ego magis fecisse illam rem sum admiratus,  
 quam facturum putavi: admiratus sum autem ob eam  
 causam, quod immemor beneficiorum, memor patriæ fuisset.  
 Quid duos Servilios, Cascas dicam, an Ahalas? &  
 hos auctoritate mea censes excitatos potius, quam carita-  
 te reip? Longum est persequi ceteros: idque reipub. præ-  
 clarum, fuisse tam multos, ipsis gloriosius est. At quem-  
 admodum me coarguerit homo acutus, recordamini. Cæsare  
 interfecto, inquit, statim cruentum alte extollens  
 M. Brutus pugionem, Ciceronem nominatim exclamavit,  
 atque ei recuperatam libertatem est gratulatus; tur mihi  
 potissimum? quod sciebam? vide ne illa causa fuerit ap-  
 pellandi me, quod cum rem gessisset consimilem rebus iis,  
 quas ipse gesseram, me potissimum testatus est, se xmu-  
 lum mearum laudum extitisse: tu autem, omnium stul-  
 tissime, non intelligis, si id, quod me arguis, voluisse in-  
 terfici Cæsarem, crimen sit, etiam lætatum esse morte  
 Cæsaris, crimen esse? quid enim interest inter suasorem  
 facti, & probatorem? aut quid refert, utrum voluerim  
 fieri, an gaudeam factum? equis est igitur, exceptis iis,  
 qui illum regnare gaudebant, qui illud aut fieri noluerit,  
 aut factum improbarit? omnes ergo in culpa; etenim o-  
 mnes boni, quantum in ipsis fuit, Cæsarem occiderunt;  
 aliis consilium, aliis animus, aliis occasio defuit, volun-  
 tas nemini; sed stuporem hominis, vel dicam pecudis,  
 attendite; sic enim dixit: M. Brutus, quem ego honoris  
 causa nomino, cruentum pugionem tenens, Ciceronem ex-  
 clamavit; ex quo intelligi debet eum conscium fuisse; er-

Vgo ego sceleratus appellor a te, quem tu suspicatum ali-  
 quid suspicaris; ille, qui stillantem præ se pugionem tu-  
 lit, is a te honoris causa nominatur? esto: sit in verbis  
 tuis hic stupor: quanto in rebus, sententiisque major?  
 constitue hoc consul aliquando, Brutorum, C. Cassii, Cn.  
 Domitii, C. Trebonii, reliquorum, quam velis esse cau-  
 sam: edormi crapulam, inquam, & exhalare: an faces ad-  
 movendæ sunt, quæ te excitent tantæ causæ indormien-  
 tem? nunquam ne intelligis statuendum tibi esse, utrum  
 illi, qui istam rem gesserunt, homicidæ sint, an vindices  
 libertatis? attende enim paulisper, cogitationemque sobrii  
 hominis ad punctum temporis suscipe; ego, qui sum illo-  
 rum, ut ipse fateor, familiaris; ut a te arguor, socius;  
 nego quidquam esse medium, confiteor eos, nisi liberato-  
 res populi Rom. conservatoresque reip. sint, plus quam  
 sicarios, plus quam homicidas, plus etiam quam parrici-  
 das esse; siquidem est atrocius, patriæ parentem, quam  
 suum occidere; tu, homo sapiens, & considera, quid  
 dicis? si parricidæ, cur honoris causa a te sunt & in hoc  
 ordine, & apud populum R. semper appellati? cur M.  
 Brutus, te referente, legibus est solutus, si ab urbe plus  
 quam decem dies absuisset? cur ludi Apollinares incredi-  
 bili M. Bruti honore celebrati, cur provinciæ Bruto, &  
 Cassio datæ? cur quæstores additi? cur legatorum nume-  
 rus auctus? Atque hæc acta per te; non igitur homicidæ;  
 sequitur, ut liberatores tuo iudicio sint; quandoquidem  
 tertium nihil potest esse. Quid est? num conturbo te?  
 non enim fortasse satis, quæ distinctius dicuntur, intelli-  
 gis; sed tamen hæc est summa conclusionis meæ: quo-  
 niam scelere a te liberati sunt, ab eodem te amplissimis  
 præmiis dignissimos iudicatos. Itaque jam retexo oratio-  
 nem meam: scribam ad illos, ut, si qui forte, quod a te  
 mihi obiectum est, quærent, sit ne verum, ac cui ne-  
 gent; etenim vereor, ne aut celatum me, illis ipsis non  
 honestum; aut invitatum refugisse, mihi sit turpissimum;  
 quæ enim res unquam, pro sancte Jupiter, non modo in  
 hac urbe, sed in omnibus terris est gesta major? quæ glo-  
 riosior? quæ commendatior hominum memoriæ sempiter-  
 næ? in huius me consilii societatem, tamquam in equum  
 Trojanum, includi cum principibus non recuso; ego et-  
 iam gratiæ quoquo animo facis; tanta enim res est, ut  
 invidiam istam, quam tu in me vis concitare, cum lau-  
 de non comparem; quid enim beatius illis, quos tu ex-  
 pulsos a te prædicas & relegatos? qui locus est aut tam  
 desertus, aut tam inhumanus, qui illos, quo accesserint,  
 non affari, atque appetere videatur? qui homines tam a-  
 ggresses, qui se, cum eos adspexerit, non maximum ce-  
 pisse vitæ fructum putent? quæ vero tam immemor po-  
 steritas, quæ tam ingratiæ litteræ reperientur, quæ eorum  
 gloriam non immortalitatis memoria præsequantur? tu ve-  
 ro adscribe me talem in numerum. Sed unam rem, ve-  
 reor, ne non probes; si enim fuisset, non solum regem,  
 sed regnum etiam de rep. fustulisset: & si meus stylus i-

le fuisset, ut dicitur; mihi crede, non solum unum actum, sed totam fabulam confeciſſem. Quamquam ſi, interfici Cæſarem voluiſſe, crimen eſt; vide, quaſo, Antoni, quid tibi futurum ſit, quem & Narbone hoc conſilium cum C. Trebonio cepiſſe notiſſimum eſt; & ob ejus conſilii ſocietatem, cum interficeretur Cæſar, tum te a Trebonio vidimus ſevocari. Ego autem (vide, quam tecum agam non inimice) quod bene cogitaſti aliquando, laudo: quod non indicaſti, gratias ago: quod non feciſti, ignoſco: vitum res illa quaerebat: quod ſi te in judicium quis adducat, uſurpetque illud Caſſianum: Cui bono fuerit: vide, quaſo, ne hæreas; quamquam illud quidem fuit, ut tu dicebas, omnibus bono, qui ſervire volebant: tibi tamen præcipue, qui non modo non ſervis, ſed etiam regnas; qui maximo te ære alieno ad ædem Opem liberaſti; qui per eaſdem tabulas innumerabilem pecuniam diſſipaviſti; ad quem e domo Cæſaris tam multa delata ſunt; cujus domus quaſtuoſiſſima eſt falſorum commentariorum, & chirographorum officina, agrorum, oppidorum, immunitatum, veſtigialium flagitioliſſimæ nundinæ: etenim quæ res egeſtati, & æri alieno tuo, præter mortem Cæſaris, ſubvenire potuiſſet? neſcio quid conturbatus mihi eſſe videris; numquid ſubtimes, ne ad te hoc eripien pertinere videatur? libero te metu; nemo credet unquam: non eſt tuum de republ. bene mereri; habet iſtiſus pulcherrimi facti clariſſimos viros reſp. auſtores; ego te tantum gaudere dico, feciſſe non arguo. Reſpondi maximis criminibus: nunc etiam reliquis reſpondendum eſt. Caſtra mihi Pompeji, atque illud omne tempus objeciſti: quo quidem tempo e ſi, ut dixi, meum conſilium, auſtoritaſque valuiſſet; tu hodie egeres, nos liberi eſſemus, reſp. non tot duces, & exercitus amiſſiſſet; fateor enim me, cum ea, quæ acciderunt, providerem futura, tanta in mœſtitia fuiſſe, quanta cæteri optimi cives, ſi idem providiſſent, fuiſſent. Dolebam, dolebam, P. C. temp. veſtris quondam, meiſque conſiliis conſervatam brevi tempore eſſe perituram; neque vero eram indoctus, ignarus, quæ rerum, ut frangerer animo propter vitæ cupiditatem, quæ me manens conficeret angoribus, diſmiſſa moleſtiis omnibus libeſſet; illos ego præſtantiſſimos viros, lumina reip. vivere volebam, tot conſulates, tot prætorios, tot hoſtiſſimos ſenatores omnem prætereſtorem nobilitatis, ac juventutis, tum optimorum civium exercitus: qui ſi viverent, quamvis iniqua condicione pacis (mihi enim omnis pax cum civibus bello civili utilior videbatur) temp. hodie teneremus; quæ ſententia ſi valuiſſet, ac non ii maxime mihi, quorum ego vitæ conſulebam, ſpe victoriæ elati obſitiſſent: ut alia omittam, tu certe nunquam in hoc ordine, vel potius nunquam in hac urbe manſiſſes. At vero Cn. Pompeji voluntatem a me alienabat oratio mea. An ille quemquam plus dilexit? cum ullo aut ſermone, aut conſilia contulit ſæpius? quod quidem erat magnum; de ſumma reip. diſſidentes in eadem

consuetudine amicitiae permanere; sed & ego, quid ille, & contra ille, quid ego sentirem, & spectarem videbat; ego incolumitati civium primum, ut postea dignitati possemus, ille praesenti dignitati potius consulebat; quod autem habebat uterque, quid sequeretur; iccirco tolerabilior erat nostra dissensio; quid vero ille clarissimus vir, ac poene divinus de me senserit, sciunt, qui eum Pharsalica fuga Paphum profecuti sunt; nunquam ab eo mentio de me, nisi honorifica, nisi plena amicissimi desiderii: cum me vidisse plus fateretur, se speravisse meliora; & ejus viri nomine me insectari audes, cujus me amicum, te sectorem esse fateare? Sed omittatur bellum illud, in quo tu nimium felix fuisti. Ne jocos quidem respondebo, quibus me in castris usum esse dixisti; erat illa quidem castra plena curae: veruntamen homines, quamvis in turbidis rebus sint, tamen, si modo homines sunt, interdum animis relaxantur. Quod autem idem moestitiam meam reprehendit, idem jocos; magno argumento est, me in utroque fuisse moderatum. Haereditates mihi negasti venire; utinam hoc tuum verum crimen esset: plures amici mei, & necessarii viverent; sed qui istuc tibi venit in mentem? ego enim amplius HS ducenties acceptum haereditatibus retuli; quamquam in hoc genere fateor feliciorum esse te; me nemo, nisi amicus, fecit haerodem; ut cum illo commodò, si quod erat, animi quidam dolor jungeretur; te is, quem nunquam vidisti, L. Rubrius Casinas fecit haerodem; & quidem vide, quam te amarit is, qui, albus, ater ne fueris, ignorans, fratris filium praeteriit; Q. Fufii, honestissimi equitis R., sui que amicissimi, quem palam haerodem semper fastidat, ne meminit quidem; te, quem nunquam viderat, ac nunquam salutaverat, fecit haerodem. Velim, mihi dicas, nisi molestum est, L. Turselius qua facie fuerit? qua statura? quo municipio? qua tribu? nihil scio, inquires, nisi quae praedia habuerit. Igitur fratrem exharedans, te faciebat haerodem. In multis praeterea pecunias alienissimorum hominum, ejectis veris haereditibus, tamquam haeres esset, invasit; quamquam hoc maxime admiratus sum, mentionem te haereditatum ausum esse facere, cum ipse haereditatem patris non adisset. Haec ut colligeres, homo amentissime, tot dies in aliena villa declamasti? quamquam tu quidem, ut tui familiarissimi distitant, vini exhalandi, non ingenii acuedi causa declamitas; & vero adhibes joci causa magistrum, suffragio tuo & compotum tuorum rhetorem; cui concessisti, ut in te, quae vellet, diceret; falsum omnino hominem: sed materia facilis in te, & in tuos dicta dicere; vide autem, inter te, & avum tuum quid intersit. Ille sensim dicebat, quod causae prodesset: tu cursum dicis aliena; at quanta merces rhetori data est? audite, audite, P. C. & cognoscite reip. vulnera: duo millia jugerum campi Leontini Sex. Clodio rhetori assignasti, & quidem immunia, ut pro tanta mercede nihil sapere disceres; num etiam hoc, homo audacissime, ex Caesaris



commentariis? sed dicam alio loco & de Leontino agro, & de Campano: quos iste agros ereptos reipubl. turpissimis possessoribus inquinavit. Jam enim, quoniam criminibus ejus satis respondi, de ipso emendatore, & correctore nostro quædam dicenda sunt; nec enim omnia effundam; ut, si sæpius decertandum sit, ut erit, semper novus veniam: quam facultatem mihi multitudo filius vitiorum, peccatorumque largitur; vis ne igitur, te inspiciamus a puero? sic opinor; a principio ordiamur. Tenes ne memoria prætextatum te decoxisse? patris, inquires, ista culpa est; concedo; etenim est pietatis plena defensio; illud tamen audaciæ tuæ, quod sedisti in quatuordecim, cum esset lege Roscia decoctoribus certus locus constitutus, quamvis quis fortunæ vitio, non suo, decoxisset. Sumpsiisti virilem, quam statim muliebrem togam reddidisti; primo vulgare scortum: certa flagitii merces, nec ea parva: sed cito Curio intervenit, qui te a metetricio questu abduxit, & tamquam stolam dedisset, in matrimonio stabili, & certo locavit; nemo unquam puer emptus libidinis causa tam fuit in domini potestate, quam tu in Curionis; quoties te pater ejus domo sua ejecit? quoties custodes posuit, ne limen intrares? cum tamen tu, nocte socia, hortante libidine, cogente mercede, per tegulas demitterere; quæ flagitia domus illa diutius ferre non potuit; scis ne me de rebus mihi notissimis dicere? recordare tempus illud, cum pater Curio moerens jacebat in lecto; filius, se ad pedes meos prosteruens, lacrymans te mihi commendabat; orabat, ut te contra suum patrem, si sestertium sexagies peteret, defenderem; tantum enim se pro te intercessisse dicebat; ipse autem, amore ardens, confirmabat, quod desiderium tui dissidii ferre non posset, se in exilium iturum; quo ego tempore tanta mala florētissimæ familiæ sedavi, vel potius sustuli: patri persuasi, ut æs alienum filii dissolveret, redimeret adolescentem summa spe & animi, & ingenii præditum rei familiaris facultatibus; eumque a tua non modo familiaritate, sed etiam congressione, patrio jure, & potestate prohiberet: hæc tu cum per me acta meminisses; nisi illis, quos videmus, gladiis consideres, maledictis me provocare ausus esses? Sed jam supra, & flagitia omittamus; sunt quædam, quæ honeste non possum dicere; tu autem eo liberior, quod ea in te admisisti, quæ a vercundo inimico audire non posses. Sed reliquum vitæ cursum videte: quem quidem celeriter perstringam; ad hæc enim, quæ in civili bello, in maximis resp. miseriis fecit, & ea, quæ quotidie facit, festinat animus; quæ peto, ut, quamquam multo notiora vobis, quam mihi sunt, tamen, ut facitis, attente audiat; debet enim talibus in rebus excitare animos non cognitio solum rerum, sed etiam recordatio; tamen incidamus, oportet, media, ne nimis sero ad extrema veniamus. Intimus erat in tribunatu Clodio, qui sua erga me beneficia commemorat; ejus omnium incendiorum fax: ejus etiam domi jam

tum quid-

tum quiddam molitus est: quid dicam, ipse optime intelligit. Inde iter Alexandriam, contra-senatus auctoritatem, contra religiones; sed habebat ducem Gabinium, quicum quidvis rectissime facere posset. Qui tum inde reditus, aut qualis? prius in ultimam Galliam ex Ægypto, quam domum; quæ autem domus? suam enim quisque domum tum obtinebat, neque erat usquam tua; domum dico? quid erat in terris, ubi in tuo pedem poneress, præter unum Misenum, quod cum sociis tamquam Sisaponem tenebas? Venisti e Gallia ad quæsturam petendam; aude dicere, te prius ad parentem tuum venisse, quam ad me: acceperam jam ante Cæsaris literas, ut mihi satisfieri paterer a te; itaque ne loqui quidem sum te passus de gratia; postea cultus sum a te, tu a me observatus in petitione quæsturæ; quo quidem tempore P. Clodium, approbante populo R., in foro es conatus occidere: cumque eam rem tua sponte conarere, non impulsu meo; tamen ita prædicabas, te non existimare, nisi illum interfecisses, unquam mihi pro tuis in me injuriis satis esse facturum; in quo demiror, cur Milonem impulsu meo rem illam egisse dicas, cum te, ultrò mihi idem illud deferentem, nunquam sim adhortatus; quamquam, si in eo perseverares, ad tuam gloriam rem illam referti malebam, quam ad meam gratiam. Quæstor es factus; deinde continuo sine S. C. sine sorte, sine lege ad Cæsarem cucurristi; id enim unum in terris, egestatis, aeris alieni, nequitie, perditis vitæ rationibus perfugium esse ducebas; ibi te cum & illius largitionibus, & tuis rapinis explevisse (si hoc est explere, quod statim effundas) advolasti egens ad tribunatum, ut in eo magistratu, si posses, viri tui similes esses. Accipite nunc, quæso, non ea, quæ ipse in se, atque in domesticum dedecus impure, atque intemperanter, sed quæ in nos, fortunaque nostras, idest in universam reip. impie, ac nefarie fecerit; ab hujus enim scelere omnium malorum principium natum reperietis. Nam cum, L. Lentulo, C. Marcello coss. Kal. Jan. labentem, & prope cadentem reip. fulcire cuperetis; ipsique C. Cæsari, si sana mente esset, consulere velletis; tum iste venditum, atque mancipatum tribunatum consiliis vestris opposuit, cervices suas ei subjecit securi, qua multi minoribus in peccatis occiderunt. In te autem, M. Antoni, id decrevit senatus, & quidem incolumis, nondum tot luminibus extinctis, quod in hostem togatum decerni est solitum more majorum; & tu apud patres conscriptos contra me dicere ausus es, cum ab hoc ordine eo conservator essem, tu hostis reip. judicatus? commemoratio illius tui sceleris intermissa est, non memoria deleta; dum genus hominum, dum populi R. nomen extabit, quod quidem erit, si per te licuerit, sempiternum; tua illa pestifera intercessio nominabitur; quid cupide a senatu, quid temere fiebat, cum tu unus, adolescens, universum ordinem decernere de salute reip. prohibuisti, neque id semel, sed sæpius? neque tu tecum de senatus auctoritate agi pas-

fus es? quid autem agebatur, nisi ne delere, & evertere  
 temp. funditus velles? cum te neque principes civitatis  
 rogando, neque majores natu monendo, neque frequens  
 senatus agendo, de vendita, a'que adiecta sententia movere  
 potuit. Tum illud, multis rebus ante tentatis, necessario  
 tibi vulnus inflictum, quod paucis ante te, quorum in-  
 columis fuit nemo; tum contra te dedit arma hic ordo  
 consulibus, reliquisque imperiis, & potestatibus, quæ non  
 effugisses, nisi te ad arma Cæsaris contulisses. Tu, tu,  
 inquam, M. Antoni, princeps G. Cæsari, omnia pertur-  
 bare cupienti, causam belli contra patriam inferendi de-  
 disti; quid enim aliud ille dicebat, quam causam sui de-  
 mentissimi consilii, & facti asseribat, nisi quod interces-  
 sio neglecta, jus tribunitium sublatum, circumscriptus es-  
 set Antonius? omitto, quam hæc falsa, quam levia; præ-  
 fertim cum omnino ulla causa iusta cuiquam esse possit  
 contra patriam arma capiendi: sed n'hil de Cæsare: tibi  
 certe constituendum est, causam perniciosissimi belli in per-  
 sona tua constituisse; o miserum te, si intelligis; misero-  
 rem, si non intelligis, hoc t' teris mandari, hoc memo-  
 riæ prodi, hujus rei ne posteritatem quidem omnium sæ-  
 culorum unquam immemorem fore; consules ex Italia  
 expulsos, cumque h's Cn. Pompejum, qui imperii populi  
 R. decus, ac lumen fuit; omnes consulares, qui per va-  
 letudinem exequi cladem illam, fugamque potuissent;  
 Prætores, Prætorios, Tribunos pl., magnam partem Se-  
 natus, omnem sobolem juventutis, unoque verbo temp.  
 expulsam, atque exterminatam suis sedibus; ut igitur in  
 seminibus est causa arborum, & stirpium, sic hujus lu-  
 ctuosissimi belli semen tu fuisti. Doletis, tres exercitus  
 pop. R. interfectos? interfecit Antonius; desideratis cla-  
 rissimos cives? eos quoque eripuit vobis Antonius; aucto-  
 ritas hujus ordinis atficta est? affixit Antonius; omnia  
 denique, quæ postea vidimus (quid autem mali non vi-  
 dimus?) si recte ratiocinabimur, uni accepta referemus  
 Antonio; ut Helena Trojanis, sic iste huic reip. causa  
 belli, causa pestis, atque exitii fuit. Reliquæ partes tri-  
 bunatus principiis similes; omnia perfecit, quæ senatus,  
 salva rep. ne fieri possent, perfecerat; cujus tamen scelus  
 in scelere cognoscite. Restituebat multos calamitosos; in  
 his patrui nulla mentio; si severus, cur non in omnes?  
 si misericors, cur non in suos? sed omitto cæteros. Lic-  
 inium Denticulam, de alea condemnatum, collusorem  
 suum, restituit: quasi vero ludere cum condemnato non  
 liceret: sed ut, quod ille in alea perdiderat, beneficio le-  
 gis dissolveret; quam attulisti rationem pop. R. cur eum  
 restitui oportet? absentem credo in reos relatum, rem  
 indicta causa judicatam, nullum fuisse de alea lege judi-  
 cium, vi oppressum, & armis; postremo, quod de patruo  
 tuo dicebatur, pecunia iudicium esse corruptum; nihil  
 horum; at vir bonus, & rep. dignus: nihil id quidem ad  
 rem: ego tamen, quoniam condemnatum esse pro nibilo  
 est, si ita esset, ignoscerem; hominem omnium acquis-  
 situm,

sumum, qui non dubitaret vel in foro alea ludere, lege, quæ est de alea, condemnatum, qui in integrum restituit, is non apertissime studium suum ipse profitetur? In eodem vero tribunatu, cum Cæsar in Hispaniam proficiscens, huic conculcandam Italiam tradidisset, quæ fuit ejus peragratio itinerum? lustratio municipiorum? Scio me in rebus celebratissimis omnium sermone versari; eaque, quæ dico, dicturusque sum, notiora esse omnibus, qui in Italia tum fuere, quam mihi, qui non fui: notabo tamen singulas res: etsi nullo modo poterit oratio mea satisfacere vestræ scientiæ. Ecquod enim unquam in terra tantum flagitium extitisse auditum est? tantam turpitudinem? tantum dedecus? vehebatur in essendo tribunus pl. lictores laureati antecedeabant; inter quos aperta lectica mimæ portabatur, quam ex oppidis municipales homines honesti obviam necessario prædeuntes, non noto illo, & mimico nomine, sed Volumniæ consalutabant; sequebatur rheda cum lenonibus, comites nequissimi, rejecta mater anicam impuri filii, tamquam nurum, sequebatur. O miseræ mulieris fecunditatem calamitosam! Horum flagitiorum iste vestigiis omnia municipia, præfecturas, colonias, totam denique Italiam impressit. Reliquorum factorum ejus, P. C., difficilis est sane reprehensio, & lubrica. Versatus in bello est: saturavit se sanguine dissimiliorum sui civium: felix fuit; si potest ulla esse in scelere felicitas; sed, quoniam veteranis cautum esse volumus; quamquam dissimilis est militum causa, & tua, illi secuti sunt, tu quæstisti ducem: tamen, ne apud illos me in invidiam voces, nihil de belli genere dicam. Victor e Thesalia Brundisium cum legionibus revertisti: ibi me non occidisti; magnum beneficium: potuisse enim fateor; quamquam nemo erat eorum, qui tum tecum fuerunt, qui mihi non censeret parci oportere; tanta enim est caritas patriæ, ut vestris etiam legionibus sanctus essem, quod eam a me servatam esse meminissent; sed fac id te dedisse mihi, quod non ademisti, meque a te habere vitam, quia non a te sit crepta; licuit ne mihi per tuas contumelias hoc beneficium sic tueri, ut tuebar, præsertim cum te hæc auditurum videres? Venisti Brundisium, in suum quidem, & in complexum tuæ mimulæ; quid est? num mentior? quam miserum est, id negare non posse, quod sit turpissimum confiteri! Si te municipiorum non pudebat, ne veterani quidem exercitus? quis enim miles fuit, qui Brundisii illam non viderit? quis, qui nescierit venisse eam tibi tot dierum viam gratulatum? quis, qui non indoluerit tam sero se, quam nequam hominem secutus esset, cognoscere? Italiæ rursus percurratio, eadem comite mimæ: in oppida militum crudelis, & misera deductio: in urbe auri, argenti, maximeque vini scæda direptio: Accessit, ut, Cæsare ignaro, cum esset ille Alexandriæ, beneficio amicorum magister equitum constitueretur; tum existimavit se suo jure cum Philippia vivere, & equos vestigales Sergio mimo tradere;

tum sibi non hanc, quam nunc male tuetur, sed M. Pisonis domum, ubi habitaret, legerat. Quid ego istius decreta, quid rapinas, quid hæreditatum possessiones datas, quid ereptas proferam? cogebar egestas: quo se verteret, non habebat: nondum ei tanta a L. Rubrio, non a L. Turselio hæreditas venerat; nondum in Cn. Pompeji locum, multarumque aliorum, qui aberant, repentinus hæres successerat: erat ei vivendum latronum ritu; ut tantum haberet, quantum rapere potuisset. Sed hæc, quæ robustioris improbitatis sunt, omittamus: loquamur potius de nequissimo genere levitatis. Tu istis faucibus, istis lateribus, ista gladiatoria totius corporis firmitate, tantum vini in Hippiae nuptiis exhauseras, ut tibi necesse esset in populi R. conspectu vomere postridie; o rem non modo visu sœdam, sed etiam auditu? si inter cœnam, in tuis immanibus illis poculis hoc tibi accidisset, quis non turpe duceret? in cœtu vero populi R. negotium publicum gerens, magister equitum, cui rustare turpe esset, is vomens frustis esculentis, vinum redolentibus, gremium suum, & totum tribunat implevit. Sed hoc ipse fatetur esse in suis sordibus; veniamus ad splendida. Cæsar Alexandria se recepit felix, ut sibi quidem videbatur: mea autem sententia, qui reip. sit infelix, felix esse nemo potest; hasta posita pro æde Jovis Statoris, bona Cn. Pompeji (miserrum me! consumptis enim lacrymis, tamen infixus hæret animo dolor) bona, inquam, Cn. Pompeji Magni voci acerbissimæ subiecta præconis; unâ in illa re servitutis oblita civitas ingemuit: servientibusque animis, gemitus tamen populi R. liber fuit; expectantibus omnibus, quisnam esset tam impius, tam demens, tam diis, hominibusque hostis, qui ad illud scelus sectionis auderet accedere, inventus est nemo, præter Antonium; præsertim cum tot essent circa hastam illam, qui alia omnia auderent; unus inventus est, qui id auderet, quod omnium fugisset, & reformidasset audacia. Tantus igitur te stupor oppressit, vel, ut verius dicam, tantus furor, ut primum, cum sector sis, isto loco natus, deinde cum Pompeji sector, non te execrandum populo R., non detestabilem, non omnes tibi deos, non omnes homines & esse inimicos, & futuros scias? At quam insolenter statim belluo invasit in ejus viri fortunas, cuius virtute terribilior erat populus R. exteris gentibus, iustitia cavior? In ejus igitur copias cum se subito ingurgitasset, exultabat gaudio persona de mimo, modo egens, repente dives; sed, ut est apud poetam nescio quem, Male parta male dilabuntur: incredibile, ac simile portenti est, quonam modo illa tam multa, quam paucis, non dico mensibus, sed diebus effuderit; maximus vini numerus fuit, permagnum optimi pondus argenti, pretiosa vestis, multa, & lauta supellex, & magnifica multis locis, non illa quidem luxuriosi hominis, sed tamen abundantis; horum paucis diebus nihil erat; quæ Charybdis tam vorax? Charybdis dico? quæ si fuit animal, unum fuit. Oceanus medius filius vix videtur tot res, tam dissipatas, tam di-

tam distantibus in locis postas, tam cito absorbere potuisse. Nihil erat clausum, nihil obsignatum, nihil scriptum; apothecæ totæ nequissimis hominibus condonabantur: alia mimi rapiebant, alia mimæ: domus erat aleatoribus referta, plena ebriorum: totos dies potabatur, atque id locis pluribus: suggerebantur etiam sæpe (non enim semper iste felix) damna aleatoria: conchyliatis Cæsar Pompei peristromatis fervorem in cellis lectos stratos videres; quamobrem desinite mirari, hæc tam celeriter esse consumpta; non modo unius patrimonium, quamvis amplum, ut illud fuit, sed urbes, & regna celeriter tanta nequitia devorare potuisset. At idem ædes etiam, & hortos; o audaciam immanem! tu ingredi illam domum ausus es? te illum sanctissimum limen intrare? tu illarum ædium diis penatibus os importunissimum ostendere? quam domum aliquandiu nemo adspicere poterat, nemo sine lacrymis præterire, hæc te in domo tamdiu diversari non pudet? in qua, quamvis nihil sapias, tamen nihil tibi potest esse jucundum; an tu, illa in vestibulo hostium spolia cum adspexisti, domum tuam te introire putas? fieri non potest; quamvis enim sine mente, sine sensu sis, ut es; tamen & te, & tua, & tuos nosti; nec vero te unquam neque vigilantem, neque in somnis credo posse mentie consistere; necesse est, quamvis sis, ut es, violentus, & furons, cum tibi objecta sit species singularis viri, perterritum te de somno excitari, furere etiam sæpe vigilantem; me quidem miseret parietum ipsorum, atque tectorum; quid enim unquam domus illa viderat, nisi pudicum? quid nisi ex optimo more, & sanctissima disciplina? fuit enim ille vir, P. C. sicut scitis, cum foris clarus, tum domi admirandus; neque rebus externis magis laudandus, quam institutis domesticis; hujus in sedibus pro cubiculis stabula, pro tricliniis popinæ sunt: etsi jam negat; nolite querere: frugi factus est; mimam illam suam suas res sibi habere iussit ex duodecim tabulis; claves ademit, exegit; quam porro spectatus civis, quam probatus, cujus ex omni vita nihil est honestius, quam quod cum mimæ fecit divortium? At quam crebro usurpat, & consul, & Antonius? hoc est dicere; & consul, & impudicissimus, & consul, & homo nequissimus; quid est enim aliud Antonius? nam si dignitas significaretur in nomine; dixisset aliquando, credo, avus tuus se & consulem, & Antonium; nunquam dixit; dixisset etiam collega meus, patruus tuus; nisi tu es solus Antonius; sed omitto ea peccata, quæ non sunt earum partium propria, quibus tu remp. vexavisti; ad ipsas tuas partes redeo, id est ad civile bellum: quod natum, confiatum, susceptum opera tua est: cui bello cum propter timiditatem tuam, tum propter libidines defuisti. Gustaras civilem sanguinem, vel potius exorbueras: fueras in acie Pharsalica antesignanus; L. Domitium, nobilissimum, & clarissimum virum, occideras; multoque præterea, qui a prælio effugerant; quos Cæsar, ut mortuos, fortasse servasset, crudelissime persecutus trucidaras;

cidas; quibus rebus tantis, talibus gestis, quid fuit causae, cur in Africam Caesarem non sequerere, cum praesertim belli pars tanta restaret? itaque quem locum apud ipsum Caesarem post ejus ex Africa reditum obtinuisti? quo numero fuisti? cujus tu imperatoris quaestor fueras, dictatoris magister equitum, belli princeps, crudelitatis auctor, praedae socius, testamento, ut dicebas ipse, filius, appellatus es de pecunia, quam pro domo, pro hortis, pro sectione debebat; primo respondisti plane ferociter: & ne omnia videar contra te, propemodum aequa, & iusta dicebas. A me C. Caesar pecuniam? cur potius, quam ego ab illo? an ille sine me vicit? at ne potuit quidem; ego ad illum belli civilis causam attuli: ego leges perniciosas rogavi: ego arma contra consules, imperatoresque populi R., contra senatum, populumque R., contra deos patrios, arasque, & focos, contra patriam tuli; num sibi soli vicit? quorum facinus est commune, cur non sit eorum praeda communis? jus postulabas: sed quid ad rem? plus ille poterat; itaque, excussis tuis vocibus, & ad te, & ad praedes tuos milites misit; cum, repente a te praecitata illa tabula prolata, qui risus hominum! tantam esse tabulam, tam varias, tam multas possessiones, ex quibus, praeter partem Miseni, nihil erat, quod is, qui auctionaretur, posset suum dicere; auctionis vero miserabilis adspectus: vestis Pompeii non multa, eaque maculosa, ejusdem quaedam argentea vasa collisa, sordidata mancipia, ut doleremus quidquam esse ex illis reliquiis, quod videre possemus; hanc tamen auctionem haeredes L. Rubrii decreto Caesaris prohibuerunt; haerebat nebulo: quo se verteret, non habebat; quin his ipsis temporibus domi Caesaris percussor, ab isto missus, deprehensus dicebatur esse cum sica: de quo Caesar in senatu, aperte in te invehens, questus est. Proficiscitur in Hispaniam Caesar, paucis tibi ad solvendum propter inopiam tuam prorogatis diebus; ne tum quidem sequeris; tam bonus gladiator rudem tam cito accepisti? Hunc igitur quisquam, qui in suis partibus, id est in suis fortunis tam timidus fuerit, pertimescat; profectus est aliquando tandem in Hispaniam, sed tuto, ut ait, pervenire non potuit; quonam modo igitur Dolabella pervenit? aut non suscipienda fuit ista causa, Antoni, aut, cum suscepisses, defendenda usque ad extremum; ter depugnavit Caesar cum civibus, in Thessalia, Africa, Hispania; omnibus affuit his pugnis Dolabella; in Hispaniensi etiam vulnus accepit. Si de meo iudicio quaeris, nollem: sed tamen consilium a primo reprehendendum, laudanda constantia. Tu vero quid es? Cn. Pompeii liberi primum patriam repetebant; esto, fuerit haec causa communis; repetebant praeterea deos penates patrios, aras, focos, sarem suam familiarem, in qua tu invaleras; haec cum repeterent armis illis, quorum erant legibus: ethi in rebus iniquissimis quid potest esse aequi? tamen erat aequissimum contra Cn. Pompeii liberos Cn. Pompeii pugnare scitorem. An tu Narbone in

menſas hoſpitem cum vomeres, Dolabella pro te in Hiſpania dimicaret? qui vero Narbone reditus? Etiam quærebat, cur ego ex ipſo curſutam ſubito revertiſſem; expoſui nuper, P. C. cauſam reditus mei; volui ſi poſſem, etiam ante Kal. Jan. prodeſſe reip. Nam quod quærebas, quo modo rediſſem: primum luce, non tenebris: deinde cum calceis, & toga, nullis nec gallicis, nec lacerna. At etiam adſpicias me, & quidem, ut videris, iratus; nec tu jam mecum in gratiam redeas, ſi ſcias, quam me pudeat nequitia tuæ, cujus te ipſum non pudet: ex omnium omnibus flagitiis nullum turpius vidi, nullum audivi; qui magiſter equitum fuiſſe tibi viderere, in proximum annum conſulatum peteres, vel potius rogares, per municipia, coloniaſque Gallia, a qua nos tum, cum conſulatus petebatur, non rogabatur, petere conſulatum ſolebamus, cum gallicis, & lacerna cucurriſſi. At videte levitatem; cum hora diei decima ſere ad Saxa rubra veniſſet, delituit in quadam cauponula, atque ibi ſe occultans perpotavit ad vesp̄am; inde ciſio celeriter ad urbem adveſtus, domum venit capite involuto janitor, quis tu? a Marco tabellarius. Confeſtim ad eam, cujus cauſa venerat, deducitur, eique epiſtolam tradidit; quam cum illa legeret flens (erat enim amatorie ſcripta: caput autem literarum, ſibi cum illa mima poſthac nihil futurum, omnem ſe amorem abjechiſſe illinc, atque in hanc tranſuſiſſe) cum mulier fle-ret uberius, homo miſericors ferre non potuit, caput aperuit, in collum invaſit. O hominem nequam! (quod enim aliud dicam? magis proprie nihil poſſum dicere) ergo, ut te catamitum neque opinato cum oſendiſſes, præter ſpem mulier adſpiceret, idcirco urbem terrore nocturno, Italiam multorum dierum metu perturbaviſti? & domi quidem cauſam amoris habuit; foris etiam turpiorem, ne L. Plancus prædes tuos venderet. Productus in concionem a tribuno pl. cum reſpondiſſes, te rei tuæ cauſa veniſſe, populum etiam dicacem in te reddidiſti. Sed nimis multa de nugis; ad majora veniamus. Cæſari ex Hiſpania redeunti obviam longiſſime proceſſiſti: celeriter iſti, rediſti, ut agnoſceret te ſi minus fortem, attamen ſtrenuum; factus es ei rursus neſcio quo modo familiaris; habebat hoc omnino Cæſar: quem plane perditum ære alieno, egentemque, ſi eundem nequam hominem, audacemque cognoveat, hunc in familiaritatem libentiſſime recipiebat; his igitur rebus præclare commendatus, juſſus es renunciari conſul, & quidem cum ipſo; nihil queror de Dolabella, qui tum eſt impuſus, induſtus, eluſus; qua in re quanta fuerit utriuſque veſtrum perfidia in Dolabellam, quis ignorat? ille induxit, ut peteret; promiſſum, & receptum intervertit, ad ſequē tranſtulit; tu ejus perfidia voluntatem tuam adſcripſiſti. Veniunt Kal. Jan. cogimur in ſenatum; inveſtus eſt copioſius multo in iſtum, & paratius Dolabella, quam nunc ego; hic autem iratus quæ dixit, dii boni? Primum cum Cæſar oſtendiſſet, ſe prius, quam proficiſceretur, Dolabellam conſulem eſſe juſſurum: quem negant regem, qui &



faceret semper ejusmodi aliquod, & diceret sed cum Cæsar  
 ita dixisset, tum hic bonus augur eo se sacerdotio præditum  
 esse dixit, ut comitia auspiciis vel impedire, vel vitare  
 posset: idque se facturum esse asseveravit; in quo primum  
 incredibilem stupiditatem hominis cognoscite; quid enim?  
 istuc, quod te sacerdotii jure facere posse dixisti, si augur  
 non esses, & consul esses, minus facere potuisses? vide,  
 ne etiam facilius; nos enim nuntiationem solum habemus,  
 consules, & reliqui magistratus etiam spectionem: esto  
 hoc imperite (nec enim ab homine nunquam sobrio  
 postulanda prudentia) sed videte impudentiam; multis  
 ante mensibus in senatu dixit, se Dolabellæ comitiis aut  
 prohibitorum auspiciis, aut id facturum esse, quod fecit:  
 quisquam ne divinare potest, quid vitii in auspiciis futu-  
 rum sit; nisi qui de cælo servare constituit? quod neque  
 licet comitiis per leges: &, si quis servavit, non habitis  
 comitiis, sed prius, quam habeantur, de iis nuntiare;  
 verum implicata inscitia impudentia est; nec scit, quod  
 augurem; nec facit, quod pudenter decet. Atque ex illo  
 die recordamini ejus usque ad Idus Mart. consulatum: quis  
 unquam apparitor tam humilis, tam abiectus? nihil  
 ipse poterat: omnia rogabat: caput in adversam lenticam  
 inferens, beneficia, quæ venderet, a collega petebat; ecce  
 Dolabellæ comitiorum dies, sortitio prærogativæ: quiescit;  
 renunciatur, tacet: prima classis vocatur; renuncia-  
 tur; deinde, ita ut assolet, suffragia; tum secunda classis;  
 quæ omnia sunt citius facta, quam dixi; confecto negotio  
 bonus augur, (Lælium diceret) Alio die, inquit; o  
 impudentiam singularem! quid videras? quid senseras?  
 quid audieras? nec enim te de cælo servasse dixisti, ne-  
 que hoc e dieis. Id igitur obvenit vitium, quod tu jam  
 Kal. Jan. futurum esse prævideras, & tanto ante prædi-  
 xeras; ergo hercule magna, ut spero, tua potius, quam  
 reip. calamitate, e mentitis es auspiciis, obstrinxisti reli-  
 gione populum R., augur auguri, consul consuli obnum-  
 ciasti; nolo plura, ne acta Dolabellæ videar convellere:  
 quæ necesse est aliquando ad nostrum collegium deferan-  
 tur sed arrogantiam hominis, insolentiamque cognosce-  
 te. Quamdiu tu voles, vitiosus consul Dolabella / rursus,  
 tum voles, salvis auspiciis creatus; si nihil est, cum au-  
 gur his verbis nunciat, quibus tu nunciasti, confitere te,  
 cum; Alio die, dixeris, sobrium non fuisse; si est ali-  
 qua vis in istis verbis, ea quæ sit, augur a collega requi-  
 ro. Sed, ne forte ex multis rebus gestis M. Antonii rem  
 unam pulcherrimam transiliat oratio, ad Lupercalia ve-  
 niamus. Non dissimulat, P. C., apparet esse commotum:  
 fudat, pallet; quidlibet, modo ne natusset, faciat, quod  
 in porticu Minucia fecit; quæ potest esse turpitudinis tan-  
 tæ defensio? cupio audire; ut videam, ubi rhetoris tanta  
 merces, ubi campus Leontinus appareat. Sēdebat in Ro-  
 stris collega tuus, amictus toga purpurea, in sella aurea,  
 coronatus: ascendis: accedis ad sellam. Ita eras Luper-  
 ent; ut te esse consulem meminisse deberes; diadema o-  
 stendis:

stendis: gemitus toto foro; unde diadema? non enim ab-  
jectum sustuleras, sed attuleras domo meditatam, & co-  
gitatum scelus; tu diadema imponebas cum plangore po-  
puli, ille cum plausu rejiciebat; tu ergo unus, scelerate,  
inventus es, qui, cum auctor regni esses, eum, quam col-  
legam habebas, dominum habere velles; & idem tenta-  
res; quid populus R. ferre, & pati posset; at etiam mi-  
sericordiam captabas: supplex te ad pedes abjiciebas; quid  
petens? ut servires? tibi uni peteres, qui ita a puero vi-  
xeras, ut omnia paterere, ut facile servires: a nobis, po-  
puloque R. mandatum id certe non habebas; o præcla-  
ram illam eloquentiam tuam, cum es nudus concionatus?  
quid hoc turpius? quid foedius? quid suppliciiis omnibus  
dignius? num expectas, dum te stimulis fodiam? hæc te,  
si ullam partem habes sensus, lacerat; hæc cruentat ora-  
tio: Vereor, ne imminuam summorum virorum gloriam &  
dicam tamen dolore commotus. Quid indignius, quam vi-  
ve e cum, qui imposuerit diadema, cum omnes fateantur  
jure interfectum esse; qui abiecit? at etiam inscribi ju-  
sit in fastis, ad Lupercalia, C. Cæsari, dictatori peretuo,  
M. Antonium consulem, populi iussu regnum detulisse.  
Cæsarem uti noluisse; jam minime mitior te otium per-  
turbare, non modo urbem odisse, sed etiam lucem, cum  
perditissimis latronibus non solum de die, sed etiam in  
diem vivere; ubi enim tu in pace consistes? qui locus ti-  
bi in legibus, & in judiciis esse potest, quæ tu, quantum  
in te fuit, dominatu regio sustulisti? ideo ne L. Tarqui-  
nius exactus, Spurius Cassius, Melius, & Manlius necati,  
ut multis post sæculis a M. Antonio, quod fas non est,  
Rex Romæ constitueretur? sed ad auspicia redeamus. De  
quibus rebus Idibus Mart. fuit in senatu Cæsar acturus,  
quæro, tum tu quid egisses? audiebam equidem te para-  
tum venisse, quod me de eminentis auspiciis, quibus ta-  
men parere necesse erat, putares esse dicturum; sustulit  
illum diem fortuna reip. num etiam tuum de auspiciis  
judicium interitus Cæsaris sustulit? sed incidi in id tem-  
pus, quod iis rebus, in quas ingressa erat oratio, præ-  
vertendum est. Quæ tua fuga? quæ formido illo præcla-  
ro die? quæ propter conscientiam scelerum desperatio vi-  
tæ, cum ex illa fuga beneficio eorum, qui te, si sanus  
esses, salvum esse voluerunt, clam te domum recepisti? o  
mea frustra semper verissima auguria rerum futurarum!  
dicebam illis in Capitolio liberatoribus hostis, cum me  
ad te ire vellent, ut ad defendendam remp. te adhorta-  
rer; quod metueres, omnia te promissurum; simul ar-  
ticipere velisses, similem te futurum tui; itaque cum cæ-  
teri consulares irent, redirent, in sententia mansi; ne-  
que te illo die, neque postero vidi, neque ullam societa-  
tem optimis civibus cum importunissimo hoste sedere ul-  
lo confirmari posse credidi. Post diem tertium veni in æ-  
dém Telluris, & quidem invitus, cum omnes aditus ar-  
mati obsiderent; qui tibi dies ille, M. Antoni, fuit?  
quamquam mihi subito inimicus extitisti; tamen me tu

miseret, quod tibi invideris. Qui tu vir, dii immortales, & quantus fuisses, si illius dici mentem servare potuisses? pacem haberemus, quæ erat facta per obsidem puerum nobilem, M. Antonii filium, M. Bambalionis nepotem; quamquam te bonum timor faciebat, non diuturnus magister officii; improbum fecit ea, quæ, dum timor abest, a te non discedit, audacia; etsi tum, cum optimum te putabant, me quidem dissentiente, superi tyranni, si illud funus fuit, scelestissime præfuisse; tua illa pulchra laudatio, tua miseratio, tua cohortatio. Tu, tu, inquam, illas faces incendiisti, & eas, quibus semivulatus ille est, & eas, quibus incensa L. Bellieni domus deflagavit; tu illos impetus perditorum, & ex maxima parte servorum, quos nos vi, manuque repulimus, in nostras domos immisisti; idem tamen, quasi fuligine absterfa, reliquis debuis in Capitolio præclara S. C. fecisti, ne qua post Idus Mart. immunitatis tabula, neve cuiusquam beneficii fingeretur; meministi i. se de exilibus, se, de immunitate quid dixeris; optimum vero, quod dictaturæ nomen in perpetuum de rep. sustulisti; quo quidem facto tantum te cepisse odium regni videbatur, ut ejus omnem propter proximum dictatorem metum tollereres; constituta respubl. videbatur aliis, mihi vero nullo modo, qui omnia, te gubernante, naufragia metuebam; num igitur me feceris? aut num diutius sui potius esse dissimilis? instantibus vobis, toto Capitolio tabulæ figebantur, neque solum singulis veniebant immunitates, sed etiam populis universis: civitas non jam singillatim, sed provinciis totis dabatur; itaque si hæc manent, quæ stante rep. manere non possunt; provincias universas, R. C. perdidisti; neque vestigia solum, sed etiam imperium populi R. hujus domesticis nundinis diminutum est. Ubi est septies milles HS, quod est in tabulis, quæ sunt ad Opes? funestæ illius quidem pecuniæ, sed tamen quæ nos, si iis, quorum erat, non seddeatur, a tributis posset vindicare; tu autem quadringentes sestertium, quod Idibus Mart. debuisti, quonam modo ante Kal. Apr. debere desisti? quid ego de commentariis infinitis, quid de innumerabilibus chirographis loquar? sunt ea quidem innumerabilia, quæ a diversis emebantur, non insciente te: sed unum egreium de rege Dejotaro, populi R. amicissimo, decretum in Capitolio fixum: quo proposito, nemo erat, qui in ipso dolore risum posset continere; quis enim cuiquam inimicior, quam Dejotaro Cæsar? æque, atque huic ordini, ut equestri, ut Massiliensibus, ut omnibus, quibus rep. populi Rom. caram esse sentiebat; is igitur, a quo vivo nec præsens, nec absens quidquam æqui boni impetravit, apud mortuum factus est gratus; compellarat hospitem præsens: computarat: pecuniam imperarat; in ejus tetrarchia unum ex Græcis-comitibus suis collocarat: Armeniam abstulerat, a senatu datam; hæc vivus eripuit, reddidit mortuus. At quibus verbis? modo æquum sibi videri, modo non iniquum; mira verborum comple-

complexio; at ille nunquam (semper enim absenti affuit Dejotaro) quidquam sibi, quod nos pro illo postularemus, æquum dixit videri: Syngrapha HS. centies per legatos, viros bonos, sed timidos, & imperitos, sine Sexti, sine reliquorum hospitum regis sententia, facta in gynæceo: quo in loco plurimæ res venierunt, & veneunt; qua ex syngrapha quid sis acturus, meditare, censeo; rex enim ipse sua sponte, nullis commentariis Cæsaris, simul atque audivit ejus interitum, suo Marte res suas recuperavit; sciebat homo sapiens, jus semper hoc fuisse, ut quæ tyranni eripuisent, eâ, tyrannis interfectis, iis quibus erepta essent, recuperarent. Nemo igitur jureconsultus, ne iste quidem, qui tibi uni est jureconsultus, per quem hæc agis, ex ista syngrapha deberi dicit pro iis rebus, quæ erant ante syngrapham recuperatæ; non enim a te emit; sed prius, quam tu suum sibi venderes, ipse possedit. Ille vir fuit, nos quidem contemnendi, qui auctorem odimus, acta defendimus. Quid ego de commentariis infinitis, quid de innumerabilibus chirographis loquar? quorum etiam imitatores sunt, qui eâ, tamquam gladiatorum libellos, palam vendunt; itaque tanti acervi numerorum apud istum construuntur, ut jam appendantur, non numerentur pecuniæ. At quam cæca avaritia est? nuper fixa tabula est, qua civitates locupletissimæ Cretensium vestigalibus liberantur; statuiturque, ne post M. Brutum proconsulem sit Creta provincia. Tu mentis compos? tu non constringendus? an Cæsaris decreto Creta post M. Bruti decessum potuit liberari, cum Creta nihil ad Brutum Cæsare vivo pertineret? at hujus venditione decreti (ne nihil actum putetis) provinciam Cretam perdidistis; omnino nemo ullius rei fuit emptor, cui defuerit hic venditor. Et de exulibus legem, quam fixisti, Cæsar tulit? nullius insector calamitatem: tantum quæror, primum eorum redditus inquinatos, quorum causam Cæsar dissimilem judicaverit: deinde nescio, cur non reliquis idem tribuas; neque enim plus, quam tres, aut quatuor reliqui sunt; qui simili in calamitate sunt, cur tua misericordia simili non fruuntur? cur eos habes in loco patrum? de quo ferre, cum de reliquis fratres, noluisse: quem etiam ad censuram petendam impulisti, eamque petitionem comparasti, quæ & risus hominum, & querelas moveret. Cur autem ea comitia non habuisti? an quia tribunus pl. sinistrum fulmen nunciabat? cum tuâ quid interest, nulla auspiciæ sunt, cum tuorum, tum sis religiosus? Quid? eundem in septemviratu nonne destituisi? intervenit enim; quid metuisti? credo, ne salvo capite necare non posses; omnibus eum contumeliis onerasti, quem patris loco, si ulla in te pietas esset, colere debebas: filiam ejus, sororem tuam, ejecisti, alia conditione quæsitâ, & ante perspectâ; non est satis; probri insinulasti pudicissimam foeminam; quid est, quod addi possit? contentus eo non fuisti, frequentissimo senatu Kal. Jan. sedente patruo, hanc tibi esse cum Dolabella causam odii dicere ausus es, quod ab eo sorori, &

uxori tuæ stuprum esse oblatum comperisses. Quis interpretari potest, impudentior ne, qui in senatu; an improbius, qui in Dolabellam; an impurior, qui patre audiente; an crudelior, qui in illam miseram tam spurce, tam impie dixeris? Sed ad chirographa redeamus. Quæ tua fuit cognitio? acta enim Cæsaris pacis causa confirmata sunt a senatu, quæ quidem Cæsar egisset, non ea, quæ Cæsarem egisse dixisset Antonius. Unde ista erumpunt? quo auctore proferuntur? si sunt falsa, cur probantur? si vera, cur veniunt? at sic placuerat, ut ex Kal. Jun. de Cæsaris actis cum consilio cognosceretis; quod fuit consilium? quem nunquam convocasti? quas Kal. Jun. expectasti? an eas, ad quas te, peragratis veteranorum coloniis, stipatum armis retulisti? o præclaram illam percurstationem tuam mense Aprili, atque Majo, tum, cum etiam Capuam coloniam deducere conatus es! quemadmodum illinc abieris, vel potius pœne non abieris, scimus; cui tu urbi minitaris; utinam conere, ut aliquando illud *pene* tollatur. At quam nobilis tua illa peregrinatio! quid prandiorum apparatus? quid furiosam vinolentiam tuam proferam? tuam ista detrimenta sunt, illa nostra. Agrum Campanum, qui cum de vectigalibus eximebatur, ut militibus daretur, tamen infigi magnum reip. vulnus putabamus; hunc tu compransoribus tuis, & collusoribus dividebas; mimos dico, & mimas, P. C. in agro Campano collocatos. Quid jam querar de agro Leontino? quoniam quidem hæ quondam arationes in pop. R. patrimonio glandiferæ, & fructuosæ ferebantur. Medico tria millia iugerum, quasi te sanasset; rhetori duo, quasi disertum facere potuisset. Sed ad iter, Italiamque redeamus. Deduxisti coloniam Casilinum, quo Cæsar ante deduxerat; consuluisti me per literas de Capua tu quidem, sed idem de Casilino respondiſsem, posses me, ubi colonia esset, eo coloniam novam jure deducere. Negavi in eam coloniam, quæ esset auspiciato deducta, dum esset incolumis, coloniam novam jure deduci: colonos novos adscribi posse, rescripsi; tu autem insolentia elatus, omni auspicio jure turbato, Casilinum coloniam deduxisti, quo erat paucis annis ante deducta, ut vexillum tolleres, & aratrum circumduceres: cujus quidem vomere portam Capuæ pene perstrinxisti, ut florentis coloniae territorium minueretur. Ab hac religionum perturbatione advolas in M. Varronis, sanctissimi, atque integerrimi viri, fundum Casinatem; quo jure? quo ore? eodem, inquires, quo in hæredum L. Rubrii, quo in hæredum L. Tursellii prædia, quo in reliquis innumerabiles possessiones; & si ab hasta, valeat hasta, valeant tabulæ, modo Cæsaris, non tuæ: quibus debuisti, non quibus tu te liberavisti. Varronis quidem Casinatem fundum quis veniisse dicit? quis hastam illius venditionis vidit? quis vocem præconis audivit? misisse te dicis Alexandriam, qui emeret a Cæsare: ipsum enim expectare magnum fuit. Quis vero audivit unquam (nullius autem salus curæ pluribus fuit) de fortunis Varropis rem ullam esse detractam? quid?

quid? si etiam scripsit ad te Cæsar, ut redderes: quid satis potest dici de tanta impudentia? remove gladios parumper illos, quos videmus; jam intelliges aliam causam esse huius Cæsaris, aliam confidentiæ, & temeritatis tuæ; non enim te dominus modo illis sedibus, sed quivis amicus, vicinus, hospes, procurator arcebit. At quam multos dies in ea villa turpissime es perbacchatus? ab hora tertia bibebatur, ludebatur, vomebatur. O testa ipsa misera, quam dispari domino! quamquam quomodo iste dominus? sed tamen quam a dispari tenebantur! studiorum enim suorum M. Varro voluit esse illud, non libidinum diversorium; quæ in illa villa ante dicebantur? quæ cogitabantur? quæ literis mandabantur? iura populi Rom., monumenta maiorum, omnis sapientiæ ratio, omnisque doctrina. At vero, te inquilino, (non enim domino) personabant omnia vocibus ebriorum; matabant pavimenta vino; madebant parietes; ingenui pueri cum meritoriis, scorta inter matresfamilias versabantur. Casino salutatum veniebant, Aquino, Interamna: admissus est nemo: iure id quidem: in homine enim turpissimo obsolescebant dignitatis insignia: cum inde Romam proficiscens ad Aquinum accederet, obviam ei processit, ut est frequens municipium, magna sane multitudo; at iste operta lectica latus est per oppidum, ut mortuus. Stulte Aquinates: sed tamen in via habitabant; quid Anagnini? qui cum essent devii, obviam ei descenderunt, ut istum, tamquam si esset, consulem salutarent. Incredibile dictu: sed tamen inter omnes constabat, neminem esse resalutatum, præsertim cum duos secum Anagninos haberet, Mustellam, & Laconem, quorum alter gladiatorum est princeps, alter poculorum. Quid ego illas istius minas, contumeliasque commemorem, quibus invecus est in Sidicinos, vexavit Puteolanos, quod C. Cassium, & Brutos patronos adoptassent? magno quidem iudicio, studio, benevolentia, caritate; non, ut te, ut Basilium, vi, & armis, & alios vestri similes, quos clientes nemo habere velit, non modo illorum cliens esse. Interea, dum tu abes, qui dies ille collegæ tui, cum illud, quod tu venerari solebas, bustum in foro evertit? qua re tibi nunciata, ut constabat inter eos, qui una fuerant, concidisti; quid eveniret postea, nescio; metum credo valuisse, & arma; collegam quidem de cælo detraxisti; effecistisque non tu quidem etiam nunc, ut sit similis tui, sed certe ut dissimilis esset sui. Qui vero reditus inde Romam? quæ perturbatio totius urbis? meminimus Cinnam nimis potentem: Sullam postea dominantem: modo Cæsarem regnantem videramus; erant fortasse gladii, sed absconditi, nec ita multi: ista vero quæ & quanta barbaria est? agmine quadrato cum gladiis sequuntur scutati milites: scutorum lecticas portari videmus. Atque his quidem jam inveteratis, P. C. consuetudine obduruimus: Kal. Jun. cum in senatum, ut erat constitutum, venire vellemus, metu perterriti repente diffugimus. At iste, qui senatu non egeret, neque deside-

ravit quemquam, & potius discessu nostro lætatus est, statimque illa mirabilia facinora effecit; qui chirographa Cæsaris defendisset lucri sui causa, is leges Cæsaris, easque præclaras, ut remp. concutere posset, evertit; numerum annorum provinciis prorogavit: idemque, cum actorum Cæsaris defensor esse deberet, & in publicis, & in privatis rebus acta Cæsaris rescidit. In publicis actis nihil est lege gravius; in privatis firmissimum est testamentum; leges alias sine promulgatione sustulit, alias ut tolleret, promulgavit: testamentum irritum fecit: quod etiam infimis vicibus semper obtentum est; signa, tabulas, quas populo Cæsar una cum hortis legavit, eas hic partim in hortos Pompeji deportavit, partim in villam Scipionis. Et tu in Cæsaris memoria diligens? tu illum amas mortuum? quem is majorem honorem consecutus erat, quam ut haberet pulvinar, simulacrum, fastigium, flaminem? est ergo flamen, ut Jovi, ut Marti, ut Quirino, sic divo Julio M. Antonius. Quid igitur cessas? cur non inaugurare? sume diem: vide qui te inauguret; collega sumus: nemo negabit; o detestabilem hominem, siue quod tyranni sacerdos es, siue quod mortui! Quæro deinceps, num, hodiernus dies qui sit, ignores? nescis heri quantum in circo diem ludorum Romanorum fuisse? te autem ipsum ad populum tulisse, ut quintus præterea dies Cæsari tribueretur? cur non summus prætextati? cur honorem Cæsaris, tua lege datum, deferi patimur? an, supplicationes addendo, diem contaminari passus es: pulvinaria noluisse? aut undique religionem tollere, aut usquequaque conservare. Quæres, placeat ne mihi pulvinar esse, fastigium, flaminem? Mihi vero nihil istorum placet; sed tu, qui acta Cæsaris defendis, quid potest dicere, cur alia defendas, alia non cures? nisi forte vis fateri, te omnia quæstu tuo, non illius dignitate metiri. Quid ad hæc tandem? expecto enim eloquentiam tuam; disertissimum cognovi avum tuum, at te etiam apertiorum in dicendo; ille nunquam nudus est concionatus: tuum hominis simplicis pectus vidimus. Respondebis ne ad hæc, aut omnino hincere audebis? ecquid reperies ex tam longa oratione mea, cui te responderè posse confidas? Sed præterita omittamus; hunc unum diem, hunc unum, inquam, hodiernum diem, hoc punctum temporis, quo loquor, defende, si potes; cur armatorum corona senatus septus est? cur me tui satellites cum gladiis audiunt? cur valvæ Concordiæ non patent? cur homines omnium gentium, maxime barbaros, Ithyreos cum sagittis deducis in forum? præsidii sui causa se facere dicit. Nonne igitur milles perire est melius, quam in sua civitate sine armatorum præsidio non posse vivere? Sed nullum est istuc, mihi crede, præsidium; caritate, & benevolentia civium septum oportet esse, non armis. Eripiet, extorquebit tibi ista pop. R., utinam salvis nobis; sed quoquo modo nobiscum egeris, dum istis consiliis uteris, non potes, mihi crede, esse diuturnus; etenim ista tua minime avaræ

conflux, quam ego sine contumelia describo, nimirum dis debet populo R. pensionem tertiam; habet populus R. ad quos gubernacula reip. deferat: quid ubicunque terrarum sunt, ibi est omne reip. praesidium, vel potius ipsa resp., quæ se adhuc tantummodo ulta est, nondum recuperavit; habet quidem certe resp. adolescentes nobilissimos, paratos defensores; quam volent, illi cedant, otio consulentes, tamen a repub. revocabuntur; & nomen pacis dulce est, & ipsa res salutaris; sed inter pacem, & servitutem plurimum interest; pax est tranquilla libertas: servitus postremum malorum omnium, non modo bello, sed morte etiam repellendum; quod si se ipsos illi nostri liberatores e conspectu nostro abstulerunt: at exemplum facti reliquerunt; illi quod nemo fecerat, fecerunt. Taquinium Brutus bello est persecutus: qui tum rex fuit, cum esse Romæ regem licebat. Sp. Cassius, Sp. Melius, M. Manlius propter suspicionem regni apprehensi sunt necati; hi primi cum gladius non in regnum appetentem, sed in regnam em impetum fecerunt; quod cum ipsum factum per se præclarum est, atque divinum, tum expositum ad imitandum; præsertim cum illi eam gloriam consecuti sint, quæ vix cælo capi posse videatur; etsi enim satis in ipsa conscientia pulcherrimi facti fructus erat; tamen mortali immortalitatem non arbitror contemnendam. Recordare igitur illum, M. Antoni, diem, quo dictataram sustulisti: pone ante oculos lætitiæ senatus, populique Rom., confer cum nummatione tuâ, tuorumque: tum intelliges, quantum inter laudem, & lucrum intersit; sed nimirum, ut quidam morbo aliquo, & sensus stupore suavitatem c. bi non sentiunt: sic libidinosi, avari, facinorosi veræ laudis gustum non habent; sed si te laus allicere ad recte faciendum non potest, ne metus quidem a foedissimis factis potest avocare? iudicia non metuis; si propter innocentiam, laudo: si propter vim, non intelligis, ei, qui isto modo iudicia non timeat, quid timendum sit? Quod si non metuis viros fortes, egregiosque cives, quod a corpore tuo prohibentur armis: tui te, mihi crede, diutius non forent; quæ est autem vita, dies & noctes timere a suis? nisi vero aut majoribus habes beneficiis obligatos, quam ille quosdam habuit ex iis, a quibus est interfectus; aut tu es ulla re cum eo comparandus; fuit in illo ingenium, ratio, memoriæ, litteræ, cura, cogitatio, diligentia: res bello gesserat, quamvis reip. calamitosas, attamen magnas: multos annos regnare est meditatus: magno labore, magnis periculis, quod cogitavit, effecerat: muneribus, monumentis, congiariis, epulis multitudinem imperitam lenierat: suos præmiis, adversarios clementiæ specie devinxerat; quid multa? attulerat jam liberæ civitati partim metu, partim patientia consuetudinem serviendi; cum illo ego te dominandi cupiditate conferre possum, cæteris vero rebus nullo modo es comparandus; sed ex plurimis malis, quæ ab illo reip. sunt iussa, hoc tamen boni est, quod didicit jam pop. R. quantum cuique



que crederet, quibus se committeret, a quibus caveret; hæc non cogitas? nec intelligis satis esse viris fortibus didicisse, quam sit pulchrum, beneficio gratum, fama gloriosum, tyrannum occidere? an, cum illum homines non tulerint, te ferent? certatim posthæc, mihi crede, ad hoc opus curretur, nec occasionis tarditas expectabitur; respice, quæso, aliquando rempub. M. Antoni, quibus ortus sis, non quibuscum vivas, considera: mecum, ut voles, cum rep. redi in gratiam: sed de te tu ipse videris; ego de meipso profitebor; defendi rempubl. adolescens, non deseram senex; contempsi Catilinæ gladios, non pertimescam tuos; quin etiam corpus libenter obtulerim, si repræsentari morte mea libertas civitatis potest; ut aliquando dolos populi R. pariat, quod jamdiu patitur; etenim si abhinc annos prope viginti hoc ipso in templo negavi posse mortem immatorem esse consulari: quanto verius nunc negabo seni? mihi vero, P. C. jam etiam optanda mors est, persancto rebus iis, quas adeptus sum, quasque gessi; duo modo hæc opto: unum, ut moriens pop. R. liberum relinquam; hoc mihi majus a diis immortalibus dari nihil potest: alterum, ut ita cuique eveniat, ut de rep. quisque mereatur.

## M. TULLII CICERONIS IN M. ANTONIUM PHILIPPICA TERTIA.

### ARGUMENTUM.

*Cum M. Antonius fugisset ex Urbe, & sollicitatis militibus veteranis, parasset cum exercitu Romam venire, represserat conatum ejus Octavius Caesar. Cum inde transisset Galliam, & prohibitus esset a D. Bruto, illum Mutina obsederat. His cognitis, convocato senatu, hac Oratione dicit Cicero sententiam de Rep. ut privati Octavii consiliis contra M. Antonium publica voluntas addatur: legionibus Octaviam secutis præmia decernantur; Brutus Galliam in senatus, populi que Romani potestate retineat: Antonius hostis judicetur.*

**S**erius omnino, P. C. quam tempus reip. postulabat, aliquando tamen convocati sumus; quod flagitabam equidem quotidie, quippe cum bellum nefarium contra aras, & focos, contra vitam, fortunasque nostras ab homine profligato, ac perditio non comparari, sed geri jam viderem; expectantur Kal. Jan. quas non expectat Antonius; qui in provinciam D. Bruti, summi, & lingua.

Singularis viri, cum exercitu impetum facere conatur; et qua se instructum, & paratum ad urbem venturum esse minatur; quæ est igitur expectatio, aut quæ vel minima dilatio temporis? quamquam enim adsunt Kalen. Januar. tamen breve tempus longum est imparatis; dies enim affert, vel hora potius, nisi provisum est, magnæ sæpe clades; certus autem dies non ut sacrificii, sic consilii expectari solet; quod si aut Kal. Jan. fuissent eo die, quo primum ex urbe fugit Antonius; aut hæc non essent expectatæ: bellum jam nullum haberemus; auctoritate enim senatus, consensuque populi R. facile hominis amentis fregissemus audaciam: quod confido equidem consules designatos, si moti ac magistratum intrinse, esse facturos; sunt enim optimo animo, summo consilio, singulari concordia. Mea autem festinatio non victoriæ solum avida est, sed etiam celeritatis; quæ enim usque tantum bellum, tam crudele, tam nefarium privatis consiliis propulsabitur? cur non quamprimum publica accedit auctoritas? C. Cæsar, adolescens, pæne potius puer, incredibilis, ac divina quædam mente, atque virtute; tum, cum maxime furor arderet Antonii, cumque ejus a Brundisio crudelis, & pestifer reditus timeretur, nec postulantibus, nec cogitantibus, ne optantibus quidem nobis, quia fieri posse non videbatur, firmissimum exercitum ex invictis genere veteranorum militum comparavit, patrimoniumque suum effudit; quamquam non sumus usi eo verbo, quo desuit; non enim effudit, sed in salute reip. collocauit; cui quamquam gratia referret tanta non potest, quanta debetur; habenda tamen est tanta, quantam maximam animi nostri capere possunt; quis est tam ignarus rerum, tam nihil de rep. cogitans, qui hoc non intelligat; si M. Antonius a Brundisio cum iis copiis, quas se habiturum putaverat, Romam, ut minabatur, venire potuisset, nullum genus eum crudelitatis præteriturum fuisse? quippe qui in hospitis tectis Brundisii fortissimos viros, cives optimos, jugulari jussisset: quorum ante pedes ejus morientium sanguine os uxoris respersum esse constabat; hæc ille crudelitate imbutus, cum multo bonis omnibus veniret frator, quam illis fuerat, quos trucidabat; cui tandem nostrum, aut cui omnino bono pepercisset? quæ peste privato consilio reip. (nec enim fieri potuit aliter) Cæsar liberavit: qui nisi in hac rep. natus esset, reip. scelere Antonii nullam haberemus; sic enim perspicio, sic judico; nisi unus adolescens illius furentis imperus, crudelissimosque conatus cohibuisset, reip. funditus interituram fuisse; cui quidem hodierno die, P. C. (nunc enim primum ita convenimus, ut illius beneficio possemus, quæ sentiremus, libere dicere) tribuenda est auctoritas, ut reip. non modo a se susceptam, sed etiam a nobis commendatam possit defendere. Nec vero de legione Martia (quoniam longo intervallo loqui nobis de rep. licet) filari potest; quis enim unus fortior, quis amicior unquam reip. fuit, quæ legio Martia universa? quæ cum

cum hostem populi R. Antonium judicasset, comes ejus amentie noluit; reliquit consulem; quod profecto non fecisset, si eum consulem judicavisset, quem nihil aliud agere, nihil moliri, nisi cædem civium, atque interitum civitatis, videret; atque ea legio confedit Albæ; quam potuit urbem eligere aut opportuniorem ad res gerendas, aut fidelio rem, aut fortiorum virorum, aut amiciorum reipub. civium? hujus legionis virtutem imitata Quarta legio, duce L. Egnatulejo quæstore, cive optimo, & fortissimo, Cæsaris auctoritatem, atque exercitum persecuta est; satiendum est igitur nobis, P. C. ut ea, quæ sua sponte clarissimus adolescens, atque omnium præstantissimus gessit, & gerit, hæc auctoritate nostra comprobentur, veteranorumque fortissimorum virorum, tum legionis Martiæ, Quartæque mirabilis consensus ad remp. recuperandam laude, & testimonio nostro confirmetur; eorumque commoda, honores, præmia, cum consules designati magistratum inierint, curæ nobis fore, hodierno die spondeamus. Atque ea quidem, quæ dixi de Cæsare, deque ejus exercitu, jam diu nota sunt vobis; virtute enim admirabili Cæsaris, constantiaque militum veteranorum, legionumque earum optimo judicio, quæ auctoritatem nostram, libertatem pop. R., virtutem Cæsaris secutæ sunt, a cervicibus nostris est depulsus Antonius; sed, ut dixi, hæc superiora; hoc vero recens edictum D. Bruti, quod paulo ante propositum est, certe silentio non potest præteriri; pollicetur enim, se provinciam Galliam retenturum in senatus, populi que R. potestate. O civem natum reip., memorem sui nominis, imitatoremq. majorum! neque enim, Tarquinio expulso, majoribus nostris tam fuit optata libertas, quam est, depulso jam Antonio, retinenda nobis; illi regibus parere jam a condita urbe dicerant; nos post reges exactos servitutis oblivio ceperat; atque ille Tarquinius, quem majores nostri non tulerunt, non crudelis, non impius, sed superbus est habitus, & detestus; quos nos vitium in privatis sæpe tulimus, id majores nostri ne in rege quidem ferre potuerunt. L. Brutus regem superbum non tulit. Decimus sceleratum, atque impium regnare patietur? quid Tarquinius tale, qualia innumerabilia & facit, & fecit Antonius? Senatum etiam reges habebant: nec tamen, ut Antonio senatum habente, in consilio regis versabantur barbari armati. Servabant auspicia reges; quæ hic consul, augurque neglexit, neque solum legibus contra auspicia ferendis, sed etiam collega una ferente, eo, quem ipse ementitis auspiciis viciosum fecerat. Quis autem rex unquam fuit tam insigniter impudens, ut haberet omnia commoda, beneficia, jura regni venalia? quam hic immunitatem, quam civitatem, quod præmium non vel singulis hominibus, vel civitatibus, vel universis provinciis vendidit? Nihil humile de Tarquinio, nihil sordidum accepimus; at vero hujus domi inter quasilla pendebatur aurum: numerabatur pecunia: rupa in domo omnes, quorum intererat, totum imperium popu-

populi Rom. nudabantur. Supplicia vero in cives R. nulla Tarquinii accepimus; at hic & Suevæ jugulavit eos, quos in custodiam dederat; & Brundisii trecentos fortissimos viros, civesque optimos trucidavit. Postremo Tarquinus pro populo R. bellum gerebat tum, cum expulsus est: Antonius contra populum R. exercitum adducebat tum, cum a legionibus relictus, nomen Cæsaris, exercitumque pertinuit; neglectisque sacrificiis solemnibus, ante lucem vota ea, quæ nunquam solveret, nuncupavit: & hoc tempore in provinciam populi R. conatur invadere. Majus igitur a D. Bruto beneficium populus R. & habet, & expectat, quam majores nostri acceperunt a L. Bruto, principe hujus maxime conservandi generis, & nominis; cum autem est omnis servitus misera: tum vero inoletabile est servire impio, impudico, effœminato, nunquam, ne in metu quidem, sobrio. Hunc igitur qui Gallia prohibet privato præsertim consilio, judicat, verissimeque judicat, non esse consulem. Faciendum est igitur, P. C. nobis, ut D. Bruti privatum consilium auctoritate publica comprobemus; nec vero M. Antonium consulem post Lupercalem putare debuistis; quo enim ille die, populo Rom. inspectante, nudus, unctus, ebrius est concionatus, & id egit, ut collegæ diadema imponeret; eo die non modo consulatu, sed etiam libertate se abdicavit; esset enim ipsi cerie statim serviendum, si Cæsar ab eo regni insigne accipere voluisset; hunc igitur ego consulem, hunc civem Rom., hunc liberum, hunc denique hominem putem, qui sæculo illo, & flagitioso die, & quid pati, Cæsare vivo, posset, & quid, eo mortuo, consequi ipse cuperet, ostendit? Nec vero de virtute, constantia, & gravitate provincie Gallie taceri potest; est enim ille flos Italie, illud firmamentum imperii pop. R., illud ornamentum dignitatis, tantus autem est consensus municipiorum, coloniarumque provincie Gallie, ut omnes ad auctoritatem hujus ordinis, majestatemque pop. R. defendendam conspirasse videantur. Quamobrem tribuni pl., quamquam vos nihil aliud, nisi de præsidio, ut senatum tuto consules Kal. Jan. habere possent, retulistis: tamen mihi videmini magno consilio, atque optima mente potestatem nobis de tota rep. fecisse dendi; cum enim tuto senatum haberi sine præsidio non posse judicavistis, tum statuistis etiam, intra muros Antonii scelus, audaciamque versari. Quamobrem omnia mea sententia complectar, vobis, ut intelligo, non invitis; ut & præstantissimis ducibus a nobis detur auctoritas; & fortissimis militibus spes ostendatur præmiorum; & judicetur non verbo, sed re, non modo non consul, sed etiam hostis Antonius; nam si ille consul, fustuarium meruerunt legiones, quæ consulem reliquerunt; sceleratus Cæsar, Brutus nefarius, qui contra consulem privato consilio exercitus comparaverunt; sin autem militibus exquirendi sunt honores novi propter eorum divinum, atque immortale meritum; ducibus autem ne referri quidem potest gratia: quis est, qui eum

non offem existimet, quem qui armis persequuntur, conservatores reipub. judicantur? At quam contumeliosus in edictis! quam barbarus! quam rudis! primum in Cæsarem maledicta congestit, deprompta ex recordatione impuditiæ, & stuprorum suorum. Quis enim hoc adolescento castior? quis modestior? quod in Juventute habemus illustrius exemplum veteris sanctitatis? quis autem illo, qui maledicit, impurior? Ignobilitatem objicit C. Cæsaris filio: ejus etiam naturalis pater, si vita suppeditasset, consul factus esset. Aricina mater; Trailianam, aut Ephesiam putes dicere; videte; quam despiciamur omnes, qui sumus e municipiis, idest, omnes plane: quotus enim quisque non est? quod autem municipium non contemnit is, qui Aricinum tantopere despicit, vetustate antiquissimum, jure fœderatum, propinquitate pœne fratribus, splendore municipum honestissimum? hinc Voconise; hinc Seantiniæ leges; hinc multæ sellæ curules & patrum memoria, & nostra; hinc equites Rom. lautissimi plurimi, & honestissimi; sed, si Aricinam uxorem non probas, cur probas Tusculanam? quamquam hujus sanctissimæ forminx, atque optimæ pater M. Attius Balbus, in primis honestus, prætorius fuit: tuæ conjugis, bonæ sceminæ, locupletis quidem certe, Bambalio quidam pater, homo nullo numero; nihil illo contemptius, qui propter hæsitantiam linguæ, stuporemque cordis cognomen ex contumelia traxerit; at avus nobilis, Tuditanus nempe ille, qui cum palla, & cothurnis nummos populo de Rostribus spargere solebat; vellent, hanc contemptiorem pecuniam suis reliquisset. Habetis nobilitatem generis gloriosam. Qui autem convenit, ut tibi Julia natus ignobilis videatur, cum tu eodem materno genere soleas gloriari? quæ porro amentia est, eum aliquid dicere de uxorum ignobilitate, cujus pater Numitoriam Fregellanam, proditoris filiam, habuerit uxorem; ipse ex libertini filia suscepit liberos? sed hoc clarissimi viri viderint, L. Philippus; qui habet Aricinam uxorem; C. Marcellus, qui Aricinæ filiam; quos certo scio dignitatis optimarum; sceminarum non pœnitere. Idem etiam Q. Ciceronem, fratris mei filium, compellat edicto: nec sentit amens commendationem esse compellationem suam; quid enim accidere huic adolescenti potuit optatius, quam cognosci ab omnibus, Cæsaris consiliorum esse socium, Antonii furoris inimicum? At etiam gladiator ausus est scribere, huic de patris, & patris parricidio cogitasse. O admirabilem impudentiam, audaciam, temeritatem! in eum adolescentem hoc scribere audere, quem ego, & frater meus, propter ejus suavissimos, atque optimos mores, præstantissimumque ingenium, certatim amamus, omnibusque horis oculis, auribus, complexu tenemus? Nam me iisdem edictis, nescit, lædat, an laudet; cum idem supplicium minatur optimis civibus, quod ego de sceleratissimis sumperim: laudare videtur, quasi imitari velit; cum autem illam pulcherrimi facti memoriam retrahat: tum a sui similibus

invidiam aliquam in me commoveri putat. Sed ipse quid fecit? cum tot edicta proposuisset, edixit, ut adesset senatus frequens ad VIII. Kalend. Decemb. eo die ipse non affuit; at quomodo edixit? hæc sunt, ut opinor, verba in extremo: *Si quis non affuerit, hunc omnes existimare poterunt & interitus mei, & perditissimorum consiliorum auctorem fuisse.*

Quæ sunt perditæ consilia? an ea, quæ pertinent ad libertatem populi Rom. recuperandam? quorum consilio, cum Cæsari me auctorem, & hortatorem & esse, & fuisse fateor; quamquam ille non eguit consilio cujusquam: sed tamen currentem, ut dicitur, incitavi; nam interitus quidem tui quis bonus non esset auctor, cum in eo salus, & vita optimi cujusque, & libertas populi Rom. dignitasque consisteret? sed cum tam atroci edicto nos comitavisset, cur ipse non affuit? num putatis aliqua re tristi, ac severa? vino, atque epulis retentus, si illæ epulæ potius, quam popinæ nominandæ sunt; diem edicti obire neglexit: in ante diem IV. Kalend. Decemb. distulit: adesse in Capitolio iussit: quod in templum ipse, nescio quâ, per Gallorum cuniculum ascendit; conveniunt corrogati, & quidem amplius quidam homines, sed immemores dignitatis suæ; is enim erat dies, ea fama, is, qui senatum vocarat ut turpe senatori esset, nihil timere; ad eos tamen ipsos, qui conveniant, ne verbum quidem ausus est facere de Cæsare, cum de eo constituisset ad senatum referre: scriptam attulerat consularis quidam sententiam; quid est aliud de eo referre non audere, qui contra se consulem exercitum duceret, nisi se ipsum hostem judicare? Necessè enim erat alterutrum esse hostem: nec poterat aliter de adversariis duobus judicari; si igitur C. Cæsar hostis; cur consul nihil refert ad senatum? sin ille a senatu notandus non fuit, quod potest dicere, quin, cum de illo tacuerit, se hostem esse confessus sit? quem in edictis Spartacum appellat, hunc in senatu ne improbum quidem dicere audeat. At in rebus tristissimis quantos excitat risus? sententias edicti cujusdam memoriam mandavi: quas videtur ille peracutas putare; ego autem, quid intelligeret, quid dicere vellet, adhuc neminem inveni; nulla contumelia est, quam facit dignus; primum quid est, dignus? nam etiam malo digni multi, sicut ipse; an quam facit is, qui cum dignitate est? quæ autem potest esse major? quid est porro facere contumeliam? quis sic loquitur? deinde, *nec timet, quem denunciat inimicus.* Quid ergo? ab amico timor denunciari solet? horum similia deinceps; nonne satius est mutum esse, quam, quod nemo intelligat, dicere? en, cur magister ejus ex oratore arator factus sit, possideat in agro publico populi Rom. campi Leonini duo millia jugerum immunita, ut hominem stolidum magis etiam infatuat mercede publica. Sed hæc leviora fortasse: illud quæro, cur tam subito mansuetus in senatu fuerit, cum in edictis tam fuit ferus? quid autem atinuerit, L. Cassio, tribuno pl. fortissimo, & con-

& constantissimo civi, mortem denunciare, si in senatum venisset? D. Carfulenum, bene de repub. sentientem, a senatu vi, & minis expellere? T. Canutium, a quo erat honestissimis concionibus & sæpe, & jure vexatus, non templo solum, verum etiam aditu prohibere Capitolii? cui S. C. ne intercederent, verebatur? de supplicatione, credo, M. Lepidi, clarissimi viri; atque id erat periculum, de cuius honore extraordinario quotidie aliquid cogitabamus, ne ejus usitatus honos impediretur. Ac, ne sine causa videretur edixisse, ut senatus adesset, cum de rep. relaturus fuisset, allato nuncio de legione Quarta, mente concidit; & fugere festinans, S. C. de supplicatione, per discessionem fecit, cum id factum esset antea nunquam. Quæ vero profectio postea? quod iter paludali? quæ vitatio oculorum, lucis, urbis, fori? quam misera fuga? quam foeda? quam turpis? præclara tamen S. C. illo ipso die vespertinam, provinciarum religiosa sortitio; divina vero opportunitas, ut, quæ cuique apta esset, ea cuique obveniret. Præclare igitur facitis, tribuni pl., qui de præsidio consulum, senatusque referatis: meritoque vestro maximas vobis gratias omnes & agere, & habere debemus: qui enim periculo carere possumus in tanta hominum cupiditate, & audacia? ille autem, homo afflictus, & perditus, quæ de se expectat judicia graviora, quam amicorum suorum? familiarissimus ejus, mihi homo conjunctus, L. Lentulus, & P. Naso omni carens cupiditate, nullam se habere provinciam, nullam Antonii sortitionem fuisse judicarentur; quod idem fecit L. Philippus, vir patre, avo, majoribusque suis dignissimus; in eadem sententia fuit homo summa integritate, atque innocentia, C. Turanius; idem fecit Sp. Oppius; ipsi etiam, qui amicitiam M. Antonii veriti, plus ei tribuerunt, quam fortasse vellent, M. Piso, meus necessarius, & vir, & civis egregius; parique innocentia, M. Vehilius, senatus auctoritati se obtemperaturos esse dixerunt. Quid ego de L. Cinna loquar? ejus spectata multis, magnisque rebus singularis integritas minus admirabilem fecit hujus honestissimi facti gloriam: qui omnino provinciam neglexit, quam item magno animo, & constanti C. Cessidius repudiavit; qui sunt igitur reliqui, quos fors divira delectet? L. Antonius, & M. Antonius; o felicem utrumque! nihil enim maluerunt. C. Antonius Macedoniam; hunc quoque felicem: hanc enim habebat semper in ore provinciam: C. Calvisius Africam; nihil felicius: modo enim ex Africa decesserat, & quasi divinans se rediturum, duos legatos Uticæ reliquerat; deinde M. Iccius Siciliam, Q. Cassius Hispaniam; non habeo, quid suspicer; duarum credo provinciarum sortes minus divinas fuisse. O C. Cæsar, (adolescens appello) quam tu salutem reip. attulisti! quam improvisam! quam repentinam! qui enim hæc fugiens fecerit, quid faceret insequens? etenim in concione dixerat, se custodem fore urbis, usque ad Kal. Maj. ad urbem exercitum habiturum; o præclarum custodem ovium, ut

ajunt, lupum! custos ne urbis, an director, & vexator esset Antonius? & quidem se introiturum in urbem dixit, exiturumque cum vellet. Quid illud? nonne audiente populo, sedens pro æde Castoris dixit, nisi qui vicisset, victurum neminem? Hodierno die primum, P. C., longo intervallo in possessionem libertatis pedem ponimus: cuius quidem ego, quoad potui, non modo defensor, sed etiam conservator fui; cum autem id facere non possem, quievi, nec abieci, nec sine aliqua dignitate casum illam temporum, & dolorem tuli; hanc vero teterrimam belluam quis ferre posset, aut quo modo? quid est in Antonio, præter libidinem, crudelitatem, petulantiam, audaciam? ex his totus conglutinator est; nihil apparet in eo ingenuum, nihil moderatum, nihil prudens, nihil pudicum. Quapropter, quoniam res in id discrimen adducta est, utrum ille penas reipubl. luat, an nos serviamus: aliquando per deos immortales, P. C., patrium animum, virtutemque capiamus: ut aut libertatem propriam Romani generis, & nominis recuperemus; aut mortem servituti anteponamus; multa, quæ in libera civitate ferenda non essent, tulimus, & perpassi sumus, alii spe recuperandæ libertatis, alii vivendi nimia cupiditate; sed, si illa tulimus, quæ nos necessitas ferre coegit, quæ vis quædam pene fatalis; quæ tamen ipsa non tulimus: etiam ne hujus impuri latronis seremus teterrimum, crudelissimumque dominatum? Quid hic faciet, si potuerit, iratus, qui, cum succensere nemini posset, omnibus bonis fuerit inimicus? quid hic victor non audebit, qui, nullam adeptus victoriam, tanta scelera post Cæsaris interitum fecerit; refertam domum ejus exhauserit; hortos compilarit; ad se ex his omnia ornamenta transtulerit; cædis, & incendiorum causam quæsierit ex funere; duobus, aut tribus S. C. bene, & e rep. factis, reliquas res ad lucrum, prædamque revocaverit; vendiderit immunitates; civitates liberaverit; provincias universas ex imperii populi R. jure sustulerit: exules reduxerit, falsas leges C. Cæsaris nomine, & falsa decreta in æs incidenda, & in Capitolio figenda curaverit, earumque rerum omnium domesticum mercatum instituerit; populo R. leges imposuerit, armis, & præidiis populum, & magistratus foro excluderit; senatum stiparit armatis; armatos in cella Concordiæ, cum senatum haberet, incluserit; ad legiones Brundisium cucurrerit; ex his optime sentientes curiones jugulaverit; cum exercitu Romam sit ad interitum nostrum, & ad disperditionem urbis venire conatus? atque is, ab hoc impetu abstractus consilio, & copiis Cæsaris, consensu veteranorum, virtute legionum, ne fortuna quidem fractus, minuit audaciam; nec ruere demens, nec furere desinit; in Galliam mutilatum ducit exercitum: cum una legione, & ea vacillante, L. fratrem expectat; quo neminem reperire potest sui similiorem; ille autem, ex myrmillone dux, ex gladiatore imperator, quas fecit strages, ubicumque posuit vestigia? cædit greges armentorum, reliquæ pecoris



pecoris quodcumque nactus est : epulantur milites : ipse autem se, ut fratrem imitetur, obruit vino ; vastantur agri : diripiuntur villæ ; matresfamilias, virgines, pueri ingenui abripiuntur, militibus traduntur ; hæc eadem, quacumque exercitum duxit, fecit M. Antonius. His vos terribilissimis fratribus portas aperietis, hos unquam in urbem recipietis ? non, tempore oblato, duobus paratis, animis militum incitatis, populo R. conspirante, Italia tota ad libertatem recuperandam excitata, deorum immortalium beneficio utemini ? nullum erit tempus, hoc amisso ; a tergo, a fronte, a lateribus tenebitur, si in Galliam venerit : nec illis armis solum, sed etiam decretis nostris urgendus est ; magna vis est, magnum nomen unum, & idem sentientis senatus ; videtis ne refectum forum ? populum R. ad spem recuperandæ libertatis erectum ? qui longo intervallo cum frequentes hic videt nos, tum sperat etiam liberos convenisse ; hunc ego diem expectans, M. Antonii scelerata arma vitavi tum, cum ille in me absentem invehens, non intelligebat, quod ad tempus me, & meas vires reservarem ; si enim tum illi cædi a me initium querenti respondere voluissim ; nunc reipubl. consulere non possem ; hanc vero nactus facultatem, nullum tempus P. C. dimittam neque diurnum, neque nocturnum, quin de libertate populi R., de dignitate vestra, quod cogitandum sit, cogitem, quod agendum, atque faciendum, id non modo non recusem, sed appetam etiam, atque deposeam ; hoc feci semper dum licuit : intermisi, quoad non licuit ; jam non solum licet, sed etiam necesse est, nisi servire malimus, quam ne servamus, animis, armisque decernere. Dii immortales nobis hæc præsidia dederunt, urbi Cæsarem, Brutum Galliæ ; si enim ille urbem opprimere potuisset statim, si Galliam tenere paulo post ; optimo cuique percundum, reliquis esset serviendum. Hanc igitur occasionem oblatam tenete, per deos immortales, P. C., & amplissimi orbis terræ consilii principes vos esse, aliquando recordamini ; signum date populo R. consilium vestrum non deesse reip. quoniam ille virtutem suam non defuturam esse proficitur ; nihil est, quod moveam vos ; nemo est tam stultus, qui non intelligat, si indormierimus huic tempori, non modo crudelem, superbamque dominationem nobis, sed ignominiosam etiam, & flagitiosam ferendam. Nostis insolentiam Antonii, nostis amicos, nostis totam domum ; libidinosi, petulantibus, impuri, impudici, aleatoribus, ebriis servire, ea summa miseria est, summo dedecore conjuncta. Quod si jam, quod dii omen avertant, fatum extremum reip. venit ; quod gladatores nobiles faciunt, ut honeste decumbant ; faciamus nos principes orbis terrarum, gentiumque omnium, ut cum dignitate potius cadamus, quam cum ignominia serviamus ; nihil est detestabilius dedecore, nihil foedius servitute ; ad decus, & ad libertatem nati sumus : aut hæc teneamus, aut cum dignitate moriamur ; minimum diu teximus, quid sentiremus : nunc jam apertum

tum est: omnes patefecerunt, in utramque partem quid sentiant, quid velint; sunt impii cives pro caritate reip. nimium multi; pro multitudine bene sentientium admodum pauci; quorum opprimendorum dii immortales incredibilem reip. potestatem, & fortunam dederunt; ad ea enim præsidia, quæ habemus, jam accedunt consules summa prudentia, virtute, concordia, multos menses de populi R. libertate commentati, atque meditari; his auctoribus, & ducibus, diis iuvantibus, nobis vigilantibus, & multum in posterum providentibus, populo R. consentiente, erimus profecto liberi brevi tempore; jucundiorum autem faciet libertatem servitutis recordatio. Quas ob res, quod trib. pl. verba fecerunt, ut senatus Kal. Jan. tuto haberi, sententiæque de summa reip. libere dici possint; de ea re ita censeo, ut C. Pansa, A. Hirtius, consules designati, dent operam, uti senatus Kal. Jan. tuto haberi possit: quodque edictum D. Bruti imperatoris, consulis designati, optime de rep. meriti, propositum sit, senatum existimare, D. Brutum imperatorem, consulem designatum, optime de rep. mereri, cum senatus auctoritatem, populi R. libertatem, imperiumque defendat: quodque provinciam Galliam citeriorem, optimorum, & fortissimorum virorum, amicissimorumque reip. civium, exercitumque in senatus potestate retineat, id eum, exercitumque ejus, municipia, colonias provinciæ Galliæ recte, atque ordine, exque rep. fecisse, & facere; senatum ad summam remp. pertinere arbitrari, a D. Bruto, & L. Planco imperatoribus, consulibus designatis, itemque a cæteris, qui provincias obtinent, obtineri ex lege Julia, quoad ex S. C. cuique eorum successum sit; eosque dare operam, ut ex provinciæ, exercitusque in senatus, populi R. potestate, præsidioque reip. fiat; cumque opera, virtute, consilio C. Cæsaris, summoque consensu militum veteranorum, qui ejus auctoritatem secuti reip. præsidio sunt, & fuerunt, a gravissimis periculis populus R. defensus sit, & hoc tempore defendatur; cumque legio Martia Albæ constiterit, in municipio fidelissimo, & fortissimo, seque ad senatus auctoritatem, populi R. libertatem contulerit; & quod pari consilio, eademque virtute legio Quarta usq. L. Egnatulejo duce, cive egregio, senatus auctoritatem, populi R. libertatem defendat, ac defenderit; senatui magnæ curæ esse, ac fore, ut pro tantis eorumque in remp. meritis honores eis habeantur, gratiæque referantur: senatui placere, uti C. Pansa, A. Hirtius consules designati, cum magistratum inierint, si eis videretur, primo quoque tempore de his rebus ad hunc ordinem referrent, ita uti e rep. fideque sua videretur.

F I N I S.

MCG 2012483









